




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2837/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2837/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2837/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
2837/A




2837/A

W. II


~~Jovius~~ (Paulus)

GROVIO











74306

ELOGIA DOCTORVM  
VIRORVM AB AV-  
TORVM MEMORIA PVBLI-  
catis ingenii monumentis  
illustrium.

AVTHORE PAVLO IOVIO NO-  
VOCOMENSE, EPISCOPO  
NVCERINO.

PRAETER NOVA IOAN. LATO-  
mi Bergani in singulos Epigrammata: ad-  
iecimus ad priora Italicę editionis,  
illustrium aliquot Poëta-  
rum alia.



ANTVERPIAE  
*Apud Ioan. Bellerum sub insigni Falconis*

1 5 5 7





Jan: 29 1744-5 Had this Duplicate fr. Royal Library  
 valued by y. Bookseller appointed for y. Purpose  
 by y. University Wm. Cole



CLARISS. GENE-  
ROSIQVE IUVENIS,

DOM. ROBERTI A' BERNE-  
micourt, Baronis in Liesveldt,  
Domini Orlandiæ, pijs ma-  
nibus pacem, ac quie-  
tem, Io. Latomus.

**A**N mihi præcipies etiã, Mors inuida, quæ tu  
Vulnera fecisti, vulnera ut esse negem?  
Nec mihi concedes, ut iusto verba dolori  
Impendam? & iustus qua ratione, loquar?  
An quem tu perimis, vel aperto crimine, nostris  
Sensibus ereptum, carminibusq; voles?  
Ah, Mors, non possum. nec erit tua tanta tyrannis,  
Ut paria in viuos regna tenere velis.  
An ne etiam gaudes (ut false es liuida) fastum  
Ornari lachrymis, carminibusq; tuum?  
Et tua tum demum iactas illustria facta,  
Insigni è luctu quum grauiora vides?  
Vtcunq; est: seu te doleat, seu, dura, iuuabit,  
Me sanè in lachrymis, & gemitu esse iuuat.  
Et iuuat in miseros deducere carmina questus,  
Carmina cupresso conspicienda nigra:  
Et tecum miscere elegos, miscere querelas,  
Et casum generi, Schete, dolere tui.

\* 2

Et in-



Et iuuat hoc etiam, defuncti manibus illam  
Quam possum vitæ ferre decenter opem.  
Ah, non tã validis, vt quondam Epidaurius, herbis:  
Non quibus est medicis Phasias vsa focis:  
Sed cantu, & numeris. vtinã vel qualibus Orpheus  
Plutonem fregit, perdomuitq; canem.  
Nostra, nec addubito, Geticam illam causa graualet,  
Dignior & lachrymis, & pietate foret.  
Illi rapta licet fuerit crescentibus vxor  
Annis: tu solo pectore adultus eras.  
Vxor primus amor fuit, at non vltimus, illi:  
Hoc nisi, non alio tu potes igne frui.  
Prolibus at petiit forsan spatia apta creandis:  
Sed fuit in sterileis promior ille mareis.  
Quo minus ast iterum bis denis mensibus extes,  
Si quid obest, oberunt hæc tua fata: pater.  
Ne dicam, lachrymas quod iam deteraserat illa,  
Casum iterum fati segnis obire noui:  
Quid tua non luget? quid non dolet Agnia, fletu  
Exoratuos impediẽte sonos?  
Cum qua instauramus socii, quibus ille carebat:  
Cum lachrymis blandas, turba proluxa, preces.  
Hæc ego Bistoniam canerem si voce, mouerem  
Persephonen, durum Persephonesq; virum.  
Non grauis ille foret Stygias inflectere leges,  
Et sinere ad reditum stagna patere tuum.  
Tu neq; respiceres: neq; quod Ioue nata, timeres  
Ne quid Auernalis sumpseris antè tibi.

*Ipsæ*



Ipse opere insueto gauderet nauta: nec è quo  
Littore consuevit cymba referret onus.  
Hoc demùm officii nostrum exæquaret amorem,  
Et pietas animo par feret ista meo.  
Quod cano sed minus est: non est potis ista mouere  
Vena Medusæis horrida monstra comis.  
Infra animum longè subsidit carmen: ad ima  
Fertur ut insuetus, dum petit alta, faber.  
At quæ cymba minus firma est procurrere in altum,  
Littora, nil prohibet, per vada tuta legat.  
Sed neq; tuta lego: nam me meus ardor in æquor  
Altius, ingenii pro ratione, rapit.  
Scilicet excolui doctos in imagine vultus,  
Quos in Musæo condidit ille suo,  
Ille, inquam, Iouius: cui scriptus piscis, & herba,  
Et tenor historiae nomina longa dedit.  
Quemq; per ingenuæ laudis genus omne vagantem, &  
Carpentem titulis optima quæq; suis:  
Impulit huc studium pietatis, ut ora virorum,  
Ingenii propriis qui enituere bonis,  
Seu nostra miseri, seu sunt meliore beati  
Sorte, sua in villa viua videnda daret,  
Quam mire extruxit victuro in nomine, Comum  
Qua patriam Lari verberat vnda lacus.  
Picta videnda dedit: sed multò illustrius, addit  
Ex merito laudes quando cuiq; suas.  
Huic ego conatus nostris subscribere Musis,  
Carmina quæ lusi dedo, dicoq; tibi.



Quæ præcor ut uiuant, ne tu moriaris in illis,  
Et subeas vitæ damna iterata tuæ.  
Sed benè quòd mors est non hîc, velut antè, timenda:  
At tineæ, & blattæ, tempus & illud edax.  
Et sanè hæc timui: tamen & protrudimur ultra,  
Tardanteisq; meos spes rapit acris equos:  
Tū quòd nostræ aliquod forsan quoq; pōdus habebūt,  
Quæ nullo laudes sunt mihi felle litæ.  
Tum mea quòd pietas in te præluſtrior eſſet.  
Firmior ad longos ſi queat eſſe dies.  
Spes eſt, quum fidæ mea vitis inhæreat vlmo,  
Pondere quæ proprio preſſa iaceret humi.  
Donec erunt Muſæ, donec qui diligit illas,  
Et iam non totus barbarus orbis erit,  
Muſæum Iouii, Iouius dicetur & ipſe,  
Illaq; pictorum docta caterua virum.  
Et puto iam famam tranſiſſe Themistidos oram,  
Inq; Peruranis conſenſiſſe locis.  
Quis ſcit, ſi noſtra hæc illò uſq; Roberte, ſequantur?  
Mancipia à Dominis non decet eſſe ſuis.  
Quos inter melicos non ibis ut anſer olores,  
Ut pudor Aonii, parsq; pudenda, chori.  
Sed tua te virtus, doctæq; ſcientia mentis  
Aſſeret, illuſtri conſtituetq; loco.  
Quem licet octaua iuuenem trieteride raptum  
Uſum bis linguis nouit Apollo tribus.  
Nouit & ingenii quàm multa recondita in ipſo  
Tempore prompturus, ſi licuiſſet, erat.

Iudici-



*Iudicium accedit soceri post omnia Scheti,  
Et quasi de raptō nunc quoq; patre dolor.  
Nomine doctrinæ de mille sodalibus unum  
Legerat, ex eius stirpe futurus auus:  
Nomine doctrinæ curarum dulce leuamen  
Ingemit, estq; sui (credite) parte minor.  
Proin si quid mereor, si factum Paule probabis,  
Sit fas hunc libro præposuisse tuo.  
Quod quis ut inuideat: satis est hæc gloria nobis,  
Materies morbi crescat ut usq; sui.  
Tu mea apud doctas quum carmina legeris umbras,  
Grata celebratis sintq; Roberte, viris,  
Hæc per me Latomus vobis encomia scripsit,  
Dic, & amicitie pignus id esse meæ.  
Sic tibi det requiem, qui versat sortibus urnam  
Æacus: & longum, care Roberte, Vale.*

*1556. Idib. Decemb.*

*\* 4*



AD PAVLVM IOVI-  
VM IVNIOREM, IOAN.  
LATOMI.

**P**Aule, si adhuc superas, Iouiani nominis hæres,  
Ad te hæc missurus qualiacunq, fui.  
Sed quia longa via est, infessaq, forsân ab ho  
Ah, nimium, dixi, longus hic error erit. (ste:  
Non dare patronum, qui vindicet ista, verebar.  
Qui tamen è viuis hoc agat, vnus eris.  
Nam tu, cui volui, pars es mihi magna, placere,  
Musæi dominum quem reor esse sacri,  
Cuius in extrema precor hæc quoq, parte locari,  
Si tamen hoc gratum est: immò erit: es Iouius.



# HONORATI FA-

SITELLI.

**N**æ debent Iouio viri elegantes,  
 Bonis artibus omnibus politi!  
 Næ debent Iouio elegantiarum  
 Parenti, artibus omnibus polito,  
 Quantum vix animus capeffat vllus:  
 Nec vini modo, qui vident, amantq,  
 Urbani senis et falem, et lepores:  
 Sed quos lumine adempto auarus Orcus,  
 Quis scit, quo cohibet loco misellos?  
 Nam facit Iouius suis tabellis  
 Excultis lepido suo labore  
 Lethi funera non timere viuos,  
 Vitam viuere mortuos perennem.

\* 5



ELENCHVS DOCTO-  
RVM VIRORVM, QVORVM  
ELOGIA HOC IN OPERE  
DESCRIBVN-  
TVR.

A.

|  |      |     |
|--|------|-----|
| Actius Syncerus.                         | pag. | 174 |
| Albertus Magnus Episcopus Ratisponensis. |      |     |
|  | pag. | 13  |
| Albertus Crantzius.                      |      | 278 |
| Albertus Pighius Campensis.              |      | 231 |
| Albertus Pius Carporum Princeps.         |      | 181 |
| Alexander Achillinus.                    |      | 125 |
| Ambrosius Camaldulensis.                 |      | 28  |
| Andreas Maro.                            |      | 155 |
| Andreas Matthæus Aquatuiuius.            |      | 158 |
| Andreas Naugerius.                       |      | 169 |
| Angelus Politianus.                      |      | 82  |
| Antiochus Tibertus Cæsenas.              |      | 109 |
| Antonius Campanus.                       |      | 48  |
| Antonius Galathæus.                      |      | 246 |
| Antonius Nebrissenfis.                   |      | 138 |
| Antonius Panormita.                      |      | 29  |
| Antonius Tibaldeus.                      |      | 206 |
| Antonius Tilefius Cossentinus.           |      | 249 |
| Augustinus Iustinianus Genuensis.        |      | 260 |
| Augustinus Niphus Sueffanus.             |      | 202 |
| Aurelius Augurellus.                     |      | 148 |

B.

|                     |     |
|---------------------|-----|
| Baldus Perusinus.   | 23  |
| Baltasar Castellio. | 166 |

Baptista



# ELENCHVS DOCT. VIRO.

|  |     |
|--|-----|
| Baptista Mantuanus Carmelita.            | 132 |
| Baptista Pius.                           | 225 |
| Bartolomeus Cocles.                      | 117 |
| Bartolomeus Facius.                      | 238 |
| Bartholus à Saxoferrato.                 | 20  |
| Beatus Rhenanus.                         | 278 |
| Benedictus Iouius Nouocomensis.          | 233 |
| Bernardinus Corius Mediolanensis.        | 126 |
| Bernardus Bibienna.                      | 140 |
| Bernardus Iustinianus Venetus.           | 243 |
| Bessarion Nicænus Cardinalis.            | 52  |
| Bilibaldus Pirckheimerus Nurembergensis. | 277 |
| Boccacius.                               | 20  |

## C.

|                                  |     |
|----------------------------------|-----|
| Callimachus Philippus.           | 90  |
| Camillus Ghilinus Mediolanensis. | 268 |
| Camillus Quernus Archipoëta.     | 178 |
| Christophorus Longolius.         | 145 |
| Christophorus Persona Romanus.   | 244 |
| Cœlius Calcagninus.              | 258 |
| Conradus Goclenius.              | 277 |
| Cornelius Scepærus.              | 285 |
| Cosmus Pactius Florentinus.      | 274 |

## D.

|                         |    |
|-------------------------|----|
| Danthes Aldigerius.     | 17 |
| Descriptio Musæi.       | 4  |
| Donatus Acciaiolus.     | 37 |
| Domitius Calderinus.    | 46 |
| Demetrius Chalcondyles. | 64 |

## E.

|                     |     |
|---------------------|-----|
| Egidius Cardinalis. | 187 |
| Elisius Calentius.  | 98  |

Emanuel



ORIVLENC HV S H O M A J E

|                        |     |
|------------------------|-----|
| - Emanuel Chrysoloras. | 50  |
| - Erasmus Roterodamus. | 208 |

F.

|                               |     |
|-------------------------------|-----|
| Flavius Blondus Foroliuensis. | 34  |
| Franciscus Arfillus.          | 227 |
| Franciscus Marius Grapaldus.  | 134 |
| - Franciscus Petrarca.        | 18  |
| - Franciscus Philelphus.      | 38  |
| Franciscus Vatablus.          | 287 |

G.

|                               |     |
|-------------------------------|-----|
| Gabriel Altilius.             | 253 |
| Gaguinus Gallus.              | 264 |
| Galeottus Martius Narniensis. | 97  |
| Garcias Lassus.               | 287 |
| Gaspar Contarenus Cardinalis. | 220 |
| Gaspar Vrsinus Vindelicus.    | 278 |
| Georgius Logus.               | 283 |
| Georgius Merula.              | 80  |
| Georgius Sauromanus Germanus. | 257 |
| - Georgius Trapezuntius.      | 55  |
| Georgius Valla Placentinus.   | 241 |
| Germanicæ Nationis Elogium.   | 278 |
| Germanus Brixius.             | 267 |
| Gregorius Tiphernas.          | 244 |
| Guarinus Veronenfis.          | 239 |
| Guido Posthumus Pisarenfis.   | 150 |
| - Gulielmus Budæus.           | 213 |
| Gulielmus Pellicerius.        | 286 |

H.

|                               |     |
|-------------------------------|-----|
| - Hector Boëthus.             | 262 |
| - Henricus Cornelius Agrippa. | 223 |
| Hercules Strozza.             | 113 |

Hermo-



# DOCTORVM VIRORVM.

|                        |     |   |
|------------------------|-----|---|
| Hermolaus Barbarus.    | 77  | — |
| Hieronymus Aleander.   | 216 |   |
| Hieronymus Donatus.    | 123 |   |
| Hieronymus Sauonarola. | 92  | — |

## I.

|                                     |     |   |
|-------------------------------------|-----|---|
| Iacobus Angelus Florentinus.        | 262 |   |
| Iacobus Bracelius Ligur.            | 241 |   |
| Iacobus Cardinalis Papiensis.       | 44  |   |
| Iacobus Faber Stapulensis.          | 248 |   |
| Iacobus Sanazarius.                 | 174 | — |
| Iacobus Tufanus.                    | 286 |   |
| Ianus Pannonius.                    | 283 |   |
| Ianus Parrhasius.                   | 255 |   |
| Iason Maynus.                       | 143 |   |
| Imaginum ordines.                   | 11  |   |
| Ioachimus Camerarius.               | 278 |   |
| Ioachimus Perionius.                | 286 |   |
| Ioachimus Vadianus.                 | 277 |   |
| Ioannes Argyropylus.                | 59  |   |
| Ioannes Cotta.                      | 119 |   |
| Ioannes Cuspinianus Viennensis.     | 277 |   |
| Ioannes Dantiscus.                  | 282 |   |
| Ioannes Franciscus Picus Mirandula. | 190 | — |
| Ioannes Lascars.                    | 68  |   |
| Ioannes Manardus Ferrariensis.      | 178 |   |
| Ioannes Marius Catanæus.            | 172 |   |
| Ioannes Picus Mirandula.            | 86  | — |
| Ioannes Regiomontanus.              | 271 | — |
| Ioannes Reuclinus Germanus.         | 270 | — |
| Ioannes Ruellius Suefsionensis.     | 204 |   |
| Ioannes Scotus.                     | 13  | — |
| Ioannes Sepulveda.                  | 288 |   |

Ioannes



# ELENCHVS

|                    |     |
|--------------------|-----|
| Ioannes Simoneta.  | 242 |
| Ioannes Tortelius. | 237 |
| Iouianus Pontanus. | 101 |

## L.

|                               |     |
|-------------------------------|-----|
| — Lampridius.                 | 219 |
| Lancinus Curtius.             | 130 |
| Lazarus Baiphius.             | 286 |
| Laurentius Laurentianus.      | 108 |
| — Laurentius Medices.         | 73  |
| — Laurentius Valla            | 32  |
| Leo Baptista Albertus.        | 72  |
| — Leonardus Aretinus.         | 24  |
| Leonicus Tomæus.              | 200 |
| — Ludouicus Ariostus.         | 185 |
| Ludouicus Cœlius Rhodiginus.  | 247 |
| — Ludouicus Viues Valentinus. | 272 |

## M.

|                                       |     |
|---------------------------------------|-----|
| Maphæus Vegius Laudensis.             | 236 |
| Marcellus Virgilius Florentinus.      | 254 |
| Marcus Antonius Casanoua .            | 165 |
| Marcus Antonius Coccius Sabellicus.   | 106 |
| Marcus Antonius Turrianus Veronensis. | 128 |
| Marcus Musurus Cretenfis.             | 66  |
| Marinus Becichemus Scodrenfis.        | 265 |
| Marius Molsa.                         | 292 |
| — Marfilius Ficinus.                  | 94  |
| Martinus Cromerus.                    | 782 |
| Matthæus Palmerius Florentinus.       | 254 |
| Michaël Marullus Tarchaniota.         | 61  |
| Michaël Syluius.                      | 288 |
| Musæi descriptio.                     | 4   |

Nico-



# DOCTORVM VIRORVM.

## N.

|                        |     |
|------------------------|-----|
| Nicolaus Borbonius.    | 286 |
| Nicolaus Copernicus.   | 278 |
| Nicolaus Leonicens.    | 151 |
| Nicolaus Macciauellus. | 192 |
| Nicolaus Perottus.     | 41  |
| Nicolaus Tegrinus.     | 268 |

## O.

|                           |     |
|---------------------------|-----|
| Ordines imaginum.         | 11  |
| Otho Truchses Cardinalis. | 283 |

## P.

|                             |     |
|-----------------------------|-----|
| Pandulphus Collenucius.     | 100 |
| Paulus Aemilius Veronensis. | 266 |
| Petrus Alcyonius.           | 250 |
| Petrus Candidus December.   | 35  |
| Petrus Crinitus.            | 121 |
| Petrus Graulina.            | 160 |
| Petrus Leonius.             | 75  |
| Petrus Martyr Angleria.     | 252 |
| Petrus Nannius Alcmarianus. | 285 |
| Petrus Paulus Vergerius.    | 240 |
| Petrus Pomponatius.         | 153 |
| Philippus Beroaldus.        | 111 |
| Philippus Decius.           | 194 |
| Platina.                    | 43  |
| Pogius Florentinus.         | 26  |
| Polydorus Virgilius.        | 263 |
| Pomponius Gauricus.         | 163 |
| Pomponius Latus.            | 87  |

## R.

|                       |     |
|-----------------------|-----|
| Raphaël Volaterranus. | 245 |
| Robertus Valturius.   | 261 |
| Rodul-                |     |



ELENCHVS DOCT. VIRO.

Rodulphus Agricola Frisius. 70

Roffensis Cardinalis. 198

Rutilius. 212

S.

Salmonius Macrinus. 286

T.

— Theodorus Gaza. 57

— Thomas Aquinas. 14

— Thomas Linacrus Britannus. 135


— Thomas Morus Britannus. 196

Tranquillus Andronicus. 284

V.

Vdalricus Zasius. 277


FINIS.



*Will.<sup>m</sup> Cole*  
*Coll. Regal. Cantab. A. M.*



PAVLI IOVII NO-  
VOCOMENSIS, EPISCOPI  
NVCERINI, IMAGINES CLA-  
RORVM VIRORVM, AD OCTA-  
VIVM FARNESIVM VR-  
BIS PRAEFECTVM.

 ERILLVSTRI QVI-  
dē exēplo, & verē more maio-  
rū facis, Octaui Farnesi Princeps  
iuuentutis, qui socero Cæsari sin-  
gularis diligentiae, inuictæq; vir-  
tutis Imperatori armatus comes, vel in tanto ca-  
strorum fremitu, incerta dubij ocij momēta Mu-  
sis impertis: hac enim imitatione pernobili, non  
modo. C. Cæsaris, qui vnus summi iudicij, sum-  
maeque virtutis fastigium tenuit, sed Antonij,  
Bruti, Catonis, Octauij memoria recolitur. Quā-  
do hi, quod legimus, tui sanguinis, vereque Ro-  
mani Heroes, vel paludati & canēte classico nū-  
quā literarum studia remiserint. Quo fit, vt hanc  
excelsi, generosi que ingenij indolem, quam non  
adulenter admirari licet, tibi magnoperē gratu-  
lemur: quum ē Belgis iucundiore quadā episto-  
la, quæ non in castris cū peracri Gallo hoste col-  
latis, sed in præpingui ocio perscripta videri pos-  
sit, vltimam historiarum mearum partem effla-  
gites, repetasque item vehementer tanquā pro-  
missam, & gerendo bello Gallico valde oppor-  
tunam Argentoni viri grauisimi historiam, quam  
A mihi



mihi nuper expetenti, Nicolaus Rentius vetus,  
ac humanissimus amicus meus è Gallica lingua  
in Italicā, casta fide traduxit. Ante omnia verò,  
tanquā eruditæ iucunditatis munus desideres  
clarorū virorum imagines, quæ in Musæo no-  
stro ad Larium spectantur, & eas quidem per  
Elogia, quod nisi longo, difficiliq̃ labore par-  
uis in tabellis assemilanter expingi nequeant, sci-  
licet vt tantorum ingeniorum dotes admirabili  
varietate stylo descriptæ elegantioris oblectamē  
ti nomine ad animi iudicium transmittantur:  
multò enim grauius, pulchriusq̃ videtur in-  
gentium animorum virtutes proprijs annota-  
tas Elogijs ad admirationem intueri, quā dū-  
ctas ex vero diligenter effigies, inani quanquā  
iucunda oculis voluptate spectauisse. Verum &  
obiter quoque requiris, quod nequaquā, sal-  
uo pudore, & integra fide præstari posse vide-  
tur, vt Musæum iucundè graphiceq̃ describā,  
postquā id tibi secus, ac maximè cupiebas, pro-  
perante Cæsare, adire, spectareq̃ non licuit. Pa-  
rebo itaque lubenter honesta petenti, sed egre-  
gia fide debitum professo, aliquid mihi beni-  
gnè cōdonandum existimo, scilicet vt per par-  
tes huius æris alieni graue onus commodissimè  
dissoluatur. Tu verò singulari humanitate iuue-  
nis, facilè hoc dederis iam planè seni agroq̃; pe-  
dibus, ac his præsertim intempestiuis caloribus  
circumuento, quos nobis longè maximos ab  
æstuoso Buxeto, dum Cæsar belli, quā pacis  
avidior, ad algidas Germaniæ Alpes propera-  
ret, in multo et puluerulento itinere subeundos  
reliquistis.



reliquistis. Mirro igitur ante omnia libellū, dul-  
 ci breuitate periucundum, quo Elogia tabulis  
 pictis supposita cōtinentur. E singulis enim ima-  
 ginibus, singulæ exemptiles tabellæ dependent  
 in membrana, vitæ atque operum summā præ-  
 ferentes. Argentonus autem, qui Veneto prælo  
 excuditur, totius Italiæ ciuitate donatus, ad te,  
 ac idēo libenter, quod ad Belgas suos redit, post  
 paucos dies perueniet. Quod verò ad historias  
 meas pertinet, eas nequaquā tutò tabellarijs  
 committi posse putauerim; ne interceptæ quo-  
 rundam animos offendant, nunquā enim vel  
æquissimus rerum gestarum scriptor, victis pa-  
 riter, atque victoribus satisfecit, quo minus v-  
 trinque gratiam suam extenuet, vel odium quæ-  
 rat, quod eum facile sit factiosa, superbaq;  
 iudicia subire, qui inter viuos libero  
 ore locutus, tanquā posteris  
 gratum factururus, non pro-  
 cul ab inuidia fortunæ  
 ludos percri-  
 bit. Vale.

A. 2. Mu-



**P**UBLICATIS, AC IN MVSÆO  
 tanquā augusto Virtutis tēplo dedicatis  
 clarorū virorū tabulis, illæ ipsæ veluti spi-  
 rantes imagines, æquissimo iure deposcunt, vt  
 Musæum quoque sua sacrata sedes, eodē condi-  
 toris stylo describatur: sed id vetat ingenuus pu-  
 dor, qui tamē eruditis subrusticus videtur. Quis  
 enim vanitate ingenij nō præclare stultus & in-  
 eptus est, qui quū sua miretur, ea demum pluris  
 æstimet, quā aliena? At is herclē multò stolidi-  
 or euaserit, qui seuerē, parceque narrando, confi-  
 lij atq; operis sui dignitatē eleuet, vt modestiæ  
 laudem ferat: ille porrò insanus poterit videri,  
 qui dum sibi tenerius blandiendū existimat, cer-  
 tos veritatis fines ambitiosis excessibus pertur-  
 bet. Sed ego, si Musis hospitibus placet, aureæ  
 mediocritatis modū tenebo, vt has suburbani,  
 literatiq; ocij delicias ita exprimā, vt inuidiā eo-  
 rū iudicio, qui hæc viderint, facilē deuītē: indē-  
 que mihi securior, ac vberior voluptas obuēni-  
 at: quādo & hæc omnia Donius Ethruscus va-  
 tes miscellaneo opere edito, ac ob id incolumi  
 pudore meo disertissimē decātarit. Neq; enim,  
 cū nihil maius, & supra fortunā meā luculētius  
 exprimi velim, vel adulātibus, adeo verecūdē sub  
 irascor, vt dispudeat læta frōte cōfiteri id esse Mu-  
 sæū, quod elegātes, clariq; hospites sapius inui-  
 sunt, perpetuò ciues frequētant, ipseque ante ali-  
 os Alfonsus Daualus vtranq; laureā meritis, &  
 preclarus



præclarus inchoati, absolutique operis adiutor,  
 omnibus æstiuis secessib<sup>9</sup> anteposit. Villa est in  
 cōspectu vr̄bis peninsulæ modo in subiectū cir-  
 cūfusi Larij pelagus exporrecta: nā ad septētrio-  
 nē, quadrata fronte, directisque lateribus in altū  
 excurrit, arenoso, puroque in littore, ob idque  
 maximē salubri, in ipsis Plinianæ villæ vestigijs  
 excitata. hoc enim præclaro, religiosæ vetustatis  
 testimonio, plurimū augetur ædificij decus, ac  
 plena gloriæ, ac admirationis auctoritas paratur.  
 fuit herclē, lōgo obrutā situ, & penitus iacen-  
 tē in patria clarissimi ciuis memoriā, nō ignobi-  
 li studio, & digna pietatē suscitasse: manet adhuc  
 stabili naturæ munere lætissima loci facies, ac æ-  
 terna præcellentis structuræ fundamenta extant:  
 quanquā absolutis operibus, et tempus edax,  
 & Larius ipse, vel subitis incrementis admirabi-  
 lis, potiusquā sæuus, dum perpetuò allidit, & flu-  
 ctibus pulsat, vehementer inuiderint. Visuntur  
 in profundo vado, quum lacus molli & vitreo  
 æquore stratus, & liquidus cōquiescit, quadra-  
 ta marmora, ingentes colūnarum trunci, deuora-  
 tæque pyramides, quibus antē portū lunatæ mo-  
 lis fauces ornabantur. Ab Oriente enim totius  
 ædificij obiectu, & producta in cubitum lapi-  
 dea mole aduersus Aquilones, trāquillus portus  
 efficitur, duplici quidem, & decēti podio coro-  
 natus. alterū ē cānedij porta effusus spectantesq;  
 marmoreis sedilibus excipit, quum applicantes  
 ab vr̄be amicorū nauiculæ salutantur. alterū ob-  
 longā areæ marginē, quæ portui imminet, pecto-  
 re tenus exornat, in hoc siquidē lata area definit,



binis inclusa viridarijs, murisque pinnatis, quæ  
 hippodromi speciem præbet. Ad dextram me-  
 dio lacu insula exurgit, firmissimo pariete circū-  
 septa, iucundaque eminentibus pomiferis arbo-  
 ribus: hæc Austri flatus arcet, & portum, obdu-  
 cto latere protegit: à continente dirimitur Euri-  
 po, quem Plinius viridem & gemmeum, nihil  
 adulatione mentitus appellabat. hunc præalto  
 ponte, ut nauigia, inclinatis malis permeent, iun-  
 gere cogitamus, si parta pace miseriarum finis o-  
 stendatur, ut, si lubet, vel inuito Neptuno, ad in-  
 stitutam piscinam transire liceat. Ibi enim ab al-  
 to lasciue prouecti pisces, ac in insulâ per obla-  
 ta, & cœcis anfractibus insidiosa foramina pene-  
 trantes, erepto reditu, tanquàm latis carceribus  
 asseruantur, ut duris tempestatibus exclusa pesca-  
 tio, nihil expetitur dubijs mensis eripiat. Ab ip-  
 so quoque insulæ aduerso latere, illa immortalis  
 virgo abdita intus, quæ dorica vocatur Echo, ex-  
 citantibus, quum læto clamore salutatur, celeri,  
 liberalique obsequio semper respōdet: nam du-  
 plicatas reddit voces, ac hisdem accētibus recan-  
 tat, & tum quidem ex hoc inani, sed dulci ioco,  
 blandissima capitur voluptas, quum circumue-  
 himur cymbis, natantesque pueros ad certamē  
 adhortamur, argenteolosque nummos audacis  
 præmia vrinantibus in alto dispergimus. Altera  
 porro ad occasum area, minor quidem, sed libe-  
 riore cœli facie, & multa oculis occurrentium  
 montium varietate iucundior, quā nominis ve-  
 stri merito Farnesiā vocamus, matutinis opacā  
 ymbris ita patescit, ut sub podio tutā ab Euris  
 statio-



stationē relinquat, sinuososq; Larij recessus, ac oppida apricis promōtorijs imposita, innumera biles itē villas, & veliferas cōmeantiū classes longissimē prospectet. At hi à leua, dextraq; diuersi portus, quod opportunē, decēterq; euenit, toto interiacētis Isthmi spacio cōiungūtur. Sic vt nō absurda bimarīs Corinthi similitudine, dū iocamur, hūc tanquā ab Aëgeo Cenchræū, illū ab Ionio Lechræū vocitemus: nā quā terrestris aditus ad villā patet, Isthmus binis ingētibus munitus portis, oblōgo tractu totius ædificij frontē æquatē cōplet, & exornat, dignumq; prorsus primaria ianua, et perpīcto atrio vestibulū præbet. hinc aliæ, atq; aliæ ex opposito aperiūtur valua, quæ rectissimo trāsitu, & valdē grata intro spectātibus serie, per concameratas topiario opere Iulianas vites, ad hortos, et ad syluosos mōtes ducūt; ab his per fictiles tubulos salīētes aquæ perennē, & limpidissimū fontē duximus in Doricā porticū, magno quidē labore, et reluctāte sæpe Nympha, quod ea tanquā ex Oreadibus, egregiē syluestris, opaci & silētis ocij cupida, hæc tecta frēquētia, occursumq; hominū, timidissimē deuītaret, nūc effecta blādior, spōte ascendit in statuā Deę naturæ erectā, & per papillas erumpit, vt in marmoreū labrū effundatur. Hoc vno pulcherrimo fonte mirē gaudet Musæū, inde enim ad summum apicem florentis elegantia peruenit, nam interiora conclauia porticus, dietas, æstiuā, hybernaque cubicula instaurasse multò luculentius, eximijsque picturis nobilius exornasse, quāuis alius opibus, ingenioq; validior facilē

A 4 potuit,



potuit, nos autem loci genium secuti, ardēti quidem studio, sed dubia spe absoluēdi operis, ita per partes ædificauimus, vt sæpe sera penitentia de fortunæ liberalitate desperasse videamur. Sed qui villas à beatioribus & Regulis, ac ideo supra ciuilibus fortunæ cēsum, magnificè ædificatas non viderūt, aut benigniore iudicio, nō insulsi operis elegantia, parum eruditis sumptibus anteponunt, facile mirantur primā porticū ab hilarī atrio statim occurrentem, quā à picturæ argumento personatā vocamus, quod prisco more hiantes comœdora personas per intercolumnia volitatibus suspensas stophijs, dum oculos moratur & detinet, intransibilibus ostēdat: nā inauratæ personæ, elegantioris vitæ præcepta, Laconicæ breuitatis effundere vidētur. hanc hyeme tepore eximius cōmendat, nam totā collectis radijs plurimus Sol implet. quum ad meridiē pertendens æstiuam (quā Doricam diximus) adeo celeriter relinquat, vt prandere simul, ac canare propter fontem spumoso strepitu sonantem, opacissimo loco possis, nisi te Apollo vates, nouemq; sorores in illud spaciosum, per illustreque conclaue, à quo tota villa Musæi nomē accepit, blandientes alliciant. hoc enim pluribus vndiq; fenestris ac ianuis circumuectū Solem, exortasq; eodem cursu perennes auras, aut admittit, aut quum lubet, obductis valuis excludit. In medio enim omnibus horis æquata spirant auræ, adeo moderato, & salubri spiritu, vt syrium in cœlo ardere non sentias, ob idque damnatos menses, tanquā vernæ temperie mitigatos, nondum venisse



venisse, aut certè silenter effluxisse, quum nec æstues, nec planè sitias, prorsus existimes. tota enim Villa ante meridiem, quū ex alto Sol vrget, obortis atefijs blandissimè vētilatur. In fronte quoque podium ab insigni proiēctura clatris ferreis circumseptum, in subiectas vndas prominet, quo nihil ad prospectum iucundius excogitari potest. Inde enim ad proiēctam escam allectos pisces hamata linea extrahere iuuat, & cū singulari voluptate innumeras natantium acies intueri: nam Larius ipse argēteo nitore translucidus, dū colores & species pisciū ad oculos trāsmittit, spectantibus arridet. Introrsus autem Apollo citharædus, & Musæ suis instructæ organis, cœnatibus applaudunt. Inuitat exinde loci mutatione gaudētes in proximum cubiculum suum Minerua, vbi priscorum ciuium simulachra visuntur, vtriusq; ante alios Plinij, antiquiorisq; Cæcilij, & Rufi Caninij poëtarū, Attilij itē grāmatici & Fabati, Neronis odio insignis, Mineruæ autem iuncta est bibliotheca: parua quidē, sed lectissimis referta libris, à depicta imagine Mercurio dicata. Ab hoc demū itur ad Sirenas, id est, cubiculum aliquantò retractius, tãquàm honestæ tributum voluptati, ac inde ad armamentarium, quod iuxta atrium, iure ipso, inuicti Cæsaris Caroli augusta insignia tuetur. Cæterum maximo conclauī adiuncta est nobilis illa cœnatio, tribus Gratijs meritò cōsecrata, quæ florido laqueari, minoribusque septē Doricis columnis, & facetissimo picturæ genere mirabiliter adornatur, quū peritus optices pictor



peristylj fugientis recessus, ex obliquo deceptis oculis expesserit. hinc quoq; vrbs ipsa penè tota conspicitur, & Larius peramœnis mœandris ad Germaniam reflexus, frequētiq; olea & lauro virentia littora, vitiferi colles, & nemorosa, aut læta pascuis nascentiū Alpiū iuga, nec plaustris quidem ardua despectantur: quocunq; te vertis noua atq; hilaris loci facies occurret, quæ oculos reficiat, nec vnquàm exfatiet. Sed tū opima, pleniorq; voluptas ostenditur, quum ad piscantes, extremaq; trahētes retia nauiculis aduolamus, ac incertæ sortis iactum mercari lubet, & capturæ piscium, intentis manibus, & oculis interesse percupimus. Quid dicam de superioribus cænaculis, in quæ de nomine virtutis, ac honoris argumēta lepidissimis inscriptionibus ostenduntur? his hyeme nihil apricius, illuminosius, atque tepidius experiri, videreq; contigit, quum toto ferè ambitu per varias fenestras, vitreis specularibus admittant soles, & sine fœce diē, & Larius ipse, vtpotè qui nusquàm gelasit, maritimi littoris naturā æmulatus, mirum teporē præbet, duriciemq; hyemis suauiter frāgit. Interior autē villa, quod magnopere Musis expetitur, strepitu vacua, & alti plena silentij, nitidaq; mūditijs ad secretiora studia, vel festiuis lufibus occupatū, comiter inuitant, nam (vr diximus) dirimente Isthmo, tanquàm in aliam minorē domum, & equilia hippodromo coniuncta, & penurias cellas, & culinæ toriusq; familiæ tumultū penitus excludit, aureæ profectò quietis beata sedes, ac exoptatæ potiùsq; cōcessæ libertatis



ris trāquillus, & salubris portus, ita vt hæc nobis Alexander frater tuus idē maximus Cardinalis, & gratissimus Mecœnas, in æstuosa Roma, publicis muneribus occupatus, inuidere possit.

## ORDINES IMAGINVM.

**I**MAGINES VEROS CLARORUM virorum vultus in tabulis pictis exprimentes, quas pertinaci multorū annorum studio, sumptuosaque, ac ob id propè insana curiositate, toto ferè terrarum orbe perquisitas in Musæo dedicauimus, quatuor omnino classibus distinguuntur.

Prima eorum est qui fato functi; quum ingenij fecunditate floruerint, fœlicium operum monumenta posteris reliquerunt. Horum Elogia, primus hic liber, Octaui Farnesi, nomini tuo dicatus continet, eo quidem ordine diligenter seruato, vt ad exactam temporis rationem, qui primò vita excefferint, subsequentes antecedant; Nulla enim alia ordinis nobilitas quæretur, nisi, quæ fatali vitæ exitu præscribetur: hac enim saluberrima lege totam litem, quæ de loco, dignitateque ambitiosè & turbulenter excitari possit, pacatis omnibus sustulimus.

Secunda Classis horum erit qui hodie viuunt; & publicatis ingenij dotibus, illustri fama, tãquàm certissimo vigiliarū fructu perfruuntur. Sed horum Elogia, accuratiore demum studio proferemus, quum mollioris ocij locus parato & cupienti benigna sæculi sorte cōcedetur. Religiosa enim grauioris censuræ trutina uiuentium laus expendenda videtur, ne amicitia, quæ mihi cum literatis integerrima semper fuit,

&




& hic ipse, quo semper latissimè viximus perspicuæ voluntatis cādor, recti iudiciij elidat nervos, laudandique pariter, & notandi libertatem eripiat. Quis enim summæ fœlicitatis ingenia satis laudauerit, aut nō insulse notauerit, quum iam prouisa nominis æternitate, omnem inuidiam superarint? & quòd non dispudeat, ad eliminandum æquissimus locus diligentiae relinquatur. In his recitandis, ab ætatis honore series ducetur, quum iuniores æquissimo iure, natu maioribus honestissimum locum concedant.

Tertia porrò classis præcellentium operum artifices excipiet. hæc periucundo libello explicabitur, quum præter picturæ, cælaturæque decus, ex certis nobilium artificum monumentis demonstratum, facetissimorum etiam hominum, qui dictis, aut scriptis excitato risu, ægorum animorum curas alleuarint, memoria renouetur.

Quarta erit maximorum Pontificum, Regum, & Ducum, qui pace & bello gloriam consecuti, præclara ingentium facinorum exempla imitanda, aut vitanda posteris tradiderunt: harum imaginum populus stupenda varietate mirabilis, tum maximè incredibilem spectantibus afferet voluptatem, quum per Elogia sigillatim arguta brevitate describetur.

AL-





## ALBERTVS MAGNVS.

**S**IT HOC TIBI, QVAN-  
quā breue, elogiorum omnium  
meritò luculentissimum Alberte  
Sueue, Artobrigensiū sanctissime  
Antistes, postq̄ docendo scriben-  
doque Theologiæ Philosophiæq; totius locos  
omnes, miris celsissimi ingenij tui luminibus il-  
lustrasti, vt illud in literis nemini adhuc conces-  
sum, & quod viuo rara fœlicitate cōtigit, Magni  
cognomen assequerēre. Vixisti quippe cæteris  
aliquantò beatius, hoc est alterum & octogesi-  
mum ætatis annū: scilicet, vt immortalitati tuæ  
iusta gloria plenus interesses, accumulatoq; fœ-  
cundissimi ingenij meritò, clarioris tituli mune-  
re dignus censerēre. Deferebat enim Maximi co-  
gnomentum gymnasiolorum omnium consen-  
sus, nisi publico voto, Christiana verecundia re-  
stitisses. Sed quid tibi maius Dij immortales da-  
re potuerūt? quā vt diu in terris viuus, & inco-  
lumis, inusitata, nec vnquam, nisi post fata ob-  
uenientis gloriæ fructum perciperes?

FERDINANDI BALAMII.

*Magna parens, altrixq; virum Germania, alumni**Incedit meritò laude superba sui.**Naturæ, ac rerum vires, causasq; latentes,**Hoc nemo nobis doctius explicuit.**Magnus ob egregias fœcundi pectoris artes,**Dictus es, at Ionii nunc ope maior eris.*

IANI-



*Natura has violas, ratio hæc tibi lilia passim  
Ad tumulum spargunt, Theutone magne tuum.  
Purpureis quarum tribulos auellis ab hortis,  
Et pulchris violis lilia mista seris,  
Auiq; abstrusa pandis penetralia causæ,  
Verè igitur Magni nomine dignus eras.*

## LATOMI.

*Quantum erat, hoc quondã cognomen, Magne, tulisse,  
Quum solidè doctus nullus in orbe foret?  
Eslo: vetustatis factum laudatq; probatq;  
Et tibi Posteritas sancit, habetq; ratum.*

## SANCTVS THOMAS. II.

**D**IVI THOMAE AQUINATIS hæc erat facies, quû in primis studiorû honoribus, decoræ iuuetæ hilaris versa retur. Nôdû enim, vti postea in flexu ætatis euenit, illa subtristis ac omni alia ferè durior parcissime mēsæ disciplina, iugesq; demû lucubrationû vigiliæ, nobile, ac ideo tenerû corpus afflixerât. Hic enim planè adolescēs, abdicata antiquæ stirpis præclara nobilitate, ad quâ hodie Alfonsus Daualus inter Cæsaris duces longè clarissimus, maternû genus refert, & spreto demû omni patrimonio, neq; familiæ dignitati, neq; valedudini vnquâ pepercit. vt post edita diuini ingenij monumenta in cœlû, vndè venerat, vitæ integer euolaret. Idcirco defunctû in Volscis ad Amasenum amnē, quû supra naturæ potestaté, multa miracula operû ab eo edita renunciarentur, Ioannes Romanus Pontifex, ex Senatuscōsulto non dubitauit, quin eum solenni cerimoniam



nia inter diuos referret. Obijt non planè senex,  
 quum eū humanæ gloriæ, quæ ei ex studijs ma-  
 xima obuenerat, satietas cepisset, scilicet vt alte-  
 ram, quam absoluta pietate promerebat, cœlū  
 suspiciens, certiore voto sequeretur.

## INCERTI.

*Hic Thomæ cineres positi: cui fata dedere  
 Ingenium terris viuere, cœlo animam.*

## LATOMI.

*Doctior, an dicam vixisti purior? at quæ  
 Vixisti quo non tempore debueras.  
 Ingenium, sterili quod tunc defloruit æuo,  
 Hoc natum cœlo si meliore foret,  
 Fallor, vel poterat parasangis vincere multis,  
 Quotquot ab exculta pectoris arte vigent.*

## IOANNES SCOTVS.

## III.

**N**EMO EORVM QVI NON  
 in sano Christianæ pietatis amore flagra-  
 tes, vltro sese cœnobijs in seruitutē ad-  
 dixerint Ioāne Scoto in grauissimis studijs, aut  
acrior, aut subtilior fuit, quū admirandis com-  
mentationū voluminibus editis, nouā de nomi-  
ne suo sectā conderet, & in Aquinatis scripta  
non dissimulāter inueheretur. Natus est in vlti-  
 ma Britānia, ad Calydoniam syluā, vt minus mi-  
 rū sit, Anacharsin summæ sapiētiae philosophū  
 apud vecordissimos Scythas crasso, atque inge-  
 nijs excolēdis importuno cœlo patriā habuisse.  
 Verū hic proteruo, captiosoq; differendi genere  
 Christianis dogmatibus illulisse videtur, quum  
 passim inducta quæstione dubitabūsus, sacra-  
 tū rerum fidē, nequaquam tenui figmentorum  
 caligine



caligine confudisset. Seu itenim ideo lites im-  
mortales, quando eius placita, vel grauius ab ad-  
uersæ sectæ professoribus oppugnata, ex aduer-  
so ab eius discipulis acerrimè defendantur. Sed  
qui aliquot præclara eius ordinis ingenia, ad op-  
timam frugē nata, distorto scilicet ad veritatem  
itinere suspendisse, perdidisseque videtur, mani-  
festi aut certè occulti alicuius criminis apople-  
xia correptus, pœnas persoluit: ita quidem, vt ni-  
mis festinato funere pro mortuo tumulatus,  
quum redeunte vita, sero morbi impetum natu-  
ra discuteret, frustra ad petendam opem misera-  
bili mugitu edito, pulsatoque diu sepulchri la-  
pide, eliso tandē capite perierit: & de alio quo-  
que Ioanne Scoto, quod ex Gallicis Annalibus  
Crinitus recitat, verū esse crediderim, eum à con-  
iuratis discipulis, diui Casiani exeplo, graphijs  
confossum, inulta morte concidisse.

## IANIVITALIS.

*Quod nulli unquam hominum accidit, Viator,  
 Hic Scotus iaceo semel sepultus,  
 Et bis mortuus, omnibus sophistis  
 Argutus magis, atq, captiosus.*

## LATOMI.

*Quæcunq, humani fuerant, iurisq, sacra,  
 In dubium veniunt cuncta, vocante Scoto.  
 Quid? quod & in dubium illius sit vita vocata,  
 Morte illum simili ludificante strophæ?  
 Quum non antè virum vita iugularit adempta,  
 Quàm viuis tumulo conditus ille foret.*

DAN-



**P** RIMVS ITALORVM DAN-  
thes Aldigerius non instituto vetustatis  
ordine tantū; sed præcellenti grauis inge-  
nij fecunditate primū locū inter imagines me-  
ritus, optimo iure conſpicitur. hūc Florentia, fa-  
ctioſa eo ſæculo ciuitas protulit, ab altaq; men-  
tis indole cognitum Octouirali ſupremæ pote-  
ſtatis Magiſtratu inſignē fecit; vt mox fatali con-  
uerſa turbine & ſummum ciuem, & Etruſcæ lin-  
guæ conditorem, tanquā ſæua, & ingrata pa-  
tria proſcriberet. Sed exilium, vel toto Ethrurię  
principatu ei maius, & glorioſius fuit, quū il-  
lam ſub amara cogitatione excitatam, occulti,  
diuiniq; ingenij vim exacuerit, & inflammari-  
Enata ſiquidē eſt in exilio comœdia triplex Pla-  
tonicæ eruditionis lumine perilluſtris, vt abdi-  
cata patria totius Italiæ ciuitate donaretur. Ple-  
nus ideo gloria perenni, quū eam quæ pijs mor-  
talibus expetitur, cœleſtis auræ foelicitatē tanto  
ore, tantoque ſpiritu decantatam contēplare-  
tur, nulla adhuc oborta canitie Rauennę mor-  
bo interiit, adeo mentis compos, vt ſex verſus  
ſepulcro incidendos componeret. Nec Rauen-  
nates in apparatu funeris publico totius Italię ci-  
ui defuerunt, quū enim ſepulcrum ē marmo-  
re condidiſſent, non obſcurē exprobrata Ethru-  
ſcis acerbitate, nouam ſibi claritatem, glorioſa  
pietate vendicarunt.

IPSIVS DANTHIS.

*Iura monarchiæ, Superos, Phlegetonta, lacusq;  
Luſtrando cecini, voluerunt fata quouſque*

B

Sed



*Sed quia pars cessit melioribus hospita castris,  
Aetoremq; suum petiit felicior astris.*

*Hic claudor Danthes patriis extorris ab oris,  
Quem genuit parui Florentia mater amoris.*

Sed tumulum vetustate collabentem, Bernardus Bembus, Petri Bembi Cardinalis Pater, in ea urbe Praetor, opere caelato, & concamerato, additoque hoc epigrammate luculenter exornauit.

*Exigua Tumuli Danthes hic sorte iacebas,*

*Squallenti nulli cognite penè situ.*

*At nunc marmoreo subnixus conderis arcu,*

*Omnibus et cultu splendidiore nites.*

*Nimirum Bembus Musis incensus Ethruscis*

*Hoc tibi, quem imprimis hæc coluere, dedit.*

## L A T O M I.

*Maior ab exilio parta est tibi gloria, quàm si*

*Non esses patriam uertere iussus humum.*

*Ingenio siquidem stimulos dolor addidit, et te*

*Fecit ad ignotos condere verba modos.*

*Vt modò non certent de te tantùm oppida septem,*

*Italia affirmet tota sed esse suum.*

FRANCISCUS PETRARCA.

V.

**F**RANCISCUS PETRARCA eodem ciue magistroque suo Danthe, Ethruscæ linguæ facultatem constitutam planè, & certis adornatam numeris flagranter excepit, tanta ingenij solertia, duriora molliendo, & singulari suauitate, varijs modis flectendo numeros, ut enatam dudum, & vix dum flores ostendentem eloquentiam, ingenti cultura, ad absolutæ maturitatis fructum, summumq;



mumque ideo exactæ elegantia fastigium per-  
 duxerit, eamque laudem sit consecutus, ut in eo  
 poësis genere, amatorioque præsertim, castitate,  
 candore, dulcedine, nobilium poëtarum, & pri-  
 mus & ultimus sanis à scribendo deterritis exi-  
 stimetur. Sed tanti viri iudicium illudens fortu-  
 na grauitè fefellit, quum hæc æternæ fœlicita-  
 tis spiritum habitura, tanquam temporaria de-  
 spiceret, ut ex Latina Africa, vnde ei in Capito-  
 lio insignis laurea præmium fuit; certiolem, &  
 nobiliorem gloriam adsequeretur. Sed debeat  
 plurimum, ingenuo sudore semper æstuā-  
 ti, dum literas à multo quo miserè sepultas è Go-  
 thicis sepulcris excitaret, modò eum tanquam  
Italicæ linguæ conditorem & principem, ab in-  
 comparabili diuini ingenij virtute veneremur.  
Concessit naturæ planè senex ad Arquatum Pa-  
tauini agri vicum, vbi tumulus carmine ab se  
 composito nobilis conspicitur.

*Frigida Francisci lapis hic tegit ossa Petrarca,  
 Suscipe Virgo parens animam, sate virgine parce,  
 Fessaq; iam terris cœli requiescat in arce.*

## LATOMI.

*Qui tanta Ethrusci carminis dulcedine,  
 Tamq; æstuosis vexeris præconiis  
 Tuam puellam, ut nemo te non crederet  
 Flagrare, quantis nec vel Æthna incendiis  
 Atqui idem amoris frigidus neglexeris,  
 Quem spectat omnis amans, vel in tenebris scopum:  
 Amasse Lauram, an Lauream te dixerim?*



**B**OCCACIVS, EODEM FELICI  
 sæculo quo renatæ literæ Latinæ existi-  
 mantur, Certaldo oppido editus, alte-  
 ram in patria lingua pedestris eloquentiæ par-  
 tem, primus inchoavit, & absoluit. Neglexe-  
 rat eam Danthes in altitudinē Heroicæ comœ-  
 diæ diuino furore carminum abreptus. Petrar-  
 cha verò Latina oratione delectatus, tãquàm i-  
 gnobilem reliquerat, vt discipulo qui amore ei  
 frater fuit, quota sua pars, tanquàm ex patrimo-  
 nio nouæ laudis, legitimo nomine hæreditatis  
 obueniret; Non defuere tamen qui censerent,  
neque Boccacium versu, neque Petrarcham so-  
luta oratione valuisse, tantorum ingeniorū for-  
 tes alternante fortuna, ideoque ambos acri iudi-  
 cio in id munus intēdisse neruos, ad quod pro-  
 prior, atq; liquidior styli vena perflueret. Sed nō  
 dispari fato, & hic ipse in studijs opinione dece-  
 ptus est, quum præcipuo, ingētiq; labore, vt cer-  
 tū sibi decus pararet; penē frustra desudarit. ob-  
 solescent enim, & agrè quidem vitæ spiritum re-  
 tinent libri de Genealogia Deorum, varietateq;  
 fortunæ, & de fontibus accuratè potius q̃ foeli-  
 citer elaborati, quando iā illæ decem dierum fa-  
 bulæ, Milesiarum imitatione in gratiā oblectan-  
 di ocij, admirabili iucunditate cōpositæ, in om-  
 nium nationum linguas adoptentur, & sine vl-  
 la suspitione interitus, applaudēte populo cun-  
 ctorum operum gratiam antecedant. Excelsit è  
vita sexagesimo secūdo ætatis anno. Sepulchrū  
 eius cum marmorea effigie insculptis his carmi-  
 nibus



## DOCTORVM VIRORVM. 29

nibus in templo maximo Certaldi cōspicitur.  
*Hac sub mole iacent cineres, ac ossa Ioannis,  
 Mens sedet ante Deum, meritis ornata laborum.  
 Mortalis vitæ genitor Boccacius illi,  
 Patria Certaldum, studium fuit alma poësis.*

## MYRTEI.

*Si quæram cineres tuos Bocaci,  
 Hic iacent: si animam, petiuit astra:  
 Si qua gloria sit tuis libellis  
 Maior, non ego, Lydiæ sue linguæ  
 Cultor patriæ, & æmulus Latine:  
 Sed iudex erit, aut iocis Cupido,  
 Aut gaudens facili Venus loquela:  
 Aut, quem dicere malo, totus orbis,  
 Cui viuunt vñeres, cupidinesq̃:  
 Quibus cultior est tuus libellus,  
 Elegantior omnibus libellis.*

## LATOMI.

*Inter Auernaleis animam dum cogeret vñbras  
 Cyllenius Bocacii:  
 Ergo, ait, hæc nostri spes est præclara laboris,  
 Vestræq̃ gratitudinis?  
 Antea qui nulla vixistis lege dirempti,  
 Mixti nothi cum gnesiis,  
 In certam primus stirpem, classeisq̃, redegi.  
 Secans minorum gentium  
 Maiorumq̃, tribus: ut sit cognoscere promptum  
 Suos cuiq̃, posteros.  
 Immo, ait ille, arctè dum nos facis ipse sedere,  
 Totamq̃, farcis curiam  
 Patribus, astra tibi quis te magis inuidet ipso?  
 Nam plena sunt subsellia.*



**B**ARTHOLVS SENTINI IN VM-  
bria natus, magno acumine perspicacis ingenij Ius ciuile professus, in omnibus Italiae gymnasijs exactae doctrinae documenta reliquit. eum aduersus studiorum labores indomitum extitisse ferunt, consueuisseque uti in pertenui mensa, certis cibi, potusque mensuris ad tuendam valetudinem. Vt quum saepe memoria laberetur, obliuionis incommoda, assidua commentatione resarciret, Ob id voluptates omnes adeo seuerè reiecerat, ut ne horula quidem extra naturae necessitatem studijs subtraheretur: Sed eandem quoque seueritatem supra æquum in torquendis, nec adis que noxijs exercuisse visus est; quum rerum capitalium iudicijs praeslet, adeo, ut reum furti, nec ritè confessum, & in fontem, praecipiti sententia, supplicio affecerit. Ex ea acerbitate, quum inuidiam populari voce conflata subisset, conspectum hominum pudore vitabundus in arcanum ruris ocium euoluendis libris se abdidit, è qua demum studiorum intentione audacter egressus, aequales suos, doctrinae firmitate, & mira iudicij constantia superauit. Donatus est virtutis causa à Carolo Quarto Imperatore, gentilitijs Bohemiae Regum insignibus, quibus purpurei leonis forma aurato in campo, cum bicipiti cauda salientis exprimitur. Perusia autem supremam in gymnasio claritatem consecutus fortunas suas collocauit; duxitque uxorem; sed irrita spe masculae prolis. Verum infinitos propè discipulos, amore filijs pares, pra-



## DOCTORVM VIRORVM. 22

præcellētis doctrinæ reliquit hæredes. Defuit et  
 Latinæ eloquētiae facultas, ne summæ gloriæ fa-  
 stigiū teneret, & tamen est quod maximè mire-  
 mur, illū in ppetuo docēdi munere occupatū,  
 tot, & tanta volumina perscribere potuisse, quū  
 quadragesimo sexto ætatis anno, fato ereptus, iu-  
 stu de inchoatis, summa fœlicitate, nec dū perfe-  
 ctis operibus desiderium posteris reliquerit. Se-  
 pultus est ad arā maximā in tēplo diui Frācis-  
 ci.

## MYRTEI.

*Hic est Bartholus ille, iuris ingens  
 Lux, & commodus explicator. hic est,  
 Quem mors ante diem abstulit maligna.  
 Heu mors inuida, & æuo iniqua nostro,  
 Quæ leges iterum iacere cogis.*

## LATOMI.

*Vnquam si poterunt perire leges,  
 Cum ipsis Barthole legibus peribis:  
 Ast si harum steterit perenne nomen,  
 Non est quod timeas mori perennis.*

## BALDVS.

## VIII.

**B**ALDVS HONESTA VBAL-  
 dorum gente, Perusiæ natus, Bartholum  
 præceptorem subtilitate ingenij & va-  
 rietate doctrinæ superauit; nam à Patre medi-  
 co celebri, prius quam ius ciuile attingeret, dia-  
 lecticæ atque philosophiæ præceptis, haud me-  
 diocriter imbutus fuerat. Præcoci enim inge-  
 nio penè puer, non ad optimam modo fru-  
 gem, sed rarissimo etiam naturæ dono, ad lon-  
 gam senectutem peruenit. Verum præalto inge-  
 nio multa conuolenti, inuertentiq̃ue, stabilis

B 4

scientiæ



scientiæ constantia deërat, quoniam subtilissi-  
mè disputando, atque enarrando, non humani  
modò, sed diuini quoq; iuris intelligentia sum-  
mus; refrigerato demū iudicio, post altercatio-  
nes à Bartholo doctrinæ robore vinceretur. Eū  
eximia laude florentē, Ioannes Galeatius viceco-  
mes, potentia & gloria maximis Regibus æqua-  
tus, cū Ticini gymnasiū conderet, magnis præ-  
mijs euocauit. Ibi nunquā, senescente nominis  
fama, nunquā in publico munere defessis vi-  
ribus ad septuagesimū sextum peruenit annū:  
fatoq; functus est paulò anteq̃ ille Princeps, ex  
ternarum gentiū victor, properante fato more-  
retur. Ferunt Baldum diui Francisci habitum,  
quū expiraret, induisse. Tumulus in eius diui  
æde, cum hac rudi inscriptione conspicitur.

*Conditur hic Baldus, Francisci tegmine fultus,  
Doctorum princeps, Perusina conditus arce.*

## L A T O M I.

*Qui Baldum iuri negat accendisse lucernam,*

*Ille potest medio Sole negare diem.*

*Nam dudum extinctam hæc melioris secula lucis*

*Opprimerent: radiis sed micat illa suis:*

*Illæ suo auctori tantò speciosior, orbis*

*Fulgida quòd mediis luxerit in tenebris.*

## LEONARDVS ARETINVS IX.

**P** R I M V S I N I T A L I A L E O -  
nardus Aretij natus, Græcarū literarum  
decus à multis sæculis Barbarorum im-  
mani tyrannide proculcatum erexit, atque re-  
stituit. Eius enim incomparabili beneficio mo-  
rales Aristotelis libros optima fide traductos le-  
gimus



gimus. Historiæ quoq; ab eo eleganter conscrip-  
ptæ in manibus habentur. Hac ingenij fecundi-  
tate florentē, Innocētius septimus quanquā pla-  
nē iuuenem grauiſſimo muneri parem, epistola-  
rum Magistrū fecit. Ita demum eruditē, atq; in-  
tegrē officio functus, vt succedentibus quatuor  
Pōtificibus amplificata dignitate operam præsti-  
terit. Senescēri opes creuerunt cū aliena liberali-  
tate, tum sua tristi parsimonia cumulata, adeo  
vt Arlottus mordaci sale perurbanus, in fabel-  
lis eius genium relicto corpore in fuga sitiētem  
ridenter expreſſerit; mortuus, quod ei nullo pu-  
dori fuit, furti damnatus est, quod Gothicam  
historiam suppreſſo Procopij nomine publicaſ-  
ſet, accusante Christophoro Persona, qui aliud  
exemplar nactus, & Gothicam, & Perſicam ſi-  
mul atque Vandalicam, Græci authoris titulum  
ingenuē profitendo tranſtulerit. Nouiſſimē re-  
uocatus in Ethruriam populi Florentini res ge-  
ſtas perſcripſit, nec multo poſt ſenex diuitijs, &  
gloria plenus Florentiæ vita functus est, dignus  
vtique hoc ſepulchri titulo, ac marmoris orna-  
mento, quod in æde ſanctæ Crucis ſpectatur.

## CAROLI ARETINI.

*Postquàm Leonardus è vita migravit.  
Historia luget, eloquentia muta est.  
Ferturque Musas tum Græcas, tum  
Latinas, lachrymas tenere non potuisse.*

## LATOMI.

*Si quis bene vnquam meritus est de litteris,  
Is Leonardus erit.  
Qui fluctuanteis litteras Pelasgicas,*

B 5

*Exiliòque*



*Exilioque vagas*  
*Iam iam futuras: scilicet Byzantii*  
*Sceptra premente Deo,*  
*Late excitaais Barbaris: Quiritium*  
*Primus ad arua vocans,*  
*Septena duxit vrbis ad palatia.*  
*Vnde statim Italiam*  
*Missis per omnem plurimis coloniis,*  
*Tam bene nunc habitant,*  
*Solo vt nequirent in patrio opulentius.*  
*Proin Leonardetuo*  
*Fruere merito, gens Latina litteras*  
*Dum colet Argolicas.*

## POGIUS.

## X.

**P**OGIUS E' TERRANOVA FLORENTINÆ ditionis oppido, in hac luce Romani coeli, optimis literis ingeniū ita expoliuit, vt Pōtificijs scrinijs sub Eugenio & Nicolao præficeretur, æquatus scilicet honore summis viris, qui in eo munere fidelis, eruditiq; ingenij opera præstitissent. In his fuere Leonardus, Maphæus Vegius, & Ioannes Aurispa. Erat consilio grauis, et cūm luberet, facetiarū sale perurbanus; ita vt mira, & sæpè subita varietate ad ciendū risum modò prætextatis verbis vteretur, modò grauibus & malignis scommatibus alienæ famæ nomen perstringeret. Sed amaruléto libello in Vallā importunè inuectus, ab eodē pessimè audiendo cumulas maledicentiæ suæ pœnas luit, cūm Valla suo felle turgidus, & Faciū, & Panormitā, & Raudensem p̄brosis voluminibus iugulasset. Erat quoq; Pōgius adeo intēperans obiurgator, vt quū in theatro Pōpei, loco, & die celebri, vbi

bulla-



bullatorū diplomatū censura habebatur, Georgio Trapezūtio malediceret, ab eo acriter duplici colapho caderetur. Trāstulit demū ē Græco Diodorū Siculū: sed nobiles aliquot libellos de infelicitate Principū, varietateq; fortunæ, & de auaritiæ peste, orationes item plures cōposuit tāta ingenij fœcūditate, vt facetias etiā ad excitādam hilaritatē agris animis experēdas cōscriberet. Sed quod gratū & vtile posteris fuit, Ciceronis libros de finibus, & de legibus à se in Germania descriptos, in Italiā primus attulit: ita vt et ei quoq; Quintilianū in salsamētarij taberna reperi tū debere fateamur. Nouissimē ex multa peregrinatione, Romanaq; aula exactæ ætatis senex Florentiā reuersus, cōsummato oratore, ac optimo ciue dignā patriæ operā præstitit, cōscripta Latinē historia populi Florētini, quæ à Iacobo demū filio in Ethruscum sermonē versā legitur. Hic iā de functo patre, ex Pactiano scelere strangulatus, in prætorij fenestra cum cæteris pependit.

## MYRTI.

*Olim Pierides, olim Florentia mater,  
Viuentē risit Pogio.  
Nunc tumulum hunc adit, & donū pro carmine flores  
Fert, proq; risu lachrymas,  
Quæ nisi pro vera sat sint pietate, rogabit  
Arnus ministret vt suas.*

## ACTII SYNCERI.

*Dum Patriam laudat, damnat dum Poggius hostem  
Nec malus est ciuis, nec bonus historicus.*

## LATOMI.

*A grauib; potui studiis qui clarus haberi,  
Corrupti ingenium plus satis ipse meum.*

Con-



*Conuerti ad rixas animum, nugasq; facetas,  
 Sed Cato quas nolit, quasq; Sabina legi.  
 Hac ego quæsiui vitam male sanus in herba,  
 Heu facit ad vitā sed nihil ista seges.  
 Viuo tamen: sed non aliter quam Herostratus ille:  
 Quæsitā, & parta est crimine vita meo.  
 Vos moneo, ingenio quicumque & ab arte valetis,  
 A solidis vitæ quærite rebus opem.*

AMBROSIVS MONACHVS. XI.

**A**MBROSIVS MONACHVS  
 ex ordine Camaldulensium, qui supra  
 Florentiam in opacis Apennini iugis  
 dicatam cœnobio vitam seuerè ducunt, doctri-  
 næ grauitate ac ingenij præstantia æquales suos  
 antecessit. Græcè enim atque Latinè doctissi-  
 mus, cōplectente Cosmo, & mox Eugenio, &  
 Nicolao admiratibus, summū eius ordinis ho-  
 norē, qui Generalis præfecturæ hodie dicitur, ita  
 adeptus est, vt eum constanti iudicio Patres pur-  
 puræ destinarent, Dionysium enim Areopagitam  
 de cœlesti hierarchia, diuino spiritu proloquen-  
 tem, singulari eloquentiæ puritate Latinis ex-  
 presserat, atque item Diogenem Laërtium; ve-  
 rum non eadem cura, lima que perpolitum. Sed  
 & sacris operibus, bibliothecam, quæ ad Ange-  
 los spectatur, cumulatè refecit: quibus existima-  
 ri potest, nequaquam ei vires & facultates, sed  
 animum omnino defuisse, vt ad Romanæ fa-  
 cundia fastigium perueniret: abstractus enim in  
 altitudinem Christianæ contemplationis, uti pi-  
 um sacratumque virum decebat, totius vitæ oci-  
 um in diuinis literis consumpsit. Fuit hic vir;  
 quod



quod rarò euenit; sine oris tristitia sanctus, semper utique suauis, atque serenus; ita procul à liuore, contentioneque, ut quum Vallæ Pogium reconciliare conaretur, eos neque plane literatos, neque item Christianos videri diceret, qui inducta simultate sacrosanctum literarum decus probrosis libellis importunè defœdarent. Excesfit è vita planè senex, tumulatusq; est ad Angelos, vbi hoc carmen pius Vates affixit.

## SPINELLI.

*Attica mella sapis, redoles quoque nectar vbique,*

*Tu qui diuino numine, nomen habes:*

*Quod nisi dulcè canis referens mysteria diuinum,*

*Dulcius hoc certe est nectare, & ambrosia.*

## MYRTEI.

*Viximus ambrosia, sed enim concessimus Orco,*

*Nunc iterum coelo redditur ambrosia.*

## LATOMI.

*Qui legis hunc tumulum, legeres si scripta sepulti,*

*Possentque hic oculis nuda patere tuis:*

*Quàm fluit eloquio, quàm dulciter afficit, utq;*

*Nil nisi nectareum quolibet ore sapit:*

*Diuinus fieres, nec quamlibet antè scisisses,*

*Iurares dictum protinus Ambrosium.*

## ANTONIVS PANHORMITA. XII.

**A**NTONIVS PANHORMITA Siculus, Bononia equestri familia natus, qui à Pontano alumno elegantiarum pater appellatur, elatè genus suum ab ultimis Britannis, Becadellaque familia Bononiæ celebri repetebat, præclaro genti insignium argumento, quod iisdem militari in scuto, depictis

alatis



alatis viperis vteretur. Sed maiorem profectò sibi ex laude optimorum studiorū nobilitatē cōparasse videri potest. Moribus enim ac literis præstantibus exornatus, quum Philippo Mediolanensi Principi fertilis ingenij industriam obtulisset, tāta liberalitate susceptus est, vt Principem noscendæ historiæ cupidū, familiariter doceret, & publicè octingētis annuis aureis elegantiores literas profiteretur. Hic est ille Phillippus, qui summum clemētiae fructū generosis exoptatum regibus gloriosissimè decerpfit, quū Alfonso Regem nauali prælio captum, nō emisit modo, sed auctum copijs, ac opibus, in regnum restituerit. Verum eo grauissimis bellis occupato, Panormita Alfonso adhæsit, secretioris scrinij magister, et studiorū, expeditionumq; omnium terra, mariq; perpetuus comes. Scripsit Epistolas candidiore stylo, sed maxime iucundo, victoris Regis triumphū, & de factis dictisq; optimi eius Regis aureū libellum, quē Pius Pontifex, exemplis paribus intertextis, nobiliorem reddidisse videtur. Sed cū Valla demum ad exercendum maledicentiæ dentē, naturæ acerbitate paratissimo simultatem concepit, eo quidem euentu, vt mutuis veluti confixi telis, fœdè admodum inimicis risum excitarent. Senex vxorem duxit Arcellam sibi magnoperè dilectam, liberosq; suscepit, quorum honesta soboles Neapoli visitur. Postremo æger, vitæque diffidens, in supremo morbo, hoc carmen composuit, quod tumulo inscriberetur.

*Querite Pierides alium qui ploret amores,*

*Querite*



*Querite qui Regum fortia facta canat.  
 Me pater ille ingens hominum sator, atque redemptor  
 Euocat, & sedes donat adire pias.*

## PONTANI.

*Siste hospes, fas est cantus audire Dearum  
 Grata mora est: Musæ nam loca sacra tenent.  
 Antoni monumenta vides: hinc templa frequentant?  
 Ille fuit sacri maxima cura chori.  
 Illum sæpe suis medium statuere choreis,  
 Duxit compositos arte decente choros.  
 Sæpe lyram cessit Clio, cessere sorores,  
 Concinuit teneros voce manuq; sonos.  
 Extinctum fleuitq; Aon, fleuitq; Aganippe  
 Sebethus miseros egit in amne modos.  
 Sirenes quoque de scopulis miserabile carmen  
 Ingeminant: planctu littora pulsa sonant.  
 Pierides tristem ad tumulum fudere querelas,  
 Pierides passis post sua terga comis.  
 Hinc creuit desiderium, nec cura recessit  
 Vatis, at extincto vate remansit amor.  
 Conueniunt nunc ad tumulum, celebrantq; choreas,  
 Et memorant lusus magne Poëta tuos.  
 En audis sonet vt lenis concentibus aura?  
 Vt sonet appulsu concita terra pedum?  
 Hæc vati memores Musæ post fata rependunt:  
 Carminis hoc meritum est: num satis? hospes abi.*

## ELISII CALENTII.

*Qui molles elegos, & Regum gesta canebat  
 Sacra Panormitæ contegit ossa lapis.*

## IANI VITALIS.

*Has tibi dat violas, immortalesq; amaranthos  
 Ingeniorum altrix, & Martis alumna Panormos,*

Non



*Non quia torpentì Musas excire veterino,  
Aut Regum immensas potuisti assumere curas,  
Verum quòd Crassos inter, ditesq; Lucullos,  
Integer Antoni voluisti viuere Codrus.*

## LATOMI.

*Cum Valla, fateor, mihi non conuenit. ob id' ne  
Et salis, & Veneris laus mihi tota perit?  
Et vixi comis & (credite) semper amauì,  
Qui iuuenem duxi iam satis ipse senex.  
Dein colui Musas, quæ Valla, quia omnia spreuit,  
Dico illum humanum non timuisse modum.*

## LAVRENTIVS VALLA

## XIII.

**L**AVRENTIVS VALLA ROMANUS à Gothicis temporibus vsq; ad patrum nostrorum memoriam præalto sepultos somno ciues suos ad nobilium literarum studium excitauit. Indignatus enim tam diu corrumpi sæculum, leguleorum & sophistarum immani conspiratione, optimasque artes inculta sermonis barbarie defœdari, elegantiarum libros edidit, traditis Romanæ elocutionis præceptis ex accurata veterum scriptorum obseruatione, quibus iuuentus æmulandi studio ad detergendas corruptarum literarum sordes accenderetur; eam quoque illustrati patrij sermonis laudem Græcæ literæ cumularunt, quû Thucidydes, & Herodotus historiæ parentes, ipsius liberali labore è Gracia in Latium trāsierint. Fuit Valla ingenio maximè libero, ob idque mordaci, contentiosoque, vt potè qui aliena satyrico dente



dente facile perstringeret, & lites in literis, quasi  
 id opus esset, aduersus ignorantes acerrimas se-  
 reret. Extant enim inuectiuarum, & recriminati-  
 onū aliquot libri, eruditè falsèq; perscripti; qui-  
 bus dum læsi nominis famā tueretur, Facium Li-  
 gurē, Panormitam, Pogium, & Raudensem iu-  
 gulasse videri potest. Flagellatis quoque regio-  
 nū ludimagistris, vti multa bile redundās, quod  
 nihil in aula Pontificis sibi placeret, Neapolim  
 ad Alphonsum Regem se contulit, apud quem  
 de auitis bellis in Hispania, atq; Sicilia gestis, hi-  
 storia perscripta est, sed eo styli charactere, vt eius  
 minimè videri possit, qui cæteris elegantiarum  
 præcepta tradiderit. Edidit etiam opus de falsa  
 donatione Cōstantini, pio, & sacerdotis nomē  
 professo criminofum, atq; nefarium, vt pōtificij  
 Imperij authoritatē Græcorū scriptorū adstipu-  
 latione confirmatam conuellere niteretur. Sed  
 mox eadem inconstantia Regē deseruit, vel im-  
 probante Philelpho, vt nec planè senex in patria  
 moreretur. Sepulcrum calato ex marmore, cum  
 effigie, ac elogio, Catharina mater pientissimo  
 filio posuit, quod in Laterano (eius enim tēpli  
 flamen erat) introëuntibus ad dexteram specta-  
 tur. Obijt anno Christianæ salutis. M. CCCC.  
 LVII. Calendis Augusti.

## FRANCHINI COSENTINI.

*Laurens Valla iacet, Romanæ gloria linguæ;  
 Primus enim docuit qua decet arte loqui.*

## LATOMI.

*Barbaries Gothicis inuecta ferociter armis,  
 Constiterat solido per Latium omne gradu,*

C

Seq.



*Seq̃ clientelis quum iam munisset, & annis,  
 Inq̃ hostem blattas mitteret, & tineas:  
 Indignans patriam tam fœdè Valla iacere,  
 Armavit subitam, conseruitq̃ manum.  
 Illa supercilio sperans rem posse teneri,  
 Debacchata quidem, sed prope fracta fuit.  
 Et nisi per mortem, cecidisset tota profecto:  
 Interea vinci qua valet arte, liquet.  
 Quêis tibi pro meritis (si grata est, Roma probabit)  
 Ponimus hæc tumulo carmina Valla tuo.  
 Romulus est urbis, Valla est idiomatis author.  
 Hic reparat primus, primus ut ille struit.*

## FLAVIUS BLONDVS.

## XIIII.

**E** FOROLIVII VIAE AEMI-  
 lia nota vrbe Flavius Blondus prodijt,  
 rudi adhuc veteris elegantia saculo. Is  
 magno ausu, singularique industria, nec infelici  
 euentu, multorum annorum intermorientes res  
 gestas è tenebris excitare orsus, decadas conscrip-  
 psit, quibus ab inclinâte Romano imperio, fu-  
 nestâ tempora, ac ideo veritatis lumine orbata,  
 in lucem proferuntur. De vetustate quoque col-  
 lapsæ vrbis, ac eius demum resurgētis dignitate,  
 erudito operosoq̃ volumine publicato, quan-  
 tam nec ambitiosè quæsitam exoptarit, in literis  
 auctoritatem adeptus est. vndè ei honestæ opes  
 fauore Pōtificum accessere. Liberis operam da-  
 re, quàm sacris initiari maluit, suscepitq̃; Gaspa-  
 rem filium, quem vxor Margania Romani san-  
 guinis nobilitasse visa est: sed posterî, quâquàm  
 adauctis



adauctis fortunis, conditori familiæ minimè re-  
sponderunt. Fato functus est septuagenarius, tu-  
mulatusq; in Capitolio, extra limen templi dei-  
paræ Virginis (id enim Iouis Tonantis olim fuisse  
putamus) quod non secus ac antiquitus, au-  
thore Tacito, centum gradibus adeatur.

## IANI VITALIS.

*Eruiis è tenebris Romam dum, Blonde, sepultam,*

*Es nouus ingenio Romulus, atque Remus:*

*Illi Urbem struxere rudem, celeberrima surgit*

*Hæc eadem studiis ingenio setuis:*

*Barbarus illam hostis ruituram euertit, at isti*

*Nulla unquam poterunt tempora obesse tua.*

*Iure triumphalis tibi facta est Roma sepulcrum,*

*Illi ut tu viuas, viuat ut illa tibi.*

## LATOMI.

*Dum stetit augusto Romanum limite regnum,*

*Termine, Diis magnis æquiparandus eras.*

*Cedebant illi venturo ex arce Tonanti:*

*Custodi Imperii mansit, ut ante, locus.*

*Quid nunc mortali cedis, die Termine, Blondo?*

*Pondus habet meriti num Iouis, atque tui?*

PETRVS CANDIDVS DECEMBER.  
XV.

**C**ANDIDVS DECEMBER E  
Viglebano vrbe, quæ est inter Padum,  
& Ticinum, Laurentij Vallæ testimo-  
nio exactissimæ censuræ grammaticus, Me-  
diolani Græcæ, Latineque docuit, præstantie-  
ruditionis ac eloquentiæ fama. Eius extat Ap-  
pianus Alexandrinus è Græco in Latinum  
C 2 versus,



versus, id expetente Alphonso Rege, qui studio-  
fissimum quemque eius ætatis, vt ad locupletan-  
dā Latinā linguā, occultos Graciæ thesauros pro-  
ferrent, liberaliter inuitarat. Sed māci, passimque  
corrupti exēplaris Graci vitio, vel laboriosus in-  
terpres in eo opere sese cādidum præstare nō po-  
tuit, quum alia multò felicius perscripserit. In vi-  
ta enim Philippi Vicecomitis, quæ circumfertur,  
Suetonium lepidè admodū æmulatus, ita quod  
proposuerat expressit, vt aliquantò inuerecun-  
dius, quā scriptorem odio vacuum deceret, sty-  
lum exercuisse iudicetur, quū vitia hominis oc-  
cultā, nec vlli magis, quā ipsius pudori nocen-  
tia, ob idq; velandā prorsus, cupidè nimis, mali-  
gneq; detexerit, in eo præsertim Principe, in quo  
singularis illa, diuinæq; simillima clemētiae laus,  
cum probro multorum regum gloriosè refulsit.  
Fato functus est octogenarius senex Mediolani,  
nō mediocribus fortunis à Franciscō Sfortia de-  
center honestatus, meruitq; marmoreum sepul-  
crum, cum effigie è suggestu iuuentutem do-  
centis, quod in vestibulo Ambrosianæ basilicæ  
ad leuam introeuntibus occurrit, hoc rudi car-  
mine inscripto, quod respōdente rhythmo, non  
minus ineptè, quā ridiculè clauditur.

*Scandere sidereas virtus si nouit ad oras,  
Candidus astra tenet, in templo numen adorans:  
Pontifici summo, Regi, populoq;, Duciq;  
Hic Ligurum secreta dedit laudatus vbique:  
Miles eloquio clarus, Graiisq;, Camænis  
Instructus, Latium studiis ornavit amœnis.*

*Mun-*



*Mundanis fessus curis, & in æthere pulchro  
Elatus, gelido linquit sua membra sepulcro.*

L A T O M I.

*Quis iacet hic multa formosus mense December?*

*Ingenium æstivæ fertilitatis habet.*

*Quid non talis ager hac tempestate tulisset,*

*Ingenia autumnò quando fouente calens?*

DONATVS ACCIAIOLVS.

XVI.

**D**ONATVS ACCIAIOLVS AN-  
tiquæ stirpis Florentinus, quum exortis  
florentibus ingenijs de doctrinæ laude  
certaretur, in vtrâq; lingua generosè admodum  
se se exercuit, vt ex moralibus Aristotelis luculen-  
ter apparet, quibus erudita, & pereleganti com-  
mentatione magnum lumē attulisse iudicatur,  
explosis scilicet sophistarum interpretū ineptijs,  
quum Eustratij Græci placita secutus, certiore  
vtrique vestigio niteretur. Vertit etiam in Latī-  
num ē Plutarcho clarorum heroum aliquot vi-  
tas, longè omniū elegantissimè: verū aliquan-  
tò nobilior euasit, quum Carolum cognomen-  
to Magnum, tanquā alterum Florentiæ patriæ  
cōditorem Latino libro celebrasset. Sed vir con-  
silio grauis, ac ob id obeundis Reipublicæ mu-  
neribus occupatus, neque satis ocij ad studia li-  
terarum furari, neq; ætatem, quod tenuissima va-  
letudine vteretur, longissimè proferre potuit.  
Fato enim functus est Mediolani, quum lega-  
tus in Galliam vltiorem iter haberet; vt inde,  
implorata ope, ciuitatem Pontificijs armis vexa-

C 3

tam, pe-



ta, periculo liberaret. Nihil enim remisso odio,  
Xyllus, post vindicatū Pactianæ cōiurationis fa-  
cinus, Laurentiū Medicē, ex ea iniuria firmiore  
dominatu potitū, vehemētissimē persequēba-  
tur. Donati ossa, ad vetustum gentis sepulcrum  
Florētiam relata: id Carthusiano in templo, hoc  
epigrammate inscripto legentibus indicatur.

## POLITIANI.

*Donatus nomen, patria est Florentia, gens mi  
Acciaiola domus, clarus eram eloquio.  
Francorum ad Regem patriæ dum orator abirem,  
In ducis anguigeri mœnibus occubui.  
Sic vitam impendi patriæ, quæ me inde relatum  
Inter maiorum nunc cineres sepelit.*

## LATOMI.

*Quam vitam impartis aliis, abs te accipis ipse,  
Et frueris meritis Acciaiole tuis.  
Dignus, quem docti simili pietate Nepotes  
Exornent: atqui sufficis ipse tibi.  
Nec patria ingrata est, pro qua vel fata subisti:  
Quæ tibi dat tumulum, quantum habet imperium.*

## PHILELPHVS.

## XVII.

**T**OLENTINATES IN PVBLI  
ca Decurionū domo Francisci Philelphi  
cuius effigiē, cū equestris ordinis baltheo  
laureatā, peregrinis hospitibus ostēdunt, adser-  
uantq; etiā regij diplomatis mēbranam, ad col-  
latæ dignitatis argumentū. Is Græcarū literarum  
amore flagranter incēsus, vt de Caballino fonte  
potaret, Parnasum montem petiuit, in Athenarū  
rumque



rumque ruinis immortalium philosophorum vestigia pedibus calcauit. Porro inde Byzantium profectus, Emanuelis Chrysoloræ filiam uxorem duxit, quæ Græcæ elocutionis magistra, quotidiano vsu Atticorum accentuum, inepto, sed docili cōtugis ori dulcedinē instillaret. Reuersum inde, & Græcè pariter, ac Latine passim orantē, Italiæ Principes admiranter exceperūt. Suscepto enim legationis munere, Palæologi Imperatoris Constantinopolitani, Turcarum infesta arma ægrè sustinentis preces afferens, opē implorabat. Fauere ei ante alios Eugenius pontifex, rex Alphonsus, & qui singularem iustitiæ, & bellicæ virtutis coronam eo sæculo promeruit Franciscus Sfortia, ab eo heroico poemate celebratus. Ingenio enim in studijs æstuante, vario, ambitioso, quū neminem sibi exequari literaria laude pateretur, plura quàm quisquā alius, in omni dicendi genere volumina publicauit, profitendoq; singulis in vrbibus eruditæ iuuentutis academias excitauit, nullā spem nobilioris gloriæ Latinis æmulis de Romana facundia, nullam denique de Græca, vel ipsis Græcis relicturus, nisi tantus eloquentiæ fluuius, vti nullis moderati iudicij ripis castigatus, nimis latè exundans, & mutato sæpè alueo, turbulentus & incertus, dum sese diducit, & abscedit in paludes, perspicui profluentis dignitatem amisisset. Inter Græca opera latinitate donata, Xenophōtis pædia Cyri, et ex Plutarcho aliquot herouū vitæ, & demū Hippocrates, nō ita probatur à Græcis, quàm à Latinis perleguntur.



Vixit ad exactam ætatē nonagenario proximus,  
 periitque Bononiæ, adeo dissipatis rei domesti-  
 cæ copiis, ut ad efferendum funus, & cubiculi &  
 coquinæ instrumenta venierint, & Marius filius  
 egregiè doctus, paternæ potius virtutis, quàm  
 multæ substantiæ hæres relinqueretur. Sed in fa-  
 milia eruditæ victoriæ trophæum permanfit, no-  
 bili exceptum risu, quum Timotheo Græculo,  
 de vi syllabæ contendenti, victoque, barbam ex  
 pactione inexorabili superbia deraffisset, uti lepi-  
 dè Myrteus his Carminibus expressit.

## MYRTEI.

*Nunquid sat tibi non fuit Philelphe,  
 Linguae gloria nobilis Latinae?  
 Ni Græcas quoque peruagatus urbes,  
 Dignus coniuge, nuptiisque Græcis  
 Ferres Timothei nouum triumphum?  
 Cui, dum una super ille dictione  
 Tecum pignore certat, atque barbam  
 Abradi sibi ferre pollicetur,  
 Victus; aut positam pecuniam abs te  
 Victor auferat. Abnegasti eadem  
 Barbam posse pecunia obtinere  
 Victor; atque nouacula expedita  
 Barbam illius habere maluisti:  
 Iam nunc non Italæ Philelphe, sed sis  
 Græcæ gloria nobilis palæstræ.*

## LATOMI.

*Lis super accentus Græci ratione, Philelphum  
 Timotheumque inter (Græculus ille fuit)  
 Orta est: dissidium placet hoc sopire periclo,  
 Græculus æs, barbam victor ut ille ferat.*

Dii



*Dii bene, Romanus superavit: & ille coactus*

*E' pacti barbam tradere lege fuit.*

*Exultas spolio, Græcâq; vxore superbis:*

*Non est ingenio laus minor ista tuo.*

NICOLAUS PEROTTVS.

XVIII.

**S**ENTINVM VMBRIÆ OP-  
pidum, cui hodie Saxoferrato nomen est,  
Bartholo iureconsulto nobile, secundâ à  
Nicolao Perotto claritatem accepit. Huic, quum  
deessent opes, corporis vires municipali fruga-  
litate, atque duritia constitutæ, perpetuis lu-  
cubrationum vigilijs minimè defuerunt. Iu-  
uenis in ludo pueros honestos docuit tâto con-  
cursu, vt mox Latinæ linguæ rudimenta, vtili  
compendio ad normam digesta, ob idque fa-  
cilè pueris perdiscenda publicarit. Exindè Ro-  
mæ Græcas literas pertinaci studio consecutus,  
fretusque Bessarione generoso meccenate, adeo  
exactè, feliciterque profecit, vt ab eo Polybius  
grauissimus historiarum scriptor, latinitati do-  
naretur. Non defuere tamen examulis, qui eius  
auctoris traductionē antiquissimam fuisse, fur-  
toque surreptam existimarint, quòd Thucidy-  
dem, Diodorum, Plutarchum, & Appianū, cla-  
rissimo ingeniorum certamine conuersos, vnus  
Polybius egregia fide Latinus, æquabili, & præ  
dulci Romani sermonis puritate prorsus ante-  
cedat. Composuit quoque volumen commen-  
tarij nomine in Martialem, Cornucopiæ, vsur-  
pato vetere Græco lemmate nuncupatum, per-

C 5

utile



utile quidem, ac ob id fortasse sempiternū; sed austero pudore suppressit editionem, quod humili, & parum pudico opere quæ sita laus dignitati minimè responderet; partis enim opibus, archiepiscopatum Sipontinum adsecutus, seipso maior, Perusiam, Umbriamq; regebat. Excessit è vita senex apud Sentinum in villa viridarijs, & fontibus peramœna, quàm à pingui ocio Fugicuram appellauit.

## MYRTEI.

*In villa Fugicura obit Perottus.*

*O villam nimis, & nimis beatam,*

*Quæ viuentis heri lenare curas*

*Possset, nunc cineres tenet sepulti.*

*O villam domino beatiorem,*

*Cui curas moriens reliquit omnes.*

## LATOMI.

*Cornu nobile copiae Perotti*

*Non quale Oleniae puer capellae*

*Sanxit Iuppiter, intulit caelo:*

*Aut quale Herculeae manu reuulsum,*

*Ætoli fluuii perenne vulnus,*

*Thymo & baccare Naiades replerunt:*

*At doctum, variumq; multiplexq;*

*Et cunctis opibus, cupediisque,*

*Quas Musæ OEnotrides amant, refertum,*

*Hic ille est liber, ille Martialis*

*Interpres, Latine illa lingua linguae*

*Cornu nobile copiae Perotti.*

P L A -



**S**ACRATI PRAEERTIM ORDINIS, boniq; mortales plurimū Platinæ manibus debent, quando eius ingenuo labore, ad exoptatā obscuri sæculi, nec ideo periturā lucem, Pōtificij principatus actionum incorrupta veritas nūciatur: quæ procul eloquētiæ illecebris, vti pura & incōpta fidē præfert: & cæteris elaboratis operibus auget dignitatē. Neq; enim vel dialogi de vero bono, veraq; nobilitate, & de optimo ciue grauitē cōscripti: vel honeste voluptatis documēta scitē tradita diu superessent, nisi viuacis historiæ lateribus adfixa, fœlici societate succederēt, & cōmuni (quanq̃ impari) perennis vitæ spiritu fruerētur. Is planē egēs, & obscurus, vnoq; tantū ingenio nobilis, Cremona Calixto Pōtifice in urbem venit. Cognitū Pius, atq; Bessarion, erudito iudicio sacerdotijs minoribus exornarunt. Paulus verò Pontifex periniquē maligneq; delatū immaniter torfit: Xystus demū conditæ ab se in Vaticano Bibliothecæ præfecit, quum eo munere longē dignissimus haberetur. In ea nobili custodia iā senex fato functus est; Quirinalem domū cū Laureto ad coronandos poëtas Pomponio relinquens. Funus in Exquilias ad Mariæ maioris tēplum vsq; perductū est, flebili carmine celebratibus poëtis: sepulcro autē, quod à leua ad tertiam columnam conspicitur, hoc epitaphium ab alumno Demetrio inscribi iussit; quū & hæc quoque carmina amici lugentes affixissent.

*Quisquis*



*Quisquis es ( si pius ) Platinam  
Et suos ne vexes, angustè  
Iacent, & soli volunt esse.*

## ACTII SYNCERI.

*Ingenia, & mores, vitasq, obitusq, notasse  
Pontificum, argutæ lex fuit historiæ.  
Tu tamen hinc lautæ tractas pulmenta culinæ,  
Hoc Platina est ipsos pascere Pontifices.*

## PROSPERI SPIRITEI.

*Qui res Pontificum sacras, & gesta piorum,  
Quiq, ducum vitas nobile fecit opus:  
Quiq, modum docuit, quo laudet honesta voluptas,  
Et quo ne iuvenes torqueat acer amor:  
Pluraq, quæ longum est, properans censere, Viator,  
Omnia sidereæ pignora mentis erant.  
Vixit adhuc Platina: & quanquam concesserit Orco:  
Nil tamen in vatem Parca seuera potest.*

## LATOMI.

*Dum res Pontificum strueret, propè fractus ab alto  
Collapsus est fastigio.  
Romulus auspicio est, quia sacra conditor urbis:  
Nec non Remus periculo.*

## IACOBVS CARDINALIS PAPIEN.

## XX.

**F**VIT HIC VIR INTER SAC-  
crati ordinis Senatores, pari virtutis, at-  
que fortunæ munera lectissimus. Erat  
enim cum optimarum literarum studio, & vigi-  
lantis ingenij fertilitate, tum animi iudicio, sty-  
loque, & perspicuis moribus Pio secundo persi-  
milis; à quo adoptatus in familiæ nomen, & ad  
purpu-



purpuræ decus euectus est. Extant commenta-  
 rij grauissimarum actionū, atque epistolæ; qui-  
 bus senatoriæ prudentiæ potius, & Christianæ  
 seueritatis nomen, quàm perfectæ orationis lau-  
 dem petisse videri potest: quod in cursu hono-  
 rum maximis obeundis muneribus occupatus,  
 splendidum illud antea conceptum illustris elo-  
 quentiæ lumen, festinato & penè præcipiti, vti  
 necessitas ferebat, scribendi genere, vehementer  
 infuscarit. Verum ea rudis adhuc sæculi ingenia  
 facilè summa, ac admiranda censebantur, quæ  
 hodie tanquàm expergefactis censoribus, vix in  
 infimis literarij theatri gradibus sedem inueni-  
 unt. Sed fortasse populari commendatione cō-  
 tentus, eam absolutè scribēdi gloriā, vti leuem,  
 & à doctissimis tantum ideoq; paucissimis in-  
 tellectam spreuit, vt ingenio ad sacrarum lite-  
 rarum studia reuocato, illam quam Dij superi  
 dederant personæ dignitatem religiosè tuere-  
 tur. His enim moribus sibi iter sternebat ad ip-  
 sum rerum fastigium, sed illudente Fortuna in  
 summo ferè deceptus, hæsit, quum fata potiorē  
 ei viam ad cælum permunirent. Perijt enim nō  
 adhuc senex in secessu ad cryptas Laurentianas  
 Vulfiniensis lacus, à circumforaneo medico mi-  
 serabiliter enecatus, quum vir in omni negotio,  
 præterquàm in tuendæ sanitatis ratione pruden-  
 tissimus, vt quartanæ febris tedium discuteret,  
 immite veratrum stulta propinatum manu, fa-  
 to coactus ebibisset. Scripserat antea ingenuæ  
 piæque liberalitatis testamentum, sed id Xystus  
 Pontifex irritum fecit, quòd pecunia satis gran-  
 dis



dis apud mensarios occultè deposita, tanquàm frugi, atque opes contemnentis censu, amplior aestimatione publica videretur. Epigramma tamen ex eodem testamento in fiscum non venit, hæredibus utique relictū, ut hoc modo marmoreæ sepulcri tabulæ inscriberetur.

*Luca ortu, Sena lege fuit mihi Patria, nomen*

*Dum vixi Iacobus, mens bona pro genere:*

*Papa Pius sedem Papiensem detulit, idem*

*Cardineo ornavit munere, gente, domo:*

*Quem colui vivens, non linquo mortuus: hic sum*

*Et propè sancta patris filius ossa cubo.*

*Vivite qui legitis, cœlestia quærite, nostra hæc*

*In cineres tandem gloria tota redit.*

L A T O M I.

*Hic ille cardo, & alpha litterariæ*

*Gloria, Iacobus Papiensis accubat*

*Pio parenti, homuncioni Sylvio.*

*Uterq; quorum literis euectus est,*

*Ille ad tiaræ triplicis fastigium,*

*Hic ad rubentis purpuræ: in qua substitit*

*Patri hoc libenter deferens, honoribus*

*Ut præstet ipsi, cæteris ac dotibus:*

*Pio parenti filius gratissimus.*

D O M I T I V S C A L D E R I N V S.

X X I.

**C**ALDERIA VERONENSIS Agri oppidū, alidis aquis nobile Domitium protulit. Eum acri, flagrantiq; ingenio ad gloriam anhelantem, Bessarion Cardinalis



nalis excepit, & extulit. Exindè, quum Romæ profiteretur, & obscura sensa duriorum poëtarum admirabili reconditæ lectionis testimonio dilucidasset, literarij splendoris assertor, ac omnis obscuritatis illustrator acclamatus est. Verū editis interpretationum commentarijs, peraceras, sed iuventuti maximè vtilis cum æmulis similitudines exercuit. Ambitioso quidem, & nimis aculeato dicendi genere, ex aliena inscitia (dum intemperanter perstringit, atque remordet) nomen quærens, eo modo, ætate, laudeque florentem, sed imbecilli stomachi tēperaturam nimis lucubrationibus exterentem; quum digna multis sæculis opera conciperet, rapida febris eripuit. Celebrante funus Academia, nobilis iuventus cum lachrymis vestem mutavit; mortē verò vel æmuli, & principatū affectantis, Politianus his carminibus prosecutus est.

*Hunc Domiti siccis tumulum qui transit ocellis,  
Vel Phœbi ignarus, vel male gratus homo est.  
Intulit hic vatum cæcis pia lumina chartis,  
Obstrusum ad Musas hic patefecit iter.  
Hunc Verona tulit, docti patria illa Catulli:  
Huic lætum, atq; urnam Roma dedit iuveni.*

## EIVSDEM SCAZON.

*Asta Viator, pulverem vides sacrum,  
Quem verticosi turbat unda Benaci,  
Hoc mutat ipsum sæpè Musa Libethron,  
Fontemq; Sisyphi, ac vireta Permessi;  
Quippè hoc Domitius vagiit solo præmiū,  
Ille, ille doctus, ille quem probè nosti.*

*Dictata*



*Dictata dantem Romulae iuventuti,  
Mira eruentem sensa de penu vatam.  
Abi, Viator, sat oculis tuis debes.*

## L A T O M I.

*Heus tu Viator, si vacat: sed accede  
Sic, ut neq, anima, neq, strepitu molestus sis:  
Nanq, aeger est qui hic dormit, & caput languet,  
Adbuc misello tinniens, ob illas quas  
Convitiis prope muliebrum pugnas  
Pro litteris plusquam viriliter gessit:  
Humanitatis haud ferentibus Musis  
Decus, tam ineptè, turpiterq, proscindi.  
Factum vnde credo, quod, bene meritum quamvis,  
Etiamq, dum virum, annuere sustolli.  
Tu Calderinum Domitium satis, si vis,  
Salueto notum: & rem tuam ito curatum.*

## ANTONIVS CAMPANVS.

## XXII.

**Q**VIS IN PRAEPINGVIS SIMIÆRICTU tantam excelsi, atque habilis, ingenij indolem? Quis in sordida stirpe tantam fortunam non miretur? Antoniū enim Campanum rustica mulier in agro fessa opere, sub lauro peperit & aluit, puerū argutè loquacem ædituo sacerdoti in famulatum, & disciplinam tradidit. Ita foeliciter perceptis literarum rudimentis, Neapoli mox pædagogus erudiendo nobili puero mercede quæsitus est. Tantos autem in studijs Latinis quinquennio processus fecit, ut inde Perusiam transferit, scilicet ut in præclara frequentis gymnasij luce, profitendo illustri



stri famę limen aperiret: nec multò post à Perusinis ciuitate donatus, Pij Secūdi Pontificis gratiam studiorum similitudine promeruit, à quo virtutis honore Interamnatum præsul est creatus, & à Paulo successore locupletatus: Sed postremò eum Xystus immodicè Tiphernatium tyrannis fauentem, quum multis vrbibus integra nominis auctoritate præsuisset, in exilium egit. Fato functus est apud Senas à Pij memoria sibi gratissimas, inuidente non planè seni longiorem vitam comitali morbo. Inter multa orationum, & multiplicis styli opera quę extant, audissimè Bracij incliti ducis vita perlegitur, digna posteritate, nisi rerum gestarum fidem adulatione poëtica corrupisset.

## PLATINAE.

*Campanus iacet hic humili contactus in urna,*

*Qui vaga, dum vixit, sidera transiuit.*

*Historicus scripsit: dixit: cecinitq, nec alter*

*Philosophus toto clarior in Latio.*

*Nil manus natura tulit: miracula cœli*

*Huius in ingenio cuncta stetere viri.*

*Deserto lugent Parnasi fonte sorores,*

*Et tumulus refugas lucis hic vnus habet.*

*Vos quibus ingenium est: en quò contendimus omnes:*

*Virtutis solà est gloria: quæ superest,*

## POLITIANI.

*Ille ego laurigeros, cui cinxit, & insula crines*

*Campanus, Romæ delitium, hic iaceo.*

*Mi ioca dictarunt Charites, nigro sale momus:*

*Mercurius nuneo tinxit, utroque Venus.*

D

Mi-



*Mi ioca, mi risus, placuit mihi uterq, Cupido,  
Si me fles, procul hinc quaeso, Viator, abi.*

## LATOMI.

*Campani ad tumultum sedet, & facundia muta est:  
Quo cum nempe viro tota prope interiit.  
Aut si quid loquitur, triste est, & flebile: linguam  
Contenta in cladeis expediisse suas.*

## EMANVEL CHRYSOLORAS.

## XXIII.

**E**MANVELIS CHRYSOLO-  
ra qui primus Græcas literas variis Bar-  
barorum irruptionibus expulſas, poſt  
ſeptingentos annos in Italiam reportauit, tan-  
ta fuit in docendo liberalis ingenij humanitas,  
vt eius præclara facies, prima inter Græcorum  
imagines illuſtri merito collocanda videatur,  
quanquàm nulla extant, præter artis grammati-  
cæ regulas, grauioris doctrinæ monumenta. In  
docendo enim nunquàm feſſus, facilè in ſcribè-  
do deſidioſus videri poterat, quum altera pars  
laudis exoptata noſtris vtili profeſſione pete-  
retur. Is Byzantio emiſſus à Ioanne Imperato-  
re, vt, vt totius Europæ reges adeundo, pereun-  
ti Græciæ maturam opem imploraret, officium  
quidem laborioſa peregrinatione ita impleuit,  
vt in Italia ſuſſisteret, Græcia ſcilicet præſenti  
metu liberata, quum Tamerlanes terror Orien-  
tis, Baiazetem Othomannum à terribili celeri-  
tate fulguris cognomen adeptum, ad Stellam  
montem viuum cepiſſet. Itaque Chryſoloras  
diro Græciæ hoſte ſublato lætus, Venetijs pri-  
mum



mun, & mox Florentiæ, Romæque, ac demum  
Ticini euocâte ingentibus præmijs Ioanne Ga-  
leatio Principe Græcarum literarum studium  
excitauit, tâta fœlicitate, vt ex eius schola, sum-  
mæ nec ideo interitura laudis ingenia prodie-  
rint; in quæis fuere Leonardus Aretinus, Fran-  
ciscus Barbarus, Philelphus, Guarinus, & Po-  
gus. Postremò, quum ad tollendam pseudo-  
pontificum controuersiam, indicta synodus tâ-  
ti spectaculi cupidum exciuisset, exauctorato  
Balthasare Cossa; Constantiæ interiit: cuius tu-  
mulum Pogius his carminibus exornauit.

*Hic est Emanuel situs  
Sermonis decus Attici,  
Qui, dum quærere opem patriæ  
Affectæ studet: huc iit.  
Res bellè cecidit tuis  
Votis Italia, hic tibi  
Lingua restituit decus  
Atticæ, ante reconditæ  
Res bellè cecidit tuis  
Votis Emanuel, solo  
Consecutus in Italo  
Æternum decus es, tibi  
Quale Græcia non dedit.  
Bello perdita Græcia.*

## L A T O M I.

*Illustres inter doctrinæ laude Latinos,  
Quem primum Argiuos conspicias ante suos?  
Ille est Emanuel, peritura ex Hellade mæstas  
Qui primus Musas transtulit in Latium.*



*Quam sedem ut melius ferrent, et iam quoque amarent,  
Miscuit hic strictis pallia lata togis.  
Ut qui sit vestem modo non indutus utranque,  
Sit dignus neutro protinus ille choro.*

## BESSARION.

XXIII.

**I**N CELEBERRIMO GENTII-  
um omnium Concilio, quo Florentiæ disce-  
pantibus Græcis & Latinis, præfidenteque  
Eugenio, Christiani dogmatis fides, publici cõ-  
sensus autoritate firmata est, Bessarionis Nicæ-  
ni mirifica virtus Senatorij ordinis ornamenta  
promeruit. Datum est enim honori totius Græ-  
ciæ ab antiqua pertinacia discedenti, ut duo e-  
ius nominis, Isidorus scilicet, atque Bessarion in  
sacra purpura conspicerentur; sed in Bessarione  
virtutes omnes usque adeo præcellenti tempe-  
ramento, concentuque ad admirationem responde-  
runt, ut nemo eo Christiana probitate spectati-  
or, nemo admirabilior doctrina, & nemo deni-  
que generosis moribus ornatior, atque splendi-  
dior, hoc ipso à morte eius sexaginta annorum cur-  
riculo in Senatu conspectus sit. Senatoria enim  
grauitate, ore probo, atque blandissimo cõdie-  
bat, ac ipsam viri optimi famam, domi & foris, ni-  
tida ac hospitali disciplina, & liberalis animi be-  
nificetia tuebatur, quum subactæ Turcarum armis,  
& ideo concidentis Græciæ ingenia diu iactata  
mari, & terris apud eum certissimum salutis portum  
inuenirent, & qui in Academia nomen darent,  
eodem patrono atque hospite vteretur. Habitabat  
sub



sub Quirinali, ad sanctos Apostolos, deducebatur autē mane in Vaticanū, nō ex culto quidem & numerofo, sed vno virtutis nomine maximē decoro comitatu: quandoquidē praeclara Graeca, Latineq; linguae lumina, peregrinorū requiſita oculis, circa eum in triuijs ciuiū digito monstrarentur. In his enim ſæpē cōſpecti ſunt Trapezuntius, Gaza, Argyropylus, Plethon, Philelphus, Blondus, Leonardus, Poggius, Valla, Siptinus, Campanus, Platina, Domitius, nullo æuo perituri, quibus viris domi ſtipatus, vſq; adeo extra inuidiā glorioſa ſui fama fruebatur, vt Eugenius, Nicolaus, & Pius eum ſibi ſucceſſorem, ſi fas eſſet, adoptare percuperent; neque optimē de Republica merito, Senatorū ſtudia deerant, ſed Paulo morte ſublato, in comitijs fatalis caſus tantæ ſpei fortunam auertit. Ferūt enim tres ſummæ auctoritatis Cardinales, quū eo decreto, vt Pontificē ſalutarent, abditū in cella conclauiſ adiſſent, nec admitterentur à Nicolao Perotto ianitore, quod tū vir ineptus lucubranti parcendū diceret, vſque adeo ſtomachatos, vt ſeſe indignanter auertentes; reſponderent, Ergo nec prænſanti, nec roganti quidem, ſumma dignitas erit inculcāda: vt quū è cœlo ſuffragia expectet, ſuperbis demum ac ſtolidis ianitoribus pareamus? ſtatimq; ſuffragia Xyſto detuliſſe, quo repente renunciato, adoratoq; Beſſarion dixiſſe fertur: Hac tua, Nicolae, intempeſtiua ſedulitas, & tiaram mihi, & tibi galerum eripuit. Nec multo poſt cum honore legationis in Galliā eſt ablegatus, quod Xyſtus noua licentia Pontifica-



tum nomine principatus gerendum ratus, liberè, & grauitè, religio seq; sententias dicentis vultum non perferret. Sed Bessarion, dum è Gallia rediens concepto morbo Rauennæ substitisset, septuagesimo septimo ætatis anno moritur. Funus autem Romæ celebratum in templo Apostolorum, vbi marmoreū tumulum, uiuens sibi cum hac Græca inscriptione extruxerat: hanc sic vertit Maioranus Salentinus.

*Bessarion feci hunc Tumulum, qui conderet ossa:*

*Venerat vndè olim spiritus, astra petet.*

MAIORANI.

*Viuens adhuc feci hoc sepulcrum corpori*

*Bessarion, ad Deum remittens spiritum.*

*Me docta genuit Græcia, at honores dedit*

*Vrbs Roma, quæ mihi perpetuò est patria.*

IANI VITALIS.

*Non tibi sit laudi sanctum celebrasse Platonem,*

*Castaq; Socraticæ frena pudicitiae:*

*Non quòd virtutum exemplum, quòd lumen honoris,*

*Quòd Sol extinctæ religionis eras:*

*Verum quòd per te migravit Græcia Romam;*

*Et didicit Latios Attica Musa sonos.*

*Per te hinc Romanas miratur Tybris Athenas.*

*Argolicam & Romam Græcia, Bessarion.*

LATOMI.

*Damna quis amissæ si nesciat Helladis vno*

*Maxima metiri Bessarione potest.*

*Qui si Romanas esset moderatus habenas,*

*Sortitus nostrum post sua fata Pium,*

*Sæcula vidissent summum par illa virorum,*

*Quale nec vlla prius hora vel ora tulit.*

GEOR-



**G**EOGIUS TRAPEZVNTIVS  
 in Creta natus, quòd paternam originē  
 è Pontica celebri vrbe duceret, vetustæ  
 patriæ nomen asciscere, quàm natale solū fate-  
 ri maluit. Is Græcorum ferè primus Romæ eo-  
 tum sæculo renascentibus literis, qui Græca fœ-  
 liciore stylo in Latinum verterit existimatus est,  
 vti liquidissimè cōstat ex Aristotelis, sacrisq; Eu-  
 sebij Cēsariēsis operibus, & ex rhetoricis præce-  
 ptis Hermogenis. Erat enim ingenio ad lucubrā-  
 dū maximè valido, vehemētiq; sed vti mox ap-  
 paruit, tetrici liuoris pleno; nam quū se Peripa-  
 teticum profiteretur, vnumque Aristotelem ex-  
 tollendo celebraret, vsque adeò superba aure  
 fuit, vt nec diuini quidem Platonis ingenium  
 laudari pateretur, cuius etiam dogmata, & mo-  
 res peracerbè ac insolenter edito famoso vo-  
 lumine laceraret. Sed Bessarione, generosa erudi-  
 tione, illustrique facundia Platonē defendente,  
 Georgius vim tanti fluminis sustinere non po-  
 tuit, quū publica inuidia deflagraret, quod sum-  
 mæ authoritatis philosophū, magistrūq; sancti-  
 oris vitæ, ac ideo Christianæ disciplinæ proximi-  
 mū, impio ac incesto ore proscidisset. Habitauit  
 iuxta Mineruam, honesta domo sibi, & posteris  
 extructa, ad diui Mauri minores obeliscos, du-  
 cta vxore, susceptoque filio, sed non eadem fœ-  
 licitate in literis educato. Is enim nomine An-  
 dreas, paternas lites excipiens, Theodoro Ga-  
 ze, tāquàm Georgij patris laudi decus malignè



subtrahenti rescripserat, sed Theodorus eam re-  
criminandi libidinem, rabiemque facile contē-  
psit. Porro Georgius ad exactam senectutē per-  
uenisse fertur; ita, ut repuerascenti, & propemo-  
dum deliro, memoria tantarum rerum elabere-  
tur, & circuiret urbem solus obtrito in pallio pi-  
leatus, & nodoso scipione vacillantis gradum  
sustinente. Andreæ filia hæres Fausto Madalene  
Romano, poëta lepidò collocata est. hic mul-  
ta de Georgij profoceri doctrina, & litium acer-  
bitate narrare solebat, quum Leoni ab amœni-  
tate ingenij gratissimus in Academia floureret,  
sed is ante diem clade urbis interijt.

## INCERTI.

*Hac urna Trapezuntii quiescunt  
Georgii ossa, parum Deis amici,  
Quod acri, & nimium procaci lingua  
Platonem superis parem petiuit.*

## LATOMI.

*Quum nomen tumultus meum loquatur,  
Qui sim, vel fuerim, vel hic sepultus  
Dormiam, an vigilem, rogare noli,  
Et turbare meam, precor, quietem.  
Nam quur ingenii tot illa nostri,  
Tibi, inquam, monumenta publicavi,  
Quam nunc ne fieres mihi molestus,  
Atq, me melius, mea inde nosces.  
Nam vita incolumi, valens, vidensq,  
Amisi omne penu mei cerebri,  
Insectando malum Platona. sed tu  
In crucem: qui iterum facis, Platoni  
Ut miser malè vapulem. ito, abito.*

THEO-



**T**HEODORVS GAZA THES-  
salonica honesto loco natus, Amurathe  
Græciam omnē victricibus armis qua-  
tiente in Italiam venit, acumine, fertilitateq; in-  
genij nemini secūsus, quum Græcos omnes lin-  
guæ peritia, eruditoq; iudicio superaret. Victori-  
no autem Feltrense magistro vsus, vsq; adeo co-  
piose, & diligenter Latinas literas didicit, vt lon-  
gè omnium latinissimè scriberet, nec planè di-  
gnosci posset, an exactius, & certius ab eo Lati-  
na Græcè, an ipsa Græca Latinè verterentur. Hi-  
storias enim Aristotelis de animalibus, & The-  
ophrasti de plantis, ita Latinas fecit, vt Romanæ  
linguæ facultatem, quum noua vocabula soler-  
ter effingeret, audaci, sed generosa translatione lo-  
cupletarit. Tanta porrò felicitate librum Marcij  
Tullij de senectute Græcum reddiderit, vt peri-  
tissimi præter adequatos sensus, ipsam quoque  
Ciceronis eloquentiæ Maiestatem, scitè, & graui-  
ter repræsentatam admirentur. Transtulit etiam  
problemata Aristotelis, & Hippocratis aphorif-  
mos, vt præstantissimis authoribus ad perspicu-  
am fidem, nec obscure ad salutem humani gene-  
ris sua dignitas redderetur. His vigilijs sacerdo-  
tium in Magna Græcia, commendante Bessario  
nepromeruit, quòd certè satis esset moderato,  
frugiq; homini, & aduersus omnis luxuriæ vo-  
luptates inuictò, nisi neglecta ratione totius red-  
ditus rapacibus Græculis, & Brutijs rei familia-  
ris curam demandasset. Nouissimè quum nobi-  
lissimas



lissimas lucubrationes in mēbranis accuratè per scriptas Xysto Pontifici detulisset; nec pecunia; vel ipsius librarij premio digna redderetur, indignatus subagreste iudiciū, Effugere hinc lubet, inquit, postquā optimæ segetes in olfactu præpinguibus asinis sordescunt. Atq; ita in Brutios ad sacerdotij sacram sedem contendit. Nec multò post planè senex fato functus est, nec iniqua quidem sorte, quum in Græcia natus, & educatus in Italia, tanquàm de vtrâque lingua benemeritus in Magna Græcia tumularetur.

## PONTANI.

*Sume lyram, dic Musa modos, dum condimus vmbra.  
Et puer, & coluit numina vœstra senex.  
Indignus tellure, Deos Theodore petisti,  
Sera quidem, tamen est longa parata quies.  
Virtute, ingeniiq; bonis hoc ipse parasti,  
Vt cœli aspiceres aurea tecta senex.  
Nos artus terra tegimus, tu caste Sacerdos  
Da requiem, æternum iam Theodore, vale.*

## MICHAELIS MARVLLI.

*Hic Gazes iacet, & Gazæ Sophia addita mater:  
Alterutrum quoniam mors rapere haud potuit.*

## POLITIANI.

*Heu sacrum caput occubuit Theodorus, & hora  
Vna obiere omnes reliquæ generis.  
Nec tamen hoc querimur, nimis est potuisse videri,  
Non erat hic nostro tempore dignus honos.  
Hoc dolet heu, quod neutra patri est nunc lingua super  
Quæ mittat instas Mambus inferias.* (stes.)

EIVS-



*Cum terrā hinc nosset Theodorus, & aëra, & undas,  
Iam restant, inquit, sidera, terra, vale.*

PIERII VALERIANI.

*Roma olim abstulerat Graiae decus omne Minervae,  
Siue opus ingenio, siue opus arte foret.*

*Gaza autem Argivæ clarissima gloria gentis  
Reddiderat patriæ nunc spolia illa suæ.*

*Dumque pari Ausoniae conatu consulit, & dum  
Musarum & linguae dux utriusque viget,  
Sublatus fato traxit secum omnia, & uno hoc  
Spes Italum, & Graiū, fama cadente, cadunt.*

L A T O M I.

*Ille Deū munus (fer thus, & liba Sacerdos)  
Atque adeo hic linguae Gaza utriusque, iacet.*

*Græcia quem genuit, suscepit Roma: sepultum  
Communi titulo Græcia Magna fouet.*

ARGYROPYLVVS.

XXVII.

**I**OANNES ARGYROPYLVVS BY-  
zantius eodem Turcarum impetu Græcia  
eiectus, apud Cosmum Medicem gloriosa  
liberalitate literis fauentem in honore fuit, tan-  
ta nominis existimatione, vt Petro filio, ne-  
potique Laurentio præceptor datus, loco pa-  
rentis haberetur, publicè verò Florentinæ iu-  
uentuti Græcos authores enarraret. Grati idcir-  
co animi erga Medicæ gentis procures vigilia-  
rum præclara extant monumenta, consecrata  
in ea domo altrice veræ virtutis. Aristotelis enim  
naturalia,



naturalia, atq; moralia generose transtulit: ita applaudente Gaza vetere sodali, qui diuersas Aristotelis partes vertendo desumpserat, vt quædā ab se pariter translata cōbureret, ne amicissimi hominis crescenti famæ officerent, si ad æmulationem odiosa comparatione certaretur. Latina enim vbertate facundior, & Græcorum modestissimus, hoc facile dabat elatè ambizioso, & amplioris fortunæ percipido, quod ipse omnis semper lucri, & præsentis tanquā euanidæ laudis contemptor extitisset. Argyropyli autem sermones, cum fastidiosi, tum graues eruditis auribus essent, & tum maximè, quum Ciceronem Græcas ignorasse literas illoto ore prædicaret. Pestilentia demum Ethruriam euasante, Romā venit, profitendoq; Græcè Aristotelem, ita optimis stipendijs vitam traduxit, vt tota substantia quotidianis sumptibus æquaretur, & in extremo vitæ actu iocatus, ditiores amicos, æris alieni, condito testamento hæredes relinqueret. Vini, & cibi æquè auidus & capax, & multo abdomine ventricosus, immodico melopeponum esu, autumnalem accersiuit febrem, atque ita septuagesimo ætatis anno, ereptus est. Ioannes autem Lascares eundem ciuem, & magistrum, hoc Græco carmine laudauit, quod Maioranus Lascaris discipulis sic vertit.

*Hoc Argyropylus, patria procul, alta sophiæ*

*Dogmata qui coluit, conditur in tumulo:*

*Dat patria huic nomen, sacrum dat Roma sepulcrum,*

*Nescio quæ potior huic fuerit patria:*

*Illa*



## DOCTORVM VIRORVM. 61

*Ulla genus, nomenq̄, dedit, verum inclyta Roma  
Nutriuit, coluit, perpetuoq̄, tenet.*

## LATOMI.

*Hac Argyropyli teguntur urna  
Ambusti cineres, & ossa tantum,  
In qua nec cineres, nec ossa tandem  
Ætas inueniet: sed ampla nunquam  
Fama destituet locum sepulti.  
Quæ per docta hominum volabit ora,  
Totumq̄, afficiet stupore mundum,  
Donec Græcia Turcicos triumphos  
Indigno stomacho feret, coquetq̄.*

## MARVLLVS TARCHANIOTA.

## XXVIII.

**M**ARVLLVS TARCHANIOTA  
Græcus, Inter alarios equites descrip-  
tus, Nicolao Ralla Spartano duce in I-  
talia militauit, ita labore, ac studio duri Martis  
cum tenerrimis Musis per interualla feliciter ad-  
æquato, vt non Græco tantum, sed Latino car-  
mine admirandus euaderet. Nam Theodori, ac  
Argyropyli decora vestigia subsequutus, nihil iam  
Græcè doctum esse satis ad laudem putabat, nisi  
tota patrij sermonis facultas Romanæ facundiæ  
iungeretur; propterea Florentiæ Alexandram e-  
ruditi ingenij puellam vxorem duxit, Bartholo-  
mæi Scalæ Vexilliferatus honore conspicui fili-  
am. hic est qui paulò ante Græcorum nomini fa-  
uens, cum Politiano, eius gentis ingenijs infesto,  
maledicentissimis epistolis lites extenderat. Ve-  
rum Marullus inquieto ingenio nullibi sedem  
stabi-



stabilem nactus, in cursu studiorum, ac itinerum  
semper fuit; transferendiq; munus tanta conten-  
tione, famaq; ab alijs susceptum semper contem-  
psit, quasi minimè par, aut certè nobilis gloria  
periculoso opere peteretur, grauiora idcirco me-  
ditantem, post editos Epigrammatum libellos,  
quibus Apollo pereleganter ariserat, in Vola-  
terrano, Cecina amnis solito inflatior, fallente e-  
quum cæco vado, violenter abripuit; eo die quo  
Ludouicus Sfortia ab Heluetijs proditus, vt fer-  
rato in carcere miser expiraret, in vltiorem Gal-  
liam est perductus. Luxere eum pari mœstitia  
Græci, Latiniq;.

## PONTANI.

*Hoc vacuum tibi Pierides statuere sepulcrum  
Et Graia, & Latia clare Marulle lyra.  
Ipse etenim Aonia in sylua, atque Heliconis in antris  
Lætus agens, illic otia grata teris.  
Illic formosæ ludunt ad plectra puellæ,  
Et tecum ad choreas carmina lecta canunt.  
Et tibi responsant syluæ, Peneiaq; antra,  
Plaudit, & Ogygio roscida ripa lacu.  
Nil præter nomen tumulo, per opaca vagaris  
Culta per Elysium docte Marulle nemus:  
Hinc tibi se ad cantum adiungit formosa Corynna,  
Cantat, & ad calamos Delia culta tuos:  
Illic compositos exercet Cynthia saltus,  
Exercet raros Lesbia blanda choros.  
Nec Parca eripuit, Musæ rapuere Marullum,  
Arnidi ne fieret grata rapina Dea.  
Sis felix igitur Musis comes, & tua Musæ  
Ambrosio foveant membra adamata sinu.*

A N-



ANDREAE DACTII.

*Ingenio Phœbo, belli par munere Marti,  
Graia domus Cecina busta Marullus habet.*

EIVSDEM.

*Euasit toties hostilia tela Marullus,  
Vt Cecinae tumidis obrueretur aquis.*

PIERII VALERIANI.

*Cur adeo fluctus contra conaris? in vndis  
Oppetiisse horres cur Helicone satus?  
Igneus ut gelido vigor extinguatur in amne  
Forte times? atqui, sæpe sit ignis, aqua.  
Non hoc, inquis, habet male me: quod miles, & acer  
Sim, doleo: sub aquis militem obire pudet.  
Abine indigneris, miles licet impiger, astra  
Hac peruulgata fortibus ire via.  
Hac pius Aeneas, & bello magnus, & armis,  
Hac Romæ fertur Romulus ipse pater.  
Sfortia summus honos belli, inuictusq; Robertus,  
Hac, quâ tu, ad superos transfilière polos.  
Debentur cælo fortes, cælo ignis, & aer,  
Vndaq; supposita est: infima terra tenet  
Scendenti à terra ad cælum stat limes in vndis,  
Primus, age hac cælum scande Marulle via.*

TIBALDEI.

*Hic situs est celebris cithara, gladioq; Marullus,  
Qui Thusco (heu facinus) liquit in amne animam.  
Neptune immitis: meruit si mergier ille;  
Mergier Aonio flumine debuerat.*

LATOMI.

*Est aliquid lenisse feras, fluviosq; stitisse,  
Inq; opus arguta saxa animasse lyra.*

Plus



*Plus est imbelleis traxisse in castra Camœnas,  
Ille sit Amphion: iste Marullus erit.*

DEMETRIVS CHALCONDYLES.

XXIX.

**D**EMETRIVS CHALCONDY-  
les diligens Grammaticus, & supra Græ-  
corum mores, quum nihil in eo fallacia-  
rum, aut fuci notaretur, vir utique lenis & pro-  
bus, scholam Florentiæ instauravit, desertam ab  
Argyropylo, & à Politiano deficientibus Græ-  
cis occupatam; sed ambitioso, peracriq̃ue æmu-  
lo, multis bonis, malisq̃ue artibus suggestus lo-  
cum, & nomen defendenti Demetrius cessit; La-  
tina præsertim facundia inferior, & ob id rarescē-  
te auditorio à Iuuentute destitutus, quando qui-  
dē vel apprimē doctus, facilē ieiunus, & hebes;  
lasciuus & delicatis auribus videri poterat: qui-  
bus Politiani decantantis, & varios spargentis  
flores, iucunda argutaq̃ue vox, & salsa comitas  
mira dulcedine placuisset. Sed mansit Demetrio  
honestus gratiæ locus apud Laurentium, vel in-  
festo, & obliquē semper incessente Politiano,  
qui quum neminem ē Latinis sibi parem pate-  
retur, Græcis ipsis eruditior existimari volebat.  
Diuisit idcirco munera Laurentius, ut æmulati-  
onis lites dirimeret: & filij præceptorum cōten-  
tione ad discendum accenderentur. Sed eo Prin-  
cipe virtutis eximiæ morte sublato, Demetrius  
Mediolanum à Ludouico Sfortia accitus est, ad-  
ducta secum vxore Florentia, ē qua iam liberos  
susceperat, Nec multò post profitendo, perscri-  
ptoq̃ue



proq; utili volumine, rudimenta grammaticæ publicauit, quod Theodori, quanquam insignis liber de arte eadem, uti prouectis & doctis scriptus, durior videretur. Vxor virili industria familiam regebat, ipso sene, & literarum studijs occupato; sed ea libertas in mirè fœcunda vxore, dubiam pudicitia famam fecit; quanquã tres filij ipsam veri patris effigiem, ore Græco penitus referrent. Theophilus natu maximus iuuenis turbulentus, quum Ticini Homerum profiteretur, nocturno, & petulanti certamine cōfusus interijt: & Basilius mira ingenij indole, euocante Leone, ut in gymnasio Romano iuuentutem doceret, paucis mensibus, ex lenta febre contabuit. Seleucus verò natu minimus ad pubertatem non accessit, cæterum Demetrius octogenario maior, non planè miser, quod nihil de obitu Theophili, occultante matre didicisset, Mediolani fato functus est; paulò ante quàm Galli Iulij Pontificis, & Venetorū armis Italia pelleretur.

## INCERTI.

*Viuens corona nobilis Iuuentutis  
Circundabaris vndequaque Demetri,  
Dum ostenderes iter per Atticos campos.  
Certè beatus, si obtigisset morienti  
Doctam videre tibi super stitem prolem:  
Oculumq; claudi languidum à tuis natis,  
Aut hoc sepulcrum lachryma illorum spargi.*

MICHAELIS MARVLLI.

*Dum ver Hymettium diu  
Nequicquam apis quærit vaga,*

E

In



*In os sacrum Chalcondyli,  
Et labra suavisflua incidens,  
Heus, inquit, æquales bonæ,  
Huc, huc adeste sedulæ,  
Matrem videtis Attida.*

## LATOMI.

*Quid est quod vsquam sit satis mortalibus?  
Sui nec ulla parte cor quod torqueat.  
Senex, nec absq; litterarum gloria  
Vixi: at malorum hoc est catena longior:  
Durisq; emuntur litteræ laboribus,  
Et sanè iniquis efferuntur præmiis.  
Fœcunda coniunx, & domi perstrenua,  
Sui pudoris proximum est periculum.  
Iam bis miser, quòd quid sit educatio,  
Simulq; scirem quid mali sit orbitas,  
Quare referta quum malis sint omnia,  
Vitam vt cito obeas quàm leuissimis, pete  
Quò tunc beatus, hic quòd haud vales, agas.  
Ito, & precare mutuum Demetrio.*

## MARCUS MVSVRVS.

## XXX.

**M**ARCUS MVSVRVS GENE-  
re Cretensis, exactæ diligentia gramma-  
ticus, & raræ felicitatis poëta, in gymna-  
sio Patauino aliquandiu Græcos authores in-  
terpretatus, secunda perspicacis ingenij fama ad  
integram doctrinae maturitatem peruenit, sed sæ-  
ua coniuratione externarum gentium, afflictis  
bello Venetis inde exturbatus, ita tranquillum  
otium quæsiuit, vt Græco carmine diui Platonis  
laudes



laudes decantaret; extat id poëma, & in limine operum Platonis legitur, commendatione publica cum antiquis elegantia cōparandum. Leone autem ingenijs illustribus præclara præmia proponente, Romam venit: nec multò post Manilio Ralla eruditi iudicij viro Græco morte sublato, Archiepiscopus Epidaurensis effectus est. Eam autem secundæ fortunæ celeritatē, quasi ab occultis fati maiora præmia monstrarentur, immoderato animo tulit, sic vt insana, vehementiq; ambitione percitus, nouum illū sacratæ mitræ honorem nequaquàm ingenij merito parem duceret, nulloq; pudore præproperus ad purpuram aspiraret, quum sæpe quereretur, Græci generis neminem quasi probro gentis lectum fuisse, quando Princeps in donanda purpura maximè liberalis, vno comitali die, supra triginta nationum omnium delecta capita, galero purpureo perornasset. Ab hac intempestiua siti contabuit corpus, adeo celeriter, vt obrepente morbo intercute, vix ostentatis mitræ insignibus expirarit. In templo pacis tumultatus est. Amiterninus autem Antonius, sepulcro hoc distichon inscripsit.

*Musure mansure parum, properata tulisti  
Præmia: nanque cito tradita, rapta cito.*

## LATOMI.

*Arma Pelasgiacas quaterent dum Turcica terras,  
Inueherent culto barbariemq; solo:  
Quid facerent Musæ? fugere Helicone relictæ,  
Phocin, & Ascræum deseruere nemus:*

E 2

Regno



*Regna Latina petunt: & erat Musurus in illis:  
 Hospitio utuntur hospitis ante sui.  
 Nunc etiam bustum, grata pietate, sepulti  
 Officii quamvis sedulitate colunt:  
 Thespiacas frondeis circum, & Permessida laurum,  
 Et sacro spargunt ex Helicone thymum:  
 Castalias lymphas aliae: & cape munera dicunt,  
 Musure, Aonii factus Apollo chori.*

## IOANNES LASCARES.

## XXXI.

**I**OANNES LASCARES GRAECORUM ferè omnium, qui Othomanicis armis patria pulsi in Italiam confugerunt, nobilissimus, atq; doctissimus fuit. Stirpem enim sanguinis incorrupti ad Imperatoris Constantinopolitani decus generosis moribus referebat, ut potè qui ab ingenua educatione, optimas literas imbibisset. Naufragum excepit Laurentius Medices, cui nihil antiquius unquam fuit, quam ingenia liberali beneficio deuinxisse. Is, tū absolute Bibliothecæ studio tenebatur. Ob id Lascarem, ad conquirenda volumina Byzantiū cum legatione ad Baiazerhē bis misit: nec defuit honesta petenti, nusquā Barbarus Imperator, quippe qui erat totius philosophiæ studiosus, Auerroisq; sectator eximius, & de Laurentio priuatim tanquā de illustri cultore virtutis, optimè sentiret: quum paulò ante Bandinum percussorem fratris, fuga in Asiam elapsus in catenis ad supplicium tradidisset; singulari quidem religionis, atque iustitiæ exemplo; quòd ille immane sce-



ne scelus in templo ausus, merita poena plectendus censeretur. Itaq; Lascaris, tutò abdita Græciæ perscrutatus, quum patriæ opes victoribus celsissent, nobiliora diuitijs antiquæ dignitatis volumina collegit, vt in Italia seruarentur. Transiuit demum in Galliã, legatumq; Ludouici Regis apud Venetos egit: nec multò post Leone veteris amicitia nomine liberaliter attollente, nobiles à Græcia pueros adduxit, instituto ludo in Quirinali; ne Græca lingua scitè loquentium soboles interiret. Valebat Latina facundia, ita, vt versus, qui extant, perscriberet; sed adeo contumaci sterilitate desidiosus erat, vt in vertendo Græca, vix Polybij castrametationem efflagitantibus amicis expresse, quòd id studium, recto an maligno iudicio incertum, penitus damneret. Verù egregia cū laude præstitit, vt Latini haberent emendatiora, quæ minore ipsorum labore verterentur. Honestæ facultates non certo nixæ redditu, sed aliena liberalitate quæsitæ, vel in rem negligenti, & sumptuosè viuenti nunquàm defuerunt, vt nonagenarius ferè senex articulari morbo deformatus Romæ mereretur. Sepultus est in æde Gothica diuæ Agathæ supra Suburram: fecitq; sibi Græcum Epitaphium, quod Maioranus sic vertit.

*Lascaris in terra est aliena terra sepultus,*

*Nec nimis externam quòd quereretur erat.*

*Quam placidam, ô hospes reperit, sed deflet Achæis*

*Libera quod nec adhuc patria fundat humum.*



ELÖGIA  
TIBALDEI.

*Lascaris hic Graiũ specimen: ne crede cadauer  
Illius esse sub hoc marmore, sed statuam.  
Altera quippe fuit Niobe, dolor impius illam  
Natorum: hunc podagræ transtulit in lapidem.*

LATOMI.

*Lascarius hic Graiæ doctrinæ, & nominis hæres,  
Ultimas ex illa gente, domoq; iacet.  
Cum quo lugemus florem periisse Pelasgũ  
Helladaq; ingeniis obsoluisse bonis.  
Damna dolenda nimis: sed quæ maiora futura,  
Huius ni pietas aduigilasset, erant.  
Qui non contentus priscos conquirere libros,  
Italiam & tantis accumulasse bonis:  
Semine Mygdoniæ pubis repleuit eandem,  
Quos natua penes, linguaq; voxq; foret.  
Queis tibi pro meritis Latium sese obligat, illa  
Dempturum patriæ barbara vincla tuæ.*

RODVLPHVS AGRICOLA.

XXXII.

**Q**VIS NON TE RODVLPH  
Agricola inusitato, & planè portentoso  
conspirantium syderũ concursu natum  
esse fateretur; si vim cœlestis tam variè radio si lu  
minis, non secus ac in astris cursum; certior disci  
plina deprehenderet? Hausisti enim Hebraicas,  
Græcasq; literas, vsq; adeo stupenda celeritate;  
vt nequaquàm Gruningiæ in vltima Frisia, sed  
Hierosolymis, Athenisq; natus, ac educatus à do  
ctissimis credere. Latinas porro tanta felicitate  
didicisti, docuisti que; vt exacta puritas, ac illa no  
bilis



bilis vbertas Romanæ eloquentiæ, nostro cum pudore in squalenti, asperoque Oceani littore quærenda videatur. Viuent profectò in admirantium manibus tua illa, quæ auidè leguntur in Dialecticis, Rhetoricisque præcepta, & diuini ingenij carmina, quibus vel illustribus poëtis numeros excussisti. Nos verò in magno vitæ tuæ desiderio, aut numinum, aut certè syderum inconstantiam indignanter vsquequaque mirabimur, quæ tantis cumulatum muneribus, terris tantum ostenderint, grauiore quidem iniuria humani generis, quum ille cœlesti aura fortasse dignior, in secundissimo fœcunditatis cursu raperetur. Defunctum Heidelbergæ Germaniæ vrbe gymnasio clara, decuriones sepulcri honore perornarunt. Hermolaus autem Barbarus apud Cæsarem legatus, inscripto Epigrammate supremū amicitiae munus exoluit.

*Inuida clauserunt hoc marmore fata Rodolphum  
Agricolam, Frisii spemq, decusq, soli.  
Scilicet hoc vno meruit Germania, quicquid  
Laudis habet Latium, Græcia quicquid habet.*

## L A T O M I.

*Qui putat ingeniis patriam conferre, Rodolphum  
Agricolam Latii dixerit esse soli.  
Aut extra Italiam nasci minus esse beatum,  
Hunc ipsum Frisium, qui putat, esse sciat.*

E 4

LEO



**L**EONI BAPTISTAE EX ALBERTORUM familia Florentiæ clara, Politianus, audita eius morte, nobile encomium cecinit, nos autem eius ingenij acumen, & styli felicitatē in confragosa materia plurimum admiramur. Notum enim opus ædificatoriæ facultatis, & propter linguæ inopiam valdè impeditum, nec satis eloquentiæ capax, aggressus est; tanta facundio, vt imperitos obscuro, rudiq; eius sæculo, & certa disciplinæ luce carentes architectos in semitam rectissimæ rationis deduxerit, quum Vitruuij præcepta densissimis obfessa tenebris illustraret, ac inspectis antiquorum ædificiorum reliquijs, atq; indè accurata dimetiendi ratione initiorum, & finium ordinē depræhendisset; ita, vt inopem & corruptis artibus incultam ætatem nostrā admirabili abditarum rerum copia locupletasse existimeretur. Scripsit etiam in pictura de recessibus, & vmbreis, lineisq; ex optices disciplina, quibus rerum imagines, in eodē sitas plano, tanquā remotas, & extantes, erudita manus exprimere cōsuevit. Ex speculo quoq; reflexis radijs suam ipsius effigiem arguto penicillo perelegāter est affecutus, quā apud Pallātem Oricellarium in hortis vidimus. Extat etiam apologorum vrbaniæ grauitatis libellus, quo, vel Æsopum inuentionis amœnitate superasse iudicatur: & Momus, summæ gratiæ dialogus, ac ideo cum antiquis operibus multorum sententia comparandus.

I A N I



## IANI VITALIS.

*Albertus iacet hic Leo, leonem  
 Quem Florentia iure nuncupauit,  
 Quod princeps fuit eruditionum,  
 Princeps, vt leo solus est ferarum.*

## LATOMI.

*Quisquis barbarus es, rudisque Phœbi,  
 Hoc saxum pedibus caue prophanes:  
 Quod sane eximium tegit leonem,  
 Perus angue tuum genus perosum.  
 Nam Musis sacer est: easque secum  
 Vel hic in tumultu moratur oris  
 Docti blanditiis: vel ipse cum illis  
 Indagat Clarios comes recessus.  
 Doctis multiingam referre prædam  
 Non raro unde solet, stupente Apelle,  
 Atque Vitruuio sagacitatem.  
 Sed quid te dubium morer? Leonem  
 Albertum satis huius loquuntur ungues.*

## LAVRENTIVS MEDICES.

## XXXIIII.

**S**ALVE HEROS OPTIME MA-  
 xime, ingeniorum liberalis educator, arti-  
 umque omnium, & elegantiarum pater,  
 ac vnicus veræ virtutis æstimator. Salue iterum  
 immortale preconium merite: quum te vigilan-  
 ter excubante, non Ethruria modo tua, sed om-  
 nis quoque Italia, opulenta pace floruerit; scilicet,  
 vt mox orbata te custode & vindice, intestina,  
 fatalique insania, & externa immanitate vastata  
 concideret. Sed salue itidem, qui luculenter, &  
 fouisti



fouisti Musas, & feliciter exercuisti. Preclarus  
 tique Vatum hospes, & æmulus, ideoque cœle-  
 sti munere, nomini tuo debita virenti laurea dig-  
 nissime: nisi hæc fortuna tua putetur inferior;  
 quando Cosmum auum eruditi sæculi decus,  
 gloria superasse summè arduum videri poterit.  
 nisi Leonem Decimum, ad ornandam virtutem  
 cœlo datum, felici prole genuisses.

## IANI VITALIS.

*Nil mortale unquam vita tibi contigit omni,  
 O Patriæ pater, & decus immortale tuorum,  
 Laurenti, nisi cum te mors immitis ademit.  
 Illa quidem non te vitali lumine cassum  
 Extinxit, verum quicquid sanctiq, boniq,  
 Orbis habet, tecum simul abstulit: aurea quando  
 Sæcula fœdauit scabra rubigine ferri;  
 Non tamen ulla unquã viderunt tempora dignũ  
 Te magis, & titulis, & maiestate decoro,  
 Cui magnus Cosmus auus, & cui filius altum  
 Maximus ille Leo princeps Romanus, honorum,  
 Atque æternarum laudum erexere theatrum.*

## MYRTEI.

*Occidit ut fato Medices Laurentius, ora  
 Conuertens in sollicitas Florentia Musas  
 Dixit; Abite, aliud vobis nunc querite tectum.  
 Cui Musæ: Nos hospitium sanè perdimus usquã  
 Querendum. Sed tu Medice Florentia raptò  
 Amissum inuenies nusquã: Quin desinis ipsa  
 Esse illud decus, & Latii Florentia lumen.  
 Nos erimus Musæ: tum si quid nostra parente  
 Ab Ioue dat pietas sperare, videbimus illo  
 Tempore*



*Tempore post heroa Deorum in sede suprema  
Immortalem alti nutu Iouis astra regentem.*

## L A T O M I.

*De te nil dicam: sed enim si dixero, quantum est,  
Vel te Diis genitum, vel genuisse Deos?  
Vatibus Ausoniis mandatum hoc muneris esto:  
Carpere nam laudes est violare tuas.*

## P E T R V S   L E O N I V S .

## X X X V .

**P**ETRVS LEONIVS SPOLE-  
ti natus, multo acumine perspicacis inge-  
nij, eruditaque facundia, inter medicos  
primus ferè prolato Galeno, verum medicinæ  
limen aperuit, quum in clarissimis Italiæ gym-  
nasijs profitendo, exercendoque artem summa  
nominis autoritate, non ex fœculentis Arabū  
lacunis: sed ex purissimis Græcorū fontibus hau-  
rienda præcepta artis, atque remedia docuisset. Is  
erat validis disciplinarum omnium prædijis in-  
structus, ita vt Astrologiæ, & veteris item Magiæ  
peritissimus haberetur. quòd de euentu grauiissi-  
marum rerum diuina prædictione iudicare con-  
sueuisset. Constat enim eum amicis sæpè dixisse,  
sibi subita mortis periculum in aqua portendi:  
vnde flumina, crebrasque nauigationes formi-  
daret; quam ob causam, quū alia omnia ad qua-  
stum, & decus secunda retineret, è Patauio, Ve-  
netijsque in Umbriam, & Spoletum emigrarit,  
vt mutata sede, nauigationum occasiones effu-  
geret. Sed fata ubiq; viam inueniunt. Indè enim,  
Laurea-



Laurentio Medice suprema valetudine tētato,  
 Florentiam accitus, adeo inani, aut certē fatali  
 spe concepta, de salute decumbentis, occultans  
 atrocis morbi imperum contempsit, vt oblata  
 ab alijs ex arte remedia reijceret, & insurgentis  
 naturæ viribus nihil verendam morbi vim, fa-  
 cilè cessuram polliceretur. Verum non diu post  
 ab ea cunctatione, detecta malignitate pituitæ,  
 ægro quæ sensim deficienti, superuenit Lazarus  
 Placentinus illustris medicus, à Ludouico Sfor-  
 tia Ticino missus, sera quidem afferens remedia  
 sed obliquè Leonium iam toti familiæ inuisum  
 perstringens, quod neglectis morbi initijs, facil-  
 limæ curationis occasiones, temerè contemnen-  
 tis imprudentia deperissent. Per hunc modum  
 expirante Laurentio, Leonius ex infamiæ dolo-  
 re, commota mente, exitialem insaniam, lugen-  
 tiumq; familiarium læthale odiū contraxit; ita,  
 vt in proximæ Caregio villæ puteum, sponte,  
 an illata vi incertum, præceps datus mergere-  
 tur. Fuere qui Petri Medicis feruida ira mortem  
 patris more Barbaro vindicantis, id scelus ad-  
 missum crederent, vti Actius Syncerus Ethrusco  
 carmine deplorauit. Sed nullum omnino præ-  
 clarius patrata necis argumentum exortam in-  
 dè suspicionem fouet, quàm ipsius authoris, par  
 sceleri ad iustam pœnam interitus, quū ille à cla-  
 de Gallorum ad Lyrim aufugiens, in ostio flu-  
 tiibus naue obruta, fœdè perierit.

IANI VITALIS.

*Dum timet astrologus, sua fata, Leonius, vndas,  
 Et fugit è ripis magne Timæne tuis;*

*Illa*



*Illae eadem frustra fugientem aduersa sequuntur,  
 Qua rapitur tacita nobilis Arnus aqua:  
 Hic tu florentem medicis Florentia curis  
 Præruptum, ô facinus, corripis in puteum:  
 Astra repræsentant sic funera, dum fugit ille,  
 Tutius hunc poterant quàm latuisse poli.*

## L A T O M I.

*Pallet: conspectis vbicunq, Leonius undis,  
 Et velut à certo protinus hoste timet.  
 Scilicet has tacitè didicit, monstrantibus astris,  
 Moliri vitæ fata suprema suæ.  
 Quur sed ubique timet? quur omneis deniq, semper?  
 Astra cauendi etiam cur tacuere viam?  
 An non terra suos gignit, licet arida, fonteis?  
 Et cælum pluuias non quoq, seruet aquas?  
 Forsitan has aliquo in puteo tibi fata reponunt:  
 Nec poteris clarè cum Phætone mori.  
 Sed fugis Euganeos, Padumq, & aquosa Timau:  
 Stulte, fuge, & longum dedoceare metum.*

## HERMOLAUS BARBARVS.

## XXXVI.

**N**ULLA HERCLE CVIVSQVAM  
 defuncti insignis effigies, maiore meri-  
 to, quàm tua in Musæo spectatur Her-  
 molaë eruditorum omnium, omnibus nume-  
 ris longè doctissime. Nouo comēsis enim C.  
 Plinium Secundum ciuem suum, ab imperitis  
 inuidiose surreptum, erudita, præclaraque sen-  
 tentia reddidisti; eumque eductum tenebris, &  
 multò squalentem situ, immenso radiantis in-  
 genij tui lumine penitus illustrasti: scilicet, vt re-  
 cepta



cepta antiqua dignitate sibi perfimilis in lucem prodiret, ac ea omnino quæ in foro à Comensibus erecta est, dignus marmorea statua spectaretur. Sed tibi publico nomine debemus omnes, quod Themistium, tenebrosis Aristotelis operibus viuido splendore lucem afferentē, Latino sermone donaueris, vt quātus esses in Physicis, Dialecticis, atque Rhetoricis, tot nobiles exuberantis ingenij foeturæ testarentur; nec satis fuerit impeditissimā illā Geographiæ sylvam, inaccessam multis, nulliq; penitus exploratam, glorioso labore penetrasse, nisi ex ipso telluris, & naturæ germinantis gremio singulas salutare, & noxias herbas, traducto, ac explorato Dioscoride agris mortalibus demonstrasses. Sed qui linguarum & disciplinarum omnium difficultates euasisse videris, longē maximo etiam inuideti animi praconio, infestam virtuti tuæ inuidiam generosē superasti, quum te speciosis honoribus perfunctum, & tum supremam idcircoq; grauissimam legationem, Romæ agentem, Innocentius Octauus, admiratione virtutis, Aquileiensem Patriarcham renuntiasset, vel non probante Senatu Veneto, qui nihil, vel inusitatae virtuti, extra leges tribuendum censuerat: tulisti quippè æquo animo suffragiorum seueritatem, quum ex eo tamen, pari merito tibi purpura pareretur. Sed mors ante diem irrepfit, & pestilenti quidem morbo properata, adeo, vt quod à Pico, Politianoque Florentia laborati per dispositos equos mittebatur miræ potestatis antidotum, veneni celeritate prauerterit, scilicet, vt nimis



mis seuera patria optimi ciuis ossa non haberet,  
 quæ sub colle hortorum ad Flumentanam por-  
 tam sepulcro condita è Campo Martio, ab etu-  
 dita Romana iuuentute salutantur.

*Barbariem, Hermoleos Latio qui depulit omnem  
 Barbarus hic situs est, utraque lingua gemit.  
 Vrbis Venetum vitam, mortem dedit inclyta Roma,  
 Non potuit nasci, nobiliusue mori.*

PIERII VALERIANI.

*Peregrine ciuis, nate in vrbe, & aduena,  
 Quicunque adoras templa Musarum sacra:  
 Huc in beata, & si occupatus, Vrsula  
 Diuerte: cultum hinc à sinistra suspice,  
 Inter sacratos hinc & inde Præsules,  
 In purpurata veste nobilem virum.  
 Quid fronte prima iam ominaris maximum?  
 Vna hæc imago est Hermolai Barbari.  
 Aciem sacraſti, ne prophana videris,  
 Candente fœlix ære lumen excute.*

LATOMI.

*Quid ſtas, & titulum ſtupes, Viator,  
 Hoc ſub ſaxo aliquem ratus ſepultum  
 Gallum, Teutonicum, Scotum, vel Anglum,  
 Genteis quas modò Barbaras vocamus?  
 Erras. Barbarus Hermolaus ille,  
 Ille Barbarus, utriusq; linguæ  
 Venus, delitiæ, lepor, voluptas,  
 Quo nemo melius tenebat omneis  
 Germanæ numeros locutionis:  
 Hoc ſub marmore, nunc cinis, recumbit:  
 At non mortuus: immo mortis ipſa*

*Vitis*



*Victurus scelere usq; & usque, & usque:  
 Rumpatur Venetus licet Senatus.  
 At si te nouitas moratur huius  
 Vocabli? ratione scito factum,  
 Qua suos Domini solent Quirites  
 Insignire duces, ut Aphricanos,  
 Cimbros, Pannonicos, Isauricosq;  
 Victarum puta gentium trophæis.  
 Sic & barbarie per hunc Latinis  
 Pulsa finibus, & iugum subacta,  
 Iure Barbarus optimo vocatur.*

GEORGIUS MERVLA.

XXXVII.

**I**N GEORGIO MERVLA AB A-  
 quis Statiellis, Alexadrino, ingenium sub-  
 agreste, atque ideo ad lucubrationum labo-  
 res maximè ualidum; nullisque obiter volupta-  
 tum illecebris laceffitum emicuit, passim floren-  
 tibus Græcarum literarum studijs, quarum fœ-  
 lici societate antiqui decoris ornamenta Latinæ  
 facultati tradebantur. Ob id variæ eruditionis  
 laude celebratus, quadraginta amplius annos,  
 cum Venetijs, tum Mediolani iuuentutem do-  
 cuit; in alienos sæpè libros acerbius censurâ ex-  
 ercens, quum sæpè Calderini, Galeotti, & Poli-  
 tiani errata, vel certè prætermissa, notare conten-  
 deret, publicatis annotationum libellis, quibus  
 latè nomini fama apud stupentes grammaticos  
 quæreretur. Edidit etiam translationem Dionis  
 de Traiani gestis: sed petenti Ludouico Sfortiæ  
 historiam perscripsit, Vicecomitum Principum  
 origi-



origines, & bella continentem, sobrio quidem  
 stylo, ac ex omni parte Latino, sed in quo lecto-  
 res minus austeri per amœna diuerticula passim  
 requirant: Cæterum postremi eius historiæ libri  
 meo iudicio iucundiores, æternum dormituri,  
 denegata luce in abditis scrinijs iacent, quum ne-  
 mo è generosa stirpe Vicecomitum omnino pro-  
 deat, qui sepultum familiæ, patriæque decus, in  
 lucem asserere velit; quando quidem nemo ferè  
 sit ex ea gente, qui non spreto veræ virtutis no-  
 mine, ab incondito luxu decoxisse videatur. Pe-  
 rijt exactæ ætatis senex, tonfillis fauces occupan-  
 tibus, Politiano obiter vehementi metu libera-  
 to, quum in miscellaneam eius centuriam; cohortes,  
 & alas, quæ impetu obrueret, emissurus esse  
 diceretur. Ludouicus Princeps optimè de literis  
 merito, iustum funeris honorem persoluit, elat-  
 usque est ad ædem Eustorgianam: & hoc car-  
 men, sepulcro Lancinus inscripsit.

*Vixi aliis inter spinas, mundiq; procellas,*

*Nunc hospes cæli Merula, viuo mihi.*

## L A T O M I.

*Quar fugis à titulo? quò tam cito, quæso, Viator?*

*Siccine, quod possim carpere, habere times?*

*Ingenio hoc vixi, fateor: plureisq; laceffi*

*Pro rigido exercens scilicet ense stylum.*

*Parcebam nulli, gaudens è cæde frequenti*

*Lassa cruentatas figere in ora manus.*

*Et tu forte times, ne nunc quoque dentibus idem,*

*Quæque Theoninis non placitura petam.*

*Optarim sanè. neque enim tibi abiret inultum*

*Phæbe, sacerdotem sic habuisse tuum.*

F

Nam



*Nam fœdasse suas quod me malus arguit arteis,  
(Tutari parteis hoc vocat ille suas)*

*Tergendis voluit pueris à clunibus essem,  
Quos malè mundatos mors inopina rapit.*

*Ah miser. at quod idem multi quoq; nunc imitantur,  
Iam successorem mi fore spero aliquem.*

## POLITIANVS.

## XXVIII.

**P**OLITIANVS A PRIMA STA  
tim iuuenta admirabilis ingenij nomen  
adeptus est; quū nouo, illustriq; poëmate  
Iuliani Medicis equestres ludos celebrasset, Luca  
Pulcio nobili poëta, omnium confessione supe-  
rato, qui Laurentij fratris ludicrū equestris pu-  
gnæ spectaculū, iisdem modis, & numeris decā-  
tarat. In id enim è Græcis, atq; Latinis delectos  
flores populo stupendos cōtulisse censebatur:  
Nec multò post Iuliano à Pactijs in tēplo imma-  
niter interfecto, eius vindicata cōiurationis hi-  
storiā, latinè, ornatissimeq; perscripsit; profes-  
susq; demū in gymnasio Græcas pariter, Lati-  
nasq; literas, tantos de se excitauit clamores, fa-  
uente iuuetute, vt Demetrius Calchondyles vir  
Græcus, præstatiq; doctrina, vt aridus, atq; ieiū-  
nus à discipulis defereretur. Exindè Herodianū  
Romanè loquētē publicauit, cūctis haud dubiè  
erepta laude, qui id generis munus ante suscepe-  
rant; quanq̃ æmuli eam translationem, vti nos à  
Leonè Pōtifice accepimus, Gregorij Tifernatis  
fuisse dicerent; q; passim, inducto fūco, & falsis  
neuorū coloribus interlita, alieni styli habitum  
menti-



mentiretur. Sed eadē præcellenti studiorū omnium vbertate florentē, post editā miscellaneorum centuriā; publicatāq; Latina poëmata, immatura mors oppressit. Erat distortis sæpè moribus, vti facie nequaquā ingenua, & liberali, ab e-normi præsertim naso, subluscoq; oculo perabfurda, ingenio autē astuto, aculeato, occulteq; liuido, quū aliena semper irrideret, nec sua, vel nō iniquo iudicio expungi pateretur. Ferunt eū ingenui adolescentis insano amore percitū, facile in lethalem morbū incidisse. Correpta enim citihara, quū eo incendio, & rapida febre torrere-tur, supremi furoris carmina decantauit; ita, vt mox delirantem, vox ipsa, & digitorū nerui, & vitalis deniq; spiritus, inuerecūda vrgente morte, desererent; quum maturando iudicio integra, statæque ætatis anni, non sine graui Musarum iniuria, doloreque sæculi, festinante fato eriperetur. Vix enim quadragesimum quartum ætatis annum attigerat: sed eo præpropere vitæ exitu, profectò fœlix fuit, quòd imminentem cōuulsæ Medicæ domus ruinam effugerit. Tumulo autem hoc carmen Crinitus discipulus affixit.

*Hic, hic Viator paululum gradum siste,  
Vatem potentis spiritus vides clarum:  
Qui mente promptus acri, & arduum spirans,  
Ac summa quæq; & alta consequi suetus.  
Is ille ego Angelus Politianus sum.  
Fouit benigno me sinu Flora, & illic  
In fata cessi, Parthenopeos Reges  
Cum Gallica arma irruerent minabunda.*

F 2

Tu vale,



*Tu vale, & hoc sis meriti memor nostri.*

## EIVSDEM.

*Siren relicto Daunio  
Quærebat ubi consisteret:  
Diuq; vagula deuolans  
Accessit amnem lassula  
Arni fluentis leniter:  
Et commorata satis, iter  
Parabat inceptum sequi.  
Sed ecce dum vaga subuolat,  
Audi repente rem nouam,  
Nouosq; numeros, & noua  
Carmina canentis Angeli.  
Itaq; statim in labra conuolat  
Dulci lepore perlita:  
Et, inquit, hic libet agere,  
Hic, hic morabor sedulo:  
Vbi Gratia, Decor, & Venus  
Tam blanditer simul canunt:  
Carmenq; fundunt aureum  
Tu nunc valebis Daunie.*

## PETRI BEMBI.

*Duceret extincto cum mors Laurente triumphum,  
Lætaq; pullatis inueheretur equis;  
Respicit insano ferientem pollice chordas,  
Viscera singultu concutiente virum.  
Mirata est; tenuitq; iugum: furit ipse; pioq;  
Laurentem cunctos flagitat ore Deos.  
Miscebat precibus lachrymas, lachrymisq; dolorem:  
Verba ministrabat liberiora dolor.  
Risit; & antiquæ non immemor illa querelæ,  
Orphi Tartaræ cum patuere viæ,*

*Hic*



*Hic etiam Infernas tentat rescindere leges;  
 Fertq; suas, dixit; in mea iura manus.  
 Protinus & flentem percussit dura poëtam;  
 Rupit & in medio pectora docta sono.  
 Heus sic tu raptus: sic te mala fata tulerunt,  
 Arbiter Ausoniae Politiane lyrae.*

## INCERTI.

*Politianus in hoc tumulto iacet Angelus, unum  
 Qui caput, & linguas, res noua, tres habuit.*

## HERCVLIS STROZAE.

*Quis Lycias sortes? quis Phthiae carmina vatis?  
 Transmissos Deli quis neget huc Tripodas?  
 Quippe hic assidue Phœbus Musæq; parentant,  
 Et caros lachrymis sæpe lauant cineres.  
 Quin si fata velint, tegerentur numina, sub quæ  
 Angelus obdormit Politianus humo.*

## CAESARIS SCALIGERI.

*Ante, tuo quam te nossem de pectore, non te,  
 Aiebam, decuit Politiane mori.  
 Sive mori decuit: sed non decuisse fatebor,  
 Ah, sic ah iuuenem Politiane mori.  
 At diuina semel noui dum pectora: dixi,  
 Nec iuuenem, nec iam Politiane mori.*

## LATOMI.

*Hoc tumulto Charites, lepor, & bona Suada, iociq;  
 Et Musæ, & Phœbus, plectra, chelysque iacent.  
 Cuncta obire simul (neq; enim sunt visa deinceps:  
 Nec vixit fuluis laurus, ut ante, comis)  
 Verus ut ille pudor Graiûm, columenq; Latinûm  
 Angelus arguta desuit in cythara.  
 Nam fuit hæc (miserum) sæuæ culpa altera Parca,  
 Cantantis filum præsequisse viri.*



*Ah, seuum potuit qua flectere corda ferarum,  
Non potuit duram flectere voce Deam.*

## MIRANDVLA.

## XXIX.

**I**OANNES PICVS MIRANDV  
la meritò cognomine Phœnix appellatus  
est, quòd in eum, Dij superi, supra familiae  
claritatem, omnis corporis, ac animi vel rarissi-  
ma dona cōtulerint. Mira enim altitudine sub-  
tilis ingenij, decora facie, lectissimisq; moribus,  
& incomparabili quum disputaret, aut scribe-  
ret facundia, omnes eius sæculi sapientes in ad-  
mirationem sui facilè conuertit. Grauiſſimo au-  
tem opere, nec dum absoluto, tanta eruditione,  
atq; vehemētia Astrologos totius diuinationis  
vanitate cōfutata persecutus est, vt subtiliū disci-  
plinarū professores à scribēdo deterruisse videa-  
tur. In Heptaplo autem, dum sacrarū literarum  
mysteria, diuino ore nobis recludit, & in Apo-  
logetico grauiſſimis disciplinarū omniū ratio-  
nibus proposita ad disputandum, ingenij sui de-  
creta defendit, se ipsum doctrinæ, atque memo-  
riæ foelicitate supergressus esse videtur. Excessit  
ē vita dignus cœlo, trium & triginta annorum  
iūuenis, eo die tam celebri, quàm postea Italiae  
maximè funesto, quo Carolus Galliae rex Octa-  
uus Florentiam est ingressus; scilicet, vt tanti fu-  
neris luctus, quum sub signis ornatus in pom-  
pam externæ gētis exercitus urbem intraret, vel  
eo inusitato spectaculo, & in tanta receptæ liber-  
tatis lætitia minimè vinceretur.

HER-



DOCTORVM VIRORVM. 87

HERCVLIS STROZAE.

*Ioannes iacet hic Mirandula, cætera norunt,  
Et Tagus, & Ganges, forsan & Antipodes,*

EIVSDEM.

*Hic situs est Picus, cuius si cuncta perissent,  
Virtutum septem vix sat erant tumuli.*

MICHAELIS MARVELLI.

*Occidis ætatis media quod Pice iuuenta,*

*Vltima Socraticæ flenda ruina domus.*

*Nec vel nobilitas, vel opes, vel gratia formæ*

*Profuit, aut animi tot bona rara tui.*

*Non hoc, crede mihi, naturæ iniuria matris*

*Larga vel imprimis quæ fuit vna tibi,*

*Sed vitæ documenta hominū, & quàm fluxa sit ollis*

*Forma, genus, dotes ingenii, imperia.*

LATOMI.

*Ne Pici ingenium deberi quis putet astris,*

*Nil genere hoc artis, vanius esse docet.*

*Quem vitam, & mores frugi, assiduumq; laborem,*

*Astrorum scimus percoluisse loco.*

*Sed tamen est aliquid (fateor) quo debeat astris,*

*Quod citò se nostris eripuerè malis.*

POMPONIVS LAETVS.

XXX.

**I**VLIVM POMPONIVM LAET-  
tum Sanseuerina illustri familia in Picētinis  
natū ferunt, adeoq; insigni cura educatū, vt  
ex adultera matre alioqui pudica, illudēte ei Sa-  
lernitano Principe genitus putaretur. Sed vigen-  
te demum bello, & labante fortuna principalis  
domus, animum ad literarum studia conuertit,

F 4

tanta



tanta antiqui moris æmulatione, & naturæ temperantia optimas literas complexus, ut Romæ inter præclara eius sæculi ingenia conspicuus monstraretur; Nam Vallæ præceptoris æquata eruditionis opinione, locū exceperat; sed eum mox Pauli Secundi iniuria percelebrem fecit, quum literatos quosdam, & in his Platinam, atque Callimachum, tanquàm impios atq; maleficos tormentis excruciasset. Nam è Venetijs Romam pertractus ad dicendam causam, perpetua vitæ innocentia tutus nihil terreri potuit; ut integro constantique animo indigna fateretur. Veterum enim ingeniorum illustria nomina sibi ipsis indiderant, quum in cœtu sodalium laureati Musas colerent. Ea nominū novitate, Pontifex elegantia literarum imperitus, suspiciosusq; vehementer offendebar, quasi id esset occulta coniurantium tessera ad obendum insigne facinus. Xysto demum, Innocentioque fauentibus in gymnasio docuit incredibili nominis autoritate, auditorumque frequentia; adeò ut ante auroram profitentem, Romana iuventus à media statim nocte præoccupandis subsellijs præueniret. Descendebat è Quirinali sæpè solus, Diogenis more præferens laternam, quum opes cōtemneret, & iucunda frugalitate venerabilis haberetur. Simplici nanq; & penè subagresti cōuictu vsq; adeo gaudebat, ut quum frequenti semper limine coleretur, improvisi nobiles cōuiuæ, nō sufficiente eius puero periocum admoniti coquinæ manus admouerent, unde perurbani sales, multaq; faciet rereren-



## DOCTORVM VIRORVM. 89

rerentur. Scripsit grammaticæ compendium, adultis pueris utile: & grauiore demum stylo seriatim Romanos Cæsares; gratissimoque libello in antiquæ Urbis ruinis, vera loca, atque vocabula demonstrauit. Sed in suggestu summam laudem promeruit; quod eo magis mirum videtur, quum in familiari sermone hæsitante lingua balbutire esset solitus, nec orantem demum, aut clara voce lectitantem, vlla omnino oris titubantia deformaret. Septuagenarius excessit è vita, quum gelidissimo vini potu ventriculi calorem oppressisset. Elatus est auditorum insignium pijs humeris, honestante funus familia purpurata Alexandri Pontificis, & laudante Marso oratore: quum varijs autem Elegijs tumulus ornaretur, epigramma Pontani, consensu publico, locum obtinuit.

## PONTANI.

*Pomponi, tibi pro tumulo sit laurea sylua;  
Ossa, maris rores, myrteaq; umbra tegant:  
Teq; tegant, artusq; tuos, violaq; rosaq;  
Ver habeat, Zephyros spiret, & ipse cinis.  
Stillet & ipse cinis, quas & Parnasus, & antra  
Thespia, & ipsa suas Ascra ministrat aquas.*

## DOMITII PALLADII.

*Hic iacet exigua Lætus Pomponius urna,  
Cuius honor meritò pulsat vtrunq; polum.  
Lætus erat Romæ vates sublimis, & idem  
Rhetor, nunc campus lætior Elysiis.*

## LATOMI.

*Effert Pomponi dum te Romana iuuentus,  
Et fouet in gremio Roma beata suo:*



*Fama est, inuidiam summorum adeoque Deorum  
Hunc tumulum, hos gerulos conciliasse tibi.  
Sed tamen hoc summi tibi debebatur honoris,  
Ut tua mors Superis inuidiosa foret.*

## CALLIMACHVS

## XXXI.

**C**ALLIMACHVS ANTIQVO  
nomine Philippus Geminiano Ethru-  
riæ oppido editus ingenium lectissimis  
literis Romæ excoluit; nec multò post indignam  
in fonte animo subiit calamitatem, quum Pau-  
lus Secundus illustres academix sodales odio te-  
merè concepto, tanquàm malignè conspirantes  
persequeretur; ita, ut ipse ante alios desumpti  
Græci nominis reus, tormentis, et carcere poenas  
daret. Ab ea autem iniuria indignabundus in vl-  
timas terras profectus, Casimiro Sarmatiæ Regi  
ingenij operâ obtulit. Is virtute, fortunaque cla-  
rissimus; sed Pontificij nominis hostis, quatuor  
Regum pater fuit; In honore tum erant optimæ  
literæ apud externos reges, vno præ cæteris Mat-  
thia Coruino studijs ac artibus eximijs liberali-  
ter fauente. Itaq; Callimachus Alberto filio præ-  
ceptor datur; à quo demum, post Casimiri pa-  
tris interitum ad summum familiaritatis, atque  
potentiæ locum euectus est, tanta Polonorum cō-  
sternatione, odioque; ut eum tanquàm impiū,  
& Moldauicæ cladis authorem, tyrannidemque  
impotenti imperio exercendam Regi suaderet,  
aula extruserint. Maligno enim iudicio nobilita-  
tem quod imperatæ pecuniæ, & suscepto bello  
auerfa esset, sauo hosti obiectandam esse censue-  
rat,



## DOCTORVM VIRORVM. 91

rat, vt nemo demum superesset, qui libertatis per manum traditæ iura tueretur. Sed Callimachus, vel Alberto absentis desiderium vix-ferente, quod inuidiam minimè sustineret, semi exul in villa Sarmatica apud veterem amicum occultatus, fato celsit. Ita vt morte celata, sine funere arefactus tepore clybani in armario seruaretur. Id rescivit Albertus, & pietatis ergò, Cracouiæ in æde Trinitatis æreo sepulcro honestandum curauit. Præcipuum eius ingenij monumētum, extat historia exactissimè conscripta de rebus gestis Ladislai Sarmatiæ, atque Pannoniæ Regis, qui ad Euxinum Varnensi acie, ab Amurathe superatus interiit; adeo enim eleganter eius grauißimi muneris leges impleuisse existimatur; vt omnes, qui à Cornelio Tacito, per tot secula id scribendi genus attigerint, meo iudicio superarit.

## IANI VITALIS.

*Ænea, Callimachi, quæ circumplectitur ossa,  
Depositi meritis nobilis urna sui,  
Ænea sit quamuis, multò est preciosior auro,  
Ethrusci felix hospita Callimachi;  
Ipsi etiam, Italia; tantum decus, auspice, adepti,  
Ad sacra conueniunt busta Borysthenides:  
Exultantq; mero, & choreis, referuntq; vicissim:  
Dedicat hæc Crispo Sarmatis ora suo.*

## LATOMI.

*Exuias præter, pellemq;, atque ossa Latini  
Nil hic Callimachi Barbara terra tegit.*

Ila



*Illa Borysthenides rapuere, tenentq; Camœnæ,  
 Quarum primus amor, gloria, prima fuit.  
 Hoc perfecturus, si copula longa fuisset,  
 Venissetq; suo iusta propago thoro  
 Sarmatide e nympha: ne barbara terra videri  
 Posset, Romanæ vel minus apta togæ.  
 Sed mors inuadit, qua nil odiosius: atqui,  
 Quæ feritas tacito non caret opprobrio.  
 Aeneus est tumulus, mors ænea: & æneus ille,  
 Qui legit hæc siccis tristia verba oculis.*

## HIERONYMVS SAVONAROLA.

## XXXII.

**M**EDICEIS GALLORVM AD-  
 uentu Florentia pulsus, Hieronimus Sa-  
 uonarola Ferrariensis ex ordine diui Do-  
 minici cucullatus, vsq; adeo austera vitæ discipli-  
 na, ac erudito subtiliq; ingenio, & in sacris con-  
 cionibus admirabili facundia valuit, vt populū  
 instaurandis religionibus deditum, & tum no-  
 uo receptæ libertatis gaudio gestientē, quo vel-  
 let facile impelleret, priuatisq; familiarum, ac ip-  
 sis quoq; summi magistratus consilijs miscere-  
 tur. Futura enim prædicere, veluti diuino adfla-  
 tum numine credebant, quando nihil validius  
 esset ad persuadendum specie ipsa pietatis, in qua  
 etiam tuendæ libertatis studium emineret; Sed  
 nonnulli optimates, astutis ingenijs adeundo,  
 consulendoque eius authoritatem in immen-  
 sum adaugebant, tanta quidem insania, quò il-  
 lam sibi astruerent, vt ad Carolum Regem, Pisas  
 Legatus mitteretur, & integros quatuor annos  
 Florenti-



Florētīnorum animis, ac opibus imperaret. Verum in eo Christianis herclè moribus, ac optimis literis ornatissimo, ingenium ab occulta ambitione, & nimio, exitialiq; proferendæ veritatis studio inflammatum, adeo æstuanter efferbuit, vt capitale iudicium de suspectis nobilissimis septem ciuibus sæua sententia præcipitarit, moresque Alexandri summi Pontificis vāsana declamandi libertate, quum acerbè sugillaret, sacrosanctam potestatem in dubium deuocarit; quamobrem reus maiestatis, deposcente Pontifice, concedenteq; Senatu, & concrematis quīdem templi foribus, neq; incruēta irruptione cōprehenditur; nam inimicæ factionis ciues, damnatorumq; propinqui arma ceperant: in eo que tumultu trucidatus est Franciscus Valorius partium Princeps, qui maturandæ reorum necis author extiterat. Cæterum de Sauonarola tormentis excruciato, confessoque, latronum more, in medio foro, miserabile supplicium est desumptum, ita, vt strangulati corpus extemplò cremaretur, diuerso quidem animorum habitu, quum alij ardentis odio, iure execratum, atq; punitum succlamarent: alij verò lugentes, tanquàm indigna morte perempti è rogo cineres religiosè colligerent. Eius autem ingenij operum præcipua cū laude legitur gloriosus Crucis triumphus aduersus eius sæculi sapientes, garrulosq; sophistas, Latinè perscriptus. Vtramq; autem pij, atque impij nominis famā cumulatè promeruit; si duobus contrarijs cœnotaphijs credendum esse censeremus. Sed alterum quod liuidus effudit, honestus



nestus supprimet pudor, ne supra miserabilis  
supplicij dolorē, infontis fortasse viri manes hac  
etiam aeterni carminis inurente nota crucientur.

MARCI ANTONII FLAMINII.

*Dum fera flamma tuos Hieronyme pascitur artus,  
Religio sanctas dilaniata comas  
Fleuit; & o dixit, crudeles parcite flammæ,  
Parcite, sunt isto viscera nostra rogo.*

LATOMI.

*Dicere me prohibet pietas Hieronyme quicquam,  
Tuo quod olim nomini  
Officiat: vetat ast eadem me dicere, passum  
Te præter æquum talia.  
Illud nemo negat, vel Momo durior, esse  
Quæ scripseris piissima.  
Quæ dum compono, tibi, nescio, num ne dolere,  
Vel gratulari debeam.*

MARSILIUS FICINVS.

XXXIII.

**Q**VVM CLARISSIMI GRAE-  
corū Theodorus, Argyropylus, & Tra-  
pezuntius, veluti ex condicō inter se di-  
stributis operibus in traducendo Aristotele ad  
non obscuram æmulationem versarentur, vnus  
Latinorū Marsilius Ficinus diuinæ philosophiæ  
amore incensus, trāsferendi Platonis negotium  
suscepit, atq; perfecit; vsque adeo festinata felicitis  
ingenij fœcunditate, vt pleriq; in pusillo eius cor-  
pore, quod vix semihominem æquaret, tantam  
vim



vim inusitati spiritus, & tantas vtriusque lingue facultates vigere mirarentur: Nam eundem quoque insatiabilis studij tenorem secutus, Plotinum, Iamblichum, Synesium, & Psellum Platonicae sectae nobiles authores Latinos effecerat, hortante quidem Cosmo Medice, & mox tradita per manus summæ virtutis hæreditate, Petro filio, & Laurentio nepote suffragantibus. Ex ea siquidem ornatissimæ domus liberali disciplina Ficinus honestis ædibus, peramœna villa, sacerdotio, annuisque stipendijs, atque muneribus sese adauctum, & cumulatè perornatum sensit. Contemnebat enim maiores opes, vir minimè ambitiosus, & nitidæ, iucundæque vitæ ad bonam frugem percupidus, quum vnâ studio-rum laudem spectaret, nec vllis vnquam contentionibus misceretur, quòd rerum omnium, præterquàm vini subdulcis voluptates abdicasset; nulla quidè animi tristitia, quum esset omnino lætissimus; sed exactissima ratione ad tuendam valetudinē, sicuti deprehendere licet, ex libris de triplici Vita editis. Adeo enim morosè sibi ad spem vitæ blandiebatur, vt sæpè eadē die, quum aër incalesceret, aut aliquo spiritu moueretur, capitis tegumenta permutaret. Sed quū sodalium suorum acerba funera luxisset Laurentij, Her-molai, Politiani, Mirandulæ, qui vno anno perierunt; Landiniq̃ue item, & Sauonarolæ, in Car-regiana ipsius Villa, septuagenario prouectior, febricula interiit, diro quidem omine, quum eodem die, punctoq̃ue temporis, duo clarissima Italiæ lumina Ficinū ipsum, & Paulum Vitellium



Vitellium summæ, inuictæque virtutis Florenti-  
norū Imperatorem aliquantò certiore inimico-  
rum rabie, quàm noxa capitali supplicio damna-  
tum, vis ipsa fatalis extinxerit; & tum esset in al-  
pibus Ludouicus Rex Gallorum, armatus irrū-  
pens, vt singulas illustres domos, & ad vnum fe-  
rè omnes Italiæ principatus euerteret.

## INCERTI.

*Mores, ingenium, Musæ, sophiæq, sepulta est  
Laus, hic cum magni corpore Marsilii.*

## INCERTI.

*En hospes hic est Marsilius sophiæ pater,  
Platonicum qui dogma, culpa temporum  
Situ obrutum, illustrans, & Atticum decus  
Seruans, Latio dedit: fores primus sacras  
Diuinæ aperiens mentis actus numine.  
Vixit beatus antè Cosmi munere,  
Lauriq, Medicis, nunc reuixit publico.*

## POLITIANI.

*Mores, ingenium, Musas, sophiamq, supremam  
Vis uno dicam nomine? Marsilius.*

## ANDREAE DACTII.

*Hic situs est magni sacrum qui dogma Platonis  
Marsilius patriæ tradidit & Latio.  
Exuias tellus, cælestes spiritus oras,  
Dina sed & terram fama polumq, tenet.*

## LATOMI.

*Hic, hic Marsilius notissimus ille Ficinus,  
Totius Ausoniæ luxq, decusq, iacet.  
In paruo ingenteis qui clausit corpore dotes:  
Immo non clausit, sed magis exeruit.*

*Quare*



*Quare etiam hac parua fama est augustior vna:*

*Ni tamen hac potius, quem replet, orbis erit.*

## GALEOTTVS MARTIVS.

XXXIIII.

**G**ALEOTTVM MARTIVM  
Narnia genuit, robusto ingenio discipli-  
nas omnes cōplectentē. Is Matthiæ Cor-  
uino Pannoniæ Regi præceptor, epistolarumq;  
Magister, & in castris miles; & in palæstra mul-  
tarū palmarū athleta fortissimus operā præstitit,  
adeo feliciter, vt omniū horarū amicus, et comes  
haberetur. Scripsit librū de homine, varia eruditi-  
one, potiusquā eloquentia mirabilē, in quē non  
multò post inuectus est Georgius Merula grāma-  
ticorū exactissimus. Sed ea vehementia Galeot-  
tus sese defendit, vti apologeticus priore libro  
varietate eruditionis multò vberior censerī pos-  
set. Scripsit etiā, & malo quidē infortunio, quæ-  
dam in sacra, moraliq; Philosophia, nā ex ea le-  
ctione, quū omnibus gentibus integrē, & puri-  
ter veluti ex iusta naturæ lege viuentibus, æter-  
nos cœlestis auræ fructus paratos diceret, à cucul-  
latis sacerdotibus accusatus, damnatusq; est; Sed  
eum periculo celeriter exemit Xystus Pontifex,  
qui in minori fortuna eius fuerat auditor, non  
sine graui tamen contumelia; Nā in foro Vene-  
to ad geminas columnas ad tribunal perductus  
est, vt impetrata venia se falsa scripsisse fateretur.  
Sed accidit, vt id iudicium exortus in turba ri-  
sus euerteret, falso ac repentino Galeotti dicte-  
rio excitatus; nā quū forte non ignobilis Vene-  
tus,

G

tus,



tus, è turba proximus strigosa proceritate, & impudicæ vxoris probro insignis, traductum ludibrio præpinguem porcū appellasset, extemplo Galeottus, renidentiꝫ ore, pinguis, ait, porcus, quàm macer hircus esset malo. Erat enim Galeottus vsque adeò tumentis abdomine, vt quum sub vasto obesi corporis pondere, vel prægrandia iumenta fatiscerent, rheda curuli veheretur: ac demum senex ad montem Annianum circa Ateste, aruina suffocatus interiret.

## IANI VITALIS.

*Hanc galeam, hunc posuit Galeottus Martius ensẽ,  
Mars tibi, & hanc citharam docto cum pectine Musis,  
Militia functus, decantataq; poësi.*

## LATOMI.

*Et galeæ & Martis tibi fecit nomina mater,*

*Illam nouis facibus trita, dolisq; Venus,*

*Ne si te Maiores rescisset Apolline cretum,*

*Vim tibi, vel matri, scæuus vt est, faceret.*

*Proinde nec est mirum, si vincis vtraq; palæstra,*

*Estq; tibi miuei copia tanta salis,*

*Quem voluit mater tinctum sua olente salina,*

*Et pater ornatum munere vterq; suo.*

## ELISIVS CALENTIVS.

## XXXV.

**H**VIVS EX AMPHRACTA oppido semi Appuli Musa, regnantibus Aragonijs Neapoli insignis fuit, vel illustrium Poëtarum æmulatione propofita. Tum enim Pontanus, Altilius, Grauius, & Actius, immortalis ingenio præditi vates, diuina carmina factitabāt. Sed Calëtio amatoris vanitatis incendijs iuueniliter vstulato, æquò torrétiõr

vena



vena uti subitis impulsâ casibus, nequaquâliquis  
 dissimè profluebat; in varios alioqui carminum  
 modos repentina largitate mirabilis. Adamauit  
 eum vnicè à puero contubernalè Pontanus, susce-  
 pit Altilius, Actius vero Syncerus meritis laudi-  
 bus exornauit. Extât eius Elegiæ teneris affecti-  
 bus peramcenæ, & Ranarum cum Muribus prælia  
 Homérico spiritu Latinè decantata. Dicauit eas  
 vigilas Angelo Colotio ab eruditi ingenij cado-  
 re viro lectissimo, què hodie viuido ingenio se-  
 nè, & sacrata infula clarum salubris eloquetiæ præ-  
 cepta in hortis ingenuè tradentè, Romana iuue-  
 tus colit. Moriès Calentius Lucium filium reliquit,  
 ad quem legitur epistola Pontani, ad paternos  
 mores, studiaq; eadè adolefcètem accendentis.  
 Porro Calentius ipse quum amore perditus,  
 oblitusq; rei, elegis inanibus diu hæssisset, fortu-  
 nam sibi ad parandas opes defuisse serò sensit, ut  
 hoc suo carmine fateatur.

*Talia post cineres de me toto orbe legantur,  
 Scriptaq; sint tumulo carmina digna meo.*

*Ingenium natura dedit, Fortuna Poëta*

*Defuit, atque inopem viuere fecit Amor.*

Moriens autem, hoc carmen inscribendum Lu-  
 cio filio mandauit.

ELISIVS DE SEIPSO: VIATORI.

*Si tibi sit felix, & faustum iter,*

*Qui sis discito paucis, sodes:*

*Hic ego vates iaceo Calentius,*

*Somno sapiens graui,*

*Donec me tubicen ætheris excitet,*

*Vocans ad pias Superum sedes.*

*Legisti? amabo dic abiens, Vale.*



*Elisus tenerè teneros dum scribit amores,  
Durare ad senium tam tener haud potuit.  
Sed nec erat diues. nec mirum in vate. negatas  
Spernit is: ancillas aut facit artis, opes.*

PANDVLPHVS COLLENCIVS.  
XXXVI.

**P**ANDVLPHVS COLLENCIVS  
cuius Pisaurensis ingenio peracri, & studiorum rerumque omnium erudita notitia perornato, nobilissimarum Italiae urbium praturas gessit; functusque gravissimis legationum muneribus illustri facundia, & gestu pernobili Latini Oratoris nomen implevit: Ceterum tanto ingenio temperantia deerat, ut nulla in arte summum laudis fastigium teneret: insatiabili etenim cupiditate semper vagus in omnes disciplinas ferebatur, cum esset ex professo iureconsultus: ut facile reliquarum facultatum Principes, disputatione, scriptisque lacefferet: quod nihil, nisi valde excellens probare esset solitus, & quaeque mediocria fastidiret. Indignatione siquidem superba, & ostentatione praecipiti Plinium aduersus calumniatorem Leoniceum disertissime defendit. Scripsit & libellum de Vipera: ac item facetissimum capitis & pilei dialogum; Postremo etiam Neapolitanorum Regum res gestas Ethrusco quidem sermone in gratiam Herculis Atestini, qui Latinas minimè didicerat. Multa autem lectu iucunda, eleganter inchoata absolueri nequiuit, quum apud Ioannem Sfortiam Pisaurensium Tyrannum, quem deprehensis



hensis literis offenderat, supra veterum officiorum memoriam, dissimulata recentis odij libido valuisset: vir enim incautè Tyranno fidēs, ea nece indignus, in carcere strangulatus interijt.

FERDINANDI BALAMII.

*Ignoscit Colenuccio Tyrannus,  
Mox illum necat: ò scelus nephandum,  
Vincens saevitiam Neronianam.*

LATOMI.

*Esto: tyrannus strangulavit impia  
Nimis, heu; apertum fraude Colenucium:  
Illum ne, ò hospes, an magis se perdidit?  
Sua ille vivit claritate in litteris,  
Actaq; vitæ nobili præconio.  
At iste tali morte vivens concidit,  
Quod nunc mori ut nec vivere olim, non liceat  
Illius utrunq; præstruente gloria:  
Proinde verum si tacere nolumus,  
Non vim tyrannus intulit, sed passus est  
Quæ laurea illi prorsus est clarissima.*

IOVIANVS PONTANVS.

XXXVII.

**I**OVIANVS PONTANVS VIR ad omne genus eloquentiæ natus, Cereto Umbriæ oppido metu profugiens, quòd ibi pater à factiosis ciuibus esset interfectus, Neapolim planè iuuenis, & inops contendit. Ibi enim liberali Alphosi Regis studio, condita celebri bibliotheca literas in honore esse didicerat. Nec defuit honestus virtuti locus Antonio Panormita, eruditi ingenij vim admirante, is tum

G 3

erat



erat excellentis doctrinæ nomine regij scrinij  
Magister. Aspirauit demū his cceptis Fortuna,  
vsq; adeò benignè; vt Ferdinandi Regis castra se-  
cutus, in demortui Panormitæ locū sufficeretur.  
Vnde illi mox honestæ opes, sed obsequij fide,  
ac merito, vt scripsit, inferiores, nisi ad opimi  
muneris prouentū Ariadnæ vxoris dotalis hære-  
ditas accessisset. Hac parta dignitate, liberiore ve-  
luti studio, Musas per omnes numeros exer-  
cuit; tanta habilis ingenij fecunditate, vt neque  
poëtis, neque oratoribus, qui tum maximè flo-  
rerent, dignum secundæ famæ locum relinque-  
ret. Erat austero supercilio, & toto oris habitu  
subagrestis: sed stylo, & sermone perurbamus,  
quum sapissimè vel in serijs multò cum sale io-  
caretur. Habitus tamen est in omni censura  
quanquàm absolutè pius, supra æquum mor-  
dax, vel eò quòd non homines modo sibi no-  
tos; sed gentium, & vrbiū quoque omnium  
mores acerba scribēdi libertate perstringeret; si-  
cuti ex varijs dialogis, Charonteque præsertim  
intemperanter ostendit. Sed in pangendo car-  
mine, quàm texenda prosa cultior, atq; sublimi-  
or multis videtur, quandoquidem in historia  
non semper integra, grauissimi incessus dignita-  
te, ab eius muneris disciplina deflexisse existima-  
ri possit, quum postea ab Hesperidum hortis  
citriorū suauissimis odores spirans, atq; inde di-  
uino carmine in altū euectus, ad illa ipsa excelsa  
ore decātata sidera propius accesserit. Vixit an-  
nos septuaginta septē. Fato autē functus eodē  
mese; quo Alexander Sextus Pōtifex vita excelle-  
rat



rat, tumulat<sup>9</sup> est in sacello ab se sepulcri causa ex  
tracto è regione Dauaolorū domus, vbi Elogiū  
ab se compositū in marmorea tabula spectatur.

*Viuus domum hanc mihi parauī,  
In qua quiescerem mortuus.*

*Noli obsecro iniuriam mortuo facere,  
Viuens quā fecerim nemini.*

*Sum etenim Iouianus Pontanus,  
Quem amauerunt bonæ Musæ,  
Suspexerunt viri probi,  
Honestauerunt reges Domini.*

*Scis iam qui sim, vel qui potius fuerim.*

*Ego verò te, hospes, in tenebris noscere nequeo;  
Sed te ipsum vt noscas rogo, Vale.*

BASILII ZANCHII.

*Aurea Pierio texentem carmina filo  
Pontanum ad doctæ Parthenopes titulum,  
Vt primum Pindo, longe atque Helicone relicto,  
Audiit arrecta Cynthius aure Deus:  
Vicisti Pontane, inquit, mea numina: cedat  
Iam tibi & Eous, cedat & Hesperius.*

CAELII CALCAGNINI.

*Creditus occubuisse Maro, secesserat olim,  
Vt cœli motus, labentiaq; astra videret,  
Mox rediens ad nos Iouiani nomine, terris  
Quid fœlix profit, quid noxia terra minetur  
Exposuit, nostrisq; oculis substravit Olympum.  
Scilicet hoc deerat, pecudes, Styga, prælia, turmas,  
Scripserat, extremū votis fuerat aureus axis.*

SIMONIS VALLAMBERTI.

*Nescio quo fingant Musas Helicone manere:  
Hoc scio, quod tecum, mi Iouiane, manent.*



## MARCI ANTONII FLAMINII.

*Quæ cecinit claro fulgentia lumina cælo  
 Pontani doctis versibus Vrania,  
 Phæbe tuis magnam lucem addidit ignibus, utq;  
 Nunc melius niteant sidera cuncta, facit.*

## PIERII VALERIANI.

*Sriptorum venerabilis magister,  
 Pontanus cubat hîc Viator: illum  
 Commentus bona verba, forte adores  
 Ne fac, huic mala, quàm precare multa,  
 Omnem ut surripuit poëtices vim,  
 Nam dum tam bene scribit, adq; amussim  
 Aequat omnia, perpolitq; ad unguem,  
 Quavis arte decoreq; absolutus,  
 Seclî terriculum fuit sequentis,  
 Nemo scribere ut audeat nepotum.  
 Quin pacem hinc, bona quin precare, libans  
 Thus, costum, violas, crocum sepulcro,  
 Qui dum tam bene scribit, adq; amussim  
 Aequat omnia perpolitq; ad unguem  
 Quæ obsoleuerat ars, decorq; recte  
 Scribendi, auspiciis renidet huius,  
 Nostra ætas veteres ut æmulari  
 Et possit simul, & simul præire.*

## MYRTEI.

*Qui vos sidera clara, citriosq;  
 Flores Hesperidum hortulis virentes  
 Versibus cecinit laboriosis,  
 Pontano date sidera alma lymphas:  
 Vos horti dateserta, quæ sepulcrum*

Ornent



Ornent perpetuò cadente flore,  
Spargant perpetuo cadente rore.

## L A T O M I.

Ab hoc si tumulto procul prophani  
Arcerent oculos, manus, pedesq̃:  
Et solis aditum darent poëtis:  
Huc suo Lepidina cum Macrone  
Ductatum choreas, nouatum amores,  
Et ad delitias nouas veniret.  
Baianæ lepidæ & leues puellæ  
Hic potos calida senes lauarent:  
Queis lusum vt facerent proteruiorem,  
Cursarent pede, brachiisq̃ nudis:  
Proferrent niueas sinu papillas:  
Femur negligerent fluente veste:  
Darent basia pluribus figuris,  
Quàm suis citrios colunt in hortis  
Tum pulchra Antiniana, tum Patulcis.  
Sed quos aureola coma virenteis,  
Et gratos triplici colore fætus,  
Hoc circum ordine ponerent sepulcrum.  
Vndas Eridanus suas rigandis,  
Igneis Vranix daret fouendis.  
Huius luminibus locus caleret:  
Illius lachrymis solum teperet.  
Et hæc omnia Gratia probarent,  
Musæ percolerent, Amor, Venusq̃:  
Ab hoc si tumulto procul prophani  
Arcerent oculos, manus, pedesq̃:  
Et solis aditum darent poëtis.  
Queis nunc sancte senex tuo in sepulcro  
Et nos perfruimur tuo in libello.



MARCVS ANTONIVS COCCIUS  
SABELLICVS.

XXXVIII.

**M**ARCVS ANTONIVS COCCIUS Sabellicus ad vicum Varronis in via Valeria, iuxta Anienem fabro ferrario patre genitus, ingentem, & propè ferream vim ingenij ad perdiscendas literas attulit, tanto prouentu, vt planè imberbis apud Tyburtes ludum aperiret. Indè verò, collecta mercede, & togula cerulea excultus, nobilioris doctrinæ cupiditate in Urbem ad Pomponium se contulit, à quo vberissimi ingenij meritò, in collegium sodalium solenni cerimonia cooptatus, Sabellici cognomen tulit; mutabat enim nomen, qui in Quirinali sacra lauro coronabatur. In ea schola, quod censura literarū acerrimis iudicū ingeniis ageretur, multū sibi de incondita, & subagresti Latinæ orationis exuberantia detraxisse fertur. Nec multò post Roma excedens Vtino in oppido non procul ab Aquileia, nobiles regionis adolentes docuit. Parta demum insigni nominis fama, quum regionē vetustatis authoritate percelebrē lepidè descripisset; decarato etiā verbis Carnico incendio, & deplorata clade Sontiacæ; idcirco eum Vicētini celebritate nominis exciti, ambitiosè, duplicato stipendio conduxerunt; nec ibi diu mansit, euocante Senatu Veneto, ea cōditione, vt ciuitatis res gestas à fine Iustiniani conscriberet, & trecentis aureis in gymnasio profiteretur. In hoc munere perutile Iuuentuti operā præstitit, quum in altero adulatione  
parum



parum sobria rerum veritatem adumbrasse videretur. Sed in Enneadibus omnium temporum, ab orbe condito memoriam complexus, vti necesse fuit, ingenti operis instituto festinanter indulgenti, res illustres præclara cognitione dignissimas per obscura breuitate adeo vehementer ofuscauit, vt excitatam vberissimo titulo legentium cupiditatem passim eluserit, quum omnia in aceruum angustissimè coarctata, nequaquam certa effigie; sed exiguis tantum punctis, & lineis annotata designentur. Id susceptum munus gnauiter secutus scribendo ad septuagesimum ferè annum peruenit, Gallica tabe, ex vaga Venere quaesita non obscure consumptus. De sepulcro autem, viuens, & incolumis, tempestiuè sibi cavit; scilicet degeneri filio diffusus, quem ex concubina susceperat, compositumq; ab se carmen lapidi insculpsit; insigne quidem, & meritum Elogium, sed certè honestius, si alieni ingenij pietas inscripisset.

*Quem non res hominum, non omnis ceperat ætas,  
Scribentem capit hæc Coccion urna brevis.*

## L A T O M I.

*Magnus in hoc tumulo iacet ille Sabellicus, orbis  
Cuius ad ingenium non satis vnus erat.  
Tempora per modicis incluserat omnia chartis,  
Seruire exemplo quæ potuere aliquo.  
In Venere incerta tamen hic contabuit: atq;  
Maluit Italicus Gallica fata pati.  
Quid iuuat humanos scire atq; euoluere casus,  
Si fugienda facis, & facienda fugis?*

L A V -



**L**AVRENTIVS LAVRENTIANUS aliquandiu Florentiæ, & Pisis philosophiam, medicinamq; professus, ingenium elegantibus literis deditum ad traducendum Hippocratem conuertit, quòd Theodorus Gaza alioqui diligentissimus interpres circumscripti authoris laconismis minimè serio respondere videretur. Extant & eius eruditæ lucubrationes in Galenum, medicinæ principis arcanaperobscurè interpretantem: sed in cōmentationum cursu planè miser atrabile correptus est. Empturus enim domū ea pactione tertiam precij partem numerarat, vt, nisi intra sextū mēsem totius summæ pecuniam repræsentaret, arrabonis pecunia lucro venditoris amitteretur. Aduentāte verò die, quū multa ei aduersa spem fefellissent, diffusus amicorum liberalitati, & iacturæ dolore perculsus, animum despondit, in profundumque puteum se coniecit, sub id tempus quo Petrus Soderinus erecto populari dominatu, tanquàm Dictator perpetuus, summa cum moderatione, Florentinæ Reipublicæ præfidebat.

## MYRTEI.

*Spe destitutus commodum sibi domum  
Parandi; & angustæ magis, quàm patria  
Florentia natum ædibus mirabili  
Decebat, infœlicem agens vitam miser  
Laurentianus se puteo in præceps dedit  
Angustiori: ne sepulcrum largius*

*Esset*



*Effet cadenti, quàm fuerat viuo domus:*

*Quæ nunc parata literis illi patet*

*Talis polo, qualem nequeat orbis dare.*

## L A T O M I.

*Candida Laurus erat, quondam prælata sepulti*

*In titulo, geminis (gloria rara) notis:*

*Arteis dum coluit, dum clarus Apollinis inter*

*Myſtas; perpetuùm viuere dignus erat:*

*Quæ super hunc tnmulum fuluis modò paſſa capillis,*

*Stultitiam domini deſlet et ipſa ſui.*

*Qui ſibi ſpes ſubitò quod erat præciſa parandi,*

*Optabat quali commoditate, domum,*

*Fortunæ impatiens, puteum ſe miſit in altum:*

*Sicq; miſer vitam perdidit atq; animam.*

*Hoc eſt verſuram vitæ feciſſe, domusq;*

*Nempe, perire malè, nunquàm habitare bene.*

## ANTIOCHVS TIBERTVS.

## XL.

**A**NTIOCHVS TIBERTVS CAE-  
ſenàs ingenuus puer, à milite in vltorio  
rem Galliam perductus, amore litera-  
rum Lutetiæ conſedit, nō abnuente hero, vt do-  
cilis ingenij adoleſcens optimis literis imbuere-  
tur. Poſt aliquot autem annos inde rediens in  
Italiam, profiteri cœpit diuinatorias artes Ma-  
giæ proximas. Eleganti enim libro de Chiro-  
mantia edito, tantum nouæ famæ promeruit, vt  
inſigni concurſu, à curioſis, & anxijs de toto vi-  
tæ fortunæque euentu conſuleretur; nam ad cor-  
roborandam eius diſciplinæ authoritatem, op-  
portuna bonarum artium præſidia contulerat;  
vſque



vsque adeo solerter, atq; fœliciter, vt viri doctissimi planè cōscij de vanitate incertæ artis, id asseuerarēt, quod vulgi testimonio crederetur. Primus enim post Petrum Aponensem, magiæ peritia celebrem, duobus sæculis iacentem, & à cucullatis explosam artem excitarat, tribus etiam libris de Physiognomia, & Pyromantia compositis, ea tamen opinione, vt nequaquàm ex arcano artis auidissimo cuique futura prænosceri rerum abditarū euentus prædiceret, sed ex miræ prudentiæ coniectura, tanquàm illustri ratione demonstrare putaretur. Prædixerat Guidoni Balneo, cui in Togata Gallia propter inusitatū militaris animi vigorem, Guerræ cognomentum fuit, atq; item Pandulpho Malatestæ Ariminensium tyranno, ex volæ manus lineis futurū esse, vt hic pelleretur patria, & dominatu; exulque in extrema egestatis miseria periret; ille verò ab insigni amico, perfidiæ suspitione necaretur. Memorabili herclè non omnino incertæ artis argumēto, nisi Antiochus imminentē vitæ suæ exitū ignorasset, de quo tamen, sed fatali deceptus hora minimè dubitarat. Interfecit enim Pandulphus suo metu, vel Bentiuoli soceri iussu nimium sæuus, à suspecta virtute virum fortem, quamuis amicum, & partium ducem, ac ipsum Tibertum custodiæ tradidit, vt ex euentu, supplicio seruaretur: sed quum occultam exitio facta viam aperirent, captiuus, & compedibus nexus, custodis arcis filiam mollis animi puellam, ita orando, & blandiendo ad misericordiam, amoremque pellexit, vt ab ea restem impetraret, &



DOCTORVM VIRORVM. 111

ret, & in fossam demitteretur; sed cōpedum sonitu prodita fuga miser retractus, & pari sorte cum puella securi percussus, interiit. Nec in Pandulpho prædicentis fidem eadem fata fefellerunt, quando omnium egentissimus in hospitali diuersorio desertus à liberis, sœuitia infamis, ac egestate senex miser perierit.

FLORIDI SABINI.

*Exilium domino quòd vaticinare potenti,  
Dira morte insons perderis Antioche.  
O miseras artes, quæ non docuère salutis,  
Cum tibi monstrarint hæ quoq; mortis iter.*

LATOMI.

*Hos ego diuinos aliquid sanè esse putassem,  
Et tantum humanum non superare modum:  
Si non præ reliquis illos humana viderem,  
Enormi quadam cum nece, fata pati.  
Adde quod est grauius, mala quum licet ante videre,  
Non æquè vt caueas ante videre licet.  
Et tamen ac liceat secum, sine lumine, pugnant,  
Vimq; suis fati frustra adhibere student.  
Hoc docet Antiochus, qui fata nisi ante scisset,  
Innocuus poterat, & sine cæde mori.  
Hoc superest Lector (si me patiâre monentem)  
Diuius fias, si miser esse voles.*

PHILIPPVS BEROALDVVS.

XLI.

**B**EROALDVVS INTER NOBILES grāmaticæ professores summi nominis celebritate, & incredibili auditorum frequen-



frequentia Bononiæ docentem, externa præsertim iuuentus effusè mirabatur, quum ex multa lectione, scèlicique memoria, abstrusæ doctrinæ opes venusto oris gestu proferret, & interpretando intacta ab alijs auidè sectaretur. Cupiebat enim obscuris authoribus lucem dare, & rancidæ vetustatis vocabula iam planè repudiata à sanis scriptoribus, in vsum Romanæ linguæ reuocare, vti apparuit ex commentarijs in Afriqum aureum Apulei: cuius familiaritate, horridum eloquætiæ genus, peruersa quadam libidine induerat, ita vt honestæ aures illud asperum impuræ notitatis mirari primò, & mox admittere cogerentur. Sed ingenio maximè liberali, & perhumanò, hæc obsoleta, & ridenda doctioribus opportunè condiebat, ea fama, vt qui omnia didicisse, & sedulò docuisse videri potuit, in delectu pinguis, & supinus euaserit. Obijt nō planè senex, paulo post id tempus, quo Bononia terramotu concussa est, & tyranni Bentiuoli domum mirabili subsecutæ calamitatis præfagio, dira fulmina percusserunt. Excepit doctrinæ hæc editatem, eiusdem nominis fratris filius. Is nitidiore ingenio, quum ad poëticam se contulisset, dignas æternitate Odas cōscripsit, indeque à Leone Pontifice in intimam familiaritatem est receptus, collata ei Vaticanæ Bibliothecæ præfectura; sed paratis honoribus, immatura mors celeriter inuidit.

## MYRTEI.

*Sæpè nouos linguæ mirata Bononia flores  
Non alios legit, quàm Beroalde tuos.*

*Tennunc*



DOCTORVM VIRORVM. 113

*Te nunc amisso languent cum floribus horti,  
Et flet delitias ad tumulum illa suas.*

QVINTIANI STOAE.

*Philippus ille candor, ille & optimus  
Sophos iacet, lapisq; candidissimus  
Tegit, tegit Bononiae, Bononiae  
Iubar. Viator asta & inspice, inspice.  
Mane, mane, Philippus ille te obsecrat,  
Rogat, preceris omnibus, sacrum omnibus  
Qui iter dedit, dedit. Lapis quoq; obsecrat,  
Preceris, vt rogi leues eum opprimant.*

LATOMI.

*In lingua Venerem nequicquam quæris, Amice,  
Partem aliam obsedit corporis illa mei.*

HERCVLES STROZZA.

XLII.

**H**ERCVLES STROZZA FER  
rariensis Tito poëta genitus, patrē lon  
go interuallo carminū nobilitate supe  
rauit. Illustri enim quodā lepore generosi & so  
lertis ingenij in aula Principis adeo clarus emi  
nebat, vt præter grauioris cōsiliū munera, in qui  
bus egregiē prudens, & paratus erat, Theatra  
lium etiā ludorū, ac omnis elegantiae arbiter cen  
seretur; nec quicquā de cultu corporis, sumptuo  
sisq; munditijs, & splendore vitæ Atestinis iuue  
nibus cōcederet. Sed eū, hac ciuilis magnificētiae  
laude florentē, amatorijsq; vanitatibus intēpe  
ranter deditū, ille impotēs Deorū, ac hominum  
dominator, vt fabulae ferunt, Cupido saeuus in  
precipitem locū arripuit. Cōcepti siquidē amo  
ris insa-

H

ris insa-



ris insaniam, adeò perditis sensibus alebat, ut multa, ac erudita largitione, tenerimisque carminibus summi nominis matronam colere aliquantò procacius quàm liceret minimè vereretur, qua improbitate, si nō molestus palàm, grauis tamen quibusdam in arcano esse cœperat, quum tot illecebræ vna illa morū elegāti libertate malè tegerentur, ob idque ab odiosa obtrectione timeri inciperet, quanquàm luxato olim poplite claudus, nec alioqui planè formosus esset, aut iuuenis, præualida scilicet apud zelotypos suspicione, quū ille inter iocos cū fœminis ad eleuandā cruris deformitatē, lepidio exēplo diceret, nō insulsam esse Venerem, quæ Vulcanū probè virū, quanq̃ loripedem libenter admitteret. Sed demum Taurellam illustrem forma, & natalibus viduam, vsq; adeo diris auspicijs adamauit, ut quum riualet habere impotentē tyrannum, cum ea fatales nuptias faceret, ut pudore cōiugij repulsus riualis arceretur. Sed id non tulit vir atrox, & superbus: breuique Hercules, dum à cœna domum noctu mula reueheretur, interfectus est: neque cædis quisquam auctorem, silente Prætore, nominauit.

## ALDI MANVTII.

*Hospes, licet aliò propere eundum tibi,  
Rogo hoc legas carmen, scio miserebere,  
Humanitas quæ est tua. poëtæ hîc sunt sita  
Ossa Hercules Strozæ, poëta qui satus  
Patre est Tito. Quod si cupis cognoscere,  
Qualis poëta uterq̃, quæis honoribus,*

*Quan-*



## DOCTORVM VIRORVM: 115

Quantisq; præditus fuerit in patria,  
 Quamq; inclytis Stroza orta gens maioribus;  
 Longum foret narrare. id è libris potes  
 Cognoscere Hospes, quos pater, quos filius,  
 (Nam excusi habentur) fecit excultis modis.  
 Cantauit Anthiam, atq; Phylloeoën pater,  
 Quosq; tulit heroas familia Estensium,  
 Inuisaq; arma matribus. Lucretiae  
 Hic Borgiae laudes, decusq; heroidum  
 Quot sunt, fuere, quotq; erunt. Hic & Deos  
 Canebat, & Gigantas, & bella horrida,  
 Ac multa alia, cum rapitur. Heu fata impia  
 Egisset integram vel aetatem alteram,  
 Non sua minus gauderet hoc Ferraria,  
 Quam aut Mantua Marone, aut Catullo nobilis  
 Verona, Venusiumue Horatio suo.  
 Heu ter, quater crudelia, heu fata impia.  
 Monumentum & ipse exegit ære perennius,  
 Atq; altius pyramidibus Regum, Iouis  
 Quod ira nunquam diruet, tempusue edax,  
 Aut Aquilo impotens, malive ignes, virum  
 Nam sibi dicatum oppetere, Pierides vetant.  
 Sed mulierum quæ est gloria, & honos, Barbara  
 Taurella coniux quam pientissima, viro, &  
 Vnà ut quiesceret, ipsa donec corporum  
 Erit excitatio, sibi hoc viua posuit.  
 Hoc te volebam scire, iamq; abi, & vale.

## B E M B I.

Te ripa natum Eridani Permessus alebat;  
 Fecerat & vatem Marsq; Venusq; suum.  
 Iniecere manus iuueni, & fatalia duris  
 Stamina pollicibus persecuere Deæ.

H 2

Vxor



*Vxor honorata maneis dum conderet urna;  
 Talia cum multis verba dedit lachrymis:  
 Non potui tecum dulcem consumere vitam:  
 At iam adero amplexans te cinerem ipsa cinis.*

## TIBALDEI.

*Herculis hic Strozze tumulus quem condidit vxor,  
 Taurellæ mœrens Barbara gentis honos,  
 Plus dederit quamuis, non hæc Mausole, meretur  
 Plus tua fortuna, hæc non pietate minor.*

## LATOMI.

*Se Venus occultans Martis damnauerat vsum,  
 Castè cum fabro viuere certa suo.  
 Non tulit ille ferox: & se quærendo fatigat,  
 Alterutrum, vel quò tradat vtrunq, neci.  
 Frustra at discursans cœli per compita, lustrat  
 Lemnum, Imbrũ, Lyparã, cũq, Amathũte Paphũ.  
 Pergit ad occiduas mundi perquirere parteis,  
 Maximè ubi Eridanus læta per arua fluit.  
 Hic videt insignem, claudò sed poplite, Strozzeam,  
 Quem circum semper plurimus ignis erat.  
 Hinc Mars non dubius Vulcanum credidit illum  
 (Quomodo enim vatem nosceret ille ferus?)  
 Non (ait) effugies: nec nox tibi fumida, nec quod  
 Mula, præsidio, claude veharis, erit.  
 Dixit: & intorsit sæuum per tempora ferrum,  
 Tempora puniceis sæpe reuincta rosis.  
 Ille abiit: aderat mox Cypria conscia cædis,  
 Efflantiq, animam sic ait illa viro:  
 Plus satis ad vitam cecinisti carmina: posthac  
 Tu mecum, & tecum noster Adonis erit.  
 Certè indignus eras: sed pro qua multa tulisti  
 Viuus, debebas & mihi Strozze a mori.*

BAR-



**B**ARTHOLOMEVS COCLES,  
humili genere Bononiæ natus, ingenio,  
nec mediocribus quidē literis imbuto,  
sed à cœlesti quodā munere, diuino ac admira-  
bili vaticinādi, artes curiosè, atq; fœliciter exce-  
pit; erectas nuper, ac illustratas ab Antiocho: se  
enim metoposcopum, & chiromantem profite-  
batur, magno herclè Astrologorum pudore, quī  
laboriosis genituræ supputationibus sapissimè  
fallerentur. Publicarat enim ingenti fama codi-  
cem cum effigie linearū, characteres, & notas ar-  
tis continētē, vt & hac quoq; liberalitate tan-  
quā promulgato totius doctrinæ mysterio, i-  
gnaras vitæ euentus curiosorū mentes circūdu-  
ceret, valido herclè accedente patrocinio Achil-  
lini summi Philosophi, qui luculento procœmio  
aduersus artis calūniatores, Coclitis scripta, tan-  
quā insigni galea muniuerat, vsq; adeo studiosè  
ac appositè, vt intertextis passim ex physica ra-  
tione quibusdā neruis, probè constituta, valla-  
taq; vel inanis facultas vna iam nec ignobilis, li-  
beralium artiū, acclamatione publica cēseretur;  
& eo quidem clariore authoris existimatione,  
quod ipsius Antiochi, & Corui Mirādulæ placi-  
ta grauib; argumentis, tanq̃ incerta cōuelleren-  
tur, ita pronis ad credendū auribus, vt multi sta-  
bilis alioqui prudentiæ, ab hoc adūbratæ ratio-  
nis præstigio circūducti, penderēt ab ore Cocli-  
tis, & de priuatis rebus statuerēt, quandoquidē  
quotidianis prædictionibus, futura tanq̃ præsen-



tia sentirentur. Extat de his præclaræ, ac admirabilis fidei catalogus, ipsius Coclitis manu perscriptus, de ijs, quibus varia violentæ mortis pericula denunciauit, exactissimo post eius interitum fortunæ obsequentis euentu comprobatus. Quod fit, vt me quoque inueteratæ exercitationis in hac luce Romana non facîle credulum senem, in sententiam adducat ipse exactæ ætatis, & integri iudicij Lucas Gauricus, quum ingenuè fateatur se à Coclite, seuerè, amiceq; admonitum, vt violèti cruciatus causas effugeret, quū id ipse, sui natalis, negligentia patris, ignarus, ex syderum scientia anteuertisse nequiuerit; à Ioanne enim Bentiuolo arreptus, & ex præalta trochlea suspensio fune quinquies quassatus, ideo pœnas dederat, quod excessurum patria, & dominatu in eius anni prognostico pronunciaffet. Sed aliquantò acerbiorẽ non irritæ diuinationis pœnam Cocles promeruit; quum inuitus, & planè coactus, Hermeti tyranni filio, dixerit futurum esse, vt exul in acie caderetur. Non tulit sanguinarius Hermes fatali metu perculsus, vel prouocatam oris libertatem, iussitque Copono, vt Cocles, tanquàm futuris Inferijs suis expiando dolori victima mactaretur. Præuiderat necis discrimen Cocles: ideoq; secreta galea caput munierat, ingenti gladio, quem peritissimè ambabus manibus regebat, semper armatus: sed fatales insidias vitare non potuit; quum à personato baiuli habitu Copono, dum serè ostij, calculo iniecto præpeditæ, clauem insereret, adacta in occipitium securi sterneretur, non ali-

am



DOCTORVM VIRORVM. 119.  
am quoque patrati facinoris causam afferente  
Copono, quàm quòd ipse Cocles, breui, & sce-  
lestè homicidam futurum edixisset.

GVIDONIS POSTHVM.

COPONVS LOQVITVR.

*Quis melior Vates? Quis Coclite verior augur?*

*Falsa canit, atq; hæc cogit habere fidem.*

*Grande mihi nuper scelus, ac graue crimen inussit,*

*Quale vel ipsius pectus habere neges.*

*Puriter exegi tamen, ac sine crimine vitam*

*Hactenus, ille autem dicere vera solet.*

*Quid nã hoc Phœbe igitur? Certè illũ haud multa fefel*

*Linea, quam heu nostras dānat habere manus:*

*Nanq; ubi ob hoc nostra cecidit malus ille securi,*

*Cæpi ego, ne falsum diceret, esse nocens.*

L A T O M I.

*Quur caput armatum galea? latus ense reuinctum est?*

*Vim fati radios dixim' habere tuos?*

*Sed video melius fatum est nescire: sciisse*

*Quando nihil prodest, tela, nec arma valent.*

IOANNES COTTA.

XLIIII.

**I**OANNES COTTA APVD A-  
lieniacum pontem, idest oppidum supra  
Athesim, humili genere ortus, præaltum in  
literis ingenium ostendit, in agresti enim ore, ge-  
nerosi spiritus indoles ita latitabat, vt in sermo-  
ne, scripto quæ mira felicitas emineret: hauserat  
enim pertinaci studio, euolutis vtriusque lingue  
optimis authoribus, tantas eruditionis opes, vt

H 4

à stupen-



à stupenda memoria clarus haberetur, & antiquæ dignitatis carmina perscriberet. Aperuerat ludum Laudi Pompeiæ, quod ibi nupta erat eius matertera. Sed demum inde Neapolim ad Pontanum se contulit, secutusque aliquandiu Sanseuerinum, & Cabanilium proceres, transiit ad Liuianum Venetorum ducem, qui Musarum liberalis hospes Academiam in agro Taruisino ad Portum Naonem instituerat, euocatis in contubernium præcellentibus poëtis, in quibus longè demum clarissimi (præter Cottam) Fracastorius, Naugerius, & Hieronymus Borgius euaserunt. Ad Abduam autem, ex ipsa Gallorum victoria, Liuiano fuso, captoque Cotta, insigni pietate, se totius calamitatis & carceris comitem obtulit. Sed Galli inhumana acerbitate, non misero tantum comitem, sed libros & calamum, ac omnia denique tenebrosi otij solatia denegarunt. Impleuit alterum officij munus Cotta: susceptisque à Liuiano mandatis, quum ad Iulium Pontificem Viterbium peruenisset, paucos post dies, oborta pestilenti febre, octo & viginti annorum iuuenis interijt. Epigrammata, ac Orationes eius extant; sed Chorographiæ opus nobile versibus inchoatum, & in Plinium erudita scholia perierunt.

## ACTII SYNCERI.

*Sperabas tibi docta nouum Verona Catullum:*

*Experta es duros bis viduata Deos.*

*Nulla animum post hac res erigat: optima quando*

*Prima rapit celeri Parca inimica manu.*

*Quæ*



*Quæ tamen, ut vidit morientis frigida Cottæ  
Ora: suum fassa est crimen, & erubuit.*

MARCI ANTONII FLAMINII.

*Si fas cuique sui sensus expromere cordis,  
Hoc equidem dicam pace Catulle tua.  
Est tua Musa quidem dulcissima, Musa videtur  
Ipsa tamen Cottæ dulcior esse mihi.*

CAESARIS SCALIGERI.

*Intra in me Cottæ Genius, quem dicere conor:  
Aut periit trepida mens tremefacta fuga.  
Tu Latii Siren: ita cantu interficis omneis.  
Nam tua qui legit, scribere nemo potest.*

LATOMI.

*Dic mihi: Pierides Venerem nescire, fatemur:  
Sed Venus est carmen nil nisi, Cottæ, tuum?  
Fallor? an idcirco, Veneris quò gaudia Musis,  
Sera licet, repares, tam citò raptus abes?*

PETRVS CRINITVS.

XLV.

**P**ETRVS CRINITVS IV-  
cundo, eruditoque ingenio iuuenis, quū  
à crispa patris coma, Ethrusco nomine  
Riccius vocaretur, idque nomen fastidiret, Cri-  
nitus appellari maluit. Is non iniquo iudicio ha-  
bitus est inter Politiani discipulos disertissimus.  
Extant enim, præter non illepida poemata, libri  
de honesta disciplina supra viginti, peramœna,  
& copiosa varietate delectabiles: ac item quinque  
de poetis Latinis, laboriosè eruditeque perscrip-  
ti. Mortuo Politiano, patritiorum iuuenum, qui  
ingenia literis excolebant; vel genere, & cœsu im-  
par,

H 5

par,



par promeruit, ut apud eos, & sodalis, & magistri munus adimpleret. Nobiles enim adolescentes more Socratis adamandos, pariter ac erudiendos, corporis, ac animi pulchritudine ductus prædicabat. Sed tanta familiaritas nequaquam certis grauitatis, atque modestiæ finibus descripta, cõtumeliæ, ac item exitio locũ aperuit. In Scandiana enim Petri Martellij villa, post hilarẽ cœnam, quũ petulantis conuiuæ manu inter iocosam rixam frigida cantharo perfusus obriguisset, insolentis iniuriæ dolore saucius paucis diebus interiit, eo quidem sodalium grauiore poenitentia, acerbiorẽque iactura, quod nondum quadragesimum ætatis annum attigisset.

## MYRTEI.

*Priscos poetas viuere  
Crinite dum doces, obis.  
Ergo tibi superstites  
Debent poëta non minus:  
Ipse amplius nihil volens  
Debere, dono carmine  
Hoc, te sepulcro conditum.*

## ANDREAE DACTII.

*Heus, audi, properes licet Viator,  
Criniti tumulo teguntur isto  
Dilecti cineres sacris Camænis.  
Hoc scires volui, recede felix.*

## LATOMI.

*Iactent perpetuam quod vates carmine vitam,  
Hanc quoque pro arbitrio dent, adimantque suo,  
Mortem irritarat, veteres ut acerba poetas  
Temporis æternas mergeret in tenebras.*

Seq.



*Seq̃, tuebatur: donec Crinitus & illos  
Temporis, & mortis tolleret è manibus.*

*Qualemunque vicem, quamuis sim victa, repẽdam,  
Mors, ait: & certè tu mihi stulte lues.*

*Tu ne magis stulta es, quæ illum euertere speras,  
Per quem tam fœdè tempus, & ipsa iaces?*

HIERONYMVS DONATVS.

XLVI.

**E**NITUIT IN HIERONYMO  
Donato Patritio Veneto, supra oris, at-  
que staturæ dignitatem, senatoria pru-  
dentia singularis, præcellenti doctrinæ præsidio,  
& multo rerum vsu constituta. Attulisse siqui-  
dem videtur in omnem actionem, mores longè  
lectissimos, & præclaris disciplinarum omnium  
luminibus illustres, quibus postea Iulium Se-  
cundum Veneto nomini grauiter iratū, & con-  
spirantibus externis regibus, sæuo bello maie-  
statis iniuriam vindicantē, non leniuerit modo,  
sed impetrata pace, icto quæ fœdere conuerterit.  
Quo felicitis ingenij supremo opere, iam penè  
conuulsum, radicitus eius Reipublicæ statum,  
septennio restitutū vidimus; sed industriæ suæ  
fructum sentire non potuit, paulò ante Romæ  
morbo extinctus, quàm Gallus grauis hostis  
Italia pelleretur. Verum, ex ea legatione, eximia  
laus totius Italiæ iudicio parta, perpetuis an-  
nalibus ad posteros transmittitur, nec erit in-  
grata patria, quin meritum decus optimo ci-  
ui, instaurata nominis memoria persoluat. Mo-  
numenta eius ingenij digna luce, quod publi-  
cis occupationibus absolui nequiuerant, filij  
sup-



supprefferunt, edito libro aduersus Græcos, vanissimè de sacrorum principatu cum Romano Pontifice contendentes. Legitur etiam libellus Alexandri Aphrodisei de intellectu, è Græco in Latinum puriter, ac appositè traductus. Extant etiam aliquot epistolæ, multa styli grauitate conscriptæ, ex his ea præsertim, qua Gallici fœderis cōpedes Maximiliano Cæsari exuendas persuaadet, altera qua concussæ ingenti terremotu Crætæ insulæ, quum ipse præfideret, clades, terroresque describit.

## MYRTEI.

*Donate, diuūm munere  
Fudisti vt orbi nectaris,  
Quantumq; manat gratiæ  
Diuino ab ore cœlitum,  
Seruasti, & exul patriam;  
Diis restitutus denuo  
Orbi querenti deseris  
Nil præter ossa, & lachrymas.*

## LATOMI.

*Plus, quàm Roma suo Gallis defensa Camillo,  
Hostem semel quem fecerat:  
Donati meritis nullo non tempore summis,  
Semperq; ciuis optimi,  
Illaq; non vnis erepta potentibus armis,  
Regina debet Adriæ.  
Atq; illo uberius: patriæ quòd commoda spectans,  
Sprenit paratam gloriam,  
Quam raro ingenio multam cumularat Apollo.  
Sed patriæ donatus est.*

ALEX-



DOCTORVM VIRORVM. 125  
ALEXANDER ACHILLINVS.

XLVII.

**A**LEXANDER ACHILLINUS Bononiensis, accuratus Auerrois interpres, quum Patauij philosophiam profiteretur, solidæ, constantisque doctrinæ famam obtinuit, vel ipso Pomponatio acri æmulo insidiosa ambitione, scholam eius depulante. Erat enim à summa ingenij simplicitate ambiendi, adulandi que prorsus imperitus, vsque adeo, vt falsæ, petulanti que iuuentuti, quanquam doctrinæ nomine in honore esset, ridendus videretur; & tum maximè, quum deambulare vndulatis passibus, coccina in toga exoleti moris, astrictas scilicet habente manicas, & nullis à tergo defluentibus rugis, lutrina pelle fimbriatas: renidenti que; semper fronte, & sermone pingui, vel inepti, vel contemplantis ingenij vitia fateretur: sed æmulum in corona veteratorie disputantem, & risum falsa dicacitate sæpius excitantem, ipso inuictò doctrinæ robore superabat. Ediderat enim iam pridem ex peripatetico dogmate singulos libros, de elementis, de intelligentijs, & de orbibus, secutus opinioniones Auerrois, quibus totius ingenij sui fama nitebatur. Concidente autem Patauino gymnasio, inter exorti belli strepitum, Bononiam reuersus, excessit è vita, quum nondum quinquagesimum expleuisset annu. Tumulus eius cum hoc carmine in æde Diui Martini conspicitur.



*Hospes Achillinum tumulo qui quæris in isto,  
 Falleris, ille suo iunctus Aristoteli  
 Elysium colit, & quas rerum hic discere causas  
 Vix potuit, plenis nunc videt ille oculis:  
 Tu modo, per campos dum nobilis umbra beatos  
 Errat, dic longum, perpetuumq; vale.*

LATOMI.

*Quisquis Auerroem censes habuisse cerebrum,  
 Falleris: haud est me passus habere meum.  
 Regula non fallit: Propter quod quodlibet unum  
 Taliter affectum est, sed magis illud erit.*

BERNARDINVS CORIVS.

XLVIII.

**N**ON EST CVR BERNARDI-  
 nū Coriū Mediolanēsem quisquā eru-  
 ditus contemnat, & irrideat; quòd im-  
 mensum rerū gestarum volumen, incondito, ac  
 inepto sermone perscripserit. Honesto enim lo-  
 conatus, & gloriolæ cupidus, quū pro ingenij  
 captu vernacula, idiotisq; familiari lingua vte-  
 retur, optimam ciuibus suis attulit voluntatem,  
 idq; vnum scribendo respexit, quod curiosis,  
 aut nobiliore faciūdia scripturis maximè prodes-  
 set, atque indè nominis, ac industriæ laus ad po-  
 steros proferretur. Nam si, Cæcilij Plinij testi-  
 monio, historia quouismodo scripta delectat;  
 quod lux temporum, nuncia veritatis, & magi-  
 stra vitæ censeatur; huic ciui suo plurimum pro-  
 fectò Insuores debebunt: qui ingenuo labo-  
 re intercisam, & planè sepultam grauissima-

rum



rum rerum memoriam, diligenter inquirendo, consuendoq; ad singularem vtilitatē posteris re præsentauit. Fuit enim vir amantissimus patriæ, & nusquā factiosus, minutiarum adeo diligens, indagator, vt quū historiæ studiosis perutilem, & iucundā afferat voluptatem, nihil morosis, & delicatis officiat. Nā in enarrandis rebus, quibus ipse interfuit, fide, & diligentia mirus agnoscitur; quādo eum in aula splendide versantē, & ex secretioris archiui copia, opportunē adiutū nusquā arcana fefellerint. Perijt Gallis Mediola no potitis, ante sexagesimū ætatis annum, Ludo uici Principis, & Ascanij Cardinalis calamitate perturbatus. Publicauit historiæ volumē viuus, priuato sumptu, ac ob id graui rei familiaris dā no, quoniā dum spectare gloriā videri vellet, resarciendi sumptus, nouiq; lucri inanem spem, astuta chalcographorum persuasione concepisset. In sepulcro eius tale inscriptū carmē legitur.

## INCERTI.

*Bernardine, tibi Insubres debere fatentur,  
Non minus ac magno Roma superba Tito.*

## LATOMI.

*Scripsisti patriæ: patria tibi grata rependit  
Ad bustum assiduas cum gemitu lachrymas.  
Indoluit Phæbus: lachrymasq; in flumina roris  
Et gemitus Zephyros vertit in herbiferos.  
Illa rigant latè terram: terra ebria florum  
Gignit opes: circum laurea sylua virescit.  
In quam dum Zephyri incumbunt, vox redditur ista:  
Vine Cori patriæ, vinat vt illa tibi.*

MAR-



## MARCUS ANTONIVS TURRIANVS VERONEN.

XLIX.

**Q**VAM VIDES MARCI AN-  
tonij Turriani Veronēsis effigiem, nul-  
lis idcirco interlitam picturæ coloribus,  
sed carbone tantum, atque vnis vmbrarum fini-  
bus deliniatam, hoc loco dicauimus, quòd ille  
diuino præditus ingenio, dum exactæ ætatis, in-  
ueteratæque authoritatis medicinæ professores  
interpretationum subtilitate superaret; prius im-  
miti fato gymnasijs est ereptus, quàm admiran-  
dæ vtilitatis, exquisitæque doctrinæ inchoata o-  
pera absoluerentur. Elaborabat is profitendo si-  
mul, atque secando damnatorum cadauera, ana-  
tome volumen ex placitis Galeni, quo Mundi-  
num rudis sæculi scriptorem, & Zerbum in eo-  
dem negotio delirantem iugularat. Hic est Zer-  
bus, qui ambitioso, auaroq; ingenio, quum ac-  
citus grandi pecunia penetrasset ad Triballōs,  
vt Schenderbassam recenti & luctuosa in Eu-  
ganeos irruptione clarissimum, intercute mor-  
bo liberaret; nec demū quod inflatè promiserat  
morienti præstaret, à Barbaris seruis, vt domini  
manibus ea scilicet victima parentarent, trucida-  
tus interiit, ita vt lepidè Turrianus in eum ioca-  
retur, quum libri eius errata dispungeret, quasi  
iure concisus esset, quod magna discentium in-  
iuria perperam secando cadauera, ipse viuus me-  
ritam talionis pœnam subisset. Natus est Turri-  
anus ex ea perillustri familia quæ ante ducentos  
annos Insubribus imperarat, patre peracuto, ex-  
cellen-



cellentiq; medicinæ professore, ita vt nō mirum sit ab ineunte ætate in eadem educatum disciplinā, multò maturius quā quisq; alius ad primos suggestus honores, Patavij et Ticini peruenisse. Præferebat os maximè venustum, serena quadā comitate occurrentium animos alliciens; verum docendo, & disputando mirus, prolatis Græcis authoribus, pudendos errores, & vitæ quidem exitiales ostēdebat, in quos medici ex herbariæ facultatis, ac anatomes inscitia cecidissent. Hoc eximio præceptore in gymnasio Ticinensi studiorum nostrorū vigiliis pro concione laudante, de liberalibus disciplinis, atq; arte medica lauream, & annulū comprobatae dignitatis ornamenta accepimus. Nec multos post menses, quū ad ripam Benaci lacus secessisset, pestifera febre triginta trium annorū iuuenis ereptus est, quū Iulius Pontifex in pseudo Cardinales, fauētesq; eis Gallos victricia arma in luctuosum vtrisque Rauennatis pugnae euentum expediret. Luxēre Turrianum cuncta gymnasia, & diuturnis quidem lachrymis. Nemo enim eo in literis absolute virtutis illustrius specimen, nemo certiolem consummatae gloriæ spē dederat. Ad meritos autem titulos Veronæ nobili tumulo inscriptos, Nicolaus Archius hoc lepidū carnē apposuit.

*Ante annos sciuisse nocet, nam maxima virtus  
Persuasit Morti, vt crederet esse senem.*

CAESARIS SCALIGERI.  
*Suada, Venus, Nemesis, Charites, Sapientia, Musæ,  
Amplexæ in cunis pectora Turrioli*

I Pro



*Pro se quisq; sibi trahere, & contendere. Verum  
Cum Sors, visq; simul omnibus æqua foret,  
Marte superueniente, Venus, committimus, inquit,  
Vno assensu hominem, iudiciūq; tibi.  
Ille ferox gladium nudans, Hoc vicimus. aut vos,  
Hunc mecum: aut totus cesserit ergo mihi.*

## LATOMI.

*Quam cernis vnīs linearum finibus  
Nullo colore præter hanc fuliginem,  
Hās inter alias dedicatam imagines:  
Ad vindicandam mortis est iniuriam,  
Ab hoc locata literarum vindice.  
Nam Turriam illius est Antonii:  
Qui sanitati quum tuendæ incumberet,  
Et proferendæ ætatulæ mortalium,  
Daret salubria, amoueret noxia,  
Ætatis ipso, & artis, & conatuum,  
Morte inuidente, raptus est è carcere,  
Metam tametsi iam videret vltimam.  
At hæc tua est ô Turriane gloria,  
Quod in theatro solus hoc pulcherrimo  
Mortis pudendo cum pudore prodeas.*

## LANCINVS CVRTIVS.

## L.

**L**ANCINVS CVRTIVS MED-  
diolani honesta ortus familia, inter Me-  
rula sectatores Græcæ, & Latinæ doctis-  
simus euasit; sed quadam volucris, nec planè sa-  
na ingenij libertate, per omnes scientias euaga-  
tus, nusquam ad integrum decus constitisse vi-  
detur, vtpotè qui passim vtroq; stylo, & scaber,  
& ob-



& obscurus, dissipato variae doctrinae lumine, euoluisse cuncta volumina videri mallet, quam puri, & circumscripti poetae nomen appetisse. Eius enim sylvae, quae iam pridem in publicum exiuerunt, quanquam densa illa, & peragresti arborum luxurie, uti maxime frondosa, alteque surgentes quibusdam placere possint; praepedientibus tamen vepribus horrida, inaccessa; existimatur, adeo ut urbanus lector reformidata situs nouitate, in lumine haereat. In libris porro Epigrammatum videre est in multa duricie nonnunquam molles facetias, quae risum false permoueant. Sed hoc multo iucundius, atque lepidius consecutus videtur, quam praepingui Insuorum lingua scite numeros iocanter effunderet. Anguineos etiam, quos vocant, versus, miris modis & numeris conformabat, ita ut recto, & conuerso quoque ordine quadrati Epigrammatis introrsus exempta verba aliud carmen efficeret, quod priori sententiae per costas, & diametros ex obliqua serie mirabiliter arriderent: inani hercle, & plane ridenda cum laude, quum tanto sudore delirantis ingenij, ab inepta, & rectis literarum studiis exitiali voluptate, fama quaereretur. Ceterum contentus paruo, sibi que soli (uti saepe dicebat) & genio suo viuens, & coelebs, & liber sine labe nominis ad senectutem peruenit, nihil obiter immutato vetere cultu, quum ceteri ciues non obscura confessione seruitutis, aduentu Gallorum, peregrinam induiti vestem, & capillum ad aurem subtrudentes, eum pristino more togatum, prolixumque comatum petulenter irrideret. Moriens de sepulcro sibi cauit,



uit, quod in templo diui Marci extra Beatricem  
portā cū vera effigie, & hoc carmine spectatur.

STEPHANI DVLCINI CRE-  
MONENSIS.

*En virtutem mortis insciam,  
Viuēt Lancinus Curtius  
Sæcula per omnia,  
Tantum possunt Camœnæ.*

LATOMI.

*Arguor, vt nimium salebroso in carmine durus.  
Quid facerem? vita est taliter acta mihi.  
Tradere difficile est tenero molliq; poëtæ,  
Virtutis duram, difficilemq; viam.*

BAPTISTA MANTVANVS CAR-  
MELITA. LI.

**B**APTISTA CARMELITANI  
ordinis Princeps, Mantuæ ex Hispanio-  
la gente honesta, verum ex damnato coi-  
tu natus, naturam ad carmen attulit, verum in-  
satiabili Hebraicorum studiorum cupiditate ita  
occupatam, vt quum magnus & admirabilis in  
omnibus videri contenderet, in excolendis Mu-  
sis curā, ac diligentiam remittere cogeretur; qui-  
bus vnīs non dubius ad æternitatem gradus pa-  
rabatur, si certa laude contentus, in reliquis ina-  
ne nomen tempestiuè contempnisset. Sed inci-  
dit in ea tempora, quibus nullus mediocribus  
poëtis locus erat, reperit tamen sibi emulum in-  
condito furore Consalui Magni res gestas de-  
cantantem, cuius explosione claresceret. Is erat  
Cantalicus pro bono poëta ab optimo Duce  
medio-



mediocris etiā virtutis amātissimo liberaliter ditatus. Verū & hūc, & ipsum quoq; Carmelitā desumpto eodē argumēto, Grauiā malæ partæ laudis loco, strenuē deturbauit, quū inchoatum poēma nobile, Pōtano, atq; Aetio censoribus recitasset. Ceterū Carmelitæ satis ad laudem fuit, quod per quindecim sæcula neglectos à ciuibus Andinos fontes, salubriter ebiberit, scilicet vt tali monitu limpidioris eius aquæ siphones Lelio, ac Hippolito Capilupis fratribus mōstraretur. Octogenario maior Mātua decessit nō planè felix, quū in extremo vitæ actu defensionem cōtra criticos scribere cogeretur, qui eius poēmata obeliscis nō inanib<sup>9</sup> miserè cōfodissent. Sacro Poētæ mortuo cucullati eius ordinis sacerdotes, prolixè parētarunt: Federicus autē Princeps marmoreā effigiem cū laurea posuit, quæ in arcu lapideo, iuxta Virgilij Maronis simulacrum, pia herclè, si non ridēda cōparatione cōspicitur.

## MYRTEI.

*Alter hic iacet à Marone Vates,  
Natus Mantua, & is quidem Poētæ  
Dignior titulo, nisi incidisset  
In fluctus varios scientiarum,  
Quo Musas coluit minore cura,  
Primus hic tamen à Marone natus,  
Mantua coluit Poēta Musas,  
Andinosq; bibit sacro ore fontes.*

## LATOMI.

*In ponte iuxta quos locatos cernitis,  
Virtutis ergo, patriæq; gloria,  
Vterq; vates, & quidem ortu ciuis est.*



*Quos cognitos licet, tamen ne nescias,  
Alter Maro, alter ille Mantuanus est,  
Quem nil vetabit & Maronem dicere,  
Pensare venam si potest professio.*

FRANCISCVS MARIVS  
GRAPALDVS. LII.

**Q**VVM PARMENSES POST  
exactos Gallos ad Iulij Pontificis autho-  
ritatem se contulissent, Marius Grapal-  
dus à præstanti facundia, et insigni corporis pro-  
ceritate legationis Princeps, luculentâ de laudi-  
bus inuicti, optimiq; Pōtificis habuit orationē,  
ediditq; item pari argumento carmina eximia  
grauitatis. quo demū officio, appositè, ac elegan-  
ter patriæ præstito, honoris causa laureâ à Ponti-  
fice de manu, erudito capiti impositam solenni  
cerimonia, in Vaticano consecutus est. Exindè  
tanto honore alacer, Musas, tanquàm nō obscu-  
rè propitias, vehementius lacessiuit, vt ex publi-  
catis poëmatibus ostenditur. Sed multo vberi-  
us, & latius ingenij famam propagauit, edito li-  
bro de partibus ædium, quo per optimas disci-  
plinas perornatum diligenti cultura ingeniū de-  
monstrauit. Fato functus est in patria post quin-  
quagesimū ætatis annū, quum interiores meatus  
emittēdo lotio globosior calculus obstruxisset.

GEORGII ANSELMI.

*Emeritam hic laurum Aonides, plectrumq; lyramq;  
Grata tibi ex merito turba Grapalde dicat.  
Vt tumuli misera erexit leue nomen inanis,  
Solvit, & ad vacuos, vt sua iusta rogos.*

*Nam*



*Nam te, nec fas est humili cohibere sepulcro  
 Tam rara insignem qui struis arte domum.  
 Redditæ ubi doctis voces, vulgoq; receptæ,  
 Haud dubiam faciunt non obuisse fidem.*

## IANI VITALIS.

*Tu Grapalde tibi magna pro mole sepulcri  
 Erigis ingentem, perpetuamq; domum:  
 Occupat illa suis immensum finibus orbem,  
 Altaq; sublimis sidera tangit apex:  
 Et merito, neque enim tumulo tua gloria claudi,  
 Cum volitet mundi claustra per ampla, potest.*

## LATOMI.


*Collustrans amplas Marius quas struxerat ædeis  
 Extulit artificem Mors stupefacta manum.  
 Quæ tamen, ut bile est iusto feruentior atra,  
 Subridens, tumulum (dic, ait) hospes, ubi?  
 Iam video cæca es, nedum (intulit ille) maligna:  
 Pro tumulo erexi hanc inuidiosa domum.*

## THOMAS LINACRVS.

## LIII.

**T**HOMAS LINACRVS EX IN  
 sula Britannia ad perdiscendas Græcas  
 literas in Italiam profectus, Florentiæ  
 Demetriū & Politianū audiuit, eaq; enituit mo-  
 rū suauitate, atq; modestia, ut à magno Laurétio  
 liberis suis, familiari studiorū cōsuetudine quan-  
 quā græte maior soci⁹ adderetur. Inde verò mul-  
 tis variæ doctrinæ ornamentis adauctus, quum  
 Romana quoq; ingenia certius agnoscēda, ac o-  
 pulētiores bibliothecas inspiciēdas existimaret,  
 ad urbē contēdit. In primo aut appulsu forte ac-  
 cidit,



cidit, vt Hermolao Barbaro amicitia iungeretur. Nam ingreſſo Vaticanam bibliothecā, & Græcos codices euoluenti, ſuperuenit Hermolaus, ad pluteumque humaniter accedens, Non tu herclè, inquit, ſtudioſe hoſpes, vti ego planè ſum, Barbarus eſſe potes, quod lectiſſimum Platonis librum (is erat Phædrus) diligenter euoluas. Ad id Linacrus lato ore reſpōdit, Nec tu ſacrate heros, alius eſſe iam potes, quàm ille fama notus Patriarcha Italoꝝ Latinifſimus. Ab hac amicitia (vti caſu euenit, feliciter conflata) egregijs demum voluminibus ditatus in Britanniam redijt: datusque eſt præceptor Arcturo Regis filio: cui dicatam Procli ſphæram legimus. Trāſtulit demum, ex felici vigilia Galeni librum de tuenda valetudine, quum in arte medica æquè doctus, & fortunatus ſpectaretur. Verum ab eo munere, veluti quæſtuoſo, potius quàm ad parandam perennem gloriam nobili, refugit ad antiqua optimarum literarum ſtudia, reuocatus ſocietate Latomeri, atque Grocinij, qui conſtituto Triumviratu, ad immortalẽ laudem, vtendum Ariſtotelem communicato labore ſuſceperant; Sed Grocinus, ad oblatum ſibi ſacerdotium à decreto fideque diſceſſit, & Latomerus conſilio excuſſus eſt; ita, vt Linacro egregiæ voluntatis decus maneret apud Henricũ Octauum. Sexageſimo autem, & quarto ætatis anno, ex dolore diſruptę herniæ vita excedens, honeſtam domum Londini Medicorum collegio dedicauit.



## IANI VITALIS.

*Dum Linacrus adit Morinos, patriosq; Britannos,  
 Artibus egregiis diues ab Italia,  
 Ingentem molem saxorum in rupibus altis,  
 Congerit ad fauces alte Gebenna tuas,  
 Floribus hinc, viridiq; struem dum fronde coronat,  
 Et sacer Assyrias pascitur ignis opes;  
 Hoc tibi, ait, mater studiorum, ô sancta meorum  
 Templum Linacrus dedicat, Italia;  
 Tu modo cui docta assurgunt cum Pallade Athenæ  
 Hoc de me precium sedulitatis habe.*

## LATOMI.

*Dum longum Italiæ vale iuberet,  
 Thusq; in graminea cremaret ara,  
 Qua tuas aperis Gebenna fauceis.  
 Linacrus patrios petens penateis:  
 Sic amore viri locuta fertur  
 Arnis, impatiens Ethrusca nymphe:  
 Ah, sic Arnida? sic tuam puellam?  
 Sic linguis veteres tuos amores?  
 Et præ me petis Anglicas puellas?  
 Quid rerum hic quod ames valet deesse,  
 Illic quod cupias potest adesse?  
 Gaudes barbarie? Hermolaon eccum: at  
 Quem pro delitiis habent Camœnæ.  
 Sin autem caperis nitore linguæ?  
 Hoc nil tersius est Politiano.  
 Sed gaudes refluxum vehi per æquor?  
 Ah, hiis iam in lachrymis potest natare:  
 Et quæ te huc reuehent, redito tantum,  
 An rupeis patrias amas videre?  
 Te, Linacre, aperi: nec ibis vltra.*



*Quid? quod Italiam miser relinquis,  
 Quum sis Italica eruditione,  
 Romano ingenio, lepore Thusco?  
 Totus noster homo es: sed Angla mens est.  
 Ille abiit: & hæc soluta in vndas.*

ANTONIUS NEBRISSENSIS.

LIIII.

**H**ISPANIA PER MILLE AM-  
 plius annos, Vadalicis, Punicisq; armis  
 occupantibus, Latinarū literarū splēdo-  
 re caruit, alio qui nō obscura telluris, cœliq; tēpe-  
 rie maximorū ingeniorū ferax, si Lucani, Seneca-  
 rū, Silij, Martialisq; memoria recolatur: vt hic A-  
 uerroē in Arabica lingua, sapiētīę lumine clarissi-  
 mū omittamus. Hispaniæ enim proceres, totaq;  
 nobilitas peruersam opinionē de literis indue-  
 rāt; sic, vt earū studia, quū pro libertate aduersus  
 externas gentes dimicarēt, publica cōspiratione  
 damnarētur, quasi aliena, importunaq; virtuti  
 bellicæ, qua vna salus, & libertas omniū certio-  
 re laude pararetur. Sed post Punicū nomē, vir-  
 tute Ferdinādi Regis Hispania pulsum, Anto-  
 nij Nebrissenis ingeniū emicuit: par antiquis  
 grāmaticis, si par fortuna sæculi anhelanti ad ve-  
 terē laudē opportunē respondisset. Hic Nebris-  
 sæ, quæ olim Veneria fuit, ad Bethim natus, scri-  
 bendo & docendo iuuentutē, admonitis, casti-  
 gatisq; natu maioribus, ad antiquū decus litera-  
 rū vehemēter erexit. Constat enim eum, literarū  
 amore spōtē exulantē, ferē totius Italiæ gymna-  
 sia collustrasse; collegisseq; dignos nobili voto,  
 Græcæ,



Græcæ, Latinæque linguæ thesauros: quibus terra patria ditaretur. Dicebat enim proceribus ad arma natis, serò exactæ artis, & disciplinæ exempla, vel longo vsu percepturos, si literarum lumine carerent; quo vno stolidè sublato, tota bellica laus celeriter euanescit, & intercidit. Paucis itaque annis, effectū est, vt nemo, qui literarum studium reformidaret, satis nobilis haberetur, ipseque Antonius, non secus de restitutis postliminio literis, quàm Ferdinandus, Granata capta, Mauris que pulsas, gloriose triūpharet. Scripsit ingenti cursu orsus à grammaticæ præceptis omnes ferè liberales disciplinas, & sacras literas peruagatus, multa volumina quæ extant. Expectatur autem summæ utilitatis Dictionariū, quo Latinè, Græcè, ac Hebraicæ linguæ documenta cōtinentur, ab hærede filio, hætenus impiè suppressum, quum & ipsa quoque penè ad exitum perducta, Bethici belli historia in lucem non prodeat: Oppressit eum repentinta paralyfis, quum ad septuagesimum septimum ætatis annum peruenisset: tanto quidem corporis, ingenijque vigore, vt nihil de studiorum labore omnino remitteret: & vt natura mulierosus, ad supremum vsque diē venereis vteretur. Obijt sub id tempus, quo popularibus vltioris Hispaniæ ad arma consternatis, aduersus Belgas præfides, tanquàm auarè imperantes, grauiter est tumultuatum.

## MYRTEI.

*Me putat æternum saxo posuisse sub imo  
Acerba mors, & fallitur.*

*Non*



*Non ingrata etenim mea gens volitare per ora  
Dat, & per oras omnium.*

*Hæc mihi pro reduci studio, Latiisq; Camænis  
Certè trophæum non minus,  
Quam tibi pro Mauris debet Fernande fugatis  
Et pro recepta Bætica.*

## INCERTI.

*Vt quondam tacuit Latiae facundia linguae,  
Cum fuit Antonii cæsa manus gladiis:  
Sic scelus hoc solers Antonii cura piavit,  
Quamq; prior vitam sustulit, ille dedit.*

## LATOMI.

*Sæcula transierant: neq; adhuc Hispania quicquam  
Ediderat, quales assolet ante viros.  
Iamq; emarcuerat: neq; erat quod gignere posset,  
Semine maternos destituente locos.  
Accessit Venerem Phæbus: quin hac tua in urbe  
Excimus, qui nos, dixit, utrunq; colat.  
Illa sed assensa est. dignumq; prioribus annis,  
Tum veteri ingenio, tum veteri arte, dedit.  
Ipse est (iam nosti) duce quo Tartessa iuuentus  
Ad decus antiquum spirat, & assequitur.  
Qui licet in patrem non paulò impensior esset,  
Non tamen in matrem desidiosus erat.*

## BERNARDVS BIBIENNA.

## LV.

**H**OMO VALDE MIRVS IN  
vtraque fortuna extitit Bernardus Di-  
uitius in oppido Bibienna, vnde ei co-  
gnomen, ad summas Aretinorum Alpes natus.  
Is à pueritia inter Mediceæ familiæ clientes, pri-  
mum



mum solertis industria locū meritus, Leoni patria pulso, atque exuli, singulari fide comes fuit, & consiliorum quidem omnium particeps: in multa enim, & varia rerum cōmutatione, diuturnoq̃ue vsu grauissimarum actionum peracutus, efficax, & quod vnum in aula maximè conducit, iucundus veterator euaserat; ita, vt eū Leo rerum potitus inter propinquos maturato honore legerit in Senatum: magno siquidem adiumento fuisse constabat in comitijs ad promerēdas suffragatorum voluntates, quum antea nobilissimis Cardinalium hero conciliatis, ad petendum Pontificatum, expeditam viam, astuta quadam vrbānitate muniuisset. Cōuiuia enim in quibus erudito luxu certabatur, miris facetijs condire, seria iocis miscere, adulari, resq; arduas dissimulanter conficere solitus, ingenium nusquam absurdum, aut ineptum, in otio pariter, atque negotio feliciter afferebat. Scripsit admirabili lepore comœdiam Calandram, quæ acta est in Vaticano ludis Lupercalibus, per nobiles comœdos Romanæ iuuetutis, in gratiā Isabellæ Mantuani Principis vxoris, vsque adeo decenti apparatu, vt nihil ad elegantiam theatralem, ab eximio poëta comico doctius atque facetius compositum, aut magnificentius in scæna editum, cōfiteri liceat; nisi tum cæteris patribus sacra purpura pudorem expressisset; quum tamen à minus seueris dignitatem attulisse putaretur; Abdicauit in ea numeros primus, vt vernaculos sales dulcius, atque liquidius fœminarum auribus infunderet: quo multi risus hilarior voluptas excita-



excitaretur. Id enim vnum peti, quæriq; debere à non insulso poëta differebat, quod in Terentiana scana, verecundi salis prudentiam admirari quidem, non satis possint spectatores, ridere certè nequeant, quod nullam, vel eruditæ fabulæ inesse gratiam putaret, nisi ab excitato populo, mixtus cachinno plausus redderetur. Perijt non planè senex, quum è legatione Gallica in urbem redisset, intempestiua ambitione ad Pōtificatum aspirans, si Leo, vti in fatis erat, vita excederet, quod ei Rex Franciscus ex prolixa pollicitatione suffragaturus crederetur; id multò iunior, habituque viuacior Leo, in imbecillo sene adeo indignanter tulisse fertur, vt ipse Bibienna, tabifico veneno ex fixis ouis de manu in mensa porrectis, se petitum suspiciōsius, quàm decebat existimaret; inani certè argumento, quod insignium medicorū, vel iterata, exquisitaque remedia minimè profecissent.

## BOCCARINI ARETINI.

*Trunca fides, lugent Charites, periēre lepōres  
Desipuēre sales, desipuēre ioci.  
Lurida nimirum Mors, quæ urbi inuidit, & orbi,  
Diuitium immiti funere corripuit.  
Purpureos meruit titulos. Romæ occidit, ortus  
Est Bibiennæ. hoc te scire sat hospes erat.*

## LATOMI.

*Omnia captavi, nec segniter omnia cœpi:  
Est mea præcipuus præda galerus honos.  
Pressius at tandem captans, nec vt ante, Leonem,  
Væuator perii cassibus ipse meis.*



**I**ASONI MAINO MEDIOLA-  
nensi, vti ipse in gentilitiis insignibus præ-  
scribere solebat, virtuti fortuna comes non  
defuit; natus enim ex concubina, nequaquã eo-  
dem cultu, quo æquales propinqui, sed eodẽ pe-  
dagogo sibi tantum immiti, atq; aspero uteba-  
tur, vt ab eo familiariter audiuius, ex hac scho-  
la missus Ticinum ad ius ciuile perdiscendum,  
primo anno ita ingenium ad vitia, illamque su-  
pra cætera pestilẽtem aleam deflexit, vt cum ho-  
spite decoqueret, & iuris codicem in membra-  
nis scriptum, magno emptum precio fœnerato-  
ri tradere cogeretur. Ipse verò demũ sordida in  
toga, capite tonso, quod id tinea deformis obsi-  
deret, ridiculus videbatur; sed maturè, & peracer-  
bè castigatus, seipsum collegit, bonæque frugis  
personam, nequaquã mentitus, tanta cõten-  
tione in studijs disputationibusque sese exer-  
cuit, vt doctores ipsi, æqualis que iuuentus, eum  
adeò celeriter, atq; fœliciter profecisse mirarẽtur.  
Exinde suggestu dignus, Institutiones enarra-  
uit, cõcessitq; demũ Patauium: sed inde, quum  
secunda fama profiteretur, euocante Ludouico  
Sfortia Ticinum reuersus est. Ab eximia tũ gra-  
uitate, atq; facundia summi oratoris laude frue-  
batur: nam optimis literis, vsque ad poëtici de-  
cus instructus, dicta, scriptaq; lepidissimè cõdie-  
bat, canoram vocem, valida latera, gestum oris  
excellentem ad suggestum afferens, explicati &  
perillustis, solidique doctoris nomen tuebatur;  
consul-



consultoribus precio grauis videri poterat, nisi pecuniam acceptam si causa decidissent; liberali pactione, se continuò redditurum profiteretur: me audiente interrogatus à Ludouico Gallorū Rege, cur nunquàm duxisset vxorem, vt te commendante, inquit, Iulius Pontifex ad purpureū galerum gestandum, me habilem sciat. Audiuerat enim honoris causa eo die aurata in toga profitemtem Rex ipse, quinq; Cardinalibus, & centum proceribus subsellia implentibus, quū Genua subacta, de Liguribus triūphasset. Ea enim lectione dignitatem equestrem ob spectatum in acie facinus de manu Regis traditam, accendendæ virtutis ergo ad posteros manare diffiniuit. Mortuus est Ticini valde senex, extructa nobili domo, emptisq; in Placētino latifundijs. Suburbano autem in templo diui Pauli sepulcrum cum his titulis ostenditur.

## DARDANI PARMENSIS.

*Quis iacet hoc hospes tumulo? Quis? Summus Iason:  
 Illè ne Fruxæ vellere diues onis?  
 Clarior hic illo longè est. Quisnam oro? Maynus,  
 Excellens iuris gloria Cæsarei.  
 Non fuit hoc quisquam iuris consultior alter,  
 Qui extinctum posset reddere ius melius.  
 Sed tamen hoc summi vetuit mens dia parentis,  
 Cæsaribus cupiens vsq; fauere suis.  
 Te audiit, ò nimium felix, qui iura legentem,  
 Damnantemq; acri plurima iudicio,  
 Nec tamen infelix, tua qui monumenta reuoluit,  
 Et memori condit lecta, fouetq; sinu.*

Et



DOCTORVM VIRORVM. 145

*Et quanquam obloqueris plebs inuida, solus Iason  
Hic legum nodos difficiles soluit.*

*Amorum sic fama omnem vulgata per orbem:  
Ille nitens belli laude, sed iste togæ.*

IASONIS LANDI.

*Donec erunt igneis, & Phœbus lampade terras  
Lustrabit, Mayni viuet in orbe decus.*

*Vnicus in terris soluens ænigmata legum,  
Is meritò Iuris dicitur esse Parens.*

LATOMI.

*Materia vincor: & tu vis ire, Viator,  
Expediam: iacet hîc ille Maynus: abi.*

CHRISTOPHORVS LONGO-  
LIVS. LVII.

**C**HRISTOPHORVS LONGO-  
lius Maclinia Belgicæ sacerdote Anti-  
stite genitus, & Lutetiæ in scholis fru-  
galiter educatus, partis disciplinarum omnium  
peramplis opibus, aureo Leonis principatu Ro-  
mam venit; adeo dissimulata ingenij professio-  
ne, vt rubro pileo, & astricta penula semi Ger-  
mani militis habitum mentiretur, quippè cui  
mens erat auidè peregrinanti priscæ felicitatis  
monumenta spectare, scrutari ingenia, Biblio-  
thecas excutere, atq; illud demum eruditæ cen-  
suræ iudicium, quod frustra alibi, quâ sub Ro-  
mano cœlo quæritur, certius, atque liquidius a-  
dipisci, sed intranti gymnasium, & acutè dispu-  
tanti, non insulsi literarum professores, celeriter,  
& comiter personam detraxerunt, ita, vt mox  
honestissimi ciues Romani Flaminius, Toma  
K rotius,



rotius, & Marius Castellanus alterna hospitij liberalitate intrà penates receptum, trienniò aluerint, eique virtutis meritò Romanæ ciuitatis ius, & nomen impetrarint. Verum aliquantò post, emerfit liber execrabilis maledicentiæ veneno delibutus, quē iuuenili declamatione perscripserat, Romani nominis antiquū decus barbaro liuore proscindens. Infremuit populus Romanus ea contumelia perturbatus, Celso Mellino adolescente clarissimo, generosa oratione in Capitolio, tanquàm reum Maiestatis accusante. Sed Longolius totius aulæ clementia præmunitus, duabus orationibus publicatis sese eo nomine defendens, iudicium populi subterfugit, quod nequaquàm malignitate animi; sed more sophistarum, exercitationis studio materiæ difficilis, ac insolentis; ideoque damnatæ spei argumentum desumpisset, scilicet, vt sodales eius temerè suscepti muneris, vel infelicem audaciā mirarentur. Transiuit indè Patauium, his præsertim actionibus claritatem consecutus; adhesitq; Petro Bembo, & mox Reginaldo Polo Britanno, in quorum hodie sacra purpura summā pietatem, atq; doctrinam veneramur. In eius contubernio, quum ingētibus vigilijs libros aduersus Lutherum disertè, & grauiter inchoatos elaboraret, editis iam ad imitationē Ciceronis Epistolis, febre consumptus est. Tumulum autem, hoc carmine Bembus honestauit.

*Te iuuenem rapuere deæ fatalia nentes*

*Stamina, cum scirent moriturum tempore nullo*

*Longoli, tibi si canos, seniumq; dedissent.*

GER-



## GERMANI BRIXII.

*Castalides laceratæ genas, diuellite crinem:*

*Nec lachrymæ finem, nec teneant gemitus.*

*Proh dolor, effertur Patavina funus in urbe,*

*Ante sua extincti tempora Longolii.*

*Quem modo vel Gallum voluit pro dote Latina,*

*Roma locum ciues inter habere suos.*

*Roma sibi plenè mox restituenda, dedissent*

*Longolio plenos, si modo fata dies.*

## STEPHANI DOLETI.

*Longolii ô utinam potuisset lingua docta tantùm*

*Apud rapacem mortem, acreisq; Parcas*

*Quantum olim valuit dicendo, voce dum diserta*

*Romæ cateruas flecteret stupentes:*

*Viuere incolumis, nec funere concidisset atro,*

*Dignus perenni temporum recursu.*

*Sed viuit, neq; morte vlla exstinguetur, arce tectus*

*Famæ micantis, nominisq; magni.*

*Ære perennius exegit monumentum, ad astra latè*

*Laus cuius ingens & loquax volauit:*

*Quod non annorum series, nec flatus impotentis*

*Austri, nec imbres diruent edaces:*

*Sidera dum cælo hærebunt, ac Vrsa obibit axem,*

*Cursuq; tardo per polum meabit.*

*Longolio Hesperii, quiq; ortum Solis intuentur*

*Omnes, vicissim gloriam vouebunt.*

*Hic igitur procul, hinc procul absint nœniæ sepulcri,*

*Luctusq; turpes, quos anus refundunt.*

## CLAVDII ROSELETTI.

*Antehac nostra cuiquam Ciceronis inesse*

*Eloquium, nervos, vimq; stilumq; negant.*



*At tua Longoli auscultent sine nomine, nullum  
Iurabunt aliud tam Ciceronis opus.*

## EIVSDEM.

*Antistes eloquentiæ, magni nepos  
Atlantis, admiratus ut Longolium est  
Artificibus fandi esse priscis non modò  
Parem, sed & maiorem: ait, præstantior  
Ut plurimum discipulus est didascolo.*

## LATOMI.

*Illa caput regni, Phæbiq; Lutetia nutrix,  
Longolium ciuem dixerat esse suum.  
Interea attollens simileis Mechlinia cristas,  
Afferuit titulo non grauiore sibi.  
Roma sed indignans; meus est si Tullius, inquit,  
Non hic: & affcripsit: non meus esse potest.  
Profiliens tandem titulis Sconhouia Veris,  
Dulcibus ex hortis flore reuincta caput:  
Gaudeo quod Batauam vel nunc amplecteris aurem,  
Roma, ait, at partum tu mihi redde meum:  
Septem vrbes certent de stirpe insignis Homeri,  
Quattuor est harum lis speciosa magis.*

## AVRELIVS AVGVRELLVS.

## LVIII.

**N**ON EST CVR MIREMVR  
in pusillo corpore viuacissimi hominis  
Aurelij Augurelli præaltum ingenium  
enituisse. Fit enim plerunque natura, ut innati  
spiritus vis ipsa collectior, paruæ compaginis  
membra aptissimè regat, & quòd mentis est ad  
excogitandum, plenius, atque validius illustret.  
Is Arimini natus, vitam in literis perdiscendo,  
docen-



docendoq; ad octogesimumtertium ætatis annum, feliciter extendit, Venetiisque imprimis habitus est multò doctior, & purior, quàm quisquam alius, qui Latinas Græcasque literas privato quodâ officio, ac ob id quæstuosiore profiteretur. Extant eius Odæ plures, & paucae elegiæ Romana simplicitate decantatæ, sed Iambico versu à paucis hætenus prosperè tentato, vius est ad antiquæ laudis metam propius accessisse. Nouissimè ridendus ille morbus certæ egestatis, & cæsi laboris comes, curiosis ingenijs familiaris, totum homunculum occupauit, metallæ & succos in abditis fornacibus recoquentem, vt ex argento viuo concretum, & ductile argentum ad cudendam monetam efficeret, & admirabilem abditarum naturæ rerum massam conflando, purum inde aurum crearetur. Sed ea cura inani voto suscepta, nequaquàm magno damno ei celsit, quum ingenium ab irrita spe ad factitanda carmina verteretur, vt fallacis, & irrisæ artis certitudinem, carminum auctoritate demonstraret; quum ipso conscientia pudore inanis artifex proderetur. Scripsit enim Chrysopœiam ad Leonem auri contemptorem, vt prodigè vtenti ad alenda ingenia, festosque & planè regios sumptus, inexhaustæ opes, sine iniuria humani generis, abundè suppeterent. Edidit etiam Geruntica, Petro Lipomano discipulo dicata, quem hodie, Veronenses virtutis merito, Antistitem venerantur. Taruisij, vbi flamen erat, quum ad forum in taberna libraria disputaret, apoplexia correptus, su-



bitò interiijt. Depicta est tumulo effigies, cui  
hoc ipse carmen subscripserat.

*Aurelii Augurelli imago est, quam vides,  
Vni vacantis literarum serio  
Studio, & iocoso, dispari cura tamen:  
Hoc, ut vegetior sic fieret ad seria:  
Illo, ut iocosis uteretur firmior.*

## L A T O M I .

*Iocum vetustum refricans Aurelius,  
Dum sperat aurum, luditur carbonibus.  
Adhuc Leoni scribit auri prodigo,  
Iam certus artis, nempe, Chrysopœiam:  
Ut quod minus collegit è carbonibus,  
Auidi Leonis eriperet è dentibus.*

## G V I D O P O S T H V M V S .

## L I X .

**G** V I D O P O S T H V M V S P I -  
saurensis, lepidus, & comi, argutoq; in-  
genio poëta, quum Elegias, & varijs nu-  
meris carmina factitaret; in aula Leonis conspi-  
cuius fuit. Patebat enim ea liberaliter, meridia-  
nis præsertim horis, quum citharædi cessarent,  
his omnibus, qui eruditæ suauitatis oblectamē-  
ta ad ciendam hilaritatem intulissent. Sed beni-  
gna Principis manu sapè donatum, & nō insul-  
sè ad honores aspirantem, regius inuasit mor-  
bus, ex moribunda patriæ sede procul dubio  
conceptus. Medici suaserunt, ut Capranicū sece-  
deret Sutринi agri vicum, aëris salubritate perce-  
lebrem; atq; ita humanitate, ac indulgentia Her-  
culis Rangoni Cardinalis, cuius opibus familia-  
riter



DOCTORVM VIRORVM. 151

riter utebatur, eò deuectus est. Verum non multò post exusto, lenta febre, toto viscere, vel adhuc iuuenis, vim morbi, fatique sustinere non potuit. In æde diui Francisci tumultatum, poëtae sodales his carminibus profecuti sunt.

TIBALDEI.

*Posthumus hic situs est, ne dictum hoc nomine credas.*

*In lucem extincto quòd patre prodierit.*

*Mortales neq, enim talem genuere parentes,*

*Calliopeia fuit mater, Apollo pater.*

IANI VITALIS.

*Querite nunc alium Musæ, quem semper ametis.*

*Qui vos semper amet, Posthumus occubuit.*

LATOMI.

*Me Iouis & Veneris fausto sub sidere natum,*

*Phæbus adoptauit, nomen & imposuit.*

*Vnde (nec est alia factum ratione) sciatis,*

*Me post defossam viuere corpus humo.*

NICOLAUS LEONICENVS.

LX.

**N**EMO PROFITENTIVM MEDICORUM, Nicolao Leoniceno Vicentino vera salutaris scientiæ dogmata, purius atque nitidius explicauit: Nemo errores Sophistarum importuna garrulitate cuncta fœdantium, eloquentius, atque validius confutauit. Nemo eo demum ad illustrem certioris peritiæ fidem, longius, atq; salubrius vitam produxit. Primus enim Græca Galeni volumina Latine interpretando studiosis perdiscenda demonstraui, imperitorum latratibus, publicatis summa

K 4 eloquen-



eloquentia commētarijs occurrerat, vtpotē qui ab ineunte ætate optimis literis deditus, ingētes opes capacis & maximē cōstantis ingenij, ad illustrandā medicinam contulisset. Cibi enim, & vini maximē abstinens, somniq; minimi, præsertim vero Veneris continentissimus, vsque adeo mollioris vitę voluptates abdicauit, vt pecunias, luxurię instrumenta, nec agnita quidē mone tē nota contēneret; oblatū, & nulla delectū cura cibū caperet; nec vnquā de fortuna quereretur, quod vnā vir acutus studiorum laudē respiceret; nec opportuna mediocris vitę subsidia, benignitate Ferrariensium principum Herculis, Alfonsoq; filij sibi defutura prospiceret. Eum herclē perfectū Stoicum putasses, nisi honesto ori liberalis hilaritas affuisset. Edidit eruditū, & per elegantem librū, quī Romanus medicus Antisthista inscribitur, quū antea de ordine triū doctrinarum, & de virtute formatiua perutiles libellos publicasset; Dionis quoq; historia, & Luciani dialogi, vernacula loquentes lingua, Herculi Latinarum literarū imperito mirē placuerunt. Peruenit ad nonagesimum annum integerrimis sensibus, vegetaq; memoria, nec incurua quidē ceruice, quum esset staturæ celsioris, & sine scipione venerabilis. quum ego aliquādo comiter ab eo peterem, vt ingenuē proferret, quonam arcano artis vteretur, vt tanto corporis atq; animi vigore vitia senectutis eluderet, Viuidū, inquit, ingenium, perpetua, Ioui, vitæ innocentia, salubre verò corpus, hilari frugalitatis præsidio facile tuemur. Tumulus eius in atrio ædis.

MYR-



## DOCTORVM VIRORVM. 153

## MYRTEI.

*Cui neque sat fuit, & terras euoluere, & undas,  
 Quæq; arcana tenent flumina, terra, mare;  
 Dum rerum causas latè vestigat, & agra  
 Morborum reuocat corpora colluue:  
 Nunc Leoniceus tegitur paruo aggere terræ:  
 Cuius utramq; volat fama per Hesperiam.*

## LATOMI.

*Quod te cælestem tueretur ducere vitam  
 (Sic fore de Parcis sciuerat ante suis)  
 Fecit, ut excideret Morti tua rumpere fata,  
 Nec te decrepitum cerneret esse senem.*

## PETRVS POMPONATIVS.

## LXI.

**P**ETRVS POMPONATIVS Mantuanus, in philosophia præceptor meus, inter Peripateticos illustres primū suggestus locum obtinuit. Enarrabat enim Aristotelem simul, ac Auerroem suauis, & præclara voce; elocutione autem emendata, & leni quum proponeret; volubili, & concitata quum infringeret; porro quum diffiniret, atque decerneret, adeo graui, sedataque, ut auditores in subsellijs scriptitando, explicatas sententias notis exciperent. At in coronis, confessuque doctorū, quum exercitatione perutili ad Prætoriam porticum disputaretur, ita mirus euadebat, ut sæpè ancipiti, & cornuto Achillini entymemate circumuentus, superfuso facetiarum sale, aduersarij impetum, ex illis gyris, & mæandris explicatus eluderet. Erat pusilla admodum, sed quadrata corporis



poris statura, capite nulla ex parte enormi, vel infuso, utpotè oculis ad omnes animi habitus aptissimè paratis, & intentis. Exorto bello Veneto, post Achillini mortem, Bononiæ professus est; ubi cucullatos sacerdotes cōtra se in caput, & nominis famam vehementissimè concitauit; edito scilicet volumine, quo animas post corporis mortem interituras, ex sententia Aristotelis probare nitebatur; secutus Aphrodisei placita, cuius dogmate ad corrumpendam iuuentutem, dissoluendamq; Christianæ vitæ disciplinam, nihil pestilentius induci potuit. Scripsit etiam de fato, & de incantationum occulta potestate. Sexagesimo autè tertio ætatis anno, stranguria oborta Bononiæ, fato functus est: relatusque inde Mantuam, nobile sepulcrum Herculis Gonzagæ Cardinalis, erga ciuem, & magistrum, liberali pietate promeruit.

## IANI VITALIS.

*En animarum ingens globus, en legio omniuiagantum,  
Quas tu perpetua luce carere negas.  
Mortuus, ut discas æternam has viuere vitam,  
Ad cineres vlulant Pomponiate tuos.*

## LATOMI.

*Quur, quis hîc iaceam, referre cogor,  
Et causæ iugulo meæ admonere  
Hunc ense, ut modò mortuus, cinisq;  
Si tecum fuero locutus, atri  
Conuincar placiti, reusq; fiam?  
Sed sunt ii rabidi & mali Poëtæ:  
Qui quum plurima mentiantur ipsi,  
Me verum prohibent tacere, nam sum  
Pompona-*



*Pomponatius ille: qui professus  
 Maneis esse nihil, sed interire  
 Quicquid est hominis, pati q̄, fatum:  
 Nunc contra experior. tacere proinde  
 Mallem, sed rabidi vetant Poëtae.*

ANDREAS MARO.

LXII.

**N**VLLIS OMNINO CERTIORIBUS lineis, nulloq; exactiore penicillo Andreae Maronis ingenium depinxi, quam si eisdē utar coloribus, quibus illud, dū ille viueret, diligenter expressimus in dialogo nostro, quē in Aenaria insula, dum vrbs Roma à Cæsarianis, capto Pōtifice vastaretur, perscripsimus. Interrogāte enim Daualo, his fermē verbis respondi, quū de viris, & fœminis ætate nostra florentibus, iucūdisimo cēsūrę ordine disputaretur, & nō temerē in mentionē Andreae Maronis incidissemus. Is erat Brixianus, quanquā dimidiam patriā ab Euganeis, Foroq̄ue Iulio repperet. Cupiebat enim Dux generosus cultorq̄ue Musarū, Poētā inusitata virtute præditū, è funesta clade vrbs eripere. quod, ex me, illū tercaptum, cruciatumq; diu, ac omnibus fortunis expoliātū, miserabili, ridendoq; famescētis baiuli habitu, in vrbe plena funeribus mendicare didicisset. Non est, inquā, Dauale, cur tantoperē Etruscōs vates ad expeditæ facundiæ laudem, arguta cithara personantes admiremur, in eam enim peramœnæ voluptatis consuetudinem, mos patrius illos adduxit; quod faciles ad  
 veniam



veniã aures dicere audentibus plurimum indul-  
geant; ita, vt nec eos, vel leui sibilo notandos pu-  
rēt, qui hæsitando, amissa celeritatis laude, vel in-  
dissona, vel in dispari syllaba peccauerint. Vere si  
quidem admirari, & plaudentis clamorem attol-  
lere iuuat, si nouum Maronem audiamus. Is e-  
nim cum summa eruditorum admiratione ex  
tempore ad quam iusseris quæstionem, Latinos  
versus, varijs modis, & numeris fundere cõsue-  
uit. Audax profectò negocium, ac munus impu-  
dentiæ, vel temeritatis plenum, nisi id à natura  
impetu propè diuino, mira felicitas sequeretur.  
Fidibus & cantu Musas euocat, & quum semel  
coniectam in numeros mentem, alacriore spiri-  
tu inflauerit, tanta vi in torrentis morem citatus  
fertur; vt fortuita, & subitarijs tractibus ducta,  
multum ante prouisa, & meditata carmina vi-  
deantur. Canenti defixi exardent oculi, sudores  
manant, frontis venæ contumescunt, & quod  
mirum est, erudite aures, tanquàm alienæ, & in-  
tentæ, omnem impetum profluentium nume-  
rorum, exactissima ratione moderantur. Exce-  
ptus est secundissimo plausu, ac idcirco à Leone  
repræsentatæ facultatis nomine, sacerdotio do-  
natus, quū post celebre conuiuium, cui Regum  
legati, Senatoresq; aderant, de suscipiendolacro  
bello dicere iussus, iucunda figurarum varietate  
decantauit, orsus hoc nobili carmine:

*Infelix Europa diu quassata tumultu  
Bellorum.*

Tū enim Selymus Turcarū Imperator, Cam-  
psone, & Tomúbeio vltimis Ægypti Regibus,

vna



## DOCTORVM VIRORVM. 157

vna atq; altera acie deuictis ac interfectis, magnū  
Europæ intestino bello deflagranti terrorem in-  
tulerat. Perijt, amissis poëmatibus infelix Maro  
in vili caupona ad scrophā lapideā campi Mar-  
tij ab omnibus desertus, quinquagesimo tertio  
ætatis anno; quum è Tybure, quò perfugerat,  
vagantibus etiam ibi Barbaris, in pestilentem vr-  
bem urgente fato redijisset.

## MYRTEI.

*Postquàm secundum publica abstulit clades  
Maronem, & urna caruit infelix, campis  
Quæsitus Elysiis, nec inuentus Musis.  
Phæbus furoris nam minister illius,  
Quo carmen edere inclytum Maro suerat,  
Inter Sibyllas rapuit, æternum vt viuat.*

## LATOMI

*Quod spectanda data est, non Musa fruenda Maronis,  
Phæbe tua est leuitas, gloria quanta fuit.  
Non volo Vergilii: qui vel meditata dolebat  
Carmina, maturæ non satis esse moræ:  
Eius at Andree, solo quo Brixia alumno  
Nil facere est cunas ausa Catulle tuas,  
Cui fuit in subitos tam promptum ex tempore versus  
Ingenium, vt quicquid pangere iussus erat,  
Aptaret numeris, variataq; verba ligaret,  
Qualia vix longi temporis esse putes.  
At periëre breuis breuib; cum versibus Author:  
Deme quod æterno viuut in ingenio.*

A N-



**N**EMO EX HIS QVI ILLV-  
stribus orti familijs ætate nostra clarue-  
runt, quum peculiari bellica laude du-  
ceretur Andrea Matthæo Aquaviuius ad Præcu-  
tinos Hadrianorum Regulo, se luculentius op-  
timis disciplinis exornauit; vti præclare constat  
ex eo libro nobili pariter ac erudito, qui Ency-  
clopædia inscribitur, & de morali virtute Plutar-  
chi plenior liber, subtili & copioso commenta-  
rio per similis ostendit. Hic heros antiquæ virtu-  
tis, vti casus tulit, bis bello, prælioque aduerso,  
& vulneribus honestissimè susceptis captus, for-  
ti animo tetri carceris calamitatem, studiorum  
solatio ita leniuit, vt ad eam exculti ingenij fru-  
gem, quæ ab impotenti fortuna eripi non po-  
test, generosa meditatione peruenerit. Sed quum  
eum victor Consalius cum reliquis captiuis in  
triumpho ducendum in Hispaniam mitteret;  
Rex Ferdinandus prudentiæ, & lenitatis nomi-  
ne maximè clarus, libertati, pristinaq; fortunæ  
restituit. Tanto itaq; vsus beneficio per viginti  
quatuor annos egit iucundo in otio vitam dica-  
tam Musis, adeo splendidè & vigilanter; vt ad  
idem literarum honestissimum decus Belisarium  
fratrem Neretiorum regulum æmulanter inuitaret,  
quem de Venatione, & de singularis certaminis  
prouocatione scripsisse videmus. Cæterum vir  
tantis, quum Neapolitanos proceres, candore,  
innocentia, & liberalitate facillè superaret, visus  
est



## DOCTORVM VIRORVM. 159

est parum accuratus & diligēs in tuenda rei familiaris dignitate, quū in vltimo vitæ actu præaltus animus cōtemptor opum institutæ liberalitatis neruos incōditis sumptibus incidisset. Facto functus est ad Conuersanū Bario finitimum, septuagesimo secundo ætatis anno, quū Lotrechij Galli infelicibus armis, Apulia quateretur.

## ACTII SYNCERI.

*Cernis, vt exultet patriis Aquiuuius in armis,  
Duraq; spumanti frena relaxet equo?  
Quis miteis illum Permessi hausisse liquores  
Credat, & imbelles excoluisse lyras?  
Consurgunt niueæ fulgenti in casside cristæ:  
At clypeus toruo Gorgonis ore tumet.  
Maeste animo, rigidum Musas qui stringere ferrum,  
Qui Martem doctos cogis amare choros,  
Hæc ducis est virtus, non vni insistere palmæ,  
Sed nomen factis quærere, & ingeniis.*

## EIVSDEM.

*Mæsta Bituntinæ duxerunt otia Nymphæ,  
Nec Faunis solitos exhibuere choros,  
Scilicet optato quicquid sine principe cernunt,  
Ingratum est, tantus principis urget amor:  
Nec satis est positis arcum spreuisse sagittis,  
Quæstibus & totos continuasse dies:  
Ast etiam nostris faciunt conuitia terris:  
Et nos Sirenas, Lotophagosq; vocant.  
Vera loquor, Diuæ veniam date vera loquenti:  
Non amor hic certe, sed magis inuidia est.  
MARCELLI PALONII ROMANI.  
Nō minus æternū ex Aquiuuius habet Hadria nomē,  
Nobilis immenso, quam dedit ipsa Mari.*

*Adde,*



*Adde, freto suus est supero quod terminus: illi*

*Nec limes tellus ulla, nec unda datur.*

*Nam Musis ubi honos, Martique, togæq; manebit,*

*Et lucebit ubi Sol, Aquinius erit:*

## LATOMI.

*Dum grauis incumbit sæuos Aquinius in hosteis,*

*Vincendiq; aperit dextra animoq; viam:*

*Contigit interea lustrantem castra Graduum,*

*Arma ubi penderent, non sua, ferre pedem.*

*Soluit, pertentat: vocis modulamine captus,*

*Perstitit inuitam sollicitare chelyn.*

*At veritus Dominum mox hostibus adfore fusis:*

*Ille quidem vincat, sed capiatur: ait.*

*Quid vesane tibi pro talibus imprecet ausis,*

*Ni citharam ut quantum, classica semper ames.*

## PETRVS GRAVINA.

## LXIII.

**N**ATVS EST PETRVS GRA-  
uina Catinæ in Sicilia, sed ipse primam  
domus originem à Capua repetebat.  
Natura ei admodum indulgenter, præter excel-  
lentis ingenij vim, summam etiam procero cor-  
pori, & venusto tribuit dignitatem, firmitate im-  
primis, & agilitate quadam singulari, quum in  
ludo pilæ usq; ad admirationem, & gladiatoria  
arte, equestribusque armis ad militarem laudem  
exerceretur, nataretque sæpissimè ad incredibi-  
lem vrinandi patientiam, quibus agitationibus  
ita firmavit corpus, ut nulla paulò sæuiore ten-  
tatus valetudine, ad extremam propè senectu-  
tem, integro, & planè iuuenili vigore peruene-  
rit,



rit. Vtebatur parciore mensa, sed ea semper nitida. Vinum à Veseuo, Surrento que in honore erat; sed semper sobriè, & moderatè perpotanti. Vitæ genus adamavit quietum, cunctis solum curis, & litibus, hilari que imprimis, & tenera studioforum adolescentiû familiaritate gaudebat; ingenio enim erat aperto, liberali, perblâdo; cultu corporis nitido, & sumptuoso, quum vndulata toga vteretur, & serico latiore villosopileo argenteam comam morosè perornaret. Quû in Aragonia aula versaretur, emanarentq; ab eo versiculi ex nobili semper occasione, argutè, lepide que perscripti; Pontano carus esse cœpit, qui erat ingeniorum censor longè grauissimus, id que diuinis operibus ad immortalem amici laudem benignè testatus est. Spectatæ demum eius virtuti externus Meccenas adfulsit Magnus Consalvus, qui ipsius victorias, & trophæa Gallica heroico celebrantem, in templo maximo Neapoli sacerdotij honore nobilitauit. Sed Cōsaluo in Hispaniam abducto, quod Regi in suspicionem affectati regni venisset, Prospero Columnæ adhæsit. In pangendis elegis, tenero quodam lepore, sibi genium respondere fatebatur: sed in scribendo Epigrammate vni ei haud dubiè palmam tribuebat Actius Synce-  
rus; qui, & parcus, & amarulentus in alieni operis censura laudator esse consueuisset. Heroica poëmata perijsse tum ferunt, nisi iam pridem à nobis lectitata compareant, quum Cæsariani à Gallis Neapoli obsessi, tanquàm non in socia vrbe, diuina, ac humana omnia conturbarent;

L                      ita,



ita, vt non miretur quispiam, tā paucis quæ extāt ingenij monimētis, præclari poëtæ famam constituisse: nā & multa ipse lugentibus amicis sponte deleuit, veluti strepētibus armis, sæculum indignatus; aut iratus Musis; quod externi duces conceptæ spei minus liberaliter arrisissent. Sed dispari iudicij sorte id poëma propè amissum querulus lugebat; quo Surrentini otij delitias elegantissimè depinxerat. Sed Scipionis Capycij pietas, dignū egregio, nobiliq; poëta, colligendi dispersa & publicadi officium præstitit, vt penè intercepta amico poëtæ vita redderetur. Nō carebat quoq; cōpositi Oratoris nomine, quāquā dum publicè oraret, vna actionis laude contentus esse videretur. Decessit septuagesimo quarto ætatis anno, ad Conchā oppidum Sidicini agri, quum ei in vmbra meridiant, castaneæ echinus tibix suram leuissimè pupugisset: temere enim scalpendo enatum est vlcus accersita lætali febri cula: adeo enim subtiles mortis causas fata inueniunt, quum ex decreto vrgent.

## IANI VITALIS.

*Hanc tibi pro tumuli Ianus Vitalis honore,  
Ramosam laurum magne Grauiua dicat.  
Hic ubi odorata Manes requiescere in vmbra,  
Floribus in mediis, & iuuet esse tuos:  
Illa, Notis quoties rami quatientur, et Euris;  
Perstrepet in laudes sancte Poëta tuas.*

## LATOMI.

*Cuius hic tumultum vides, Viator,  
Vatis eximii, Petri Grauiuæ,  
Tu fortasse putas obisse totum,*

Et



*Et vel esse nihil, vel isse ad umbras.*

*Erras: non obiit, sed usque viuit.*

*Nam quum quæ cecinit, vel est locutus,*

*Vel misit teneræ preces puellæ,*

*Vel scripsit lepidis iocos amicis,*

*Quæq; illa ingenii fuere multa,*

*Nunc audis, legis, excipis, tenesq;:*

*Illum vinere quo negas colore?*

*Viuit: teq; magis, supine caudex,*

*Cuius post cineres nihil manebit.*

## POMPONIVS GAURICVS.

LXV.

**A**RGIVAE IVNONIS FANVM  
quod est Picentinorum nobile oppi-  
dum, geminos fratres Gauricos præsta-  
ti ingenio protulit; Lucam ipsum, quæ astrolo-  
giæ peritissimū, feliciq; sæpè euentu futura præ-  
dicentē, in aula Pauli Tertij Pontificis admira-  
mur; & Pomponium nō incelebrē Poëtam, va-  
lidaq; in varias artes, ardētis ingenij fœcūditate  
mirabilē, nisi instabili genio abductus, dū ferui-  
dè trāscurrit, & sectatur operū nouitatē, in cun-  
ctis, nusquā accuratus, & diligens, firmæ prudē-  
tiæ dignitatē amisisset. Is Græcorū poëtarum vi-  
tas, Petri Criniti æmulatione, qui de Latinis li-  
brum ædiderat, Latinè perscripsit; atq; itē gemi-  
nos de Physiognomia, & de Architectura libel-  
los. Extat et eius volumē de metallicis, curioso-  
rū insanę turbæ gratissimū. Neq; enim desunt,  
qui Aurū pariter, & Argentū, ex ignobili mate-  
ria, inanibus recoctionū artificijs procreari, atq;

L 2

exprimi



exprimi posse arbitrentur. Exierunt etiam in publicum Epigrammata aliquod, & Elegiæ, non dubia amatoriarum vanitatis indicia; nam illustrem foeminam arsisse constat, enudasseq; animi agritudinem procaci Musarum lenocinio, adeo incautè, & flagranter, ut quum Surrentina via Stabias peteret, in eoq; itinere ab obuijs salutatus fuisset, nusquam demum apparuerit, frustra eum Luca fratre, per sexdecim annos expectante, quum procul dubio, ab ea suspicione trucidatus, & cum seruis & iumentis, ne vllum cædis vestigium extaret, in subiectum Mare præcipitatus existimeretur.

## M Y R T E I.

*Ibat Gauricus ad suos amores,  
Sed diu haud potuit suos amores  
Vti Gauricus. abstulere fata.  
Verum nulla manet sepulcri imago.  
Nanque (quod coluit pari labore  
Musas & Venerem) vel à Camænis  
Raptus creditur inter alta montis,  
Qui iacet Stabias super vetustas:  
Vel pulchræ Veneri datus sacerdos  
Tyrrheni Maris in sinum profundum.*

## L A T O M I.

*Mortalitatis ut neget post aleam  
Nemo poëtas vivere:  
Nullum supersit ut rogi vestigium,  
Musæ tulere Gauricum.*

## M A R-



**M**ARCO ANTONIO CASANO-  
ua, Comense patre Romæ genito, argu-  
ti Epigrammatis palmam detulit illa ip-  
sa Roma, seuera auris iudicio superba; nec vn-  
quã incōfesso pudore poëtis adulatrix; quòd le-  
pida, & falsis finibus aculeata carmina factitaret.  
Elocutioni tamen casta puritas, ac in numero sæ-  
pè duro lenitas defuit; qualis in Catullo præte-  
nero poëta cōspicitur, quū ingeniosè mordaci,  
& impuro Martiali perlimilis esse mallet, et vna  
præsertim peracutæ, circumductæq; sententiæ glo-  
ria duceretur. Sed miscuisse vtrumq; genus tum  
iuuit, quū paucorū versuum spectanda posteris  
elogia priscis Romanæ virtutis heroibus, tan-  
quã manentibus eorum statuis inscripisset. Ne-  
mo autē eo simplicitate, ac innocentia vitæ me-  
lior; nemo urbana comitate iucundior existima-  
ri potuit; nisi Colūnæ familiæ alumnus in gra-  
tiam Pompeij Cardinalis, Clementis Pōtificis  
famā intemperantissimè lacerasset. Sed Clemēs  
se ipso, & toto deniquè desumpto nomine ma-  
ior, & augustior, reo Maiestatis, captoq; ad sup-  
pliciū facile pepercit; præclara C. Cæsaris imitati-  
one, qui Catulliani dentis aternū virus, & liui-  
dam libertatem generosa dissimulatione contē-  
pserat. Perijt pestilenti correptus morbo, quo cla-  
dē vrbis, fortuna nec innumeris saturata funeri-  
bus adcumularat, quū obsessio, captoq; Pontifi-  
ce, Pōpeius ipse diuerso ingenij habitu inimici  
calamitate lataretur, & ruentis patriæ casum in-



ani poenitentia deploraret. Tumulatus est iuxta  
naumachiam cāpi Martii Laurentiano in tēplo:  
quod olim Lucina dicatum fuerat, Et Blossius  
Palladius sodalis, quod funeris honore caruisset,  
hoc piē in scripto carmine, tumulū spectanti-  
um oculis ad lachrymas indicauit.

*Comensis Casanova, dum priores,*

*Et Duces canit, & canit pōetas*

*Præcurtis Epigrammatis: perennem*

*Ac longam sibi gloriam parauit.*

L A T O M I.

*Si dare vitam*

*Qualiacunq;*

*(Quod docuisti)*

*Carmina possunt:*

*Longa necesse*

*Carmina, vates*

*Maximè, non est*

*Ad tibi longam*

*Condere vitam.*

B A L T H A S A R C A S T E L L I O.

L X V I I.

**H**IC EST ILLE BALTHA-  
sar Castellio Mantuæ natus, ingenij lau-  
de Maroni cui suo planè secūdus, qui  
ad exactam principalis aulae normam, militari,  
ciuiliq; munere virū elegantem instituit; pariq;  
disciplina illustrem fœminam, descriptis lectissi-  
morū morū finibus effingit, quo opere iucun-  
dissimo Græcæ, Latinæq; facultatis peramœnos  
flores decerpisse videtur; vt in vnum volumen  
nobilio-



nobilioris vitæ præcepta, oblectamentaq; honestissimi otij cōferrentur, placere siquidē magnæ fortunæ viris, vt sæpè literarum expertibus, ipsiq; præsertim fœminis magnopere cupiebat; ob idq; maluit vernacula quā Latīna lingua sty- lum Etrusca molliorē exercuisse; scilicet, vt im- periti ex antiquis arguta manu surrepta, transla- taq; scitissimè, nō agnoscentes, ea omnia tanquā noua mirarentur. Scripsit & Latīnas Elegias, & grandi Heroico Cleopatram, sed paucis admo- dum Etruscis Rhythmis, quū amatorij dolo- ris finē superba comparatione desperaret, nobi- lis poëtæ famam tulisse iudicatur. In sago autem togaq; pariter habili ingenio, & generoso quidē ore, pacis, belliq; muneribus interfuit, obiuitq; subitarias legationes ad Reges, atq; Pontifices, quū momenta grauissimarū rerum, non modo præstatis animi fidem, sed expediti corporis di- ligentiā, celeritatēq; requirerēt. Nouissimè an- nis prouectū, sed medicamentis occultata cani- tie, & multis cultus mūditijs, iuuetæ decus affe- ctantem, quum eruditæ artes in eo vigerēt, Cle- mens ad Carolum Quintum, in Hispaniam misit; ei, non dubio honore purpuræ destina- to, nisi Fortuna Romanæ vrbi immane exci- dium struens, vtriusque vota fefellisset. Corruit enim mox Roma, Cæsarianorum ducum, si- mulatis inducijs prodita, viderique potuit Castellio in ea re non satis diligentem, aut certè parum felicem operam præstitisse, quum delatum sibi in ea lugubri clade episcopatum Abulensem, munere Cæsaris accepisset. Verū ea



dignitate diu perfrui, vel vberiorē expectare non  
licuit. Sublatus est enim occulta febre, quū vix  
quingagesimū sextum attigisset annū, ad Man-  
tuam in Carpentanis. Funeri eius aulæ proceres  
officium præstiterunt: nec eū chiromantes ariolus  
fefellit, qui ex dextræ volæ lineis, eum dignitate  
auctum Mantuæ, sed nequaquam in Hispania  
morituro prædixerat.

IANI VITALIS.

*Castalioneum ad tumultum dum Hispania tota*

*Conuenit, & sancto iusta parat cineri:*

*Scipiadum Manes referunt dixisse, secundum*

*Hic docta amisit Mantua Virgilium.*

MARCI ANTONII FLAMINII.

*Si truculenta ferox irrumpis in agmina, Marte*

*Diceris inuictō Castalione satus;*

*At molli cithara si condis amabile carmen,*

*Castalia natus diceris esse Dea.*

EIVSDEM.

*Horrida terribilis cum tractas arma, Maronis*

*Castalione tui carmine digna facis:*

*Idem cum molli vacuus requiescis in umbra*

*Castaliæ, æterno digna Marone canis.*

LATOMI.

*Qui iacet hoc tumulo, magnorum munia Divum,*

*Immo bis implevit, sustinuitq; triumphum.*

*Mars dextra, calamo Phœbus, Cyllenius arte,*

*Ore Charis, Pallas mente, lepore Venus.*

*Sed quas exeruit hoc scilicet ordine doteis,*

*Semper ut in lætam desineret Venerem:*

*Quæ quum sit Phœbi: nec ut olim, Martis amica,*

*Vel regat hic mundum, vel magis ipsa Venus.*

A N-



**A**NDREAS NAVGERIVS PATRITIJ ordinis, Sabellico Venetijs proficiente, Latinas literas; Græcas autem à Marco Musuro Cretense Patauij hausit; sed in Latinis delectu, ac obseruatione, præceptore diligentior, illum, quem superior ætas in salubri, atque aspera styli nouitate delectata contempserat, cædorem antiquæ puritatis affecutus est: vt funebribus Liuiani Ducis, & Principis Lauredani laudationibus apparet. Proposito quidem Cicerone ad imitandum, quem Politianus, & Hermolaus fastidisse videbantur, vtpotè qui omnis eruditionis exundante copia instructi, aliquid in stylo proprium, quod peculiarem, ex certa nota mentis effigiem referret, ex naturæ genio effinxisse nobilius putarint, quàm seruili imitatione enata ad nouam frugem ingenia distorxisse. Magno tum quidem probro erat doctis, ridendis pares simijs videri. Eodem quoq; præstanti iudicio, quum Epigrammata lepidissimè scriberet, non falsis, aculeatisq; finibus, sed tenera illa, & prædulci prisca suauitate claudebat; adeo Martiali seuerus hostis, vt quotannis statodie Musis dicato, multa eius volumina, tãquàm impura cum execratione Vulcano dicarentur. Nec minore felicitate Ethruscos numeros attigit: sed in Liuiani cõtubernio castra secutus, studiorum diligentiam remisit, & salubri quidem remedio, quum ingenium bilis atra, veterum lucubrationum vigilijs accersita, haud leuiter afflisset.



xisset. Propterea scribendæ Venetæ historiæ munus à Senatu demandatum, accepto quæ liberali stipendio susceptum, præstare non potuit, quàm non desint; qui eum in ipso statim limine feliciter exordientem, religiosi operis gravitate deteritum existiment, quum infinita curiositate, summo quæ labore, & pertinaci memoria tantarum rerum notitia paranda videretur. Verum in ea cogitatione, ut Reipublicæ operâ præstaret, à Senatu ad Carolum Cæsarem in Hispaniam missus, infaustâ legatione suscepit, quum in id tempus incidisset, quo Italiæ Principes, servitutis metu ad arma consternati, affectanti dominatum Italiæ, Cæsari restitissent; secunda autem suscepta legatione, quum exitiali festinatione, mutatis ad celeritatem iumentis in Galliam percurrisset; vix dum salutato Rege Bleſio in oppido ad Ligerim febre correptus interiit, quadragesimo septimo ætatis anno, omni quæ eum funeris honore, Rex Musarum amicissimus, nec sine luctu prosecutus est.

## MARCI ANTONII FLAMINII.

*Nangeri, ne quis tibi certet, nèue laboret  
Incassum, laudes æquiparare tuas;  
Sive epigramma facis iuncto pede, siue soluto  
Defles magnanimum funera acerba virum.*

## EIVSDEM.

*Quot bruma creat albicans pruinas,  
Quot tellus Zephyro soluta flores,  
Quot spicæ Libycis calent in agris,  
Quot vindemia porrigit racemos,*

*Quot*



Quot vastis mare fluctuat procellis,  
 Cum nascens pluuias reportat Hædus,  
 Quot Ceraunia frondibus teguntur.  
 Quot cælum facibus micat serenum,  
 Quot sunt millia multa basiorum,  
 Quæ sibi dari postulat Catullus,  
 Quotq; sunt atomi Lucretianæ,  
 Tot menses bone Naugeri, tot annos  
 Viuent aureoli tui libelli.

## BASILII ZANCHII.

Naugeri, tibi Nereides statuere sepulcrum  
 Equoris Adriaci qua leuis vnda silet.  
 Quæ solitæ in numerum, numeros dum pectine ducis,  
 Concinnare, & virides ducere sæpe choros.  
 Et Doris tumulo conchas, & lucida textit  
 Coralia, & placidis marmora lambit aquis.  
 Ipse etiam circum affusus pater Adria lymphis  
 Ingemit, & mæstum littora murmur habent.  
 Parua loquor: te te amisso dolet Itala virtus,  
 Mæret & infractis Faunus arundinibus.

## LATOMI.

Dum lego, Naugeri, lusus, & ruris amores,  
 Et mittis Dominae munera quanta tuæ:  
 Quam bene te niuei pecoris, pecorisq; magistræ,  
 Et cannae, & vitis rustica cura decet.  
 Idem quum video Regum centum ora trahentem,  
 Verba graui serie dum Periclea tonas.  
 Non possum studium non hoc damnare, vel illud:  
 Area nam non est illa, vel illa tua.



**I**OANNES MARIUS CATANAE  
 us Nouariensis, Merulæ, Demetrijque disci-  
 pulus, quum iustas ex vtraque lingua facul-  
 tates cōparasset, C. Plinij Cæcilij Secūdi Episto-  
 las, erudito commentario interpretatus est: col-  
 lectaque inde non mediocris eruditionis fama,  
 Romam se contulit, in domoq; Bendinelli Sau-  
 li Cardinalis, cui ab Epistolis operam præstabat,  
 tres Luciani Dialogos diuersi characteris in La-  
 tinū vertit; prætenere scilicet amores, vel parum  
 pudicos; iucundo Lapithas; graui verò, illum de  
 legibus conscribendæ historiæ, tãquàm in vsum  
 suscepti à me, eius muneris Iouio nomini dica-  
 tum, ex censura quidem Scipionis Carteroma-  
 chi, quum ille in Academiam nomen daret, ma-  
 gnoperè laudatos. Descripsit demū carmine Ge-  
 nuam in Heri gratiam, atque inde poësis amore  
 iam planè senex correptus est; sèra & parū ideo  
 felici libidine, quum Musas nunquàm tentatis  
 numeris in iuuenta lacesisset. Itaque Gorifredi  
 Bolionis sacrum bellum sub titulo Solymidos,  
 quo potuit ore decantatum est; in quo poëma-  
 te non morosus, & æquus lector, argumenti pie-  
 tatem, & quædam schemata iucundæ nouitatis  
 admirabitur, si carmina, tanquàm salebrofa, &  
 distortis numeris luxata, probare noluerit. Id o-  
 pus author, quum alieni ingenij iudicium subi-  
 turus, ad Bembum, me præsentem detulisset; lecto  
 statim titulo, Bembus hilari comitate, nūquàm  
 Catanæ putassem, inquit, te alioqui virum de  
 vtra-



utraque lingua optimè meritum, hac ipsa, qua nos gaudemus carminū facultate valuisse, quum nihil omnino, ad quod Musæ dulces arrideant in seверо & militari vultu tuo prorsus emineat. Quo verbo ille perstrictus, argutè respōdit; Ergo nec tu Bembe satis peritus Physiognomus videri potes, quū te Philomusi poëta, gratia tua florentis, à dedolatis ruditer maxillis, & repādo naso, enormis vultus omnino deceperit: quo responso, omnibus exortus est plenior cachinnus; quod Philomusus poëta, utique non insuaui, & lyristes Bembo sodalis, è patria Pisauo ve spillonis senis buxeam faciem referret. Nōdum autem perfectō poëmate, redijt ad pedestrē orationem, non obscurè ipsa spe cōcepta laudis destitutus: perscripsitque duos exactæ eruditionis dialogos de potestate & cursu Solis ac Lunæ; & de ludis Romanis: sed ingruente fatali morbo absolui nequiverunt. Perijt in vrbe quū abesset Clemens, Carolo Cæsari Romani Imperij insignia Bononiæ traditurus, adeo celata morte, quòd ita impetrandis sacerdotijs ex mora carueretur, vt sepulcri & funeris honore caruerit, quum ab Academicis ad Verulonias aquas secessisse crederetur.

## MYRTEI.

*Vide Viator, quanta iactura occulti  
Esset sepulcri, ni ingeni sui claris  
Perennioribusq; monumentis tectus,  
Adhuc ubique viueret Catanæus.*

LA-



*Poenè adiūsti ingens famæ Catanæe periculum,  
 Sic insciis sodalibus  
 Qui fato eriperis: studiorum creditus illis  
 Partu propinquo quærere  
 Secessum idq̃ satis fuerat conquesta Minerva;  
 Quam sic Apollo reppulit.  
 Hæccine (signabatq̃ libros) monumenta, vel omni  
 Perenniora marmore?*

## IACOBVS SANAZARIVS.

## LXX.

**I**ACOBVS SANAZARIVS E-  
 questris ordinis poëta, Neapoli natus at-  
 que educatus, quum præclarum foecundi,  
 atque felicitis ingenij specimen daret, repudiato  
 auito gentilitioque nomine, Actius Syncerus  
 appellari voluit, adhortante Pontano, qui Io-  
 uiani cognomen, amicorum imitatione desum-  
 pserat. Sed origo vetustæ stirpis è Sancto Na-  
 zario, Laumellini agri oppido, inter Padum &  
 Ticinum non ignobili, vnde maiores aduene-  
 rant, non obscure petebatur. Floruit amicitia  
 Federici Regis, senescēte Pontani gratia: qui A-  
 ragonum nomen vehemēter offenderat, quum  
 veluti personæ oblitus, victorem Carolum in-  
 uidiosa vel intempestiua oratione publicè lau-  
 dasset. Permanfit in ea belli procella in officio  
 Actius, redeuntique Ferdinando iuniori, arma-  
 tus inter fideles ciues operā præstitit: vndè ei  
 conspicuus in aula gratiæ locus. Sed infestius  
 demum



demum virgente Fortuna, quum Federicus regno pelleretur; constanti studio atque integra fide, eum exulem in vltiorem Galliam secutus est; qua gratissimi animi testificatione, singularem laudem promeruisse, vel eius inimici iudicabant. Scripsit, tanquam ambidexter, Ethrusca simul, atque Latina carmina, pari lepore saleque, arridentibus vtrinque Musis, quum multo felle odij subamarus præpilata iacula iambis intorqueret; aut amorum suorum dulcedine resolutus, tenerimè lasciuiet. Graui autem & sacro poëmate, de partu Virginis, viginti annorum lima perpolito, summum decus frustra expectasse videri potuit; quum illæ quæ iuueni exciderant, piscatoriæ eclogæ publico exceptæ plausu, reliquorum operum famam oppreserint; ita, vt eam publici tanquam iniqui iudicij querelâ aperto cum pudore, nec tamè sine tacita voluptate deuoraret. Vixit annos septuaginta-duos, peramœno, virentique semper ingenio, accuratoque, & planè iuuenili cultu inter amatorias oblectationes; nunquam non festiuus & hilaris, ex dolore autem indignantis animi, supremum concepit morbum, quod Philibertus Aurantius dux Caesaris Mergillinæ villæ suæ delicias, temerè excisa turre deformasset: ea ad Pausilypi radices conspicitur. Sed Aurantio demum acie interfecto, quum hora fatalis adueniret, audito eius interitu sese in cubitum erigens, Excedam, inquit, è vita hoc meo non inani voto latus, postquam barbarus Musarum hostis, vltore Marte, immanis iniuriæ pœnas perfoluit.

Sepul-



Sepultus est iuxta villam Mergillinam in templo Deiparae virgini ab se dedicato. Marmoreo autem tumulo Bembus hoc carmen inscripfit.

## BEMBI.

*Da sacro cineri flores: hic ille Maroni*

*Syncerus, Musa, proximus, ut tumulo.*

## MARCI ANTONII FLAMINII.

*Quantum Virgilio debet sylva Maroni,*

*Et pastor, donec Musa Maronis erit.*

*Tantum penè tibi debent piscator, & acta,*

*Acti, diuino proximè Virgilio.*

## TIBALDEI.

*Virginis intactæ partum, partumq; videbis,*

*Actia quem docto pectore Musa dedit.*

*Admirandi ambo. humanæ fuit ille saluti*

*Vtilis, humanis hic fuit ingeniis.*

## PETRI GRAVINAE.

*Qui diuina legis Synceri carmina vatis,*

*Magnaq; virginei sacra puerperii:*

*Non hæc humano credas procedere sensu.*

*Authori mentem mouit, & ora Deus.*

*Hunc sibi delegit, quo non cœlestia quisquam*

*Grandius, aut pleno cultius ore sonet.*

## BASILII ZANCHII.

*Has nassas, hæc lina tibi Syncere sepulto,*

*Piscator tenui dedicat arte Mycon.*

*Hos calamos, myrtumq; tibi, viridemq; coronam*

*Arcadia pastor ponit ab arte Lycon.*

*Has lachrymas, vultumq; à vertice Mergillina*

*Cæsariem, & violas spargit, & ammineum.*

*Parthenope patria ipsa tibi de marmore bustum*

*Condit, & extentis funera temporibus.*

BEM-



*Quid moror? æterni te suspicit umbra Maronis,  
Et tibi vicinum donat habere locum.*

## N. NICOLAI GRVDII.

*Nuper ad Oenotrias aciem quum flecteret arces  
Christus, & Euboicæ mœnia Parthenopes,  
Mergillina procul qua Tethyos inspicit undas,  
Audit ab Actiaca munera blanda domo:  
Arrectusque diu modulamine carminis hæsit,  
Inde sacro taleis fundit ab ore sonos:  
Huc ades, ô Genitrix, illæsi virgo pudoris,  
Arte pius vates dum tua facta nouat.  
An ne iterum arcano compleri viscera motu,  
Conceptumq; polo reddere credis onus?  
Certe ego mi videor primis irrepere cunis,  
Rursus, & horrifera mortis obire vicem.  
Dum mea sæpe tamen sic mors cantetur, & ortus,  
Nec graue sit nasci, nec mihi sæpè mori.*

## LATOMI.

*Dum vacat, & terras quoties petit illa Tonantis  
Mater, virgineo sed nec honore carens:  
Synceri ad tumulum properat visura, virescant  
Candida cum rutilis lilia sparsa rosis.  
Viuum dein laticem, dein altera munera flores  
Fundit; & arrepta sic canit orsa lyra:  
Conscie vine mei fœlix Syncere pudoris,  
Atque idem partus conscie vine mei.  
Nanque ego quo sacrum secretum teste peregi,  
Hunc quoque tu testem carminis huius habes.  
Eſto: ventris onus fuerit sine pondere pondus,  
Dum celebres, pondus sustinuisse velim.*

M EIVS-



*Maiores in assumpto ratio quo nomine constet,*

*Est ubi te cupiam fellis habere minus.*

IOANNES MANARDVS. LXXI.

**I**OANNES MANARDVS FERRARIENSIS, in Pannonia Vladislao Rege, medicæ artē exercuit; eandemq; demū in gymnasio Ferrariæ professus, Epistolarū librū edidit; quo magna medicis, & pharmacopolis utilitas paratur; quū terræ frugibus, Indicisque, præsertim in Medicinæ vsum adoptatis, obsoleto antiquo nomine, & incerta viriū potestate per obscuris, eruditā claritatē attulerit. Duxit autē vxorē planē senex, & articularū dolore distortus, ab ætate, formaque, florentis iuuenis toro dignā, adeo leui iudicio, & lathali quidē intemperantia, vt maturando funeri suo, aliquanto prolixius, quā vitæ cupidior ab amicis censeretur.

PETRI CVRSII.

*Dum Manarde vigil cum prole Coronidis effes,*

*Vidisti vitam perpetuam esse tuam.*

*At dum formosa cum Pallade coniuge dormis,*

*Sensisti mortem curius adesse senex.*

*Hic nunc clarè iaces, & quem Podalirion esse*

*Vidimus, annosum sustulit ipsa Venus.*

LATOMI.

*In fovea qui te periturum, dixit Aruspex,*

*Non est mentitus: coniugis illa fuit.*

CAMILLVS QVERNVS AR-

CHIPOETA. LXXII.

**C**AMILLVS QVERNVS EMONOPOLI Leonis fama excitus, quum nō dubijs vnq; præmijs, poëtas in honore esse



esse didicisset, in Urbem venit, lyram secū afferēs,  
ad quā suæ Alexiados supra viginti millia ver-  
sū decātaret. Arrisere ei statim Academia sōda-  
les, q̄ Appulus præpingui vultu alacer, & pro-  
lixè comatus, omnino dignus festa laurea vide-  
retur. Itaq; solenni exceptū epulo in insula Ty-  
beris Æsculapio dicata, potantemq; sæpè ingē-  
ti patera, & totius ingenij opes, pulsata lyra pro-  
ferentem, nouo ferti genere coronarunt; id erat  
ex pampino, brassica, & lauro eleganter intex-  
tū; sic, vt tam falsè, q̄ lepidè, eius temulētia, bras-  
sicæ remedio cōhibēda notaretur; & ipse publi-  
co cōsensu Archipoētæ cognomen, manātibus  
præ gaudio lachrymis lætus acciperet, salutare-  
turq; itidē cū plausu, hoc repetito sæpè carmine.

*Salve brassicea virens corona,*

*Et lauro, Archipoëta, pampinoq;*

*Dignus Principis auribus Leonis:*

Nec multò post tanto cognomine percelebris  
productus ad Leonē infinita carmina in torren-  
tis morē, rotundo ore decātavit; fuitq; diu inter  
instrumēta eruditę voluptatis lōgè gratissimus,  
quū cœnante Leone, porrectis de manu semel  
obsonijs, stās in fenestra vesceretur, & de princi-  
pis lagena perpotādo, subitanea carmina factita-  
ret; ea demū lege, vt præscripto argumento bina  
saltē carmina ad mēsam, tributū nomine solue-  
rētur, & in pœnā sterili vel inepto lōgè dilutissi-  
mè foret perbibendū. Ab hac autē opulenta, hi-  
lariq; sagina, vehementē incidit in podagram;  
sic, vt bellissimè ad risum euenerit, quum de se  
canere iussus, in hunc hexametrum erupisset;

*M 2*

*Archi-*



*Archipoëta facit versus pro mille poëtis.*

& demum hæsitaret, inexpectatus Princeps hoc pentametro perargutè responderit;

*Et pro mille aliis Archipoëta bibit.*

Tum verò astantibus obortus est risus: & demum multò maximus, quum Quernus stupēs & interritus, hoc tertium non ineptè carmen induxisset;

*Porrige, quod faciat mihi carmina docta Falernū.*  
Idque Leo repentè mutuatus à Virgilio, subdidit;

*Hoc etiam enervat, debilitatq; pedes.*

Mortuo autem Leone, profligatisque poëtis, Neapolim redijt, ibique demum, quum Gallica arma perstreperent, & vti ipse in miserijs perurbanè dicebat, pro vno benigno Leone, in multos feros lupos incidisset. Oppressus vtrâq; præduræ egestatis, & insanabilis morbi miseria, in publica hospitali domo, vitæ finē inuenit; quū indignatus fortunæ acerbitatē, præ dolore, ventrem sibi, ac intima viscera forfice perfoderit.

#### IANI VITALIS.

*Laurus, brassica, pampinus coronam  
Contextæ simul, hinc pares in unam,  
Deflent interitum sui poëtæ:  
Quinimmo Archipoëtæ, & hinc lagena,  
Scyphiq; & cyathi, amphora, urceiq;  
Queruntur lepidum suum patronum,  
Pro dulci, modò Cretico, & Falerno  
Exhaurire acidas Stygis lacunas,  
Et sales periisse Quernianos,*

*Dum*



*Dum vitæ sibi prodigus molestæ,  
Fodit viscera forfice. ô seuerum  
Nostri temporis Appulum Catonem.*

## L A T O M I.

*Quum matrem Thymelen, patrem Bathyllum  
Per tot lustra tibi astruas Camille:  
Argutis salibus, facetiisq;  
Et primo numeris in vngue natis,  
Exercens Decimi gulam Leonis,  
Et summi titulum ferens Poëtæ:  
Quid est, quod moriens supremo in actu,  
Ferro visceribus dolenter haustis  
Tanquam sis rigido Catone natus,  
Personam proicis, vetasq; plaudî?*

ALBERTVS PIVS CARPEN-  
SIS. LXXIII.

**L**VBET HOC LOCO SVB IL-  
lustri scilicet imagine, Alberti Pij inter  
exempla fortunæ humanis consilijs ma-  
lignè & petulanter illudentis, eius viri grauissi-  
mi, genus, opes, ingenium, mores, studiaque re-  
ferre; vt vel hinc mortales inani rerû peritiæ per-  
suasione subnixi, fortunam omni prudentia su-  
perio<sup>ri</sup>orem intelligant. Is antiquissima stirpe or-  
tus, à maioribus per manus traditum, quum an-  
te ducentos annos Mutinæ imperasset, in cam-  
pis Nacris, Carpum nobile oppidum possedit;  
optimisque literis, generosisque moribus ani-  
mum pariter, & corpus excoluit. Erat enim à  
procera, decentique statura ad arma neruis, &  
spiritu validus, ac habilis, maximarum autē re-



rum negotijs, & literis præaltum, & incomparabile ingenium attulerat. Nihil enim vel præstantis doctrinæ, vel solertis industriæ, vel reconditæ artis, ardens eius ingenium, semperque viuidū, & maximè efficax subterfugit. Erat enim celeri captu, expedita ratione, tenaciq̃ue memoria stupendus: eloquentia porrò tanta, vt in omni congressu, & disputatione, quum de arduis consuleretur, & odio amarus, & amore prædulcis, tranquillitate lenis, atque sedatus, & vehementia concitatus, atque fulmineus, quò vellet principum animos impelleret; & summus bello, & pace consultor, & mirabilis occasionum inuentor, & artifex censeretur. Quatuor summis Regibus, & totidem maximis Pontificibus in præclaro semper honore legationū operam præstitit, vigilantia, fide, & prouidentia semper illustrem. Sed vtī occultæ Principum voluntates, & erumpentia ex insperato eorum odia tulerunt, coactus est alterna partium studia profiteri, quod his omnino adhæredum iudicaret; quibus Alphonsus Atestinus hostis esset, quo cum de possessione paterni agri disceptabat. Sed Atestini fortuna præclarè ipsa Pij prudentia virtuteq̃; superior, priuatam causam publicis cladibus inuoluit, atq; ita capto Clemēte Pontifice, quum vrbs Roma fœdè periisset, ex arce emissus in Galliam enauigauit, vbi se paternæ ditione Cæsaris iudicio exutum audiuit. Inde ei diuturnus articularis morbus, quo miserè conuulsus cruciabatur adauctus est; hunc diu æquo animo, & Christiana patientia fortiter tulisse



lisse frustra fuit, quum saeva pestis fatalem horam adduceret. Obijt Lutetia non planè senex, sub id tempus, quo Carolus Cæsar, & Solymannus, irritò vtrinq; ausu ad Viennam Noricam certaturi credebantur. Rodolphus Pius fratris filius, quem aliquantò post Paulus Pontifex eximia virtutis meritò legit in Senatum, condito æneo sepulcro Patruì memoriam profecutus est. Sed Albertus ipse, multò perennius antea sibi struxerat, quum librum longè grauissimum aduersus Lutherum, perstricto etiam Erasmo Roterodamo publicasset.

## FERDINANDI BALAMII.

*Insignes usu rerum, studiisq; Mineruæ  
Perpancos ætas prisca recensq; dedit;  
In Solem, assuetus doctos versare libellos  
Quum prodit, lucem non tulit insolitam,  
Laudibus hunc omnes doctrinæ, & rebus agendis  
Conspexere domi, conspicuumq; foris.  
Hunc Arar, hunc Rhenus toties, hunc accola magni  
Eridani, hunc Tybris sensit, & obstupuit.  
Fortuna inuidit, raperisq; Alberte, tuorum,  
Italiaq; omnis cum gemitu, & lachrymis.*

## IVLII GONZAGAE.

*Hoc decus Italia tegitur Pius ille sepulcro,  
Solerti ingenio, consilioq; potens:  
Nulli hominum vis dicendi, facundia maior,  
Ille sed & studiis auxit, & arte magis.  
Hunc Reges, hunc Pontifices sibi rebus agendis  
Optarant socium, consiliisq; ducem.*

M 4 Felix



*Felix, spem senii natum nisi flectet ademptum,  
Et data in hostiles regna paterna domus.*

STEPHANI DOLETI.

*Mersit funere Mors nimis prophana  
Mors damnosa nimis virum interemit  
Æternum decus omnium virorum.*

*Cui quid præripuere laudis illa,  
Illa antiqua patrum superba secla  
Tot belli ducibus, virisq; doctis?  
Aut quid nostra quidem negarit ætas?  
Quod si forte stupes, minusue credis,  
Id tu plus stupeas, negesq; prorsus,  
Hunc et Marti operam dedisse semper,  
Et Musis studium negasse nunquam:  
Ut nullum arte parem huic putet Minerva,  
Nec Mars laudibus anteponat vllum:*

*Qua morum integritate vixit, omnis  
Quam purus vitii, ore quam modesto!*

*O, quo robore pertulit sinistros  
Casus, quo subiit pericla vitæ!*

*Quem ne, Galle minus tuo remotum  
Aspectu memores, et ipse iusto  
Complectaris amore, scito causa  
Neglexisse tua, quibus beârat  
Fortuna hunc aliquando rebus amplis:*

*Sed quod non tibi sit graue, aut molestum,  
Pro tantis studiis, quibus per orbem  
Gallorum cupiit decus vagari,  
Morti, qua cecidit, precare mortem.  
Et votis onera polum, ut labores  
Post tot, tantaq; damna, totq; curas  
Cælo tandem aliquando conquiescat.*

LA-



*Qui sic proscindas causa pietatis Erasmus,  
Te, mihi religio est summa negare pium.  
Hoc ego cur faciam? quum nec pietatis Erasmus  
Læsus personam detrahat ipse tibi?*

LVDO VICVS ARIOSTVS.

LXXIIII.

**L**VDOVICVS ARIOSTVS  
nobili genere Ferrariæ natus cum pater-  
na hæreditas inter numerosam fratrum  
sobolem diducta, ipsi pertenuis obuenisset, in-  
genium in literis vigilanter exercuit, ut certo, no-  
bilique præsidio familiæ nomen tueretur. Sed  
uti pari propè necessitatis, & gloriæ stimulo ve-  
hementer excitatus, feliciore certè iudicio inter  
primos Ethruscæ linguæ poëtas celebrari, quàm  
inter Latinos in secundis gradibus consistere  
maluit; quod eius industriæ labor, cum eruditis,  
ac idiotis latissimè dispensatus, vberiore præ-  
sentis præmij, & diffusæ laudis fructum osten-  
deret. Adhæsit comes Hippolyto Atestino Car-  
dinali in Pannoniam profecto; quum ille erudi-  
to, ac illustri comitatu apud Reges Hungaros  
ambitiosè gauderet: Sed iterum euntem, quum  
sequi recusasset, usque adeo grauitè offendit, ut  
penè implacabilis odij discrimen adierit. Rece-  
ptus inde est ab Alfonso Principe tanquàm ho-  
rarum omnium amicus, & sodalis, cuius beni-  
gna manu urbanam domum extruxit, peramœ-  
na hortorum vbertate, frugi mēsa quotidianos  
sumptus adæquantem; in eo autem ciuili otio,

M 5

extra



extrà aulæ strepitum poëmata factitauit; satyras imprimis, mordaci sale conspersas, ac item Comœdias plures theatriali voluptate sapè repetitas: inter eas autè, maximè Suppositi excellūt, in uentionis, atq; successus amœnitate cum Plautinis facilè contendentes, si vtriusq; sæculi mores non ineptè comparentur. Sed luculentissimum operum, ob idque forsitan æternum id volumè existimatur, quo Orlandi fabulosi Herois admiranda bello facinora, octonario modulo decantauit, Boiardo herclè, ipsoque Pulcio peregre superatis. Quandoquidem & hunc rerū, & carminum accurata granditate deuicerit; ac illum surrepto inuentionis titulo, ac eo quidem varijs elegantioris doctrinæ luminibus illustrato penitus extinxerit. Cuncta enim euoluisse volumina videtur, vt sibi vndique collecta gratia, ex iucundissimis floribus longè pulcherrimam, ideoque perennem, quo lepidum caput ornaretur coronam intexeret. Interijt in patria, scalaris ætatis anno, quum diu pectoris angustia, ex pituitæ stillicidio laborasset: hoc autem carmen, viuens composuit, vt sepulcro incideretur.

*Ludonici Ariosti humanantur ossa  
Sub hoc marmore: seu sub hac humo: seu  
Sub quicquid voluit benignus hæres:  
Siue hærede benignior comes: seu  
Opportunius incidens viator:  
Nam scire haud potuit futura: sed nec  
Tanti erat uacuum sibi cadauer:  
Vt urnam cuperet parare viuens,  
Viuens ista tamen sibi parauit,*

*Quæ*



DOCTORVM VIRORVM. 187

*Quæ scribi voluit suo sepulcro,  
Olim si quod haberet is sepulcrum:  
Ne cum spiritus hoc breui peractò  
Præscripto spacio misellus artus,  
Quos ægrè antè reliquerat, reposcet;  
Hac, & hac cinerem hunc & hunc reuellens,  
Dum noscat proprium, diu vagetur.*

CAELII CALCAGNINI.

*Tu repetis cælum, & terras Arioste relinquis,  
Et loca iam meritis inferiora tuis.  
Nos miseri, & curis longe mortalibus acti,  
Non tibi, sed nobis fundimus has lachrymas.  
Gloria te niueis subducit in æthera bigis,  
Nos sine te luctu perpetuo opprimimur.*

LATOMI.

*Arma, virumque canens, Ethruscæ carmina Musæ,  
Palmam Vergilio vel tribuente refers.  
Scit sua te melius patrio sermone Latina,  
Quam sese Latio Graia referre sono.*

ÆGIDIUS CARDINALIS.

LXXV.

**N**ON EST CVR TE PRÆ-  
teream Ægidi, humili quidem loco, ve-  
rum maximè illustri fato Viterbij nate:  
Christiani scilicet oratoris in sacra pergula, pri-  
mum, atque vltimum decus merite; quanquàm  
egregia illa ex arcanis Moseos depròpta, sublimis  
ingenij monumèta tenebris adhuc impiè suppri-  
mantur. Præstantissimū enim præceptorē facile  
superasti, Marianū scilicet Genezanensem, Pōta-  
ni, & Politiani admiratione, eruditoq; præconio  
in-  
clly-



inclytum; huius enim extat in Epistolis laudatio florentissima, illius vero nobile carmē, quod in Ægidio dialogo tale legitur.

*Qualis Alphei liquidos ad amnes,  
Sive Mæandri viridante ripa,  
Concinit serum moriens in ipso  
Funere cygnus.*

*Talis ad pleetrum ad Thyasos Deorum  
Ludit in cœlo Marianus, ipsa  
Morte victurus Marianus, ipso  
Funere felix.*

*Ipse sis felix, faueasq; nobis,  
Ipse ades fessis Mariane rebus,  
Tu preces audi miserorum, & iras  
Siste Tonantis.*

Cæterum Marianus, Ægidij comparatione ad optimè glorioseque dicendum, nequaquam tanta ex Græcis, noui, & veteris Instrumēti enarratoribus præsidia compararat; neque penetrat ad Chaldæos, vt admiranda nostræ legis fundamenta reuelaret; neque concionibus prædulce illud, & nobile poëticum melos instillarat; vt suspensos arrectis auribus animos, suauitate carminum ad colendam pietatem reuocaret. Sed Ægidius quā in suggestu verè admirabilis, & quo iudicio per omnes vrbes oratoriæ facultatis lauream mereretur, etiam domi lepidissimis sermonibus nouam laudem ferebat. Erat enim eius ingenium exquisito literarum omnium delectu grauitè instructum; sic, vt in omnes exemplorum casus peramplas opes, alacris, & expedita memoria suppeditaret: facundia porro tanta dissi-



disimulatis illecebris audientes semper exhilarans, atque demulcens; vt ipso concionante vel maxima tépla cōplerentur. Ante autem id tempus, quo totius Eremitani ordinis præfecturam à Iulio consecutus est, nonnunquam accidit, vt Patauij optimis literis operam nauans, factitata ab se lepida carmina ad lyram elegantissimè decantaret. Ei demum Leo Pontifex, virtutē omnem liberaliter exornare solitus, honorem purpurei galeri detulit; quum Petruciana coniuratione, & Vmbrico bello circumuētus, Senatū aut malignè aut segniter Principis iniuriā ferentem supplere cogeretur. Exinde functus est legatione in Hispaniam, quum Selymo post de bellatos Persas, & duos Memphiticos Reges interfectos, nobis arma comminante, Christianæ gentes ad sacrum bellum excitandæ viderētur. Sexagesimo ætatis anno subita oppressus pituita Romæ interiit, quum Clemens Carolū Cæsarem Bononiæ iterum excepisset, destinatus, optatusq; à multis ad Pontificatum, tanquā par summo oneri. Sed non deerant, qui præclari nominis famam verbis eleuarent, quòd pallorem oris sumpto cumino, & suffitu vdx paleæ mentiretur, variasque libidines cēsoria seueritate contereret, quas demum malignus potius rumor quā vlla certi vestigij relicta proles detexit. Fit enim quadam naturæ minimè benigna sorte, vt nulla absolutæ virtutis præclara facies enitere possit, nisi aliquem vitij turpem næuum ad eludendam felicitatem ostendat.



*Ante sacrosanctos cineres bona verba Viator  
 Dicito, diuinus hic iacet Aegidius;  
 Qui potuit lingua humanas inflectere mentes,  
 Et trahere haerentes feruidus ad se animos.  
 Quicquid pandit Arabs, diuinum quicquid Erebus  
 Diues Aramæis occulit in tabulis,  
 Explicuit populis; et si quid spiritus ultra  
 Sentit, adhuc sanctum quod meditetur habet.*

## LATOMI.

*Et tua debuerat summos conscendere honores  
 Virtus, et probitas, ingeniumq; sagax.  
 Sed tuus obtendit Genius, fuge protinus, inquit:  
 Nunc formidatos truderis in scopulos.  
 Non est iam merces, sed talio, summa referre:  
 Et tu pacem, alii belligerentur, amas.*

IOANNES FRANCISCVS

PICVS MIRANDVLA.

LXXVI.

**I**N IOANNE FRANCISCO PICO Mirandulano, inter studiosos bonarum artium, scribendiq; auidos memoria verborum vehementer excelluit: sed in ipso rerum delectu illud perillustre iudiciū, quod summo viro Hippocrati maximè difficile existimatur, omnino non vigit. Frustra enim ad Ioannis patriui gloriam aspiranti, ingressoque grauissimorum studiorum penetralia, quum infatigabili lectione duceretur, nusquam Minerua satis arriserat. Extant eius sacra poëmata, suis quoq; Commentarijs illustrata, ne legētib; minus clara videren-



derentur: & libri de veritate fidei Christianæ, in quibus disciplinarum omnium acervus eminet. Sed acriter disputantem inter cucullatos, magna etiam expeditæ doctrinæ laus sequebatur, quum scribentem, vel mediocriter eloquentes minimè probarent. Neque enim quid potissimum imitaretur, constitutum habuisse videri potest ex duobus præsertim libellis, de optimo imitationis genere ad Bernum perscriptis. Sed quum in omnibus ingenij operibus sacras literas religiosè respiceret, contempnisset Latinæ facundiæ flores, atq; inde gloriam, tanquàm inanem existimari voluit; quanquàm eius vniuersa literarum studia, tanquàm illustri in homine, & in domo sanctissimis moribus perornata, quum in minus seueros iudices facile inciderent, splendidiora viderentur: & herclè vir antiqua simplicitate, potius quàm nouo astu æquiora iudicia redimebat; quum libros ipsos priuato impressos sumptu, liberali largitione publicaret. Interfectus est cum Alberto filio, vir indignus adeo crudeli vitæ exitu, à Galeotto fratris filio, quum nocturnis insidijs, capta arce, Mirandulæ dominatum, ex paterno iure inuadendum existimasset. Fuere qui crederent merita fortasse pœna mulctatū, quòd cudendæ monendæ miserum artificem ipsius officinæ præpositum, ex impuri auri, & ad decumum subtiliter improbi, magnum sensim lucrum ipsi domino reddentem, crudeli supplicio ad deriuandam inuidiam sustulisset; quum intellecta fraus ipsius famæ vehementer officeret, palamque ea aurea moneta, ex eius effigie spectat-



spectabilis, vulgato vitij detrimento reijceretur.  
 Led iuuat audire quosdam, virum alioqui inte-  
 gra fide optimum excusantes, tanquàm eius aua-  
 ræ fraudis penitus ignarum, quum in vxorem,  
 quòd esset accurata, & diligens materfamilias,  
 tanquàm muliebris auuditatis probro notatam,  
 eius flagitij nomen nullo cum pudore referen-  
 dum existiment.

## MYRTEI.

*Hic Picus iaceo, atque me illa, quæ iam  
 Antè non potuere, nunc iniquo  
 Me seruant obitu arma literarum.  
 Egrè illud fero concidisse, dextra  
 Fratris filii hoc eleuor, me adeptum  
 Vitam pro studiis meis perennem.*

## LATOMI.

*Passus es immeritam (quis enim Francisce negarit?)  
 Non minus insigni cum feritate, necem.  
 Sed iuuat interea scio los inquirere quosdam,  
 Exitio quæ te fata dedisse putent:  
 Sunt ea: laudata pietas sanctissima vitæ,  
 Verus amor recti, mens sine felle mali.*

## NICOLAUS MACCIAVELLVS.

## LXXVII.

**Q**VIS NON MIRETVR, IN  
 hoc Macciauello tantum valuisse natu-  
 ram, vt in nulla vel certè mediocri Lati-  
 narum literarū cognitione, ad iustam rectè scri-  
 bendi facultatem, peruenire potuerit; habili si-  
 quidem ingenio, ac vbi solertiam intèderet, pla-  
 nè mirabili, cuncta quæ aggredideretur elegantis-  
 simè



fimè perficiebat, siue seria, siue iocosa scriberen-  
 tur. In historia enim apprimè grauis, & astutus,  
 ita Patriæ fauit, vt dissimulatis factionū studijs,  
 impellente recondita libidine, & lenis, & asper  
 incessisse iudicetur; egregia herclè cū laude, nisi  
 vti nos non imperiti rerum Ethruscarū præclarè  
 conspiciamus, prædulcis eloquentiæ mella, occul-  
 to veneno illita, singulis operibus infudisset; &  
 tum etiam, quum optimum principē formaret,  
 quū bellicis præceptis ducē instrueret; & deniq;  
 traditis exactæ prudentiæ documētis, in delibera-  
 do & cōsulēdo eximiū Senatorē effingeret. Sed  
 comiter æstimemus Ethruscos sales, ad exēplar  
 comœdiæ veteris Aristophanis, in Nicia præfer-  
 tim Comœdia; in qua adeò iucundè vel in tri-  
 stibus risum excitauit, vt illi ipsi ex persona scitè  
 expressa, in scenā inducti ciues, quanquàm præ-  
 altè commorderentur, totam iniustæ notæ iniu-  
 riam, ciuili lenitate pertulerint: actamque Flo-  
 rentiæ, ex ea miri leporis fama Leo Pontifex, in-  
 staurato ludo, vt Vrbī ea voluptas communica-  
 retur, cum toto scenæ cultu, ipsisque histrioni-  
 bus Romā acciuerit. Cōstat eum, sicuti ipse no-  
 bis fatebatur, à Marcello Virgilio, cuius & nota-  
 rius, & affecla publici muneris fuit, Græcæ atq;  
 Latinæ linguæ flores accepisse, quos scriptis suis  
 insereret. Ipse quoq; natura perargutus, & doci-  
 lis, falsique iudiciij plenus, pedestre patrij sermo-  
 nis facultatē à Boccacij conditoris vetustate dif-  
 fluentem, nouis, & planè Atticis vinculis astri-  
 xerat; sic, vt ille castigatior, sed non purior aut  
 grauior otiosis ingenijs existimeretur. Cæterum  
 N quod



quòd olim eiectò Soderino à Mediceis in quaestione tortus fuisset, ab his leniendo dolori, annuam scribendæ historiæ mercedem promeruit; ita tamen, vt agrè compresso odio, quum dicendo, scribēdoq; Brutos, & Cassios laudaret, eius cōiurationis architectus fuisse putaretur: in qua Aiacetus poëta, & Alamanus, ex ipsa turma prætorii leuissimus eques, concepti sceleris capite pœnas dederūt. Fuit exinde semper inops vti irrisor, & atheos: fatoq; functus est, quū accepto temerè pharmaco, quo se aduersus morbos præmuniret, vitæ suæ iocabūdus illuisset, paulò antequàm Florentia Cæsarianis subacta armis, Mediceos veteres dominos recipere cogeretur.

## ANTONII VACCAE.

*Quisquis adis, sacro flores, & ferta sepulcro  
Adde puer, cineri debita dona ferens.  
Nam veteres belli, & pacis, qui reddidit arteis,  
Iam pridem ignotas regibus, & populis,  
Ethruscæ Maccianellus honos, & gloria lingua,  
Hic iacet. hoc saxum non coluisse nefas.*

## LATOMI.

*Quum sibi præteneras odiofo radier aureis  
Vero, vix aliquis Maccianelle ferat;  
Id verò facias: laudemq; è dente pararis,  
Quanta fuit linguae visq; Venusq; tuæ?*

## PHILIPPVS DECIVS.

## LXXVIII.

**P**ARI FERÈ GLORIA, ET  
dignitate Philippus Decius in professione  
humani, diuiniq; præsertim iuris floruit,  
Maini Iasonis, & ciuis, & æmulus, ac ætate  
simul



simul æqualis; sed qui docendo, & scribēdo in omnibus Italiæ gymnasijs multò latius ingenij famam protulerit. Enarrabat enim subtilissimè, & vti sapè vidimus, longè omnium acerrimè disputabat. Ab ipsis Pisis vbi vxorem duxerat, Ticinum à Gallo præside, opimis stipendijs euocatus, in id tempus incidit, quo Ludouicus Rex ad conuellendam Iulij Pontificis auctoritatem, concilium Pisis indixerat. Fugitiui, ideoque rebelles aliquot Cardinales, in gratiam Regis, synodum postulabant: ius verò indicendi, decernendique loci, Pontifex ad se reuocabat. Consultus propterea Decius, super ea re, intemperanter contra Maiestatem Pontificis de scripto respondit; secus ac Iason, qui rogatus sententiam, vel magno munere oblato adduci non potuit, vt non clementissimè responderet. Ob eam contumeliam Matthæus Sedunensis Cardinalis, pulsus Gallis victore cum exercitu, Ticinum urbem ingressus, vnam omnium Decij domum, militi diripiendam dedit. Tanto accepto incommodo in Galliam ex fuga profectus, in ciuitate Biturigum ius diuinū edocuit per duos fermè annos. Inde verò in Italiam reuersum Senenses conduxerunt; qua in vrbe, vnica eius filia Senensi patritio collocata, octogenario maior interiit; delatusque est Pisas ad sepulcrum marmoreum, magno sumptu ab se in maximū templi fronte constitutum, inscriptione adeo inepta, vt si eam supponamus, elegantibus ingenijs non sine pudore boni mortui, ridenda videatur.



*Dum curat Decius sibi sepulcrum  
 Clarum marmore ponere eleganti,  
 Inscriptis titulos ineruditos,  
 Ut risum magis excitare possint,  
 Quàm laudare hominem undecunq; clarum:  
 Quod si non sibi cultius sepulcrum  
 Quàm doctos titulos, et elegantes  
 Curasset, modo mollius iaceret.*

## L A T O M I.

*Quum Mors ad Decii nouum sepulcrum  
 Legisset titulos parum Latinos:  
 Certe, inquit, timui hætenus lucernam  
 Iuris tollere: quod minus venustè  
 Fecisse arguerer, parumq; doctè.  
 Sed quum sic loquitur magister ipse,  
 Comittam quoq; et ipsa barbarismum.*

## T H O M A S M O R V S.

## L X X I X.

**F**ORTVNA IMPOTENS, ET  
 suo more instabilis, infestaque virtuti, si  
 vnquã superbè, & truculèter iocata est,  
 sub hoc nuper Henrico octauo in Britannia im-  
 manissimè defæuijt, prostrato ante alios Tho-  
 ma Moro, quem Rex, paulò ante præclarus exi-  
 miæ virtutis admirator, ad summos honores e-  
 xtulerat, vt inde eũ fatali scilicet oborta insania,  
 mutatus in ferã, crudeli mox impetu præcipitè  
 daret, quòd ipsius furentis tyranni, nefariæ libi-  
 dini, vir omnibus religionis, atque iustitiæ nu-  
 meris longè optimus, atq; sanctissimus adulari  
 noluit.



noluisset. Dum enim ille vxorē repudiare, pelli-  
cē inducere, filiāq; magno probro abdicare pro-  
peraret, Morus scrinij Magister, pietatis ac inno-  
centiæ suæ reus, causam ad tribunal dicere co-  
actus, impio iudicio, nisi par metus ab irato & sa-  
uo mentes excuteret, ita dānatus est, vti latronū  
more, teterimo supplicij genere necaretur; nec  
fas esset dilacerata mēbra, propinquorū pietate  
sepelire: sed Henricus, vel hoc vno facinore Pha-  
laridis æmulus, eripere non potuit, quin ad sem-  
piternam inusitati sceleris memoriam, Mori no-  
men in Vtopia, perenni constantiæ laude frue-  
retur. In ea enim beatæ gentis regione, optimis  
instituta legibus, ac opulēta pace florentē Rem-  
publicam elegantissimē descripsit, quum dam-  
natos corrupti sæculi mores fastidiret; vt ad be-  
nē, beateque viuendum, commento periucun-  
do, rectissima via monstraretur.

IANI VITALIS.

*Dum Morus immeritæ submittit colla securi,*

*Et flent occasum pignora cara suum,*

*Immo, ait, infandi vitam deflete tyranni,*

*Non moritur, facinus qui graue morte fugit.*

IACOBI EXERICHII

HISPANI.

*Henricus Morum gladio iugulauit iniquo,*

*Tam dignum vita, quā fuit ipse nece:*

*Mortuus ille tamen viuet per sæcula cuncta,*

*Post mortem virtus viuere sola facit.*

IOANNIS SECVNDI HAGIENSIS.

*Quis iacet hic? Truncus. Cuius caput ense recisum est, Hospes*

*Et natat in tetro sanguine? Canities.*

N 3

Hic



**Ciuis.** *Hic est ille Thomas Morus, sic fata rependunt,  
Tristia multa bonis, & bona multa malis.*

**Hospes** *Quæ circumsistunt Diuæ lugubre cadauer?  
Diua tenax Veri, sancta Fides, Nemesis,  
Harum prima odii causa, & fuit altera mortis,  
Utrix iniusta tertia cædis erit.*

## LATOMI.

*Quid tibi cum Moro, tali indignissima ciue,  
Anglia? Quid pergis dicere inepta tuum?  
Tu ferro infontem, nec simplice morte, Catonem  
Persequeris: tutò nec licet esse pium.  
Proinde file. nam quo maculam tibi demeret istam,  
Ipse sibi patriam condidit Vtopiam.*

## ROFFENSIS CARDINALIS.

## LXXX.

**P**ARI QVOQVE IMMANITA-  
tis portento, ante paucos dies, quàm Mo-  
rus obtruncaretur, eadē sanguinarij Regis  
rabies Britannia lumen extinxit Ioannem Fice-  
rium Antistitē Roffensem, animi pietate, cando-  
re, constantia, priscis illis, atq; sanctissimis Chri-  
stiani ordinis patribus cōparandum. Is quum  
summa sacrae eruditionis, & probitatis authori-  
tate clarissimus spectaretur, vel atrocissimi sup-  
plicij metu, expugnari nō potuit, vt Regi ex im-  
pudenti repudio inauspicatas nuptias affectati,  
volens pareret. Putabat enim Regem paulò an-  
te admirabili virtutū omnium concentu, & ra-  
rissimis naturæ, atque fortunæ muneribus præ-  
stantissimum, atræ bilis morbo correptum insa-  
nisse, quod iratus Romani Pontificis sententiæ,  
qua fuerat ex diuini iuris formula damnatus,  
Ponti-



Pontificij Imperij patrimoniū inuasisset. Non  
 subscripsit ergo nefario rebellantis Regis voto,  
 vir egregiè pius, integreque seuerus, ac ideo in car-  
 cerem ductus est, vt vitæ periculo, & longo cru-  
 ciatu, imbecilli senis constantia frangeretur. Id  
 celebre factum ita Rossensi parauit laudem, &  
 Henrico inuidiam cumulauit, vt eū Paulus Ter-  
 tius ad exornandam virtutem natus, collato sa-  
 cræ purpuræ honore legerit in Senatum. Sensit  
 ilico exprobrati odij vulnus Rex superbus, &  
 impius, sanctissimoque viro modeste ea digni-  
 tatis fama permoto, caput in foro præcidit, ne  
 merita purpura ornaretur. Ferunt id caput lan-  
 ceæ præfixum, vt ludibrio, terrorique cæteris fo-  
 ret, publicis lachrymis laudatum, ac adoratum  
 extitisse. Reliquit ingenij monumēta, eruditum  
 volumen, quo Lutheri opiniones grauissimè  
 confutarat; itemque alios vtilis libros, quibus sa-  
 cri sacerdotij authoritatem defendit, & de veri-  
 tate corporis, & sanguinis Christi in Eucharis-  
 tia libros quinque aduersus Oecolampadium.  
 Sed is sibi admodum exitialis fuit, quo Catha-  
 rinæ Reginæ coniugium tuetur. Extat etiam re-  
 ligiosæ meditationis explicatio in septem Dau-  
 dicos Psalmos: reliqua in carcere purgatissimè  
 conscripta, quòd damnatæ causæ nomen iugu-  
 larent, tyrannus aboleuit.

## INCERTI.

*Tene viri tanti ceruicem abscindere posse?*

*Tene cruore pio commaculare manus?*

*Si vita spoliis Rossensem Barbare, quando*

*Vllum producet terra Britanna parem?*

N 4

Sed



*Sed tu sancte senex, a quo fruiure beato,  
Latus abi, in caelum te vocat ipse Deus.*

## L A T O M I.

*Quum te, sancte senex, infami morte, Tyrannus  
Perderet, aeternis obiiceretq; probris:*

*Perdere non potuit titulis caelestibus auctum,  
Turpiter aut famae consuluisse tuae.*

*Quin luit aeternum scelus exitiale, pudendum  
Seq; sibi, & populis reddidit ipse suis.*

*Postera, nam dicet, quae talia legerit aetas:  
Anglia bina vno tempore monstra tulit.*

## L E O N I C V S . T O M A E V S .

## L X X X I.

**L**EONICVS TOMAEVS EPI-  
rota patre Venetijs genitus, sed Patavio  
insitus ciuis, quum Florētia Græcas lite-  
ras sub Demetrio didicisset, primus Latinorum  
Philosophorū Patavij Aristotelē Græcè interpre-  
tatus est. Philosophiā enim, ex purissimis fonti-  
bus, non ex litulētis riuulis salubriter haurien-  
dam esse perdocebat, explosa penitus sophista-  
rū disciplina, quæ tum inter impenitos, & barba-  
ros principatū in scholis obtinebat, quū docto-  
res excogitatis barbara subtilitate Dialecticorū  
figmentis, Phycas quæstiones non ad veritatis  
lucē, sed ad inanem disputandi garrulitatē reuo-  
carēt; & Iuuentus in gymnasio Arabū, & Barba-  
rorum cōmentationes secuta, à recto, munitoq;  
itinere in cōfragosas ignorantie crepidines duce-  
retur. Scripsit eruditē, & luculēter cōmentarios  
in parua naturalia Aristotelis: ac item perelegan-  
ter ali-



ter aliquot quæstiones, & in his de Intellectu, de Alica, & de Astragalo, tituli varietate Iuuentuti gratas, & vtilis. Sed in libro de varia historia, quo ingens, & peramœna recôditæ lectionis copia exprimitur, omnes eius ætatis styli iucunditate superauit. Vita eius procul à contentione, ambitioneque, in studioso, mollique otio versabatur; ita, vt domi, quàm in schola clarior, beneuolis vera Peripateticorum, & Academicorum dogmata suauissima comitate pomeridianis horis explicaret. Peruenit veneranda barbæ canitie ad septuagesimum tertium ætatis annû, mediocri substantia, ipsaq; ciuili frugalitate, & cœlebs, & felix, quod nemo vel innocentia, & doctrine conscientia, vel munditia corporis, vel animi nitore, beatior ætate nostra fuerit. Aluerat domi gruem, de manu ipsius senili oblectamento cibaria capientem, per quadraginta annos. Is senio tabefactus, quum periisset, ex eius desiderio triste omen concepit, prædixitq; nullo lacepsitus morbo, se non multo post adamatæ gruis fatum, maturo vitæ exitu secuturum. Patauini, externaque gymnasij cultrix Iuuentus, funtus ornauere. Sepulcrum autem Bembus faciundum curauit, & carmine nobilitauit.

*Naturæ si quid rerum te forte latebat,*

*Hoc legis in magno nunc Leonice Deo.*

L A T O M I.

*Precare sacra verba, Viator,*

*Nam Tomæus hic sepultus ille,*

*Dulci fruitur memoria*

*Integritatis illibatæ,*

N 5

Parta-



*Partaq; litterarum gloria.  
 Funde puer dulce merum,  
 Odoros sparge flosculos:  
 Spi-ret ut bustum, madeatq; tellus:  
 Illaq; sancta & candida animula  
 Se totam nostra gratitudine inebriet.  
 Addemus titulum sepulcro & istum,  
 Barbarus ut ne quis violet:  
 Hic iacet vir vnus omnium  
 Doctissimus, piissimus.*

## AVGVSTINVS NIPHVS.

LXXXII.

**A**VGVSTINO NIPHO SV-  
 effæ ad Auruncâ nato, sed ab vrbe Tro-  
 pheæ in Brutijs oriundo, inter Aristote-  
 licæ sectæ professores eximia laus cõtigit, quum  
 in omnibus ferè Italiæ gymnasijs, Achillino, &  
 Põponatio florentibus, opima stipèdia meruif-  
 set. Eratingenio fertili, ad aperto, liberali, sermo-  
 ne autè Cāpanum pingue quoddam resonanti  
 maximè libero, & ad serendas fabulas in sugge-  
 stu, coronaq; ad voluptatē aurium periucūdo;  
 sed vel toto ore subagresti, & penitus in faceto  
 ita se ad vrbanos iocos cõponebat, vt valde mi-  
 rarentur, qui mox tacentis superciliū, austeraq;  
 labra, & lineamēta conspiceret. Scripsit in om-  
 nes Aristotelis libros perāpla commentaria, sed  
 rudi, & incōdita quadā vbertate, vt tū mos erat,  
 crassiss & planè barbaris auribus accōmodata,  
 quòd Latinè, recteq; scribēdi facultatē, tāquā  
 inimicam optimis disciplinis, ab ipsa præsertim  
 philoso-



philosophia segregabāt. Luculentius eius operū existimatur id, quod pro Auerroë aduersus Algazellē disputante tū publicauit, quum florente ætate à multo vigore ingenij neruosior haberetur, quanquā ipse in opinione, decretoq; parum constās, euariatoq; sæpè iudicio cōmentationes in Analytica priora, & in libros de anima teneri us adamasse videamus. Parto demū otio, obrepenteq; podagra, scripsit aduersus Astrologos, moralesq; libellos, & de Tyrāno & Rege, & de Augurijs, varietate tituli vel parū curiolis expectēdos, & longiore quidē dignos vita, si plenior Latini sermonis spirit⁹ accessisset. Susceptis liberis, & senescēte vxore septuagenarius senex, puellæ citralibidinē impotentiamore correptus est vsq; ad infaniā, ita, vt pleriq; philosophū senem, atq; podagricū ad tibix modos saltantē, misera bili cum pudore conspexerint, vnde illi maturatū vitæ exitum cōstat. Perijt in patria nocturno itinere refrigeratus, quū serò è Sinuessā redijisset, obortis scilicet tonsillis, quæ fauces obsederant, ea ipsa nocte Ethruriæ admodū funesta, qua Alexander Medices, in lecto turpissimè confossus interijt. Galeacius Florimontius quum præceptorī urnam poneret, hoc carmen incidi iussit.

## INCERTI.

*Dum lapidi titulum mœrens Galeacius addit;*

*Et tristi curat funera cum gemitu:*

*Si quis honos tumuli; nō hoc tibi, Niphe, supremum,*

*Sed patriæ, & misero stat mihi munus, ait.*

*Næ viuīs meliore tui tu parte: leuamen*

*Luctus nos mediis quærimus in lachrymis.*

MAR-



MARCI ANTONII FLAMINII

*Qui docuit rerum Niphus cognoscere causas,  
Non rerum oblitus hoc iacet in tumulo,  
Sed cœlo meliore sui cum parte receptus,  
Nunc gaudet melius discere quàm docuit.*

LATOMI.

*Apagete vos, Philosophiam qui tetricam  
Putatis: & boni indigam  
Leporis, ebriæ horridamq; Cypridis.  
Quid? Niphus an non melleus,  
Perplexæ sœtus inter euthymemata,  
Et syllogismos frigidos  
Narrare suaues, Atticæsq; fabulas:  
Multumq; risum spargere?  
At quàm venustum hoc: septuagenarium  
Quod undulatis passibus,  
Et curioso, flexuosoq; capite  
Saltare coràm cerneret  
Modò Dorium, modò Phrygium, vel Lydium:  
Amore saucium graui?  
Tractare sic philosophiam inuisam, arbitror  
Summi fuisse philosophi.*

IOANNES RVELLIVS.

LXXXII.

**R**VELLIVS IN VRBE SV-  
elsionum natus, quum susceptis liberis  
uxorem extulisset, abdicata medendi ar-  
te, sacerdotium in templo deiparæ Virginis, Lu-  
tetia Parisiorum Poncherij antistitis liberalitate  
promeruit, totumque id otium optimis literis,  
vt fortunis auctum decebat, impendit; non igno-  
bili



bili quidem gloriæ prouentu, quum eruditio-  
 nis autoritate Budæo proximus esset, & Lati-  
 ni sermonis nitida puritate superior haberetur,  
 vt præclarè indicat Dioscorides in Latinū è Græ-  
 co emēdatè traductus. Leguntur & libri aliquot  
 probè, fideliterque translati de mulomedicina,  
 & Actuarij medici volumen de vrinis; sed pro-  
 prio vsus ingenio libros tres de natura stirpium  
 perscripsit, Theophrastum in multis, & Plini-  
 um eleganter æmulatus. Extant quoq; singula-  
 ri diligentia translati è Græco quinque libri de  
 Agricultura, ex viginti qui nomine Constantini  
 circumferuntur; reliquos Coroneus Gallus ver-  
 tisse dicitur: sed Cornarius Germanus expedita  
 faciūdia celebris, vniuersos viginti Latinitate do-  
 natos nuper publicauit. Erat Ruellius natura  
 modestus, & lenis, vultu multo rubore suffuso,  
 & resimis naribus, statura verò mediocri. Sexa-  
 gesimo ætatis anno vita functus est, paulò ante  
 quàm Rex Franciscus niuosas Alpes traiceret,  
 vt copijs suis Cæsarianorum impetu perculsis  
 fortiter opem ferēs, Subalpina oppida, summo  
 tis hostibus in fide confirmaret; vt inde in spem  
 inauspicatæ pacis induciæ pararentur.

## DIONISII CARRONII.

*Hic situs est, in quo vixit medicina, Ruellus*

*In quo naturæ notitia, atque poli.*

*In quo prima fuit dos, Graiūm vertere scripta*

*In Latium, ac Latio scribere digna Ioue.*

*Olim erat affinis, nunc est conuiua Deorum,*

*Præmiaq; illa sui grata laboris habet.*



*Hic vester ille est, Galle, Ruellius:*

*Mentis tam acuto lumine præditus,*

*Perindè vultum nosset ut ætheris,*

*Seu læta nobis, seu mala plurima*

*Cordis recessu conderet intimo:*

*Ac si fuisset sensibus omnibus*

*Coniunctus astris. & reor hercule.*

*Nam quæ reliquit scripta sat arguunt,*

*Nostri bonis tam commodum & utilem,*

*Aut esse Diuum, aut munere proximum.*

ANTONIUS TIBALDEVS.

LXXXIIII.

**H**IC PRIMVS FERE POST  
Petrarcam supra æmulantes Seraphi-  
num, atque Manutium, planè extin-  
ctum Ethrusci carminis decus excitauit, vsque  
adeo grata auribus alternantium numerorum  
suauitate, vt quum expetitis vbiq; eius iucun-  
dæ facultatis illecebris, in amatorios lusus prin-  
cipum aulas perambulasset, edita, vel surrepta  
eius carmina à viris pariter & fœminis ad citha-  
ram cantarentur. Sed tantam mox famam feli-  
ciorē orti fidere Bēbus, & Syncerus æternis car-  
minibus oppresserunt. Agnouit ille tāto perstri-  
ctus fulgore, ingenij sui fortunam, atq; ideo ad  
Latina carmina se conuertit, quum in his ad ge-  
nium non insulsa vena responderet. Sed factus  
grandæuus senex, ridēte vrbe Roma carminum  
suorū Ethruscorū exequijs interfuit, ita herclè vt  
evanescentis antiquæ laudis magnā partē redi-  
meret,



meret, quū epigrammata multo Latino sale, leporeq; conspersa inexpectatus edidisset. Perijt in via lata octogenarius senex, firmissimo corpore & celsa prosperitate semper erecto, strāguria cruciatus adeo grauitē, vt ex atra demū bile seipso factus amarior, sēpē nec insulsē delirare videretur, quū ianua, fenestrisq; penitus occlusis, Carolum Cæsare ex Africa relato insigni triūpho, ad eius limē transeuntē spectare noluerit; quod eum minimē iustum Imperatorem putaret, qui sub fide publica captæ deletæq; vrbis scelus, quo Maiestas eius vel extra culpam sugillari potuit; decumatis legionibus minimē vindicasset; quasi non satis fuerit, in tantæ cladis solatio Borbonium, Dorbinium, Moncatam, & Aurantium, quatuor summos Duces, & patrati facinoris authores, singulis ictos fulminibus, ultore magno numine spectauisse.

## COLAE BRVNI MESSANENSIS.

*Quæ ripis te sēpē suis stupuere canentem  
Eridanus, Tyberisq; parens ille, hic tuus hospes,  
Credibile est vates, Antoni, nunc quoque campis  
Te canere Elysiis, turba admirante piorum.*

## LATOMI.

*Certē non modicam merere laudem  
A rara ingenii tui æquitate,  
Antoni numeris poëta Thuscis.  
Qui palmam tribuens, tuāq; arena  
Cedens posterioribus poëtis:  
Viuus, ac hilaris tuis dedisti  
Musis inferias, quasi exoletis.  
Sed quem ob ingenii tui leporem,*

*Festi-*



*Festiuumq; animum, bonæ Camænae*

*Scribendis epigrammatis Latinis*

*Immortale tibi dedere nomen.*

*Vt iam sis numeris utrisq; felix,*

*Vniscandidus, alteris venustus.*

ERASMVS ROTERODAMVS.

LXXXV.

**E**RASMVS ROTERODAMVS  
ex insula Batauorum, perpetuis eruditæ  
laudis honoribus extollendus videtur,  
postquam ætatis nostræ scriptorum prope om-  
nium decus, ingenij fertilitate superarit. Is ab  
adolescencia, pio religioso animi decreto, ad cu-  
cullatos sacerdotes se contulit, tanquàm huma-  
na despiceret. Sed non multò post, pertæsus in-  
tempestiuæ seruitutis, votiq; remerè suscepti, ea  
sacratæ ordinis septa transiijt, vt ad excolendum  
ingenium planè liber, per omnia Europæ gym-  
nasia vagaretur. Contendebat enim cura ingen-  
ti ad summæ gloriæ fastigium, ad quod literarū  
omnium cognitione perueniri posse intellige-  
bat, quum iam ad arcana cuiusque doctrine, in-  
finita lectione, inusitataque memoria penetras-  
set. Edidit Moriam, atque inde primam nomi-  
nis famam longissimè protulit, imitatione Lu-  
ciani satyræ pungētes aculeos passim relinquēs,  
omnium scilicet lectorum actionibus ad insani-  
am reuocatis. Opus quidem salsa aspergine per-  
iucundum, vel grauib; & occupatis; sed sacra-  
to viro prorsus indecorum, quū diuinis quoq;  
rebus illulisse videretur. Sed maturè demū quòd  
eius



eius intemperantiæ malè audiendo pœnas daret, sanctiores literas complexus est, tanta robustissimi ingenij contentione, vt vertendo Græca & commentarios excudendo, plura quàm quisquàm alius volumina publicarit. Verum seipso haud dubiè cunctis admirabilior futurus, si Latinæ linguæ conditores grauitè imitari, quam feruido, properantiq; ingenio indulgere maluisset. quærebat enim peculiarem laudem ex elocutionis, atq; structuræ nouitate, quæ nulla certa veterum æmulatione pararetur, vt in Ciceronianò, nō occulti liuoris plenus ostendit. Tanta enim erat naturæ fœcunditas, vt plena semper ac ideo superfoetante aluo, varia & festinata luxuriantis ingenij prole delectatus, nouum aliquid quod statim ederetur, Chalcographis, tanquàm intētis obstetricibus parturiret. Obijt apud Heluetios Friburgo in pago, siue vt aliqui asserunt Basileæ, septuagesimum excedēs ætatis annum, quum Carolus Cæsar in Prouinciam irrūpens, ad Aquas Sextias, Francisco Galliæ Regi graue bellum intulisset.

## INCERTI.

*Theutona terra suum quum miraretur Erasmus,  
Hoc maius potuit dicere, Nil genui.*

IOANNIS SECVNDI HAGIENSIS.

*Defunctus vita, longiq; laboribus æui,  
Hac situs est tandem doctus Erasmus humo.*

*Quem licet in sera rapuerunt fata senecta,  
Et vitæ saturum sopiit alta quies,  
Nos tamen hunc velut immaturo funere raptum,  
Flemus, & effusis diffluimus lachrymis.*

O

Ille



Ille igitur periit, & quondam illa illa diserta,  
 Et dulci manans neclare lingua tacet.  
 Ingeniumq; sagax, & amans virtutis, & equi,  
 Omnia sub paruo condita sunt tumulo.  
 Illum igitur canos Virtus lacerata capillos,  
 Et Charites lugent, luget & ipsa fides.  
 Collectasq; rosas Permessi ad flumina Nymphæ  
 Inspargunt sacro Pierides tumulo.

## IANI VITALIS.

Lubrica si tibi mens fuit, & spinosior æquò,  
 Ingenium certè nobile Erasme fuit:  
 Felix si mistas labruscas dulcibus unis,  
 Prodiga desisset vinea ferre tua:  
 Barbarie è media præclarum sydus haberent,  
 Et te Varronem tempora nostra suum,  
 Hanc tamen inscriptam his titulis posuere columnam,  
 Iactura hic laudum publica facta fuit.

## GILBERTI. COGNATI.

Magnus Roterodamus ille noster,  
 Hæc quo secula neminem tulerunt  
 Maiorem, neq; prisca clariorem  
 Norunt tempora, nec cui futura  
 Parem posteritas habebit: ecce  
 Sub hoc marmore mortuus quiescit.

## VITI COPPI SELESTADIENSIS.

Lachrymarum te rogo, iam siste riuulos  
 Viator, & dulcem quietem floribus  
 Orna, tumulum Sabæo thure consouens.  
 Vixi satis, fati peregi tempora:  
 Non ocio, sed duris me laboribus  
 Unus, quò plurimis prodessem, subdidi.  
 Sic docta primum bella gessi Palladis,

Vt me



*Vt me ducem mirata sit Germania,  
Suum me sæpius Ciceronem dictitans:  
Tandem sacris literis sum immortalis.  
Hac fata lege subire, an non est vivere?  
Rude donari, nisi forsitan mori putas.*

SIMONIS VALLAMBERTI.

*Hoc quanquam tumulto mortale cadaver Erasmi  
Mors claudis, id ferme est nihil.  
Non huius virtus, spes, fama, scientia, possunt  
Claudi. quid, ô Mors hic habes?*

IOANNIS MORELLI.

*Corpus humo, superis animam, dat nomen in ævum  
Lex, pietas, virtus Roterodame tua.*

LATOMI.

*Theutona terrâ suum quum miraretur Erasmus,  
Hoc maius potuit dicere, Nil genui.  
Quippe Deos inter, cælo ridente, relatum  
Ipse suum dixit Iuppiter esse genus.*

EIVSDEM.

*Qui paucos habeas pares, Erasme,  
Multorum invidiam feras necesse est.  
Istos quod logodædalos ab Vrbe,  
Vnos præ reliquis, in immerentis  
Manes sic videam styli cruentam  
Stringentes aciem, perinde, tanquam  
Stuprasses Charitum nouem sorores.  
Indignum patria eruditione, &  
Aserto titulo elegantiarum.  
Causam scire velim, quid vrat illos,  
Et quid tantopere tumultuentur.  
Sed quid dissimulo? sat æstus illam  
Prodit feruidus, & malignus ille est,*



Ille inquam est Ciceronianus; ille  
 Vno qui Cicerone stare, recte  
 Latinam negat elocutionem:  
 Et damnat stolidi laboris omneis,  
 Qui superstitione non ferenda  
 Vno non nisi Tullio loquuntur.  
 Hac illa est Helene, viri elegantes,  
 Armis quæ Latium per uniuersum  
 Vindicanda videtur in Bathauum:  
 Vmbra scilicet, atque inane nomen:  
 Tanquam quo genito Allemannis ora, est  
 Vano ridiculè soluta partu.  
 At si tam modicas ob has labruscas  
 Perit vinea tota, o vrbs Quirini,  
 Scribemus titulo hoc tibi columnam:  
 Quæ quondam meritos suo fouebas,  
 Ornabasq; viros honore, laudum  
 Iactura es modò facta publicarum.

## RVTILIVS.

## LXX XVI.

**R**VTILIVS E' COLONIA OP-  
 pido Vicentini agri, quum erudito di-  
 ligentiq; eius ingenio Nicolaus Ridul-  
 phus Cardinalis familiariter vteretur, ex vmbra  
 tili iureconsulto flamen euasit, quod nunquam  
 in forū prodijisset. Edidit enim volumen ab in-  
 dustria, atq; facundia cōmendatum, de his qui  
 florente Romano imperio iuris intelligētia præ-  
 stiterunt; quo laborioso, elegantiq; opere, Cice-  
 ronē obiter à multa mendorum labe repurga-  
 uit. Maiora porrò editurus videri potuit, nisi im-  
 matura



DOCTORVM VIRORVM. 213

matura mors lucubrantem Venetijs oppressisset. Amici autem poëtae, de eo tanquam conspectui sepulcri honore, ex humili fortuna facile carituro, hæc carmina decantarunt.

PETRI CVRSII.

*Vt Mors Rutilium sensit tot reddere vitæ,  
Styx vale, ait, vitæ iam patefacta via est.*

CROTI.

*Exciri ut Legum latores sensit ab Orco  
Invida Mors, fufis protulit hæc lachrymis:  
Quàm verè eiusdem est inferre, auferreque leges,  
Lege horum cum lex penè refixa mea est.*

IANI VITALIS.

*Vivitur in chartis, Rutili felicius ipsis,  
Cum videant mortem marmora, & æra suam.  
Absumpsit priscos legum Libitina peritos,  
Tu facis in scriptis viuere, & esse tuis.  
Quàm meritò illi igitur dicent, æternior ære  
Est tua, & æternis pagina marmoribus.*

LATOMI.

*Qui tot Rutilium vitæ asseruisse videret,  
Quos ante in libro cederet ipse suo:  
Huic temerè, Ridulphus ait patronus, honorem  
Marmoris, & longos contulero titulos.  
Ille quidem rectè, nec nos non rectius, illa  
Sarcimus gratis qui tibi carminibus.*

GVLIELMVS BVDAEV S.

LXXXVII.

**N**VLLI MORTALIVM AETA  
te nostra perpetuis lucubrationibus as-  
pirante fortuna, cum Græcæ, tum Lati-  
næ erudi-



na eruditionis maiores opes contigerunt, quam Gulielmo Budæo non Gallia modo, sed totius etiam Europæ longè doctissimo. Natus Lutetia præcellentium disciplinarum celebri domicilio, dum perennem spectaret laudē, & rei familiaris fortunas, honoresq; ingenio suo, & sperata gloria viliores arbitraretur, sexaginta amplius ætatis annos in studijs consumplit; ita, ut summæ eruditionis libro de Assē, alteroq; in Pandectas edito, ac infinita demum lectione confectis Cōmentarijs, quibus Græcæ, & Latinæ facultatis ornamenta cōparantur, nulli communicata laude, æquales omnes doctrinæ auctoritate superaret. Sed qui in memoriæ thesauris tantas diuitias miro digestas ordine continebat, veluti occupatus in apparatu, candidioris eloquentiæ cultū neglexisse existimatur. Id enim in toto studiorum negotio longè grauissimū, nemo, nisi irrita spe senectuti vnquā reseruauit. Ad augebant nominis famā in perspicuo animo sanctissimi mores, quibus aliquantō vberiora rei familiaris incrementa, quam pertinaci diligentia, vel honoris ambitione, educatis feliciter liberis reliquit, quum Rex Franciscus, subita liberalitate inclutus, optimi viri otium foueret, & ipse supplicibus libellis præpositus, honestissimo prouentu ditaretur. Sed vir alioqui incorrupta mente cōpositus, Erasmiæ obtreptionis spicula ferre non potuit, quū facilè indignabundus, bile Gallica redundaret, ille autem contumaci odio incensus, tela veneno Batauō delibuta iacularetur. Septuagesimum tertium agentem annum oppressit



pressit febris, longinquo & æstuoso ad Armoricum Oceanum itinere concepta. Piè autem tranquilleque vita excedens, condito testamento, omnes honores funeris & tumuli penitus abdicauit; ita vt, quum numerosa proles eum lugeret, noctu tumularetur. Fato functus est, non multò post celebres illos hospitales Triumphos, quum Cæsar ab Hispania per mediam Galliam in Belgas profectus, gentem bello fessam, festa passim hilaritate in spem pacis erexisset.

## IANI VITALIS.

*Qui Sanctum simul, & simul disertum  
Exquiris sapientiæ magistrum,  
Vltra quid petis? hic iacet Budæus.*

## SALMONII MACRINI.

*Budæus voluit media de nocte sepulcro  
Inferri, & nullas prorsus adesse faces:  
Non factum ratione caret, clarissima quando  
Ipse sibi lampas, luxq; corusca fuit.*

## THEODORI BEZÆ.

*Vnus Budæus, terramq; polosq; hominesq;  
Deuinxit magna prouidus arte sibi:  
Cælo animum terræ corpus donauit habendum:  
At cerebri nobis dona superba dedit.  
Sic decessit inops, nam nil sibi liquerat ipse,  
Verum hæc paupertas unica vincit opes.*

## EIVSDEM.

*Budæum fleuere homines, plorauit & aër,  
Budæus gelidis est quoq; fletus aquis:  
Sic fleuere homines, vt plena volumina mæstis  
Carminibus quiuis bibliopola terat.*



*Sic aër luxit, consumptis undiq, nimbis,*

*Vt etiam quas plueret non reperiret aquas.*

*Flumina sic flerunt, vt quâ modo nauis abibat,*

*Currat inoffensis sicca quadriga rotis.*

*Restabant cœlum & tellus, communis vt omni*

*Quamlibet immenso mœror in orbe foret;*

*Sed quum cœlum animam Budæi, terra cadauer*

*Possideat, quæso, qua ratione fleant?*

SIMONIS VALLAMBERTI.

*Extinctum luxit Budæum mœstus Apollo.*

*Nomen inextinctum non meruisse putes.*

LATOMI.

*Budæus columen, decusq, Graiûm:*

*Budæus Latiae corona linguae:*

*Budæus dubii lucerna iuris:*

*Budæus pater elegantiarum,*

*Et fons totius eruditionis:*

*Budæus patriæ iubar coruscum,*

*Regis delictum sui, suæq,*

*Tempestatis honos, lepor, voluptas,*

*Hic terræ exuias reliquit, orbi*

*Famam, astris animam. Viator, ito.*

HIERONYMVS ALEANDER.

LXXXVIII.

**D**ETVR HOC IN COMPARA-  
li inusitatae memoriae felicitati, quæ in  
Hieronymo Aleandro supra cuiusque  
vel antiqui sæculi captum admiranter excelluit,  
vt eius ex vero depicta facies, vel in pudenda in  
genij sterilitate inter fecundissimas imagines  
conspiciatur, quando nihil eum cuncta volu-  
mina



mina cupide perlegentem, vel rerum, vel verborum omnino subterfugerit, quin singula memoriter, vel à multis annis longo sepulta silentio recitaret. Latinæ enim, Græcæque literæ, quæ sæpè alacriter iactabundo pro vernaculis haberentur, Hebraicas admirantibus Iudæis, & suæ stirpis eum facile credentibus solertissimè didicit. His ingenij dotibus insignis, quum Lutetiæ Parisiorum Græcè docendo honorem præfecturæ gymnasij concordi studiosæ Iuuentutis acclamatione esset consecutus; venissetque in urbem, Leo Pontifex grauiissimus ingeniorum æstimator, eum extulit, misitque Legatum in Germaniam, ut Lutheranae hæresis initia, disputatione tollerentur, exinde Clemes Brudusinum, casu potius quam animi iudicio Antistitem fecit. Paulus autem veræ virtutis eruditus exornator, legit in Senatū, Lætatus est ea purpura per annos quinque, peruersus haud dubiè ad exactam ætatem, nisi nimia tuendæ valetudinis sollicitudine intempestiuus medicamentis sibi herclè insanus & infelix, medicus, viscera corrupisset. In toto autem vitæ cursu, extemporanea facundia delectatus serò ingenij labem sensit, quum ad meditatam scriptionem purior eloquentiæ vena, uti externo & præcipiti quodam luto perturbata minimè proflueret, ita spe melioris styli, miserè destitutus, quum vastum opus, vasta illa memoria aduersus singulos disciplinarum professores agigaret. Romæ interijt fato suo vehementer indignatus, quum se præreptum anno vno ante climactericum inter anxiam, supremaque suspiria quereretur. Tumulatus

O 5      est in



est in æde Transtiberina Diuo Chryfogono de-  
dicata, ea testamenti lege, vt sepulcrum, Græco  
carmine ab se composito, cum reliquis titulis  
inscriberetur, quo nouas clades imminere no-  
bis ominatur in hanc sententiam.

*Excessi è vitæ ærumnis facilisq̃, lubensq̃,  
Ne peiora ipsa morte dehinc videam.*

## IANI VITALIS.

*Non tibi literulis ornare Aleandre sepulcrum*

*Fas erat, at vastam ponere Pyramidem;  
Stesichorosq̃ inter celebres, sanctosq̃ Platones,*

*Ex auro solidam stare tibi statuam:*

*Vidimus in te vno diuinæ insignia mentis,*

*Et plusquàm humani par decus ingenii;*

*Nunc perit tecum, quantum vix secula mille,*

*Quantum vix præstent millia mille hominum.*

## CAELII CALCAGNINI.

*Incertum est Aleander vtrum te dicere malim:*

*Quum Græcum atque Italum te tua lingua velit.*

*Septem vrbes Græcas natalem ingentis Homeri*

*Immensis studiis asservisse ferunt,*

*De te lis maior, quum iam te vendicet omnis*

*Attica terra sibi, Romula terra sibi.*

## LATOMI.

*Non tibi pro tumulo hoc, quantumuis nobile, marmor*

*Ponimus: hoc cineres, aridaq̃ ossa tegat:*

*Non longos titulos: subiectos casibus ipsos,*

*Et quibus erasis ipse superstes eris:*

*Sed totam Europam: quam docto in nomine oberras,*

*Quæq̃ tuas laudes vix Aleandre capit.*

L A M-



**L**AMPRIDIVS POETA CRE-  
monēsis, quum in colle Quirinali scho-  
la Græcorum adolescentium, instituen-  
te Lascare coalesceret, docendi munus suscepit  
exercitatione perutili; quod argumenta propo-  
sita vtriusq; linguæ verbis, & figuris ad mutu-  
am ingeniorum æmulationem verterentur. Sed  
erepto Leone, & subinde euerfis optimarum li-  
terarum studijs, Patauium se contulit, vbi per  
aliquot annos domi ex collaticia mercede dele-  
ctorum iuuenum Græcas & Latinas literas, ma-  
iore quæstu, quàm gloria professus est. Nun-  
quàm enim (vti erat) elato, contumaciq; inge-  
nio adduci potuit, vt publicum suggestum con-  
scenderet, ne cum eloquentioribus, vel minus  
eruditis, ambiguae existimationis aleam subi-  
ret; Nouissimè Federicus Gonzaga, vt filio præ-  
ceptor esset, Mantuam acciuit. In eo munere, se-  
ptenne discipulo, & vix degustata Principis li-  
beralitate minimè senex lateris dolore surrep-  
tus est. Scripsit Odas æmulatione Pindarica eru-  
ditas & graues, sed ob id plerisque minus iucū-  
das, quod prisci, imitationeque difficilis poëtæ  
cursum, tanquàm inflati, & tortuosi fluminis  
sequutus insolentior, & durior Latinis auribus  
euaserit. Fit enim, monente Flacco, vt quæ opti-  
ma & excellenter Græcè ornata intelliguntur,  
vel paribus numeris tractata ad genium Latinæ  
suauitatis minimè respondeant.

MYR-



## MYRTEI.

*Ergo ego, nobilium ô genitrix, atq; hospita vatum  
 Mantua, quod nimium vicina Cremona Maroni  
 Obsuerit, solus pœnas abs te ipse reposcor?  
 Ille soli tantum damnum tulit: ast ego de te,  
 Mantua, deq; tuo meritis bene Principe, cara  
 Pro patria, & vitâ, & cineres tibi reddere cogor.  
 Aspasie amicæ sepulcro inscriptum in templo  
 sancti Andreæ.*

*Lampridium carum Musis hic Mantua seruat.*

## MARCI ANTONII FLAMINII.

*Perdideras Varium, nostro sed tempore laudes  
 Lampridius renouat docta Cremona tuas.  
 Ille Sophocleo cantabat digna cothurno,  
 Iste canit lyricos Pindarico ore modos.*

## LATOMI.

*Mantua vicinæ prope liuida honore Cremonæ,  
 Ut quæ Lampridio vate superba foret:  
 Ad se pellectum, & properata in fata vocatum,  
 Hac visa est querulum voce leuare virum:  
 Munus erat nostrum simileis genuisse Maroni:  
 Nasci hic debueras, siue Poëta mori.*

## GASPAR CONTARENVS CARDI.

## X.C.

**G**ASPAR CONTARENVS PATRIJ ordinis Venetus, ab insigni memoria, illustriq; doctrina, & corporis, ac ingenij castitate mirabilis, ad Rempublicam ita accessit; vt grauitate iudicij cōsummata prudētie Senatoribus æquaretur: atq; inde maturata maximarum



ximarum Legationum munera capefferet, non ætatis quidem, sed vna virtutis prærogatiua cōmendatus. Iuuenis enim,, tanquàm perfectus Peripateticus Aristotelem à calumnia defende- rat, quanquàm modestiæ causa suppresso nomine, aduersus Pomponatium præceptorem, quum ille, si non insano, impio tamen conatu animas nostras interiire cum corpore, ex Aristotelis sententia persuadere libro edito contendisset. Appulit exinde ingenium ad sacras literas adeo diligenter, vt ad normam Christianæ disciplinæ librū, de optimi Antistitis officio publicaret. In ipso autem ciuiliū honorum cursu, honestum, decorumque sibi, & patriæ de Re pub. Venetorum volumē edidit, vt institutæ leges ex antiquo more ciuitatis in mandandis honoribus, ad memoriam posteritati traderentur. Nouissimè Paulus Pontifex, augusta illa generosi iudicij maturitate facilè superiores Principes antecedens nihil tale expectantem in Senatum legit, purpuraque ornatum in Germaniam legatum misit; vt diris quorundam animis, concepta Lutheri factio salubri adducto dogmate sanaretur. Sed post eam rem, casso labore semper actitatam, quum in urbem redijffet, legatus Bononiæ creatus est; in eoque munere, paucos post menses, nōdum sexagenarius, rapida febre interiit. Sepulcrum eius lateritij operis, in æde Diui Proculi ad leuam, cum hoc carmine conspicitur.

*Ergo*



MARCI ANTONII FLAMINII

*Contarene tuo docuisti Magne libello**Extinctis animas vivere corporibus.**Ergo iure tui viuunt monimenta libelli,**Et viuent sæclis innumerabilibus.*

EIVSDEM.

*Descripsit ille Maximus quondam Plato**Longis suorum ambagibus voluminum**Quis ciuitatis optimus foret status.**Sed hunc ab ipsa sæculorum origine**Nec ulla vidit, nec videbit ciuitas.**At Contareneus optimam Rempublicam**Parui libelli disputationibus**Illam probauit esse, quam millesima**Iam cernit æstas Hadriatico in mari**Florere pace, literis, pecunia.*

IANI VITALIS.

*Contarene tibi pietas dum dia parentat,**Et queritur longo amissum Respublica luctu,**Ite, ait, illustres animæ, vitæ sæcla**Heroum, & vestro athletæ exornate sepulcrum**Floribus, hic veris docuit rationibus esse**Immortalem animam summa de mente creatam.*

LATOMI.

*Lectus es in Venetum, Romanum deinde Senatum,**Firmior ingenio qui stat uterq, tuo.**At nunc cœlesti fulges trabecatus in ostro,**Sceptra magistratus æthereiq, geris.**Nam quur non capias defensi præmia cœli,**Quum non ingratos senseris hîc homines?*

HEN-



**Q**VIS IN HENRICI COR-  
nelij Agrippæ sedato vultu, portento-  
sum ingenium latuisse crediderit? Hic  
enim immenso captu, vastaque memoria, scien-  
tiarum, artiumque omnium rationes, arcanaq;  
intima & summos apices complexus, discipli-  
nas conuellit, religiones in dubium reuocat, stu-  
diorumq; omniū labores festiua declamatione  
deridet: eoq; vehementius, atq; validius quod  
tantæ nouitatis argumēta sacrarū literarum au-  
thoritate cōfirmentur, quasi feliciore opere illu-  
dētis ingenij tantas opes ostētare nequiuert,  
nisi vir educatus in literis, & à Cæsare eruditio-  
nis ergò equestris ordinis dignitate honestatus,  
importunos arietes inanis eloquētiæ, æternis o-  
ptimarū literarum arcibus admouisset. Sed ad  
hoc cum plausu à multis exceptū volumē de va-  
nitate scientiarū, alium addidit librū de occulta  
Philosophia, curiosis admodū pestilentē, quod  
opus, ex censura Christiana, edicto vetitū apud  
vnos impios reperitur. Sed in vtroque serio, pa-  
riter & ioco grauior, atq; lepidior, ac ideo forsi-  
tā æternus appareret, nisi puriorē eloquentiā nō  
secus ac reliquas facultates infelici vel inepto iu-  
dicio contēpssisset. Excessit è vita nōdum senex  
apud Lugdunū, ignobili & tenebroso in diuer-  
sorio, multis eum tāquā Necromatię suspicione  
infamē execrantibus, quod Cacodamonē nigri  
canis specie circūduceret; ita vt quū propinqua  
morte ad pœnitētiā virgeretur, cani collare lo-  
reum



reum magicis per clauorū emblemata in scriptū  
notis exoluerit, in hæc suprema verba iratè pro-  
rumpens, Abi perdita bestia, quæ me totū perdi-  
disti: nec vsquàm familiaris ille canis, ac assiduus  
itinerum omniū comes, & tum morientis Do-  
mini desertor, postea conspectus est, quum præ-  
cipiti fugæ saltu in Ararim se immerfisse, nec ena-  
tasse, ab his qui id vidisse afferebāt, existimetur.

IOANNIS BAPTISTAE  
POSSEVINI.

*Viuens quem cernis, ne te fortasse moretur*

*Os placidum, Stygii rex fuit iste lacus:*

*Quare etiam custodem habuit dum viueret Orci,*

*Cui nunc in tenebris præda daret comitem.*

*Ast hic si ingenium moderari scisset, ad auras*

*Tantum isset, quantum Tartara nigra subit.*

LATOMI.

*Hūc tumultū haud Charites seruāt, sed Erinnyes atræ:*

*Non Musæ, at sparsis anguibus Eumenides.*

*Colligit Alecto cineres, miscetq; aconito,*

*Grataq; dat Stygio liba voranda cani.*

*Qui quod erat viuum comitatus, atrociter Orci*

*Nunc quoque per cunctas raptat, agitq; vias.*

*Insultatq; adeo: & Furias quia nouerat omneis,*

*Salueat iniungit nomine quandq; suo.*

*O miseras artes, quæ solæ ea comoda præstant,*

*Accedas Stygias notus ut hospes aquas.*

BA-



**N**ON ERIT VLLO SÆCV-  
lo, agrestibus præsertim grāmaticis in-  
gratum Pij nomen; vrbānis autem, &  
elegantibus viris vnquam iniucundum. robu-  
sto enim ingenio, tenaciq̃ue memoria præuali-  
dus, doctissimi famam meruit, quum obscuros  
authores interpretandos suscepisset, inepta qui-  
dem Beroaldi præceptoris æmulatione, cuius in  
Asinum Apuleij commentationes exierant; in  
ijs fuere Fulgentius, Sidonius; & è poëtis Plau-  
tus, Lucretius, & Valerius Flaccus. exoleta enim  
rācidæ vetustatis vocabula delectu insano secta-  
batur; admirante quidem discipulorū in scia tur-  
ba, quum planè à non insulsiſsimis rideretur. Si  
quidem eius sermo, stylusq̃ue; Oscoꝝ & A-  
borigenum linguam pingui atq; aspera noui-  
tate referebant; quàm nonnulli lasciuè ludentes  
discere percuperent, nisi contagiosi vitij pericu-  
lo terrerentur; factum autem breui est, vt ea ob-  
soleta, & ridenda pāssim elocutionis verba, tā-  
quā portenta in scēnam transferint, confecta  
scilicet à lepidis ingenijs mirabili fabula, hæc  
enim impressa extat, qua suo habitu suoq; idio-  
mate blaterantis Pij persona inducitur, ab ob-  
iurgante reprehendenteq̃ue Prisciano meritis  
flagello plagas, puerorū male discēntium more,  
clunibus nudatis excipiēs. Tum enim Phædrus  
ad antiquæ pronūciationis decus Romanā Iuue-  
nitē glorioso studio reuocabat, quū ludis Capi-  
tolinis stupēdo apparatu, mira q; felicitate Plau-  
ti Penulū per ingenuos, nobiles q; comædos re-  
P præsen-



præsentata florentis quondã vr̃bis fortuna ediffet, id expetente Leone, quòd tũ frater Iulianus à populo Romano ciuitate donaretur. Cæterum Pius quadrato ingenio eos nasutorum rumores contempsit, sua conscientia profectò felix, quòd neminem se videre diceret, eruditi nomine dignum, qui de vi & tota facultate vel abstrusæ lectionis interrogatus, præclare & constanter prolato præsentis doctrinæ thesauro minimè responderet: id enim ipse vegeta rerum omnium, & in sene quidem admirabili recordatione, tam probè quàm superbè præstare erat solitus. Sed vel serò ita explosi styli vitium agnouit, vt se totum ad Ciceronem reciperet, & multa in eo elucidando commentaretur; eum postremò quũ Bononiæ, Mediolani, & Lucæ per quinquaginta annos docuisset, Paulus Pontifex tanquam veterem suũ familiarem, in vr̃bem acciuit: publicoq; in munere defunctus est octogenarius, summa temperaturæ firmitate aduersus morbos inuictus. Cõtigit ei subitæ ac inexpectatæ mortis lenissimum genus, quo diuinus Plato felix fuisse iudicatur: pransus enim hilariter, & remota mensæ mappa subinde lectitans Galeni librũ, in quo de signis propinquæ mortis agitur, deprehendit fatales in vnguibus maculas, & dixit: Ergo sæua Parca instans, vitæ meæ filum commordet: nec multò post nullo acri clementis vtique mortis impetu concussus, in complexu Probi Priuernatis poëtæ leniter expirauit. Tumulatus est in templo diui Eustachij, his carminibus honestatus.

LEO-



LEONARDI MARSI.

*Ingenio tentasse Pius sese omnia cernens,**Nunc repeto, dixit, Sidera: Terra vale.*

ANTONII VACCÆ.

*Felsina quem genuit, studiis consumptus, & ann**Ille poëta Pius bibliotheca loquens,**Hic situs est, qui cum priscæ omnis gratia lingua**Et Plauti veteres interiëre sales.*

LATOMI.

*Qui nunc verborum botulos, & rancida ferta**Mensæ inferis, structor non adeo bonus es.**Ignorasse tui sæcli Baptista palatum**Argueris, doctæ lautitiasq; gulæ.**Qui velit has Oscas tecum deglutiat escas:**Dulcibus assuetos mellea liba inuant.*

FRANCISCVS ARSILLVS.

XCIII.

**F**RANCISCVS ARSILLVS E  
 Senogallia per triginta annos alternatè  
 ingenij libidine, Æsculapio filio patriq;  
 Apollini sacra fecit; quum medicinam, vti popu-  
 laris & pedestris ordinis medicus, ad alimenta  
 vitæ passim exerceret, & quotidiana ferè carmi-  
 nū fœtura lætaretur. Natura enim frugi, & aureæ  
 libertatis custos, Vaticanam aulam, & potentiū  
 limina, cōtumaci quadam superbia deuitabat.  
 Scripsit appposito carmine ad præscriptū, prolo-  
 quia Hippocratis, & lepidum item libellum de  
 poëtis vrbanis, mihi tanquàm veteri sodali dedi-  
 catum, quum Leone ingenijs liberaliter arriden-  
 te, multi vndique poëtæ illustres, nequaquam

P 2 ad ina-



ad inanes spes in urbem confluxissent, & pulcherrimo quodā certamine à singulis in vna tantum statuæ materia scriberetur, qua carminum farragine Coricius homo Treuir, humani iuris libellis præpositus, vti perhumanus poëtarū ho spes, ac admirator inclaruit; ea scilicet statua insigni marmore, Aureliano in tēplo dedicata, inuitatisq; Vatibus, vt tria numina Christi Dei, & Matris, ac Auia vno in signo celebrarēt. Sed Arfillus qui sese artis præsidio aduersus morborū contumeliam præmunens vitam satis extenderrat, intercute morbo oppressus, septuagesimum ætatis annum superare non potuit.

## IANI VITALIS.

*Carminibus nostros celebraſti Arſille poëtas,  
Qualia dictarunt Phœbus & Aonides:  
Nos memores grati officii tibi ſerta dicamus,  
Myrthea Pyrmillæ munera grata tuæ:  
Optamusq; tibi ſedes, vbi ſancta piorum  
Elyſios inter dicitur eſſe cohors.*

## HONORATI FASITELII.

*Ergo videmus lumine hoc ſpirabili  
Caſſum iacere te quoque,  
Vt plebe quiuis vnus è vili iacet,  
Arſille, magno Apollini,  
Nouemq; Muſis care: ſiue poculis  
Præſentibus morbi graues  
Eſſent leuandi. ſiue dolci carmine  
Dicenda mater aurea  
Cupidinum, luſusq; furtorum leues.  
O vota noſtra inania:*

*Quid*



DOCTORVM VIRORVM. 292

*Quid dura fati non potest necessitas?*

*Ida lyram mihi puer;*

*Manuq; funde proniore Cæcubum:*

*Nunc sunt Lyæi munera,*

*Nunc plectra cordi; nunc iuuat lectissimo*

*Cinxisse flore tempora:*

*Sicci tenebris obfiti tristi in Styge*

*Fortasse cras filebimus.*

L A T O M I.

*Siccime plæbeios inter Francisce iacebis,*

*Tanquam haud sis alio dignior vmbra loco?*

*Immo iaces alio: nec enim pateretur Apollo:*

*Cuius te viuum constat obisse vicem.*

*Vnde vel Alcinoi te cultos credimus hortos*

*Incolere, Hesperidum flauicomiumue nemus.*

*Vel certe Aonio memoras in vertice fastum,*

*Nunc etiam Domina, nequitiâq; tuâ.*

*Quæ quia delectat gracileis audire Camænas,*

*Te socium Aſcræi constituere chori.*

M A R I V S M O L S A.

X C I I I I.

**M** A R I V S M O L S A M V T I N E N  
fis, eximium atque habile ad poëticam  
ingenium à natura consecutus, Latinis  
elegis, & Ethruscis rhythmis pari gratia luden-  
do Musas exercuit: tanta quidem omnium com-  
mendatione, ut per triginta annos, qui Romæ  
Mecænatibus nomē tulere, insigni liberalitate, stu-  
dioq; adiutum adipiscendis honoribus efferre  
contenderint: prægrauante semper eius genio,  
quum rediuiuis toties amoribus occupatus, par



ingenio studium subtraheret, neque habitu, vel incessu, ullòue nobili commercio carminum famam tueretur; fœdè prodigus, honestique nefcius pudoris, neglectum rerum omnium ad innoxia libertatis nomen reuocabat vsque adeo supinè, vt summae laudis, & clarioris fortunæ certissimam spem facilè corruperit. His moribus, quum Venerem, quàm Mineruam impensius coleret, ab illa meritum pudendo contactu miserabilis morbi, quo periret venenum hausit. Ab hac verò sempiternam ingenij laudem retulit, non à iucundo tatum carmine, quo lasciuifse videtur, sed pedestri etiam, grauique facundia, qua Laurentium Medicem, nefaria libidine antiquis statuis noctu illustria capita detrahentem, apud Romanos ab ea iniuria dolore percitos accusauit. Ea enim perscripta oratione, Laurentium vsque adeo pudore, & metu perennis probri consternatum ferunt, vt atroci animo, quò inuistam ignominia notam nouitate facinoris obscuraret, interficiendi Principis, amiciq; singularis immane consilium suscepit; scilicet vt Dijs inuitis patriæ libertas pararetur, vel si cuncta humanæ & fraternæ simul amicitia, hospitalisque cubiculi sanctissima iura tollerentur, nec Regum omniū salutis interesset, quum eo vno exemplo, omnis vel in arcano vitæ securitas expiraret, dum ille altè stertenti, tanquàm tyranno parum nobili, si non scelestam manu, vitam eriperet.

TRY-



DOCTORVM VIRORVM. 235

TRYPHONIS.

*Qui lepidō veteres æquauit carmine Molsa,*

*Hic iacet, ætatis maximus huius honos.*

FRANCHINI COSSENTINI.

*Molsa iaces, tua fama viget, tua scripta leguntur,*

*Felix qui potuit viuere post obitum.*

MARCI ANTONII FLAMINII.

*Postera dum numeros dulces mirabitur ætas,*

*Sive Tibulle tuos, siue Petrarca tuos,*

*Tu quoq; Molsa pari semper celebrabere fama,*

*Vel potius titulo duplici maior eris;*

*Quicquid enim laudis dedit inclita Musa duobus*

*Vatibus, hoc uni donat habere tibi.*

LATOMI.

*Molsa tuos quicumque legit cordatior igneis,*

*Nec locuples, inquit, nec probus iste fuit.*

ALBERTVS PIGHIVS.

XCV.

**M**AGNA HERCLE NATV-  
ræ illudentis inuerecundia, excellentem  
doctrinā cū illustri eloquētia cōiunctā,  
si Christiani scriptoris decus spectetur, multa in-  
faceti oris truculentia opertam, in Alberto Pi-  
ghio conspeximus. Is Campo Batauorum vico  
editus, secutusq; Adriani Pontificis fortunam,  
quæ ex disciplinis peregrè didicerat, Latini ser-  
monis elegātia feliciter exornauit; ita vt subtilis-  
simarū scientiarū placita, & si quid durū, atque  
difficile ex sacris literis nouitate rerū ac nomi-  
num scribentibus offertur, prudēter ac molliter  
explicaret. Sed in differendo vultus Scythico

P 4 more



more contusus & enormis, & aspero gutture  
 vox educta, & grauiter resonatis nasi tumultus,  
 totam ferè sapientiæ gloriam deformabant. Ad  
 mirabili quoque cum ingenij, tum manuum ar-  
 gutia excelluit, vt potè qui ærea instrumenta de-  
 prehendendis siderum cursibus, exactissimè fa-  
 bricaret. Verum in libro de Hierarchia quo ve-  
 luti acutissimo gladio Lutheri causam iugula-  
 uit, ferè nemini concessam pietatis & doctrinæ  
 laudè adeptus est. Quum id volumen commen-  
 taretur, vt direptam ab impijs sacrosanctæ pote-  
 statis hæreditatem Romano Pontifici assereret,  
 eū è summo vitæ periculo certissimū Dei maxi-  
 mi numen eripuit. Bononiæ enim in celeberrima  
 pompa, quum transeunte coronato Cæsare  
 Carolo Quinto, pars lignei pontis iuxta Cæsare  
 turbæ pondere corruisset, Albertus tignorum,  
 atque hominū ruina ita oppressus est, vt probi-  
 tatis, ac instituti operis merito seruaretur. Obijt  
 nondum senex in patrio solo, sacerdotijs à Cle-  
 mente, & Paulo liberaliter honestatus.

## MYRTEI.

*Qui extrema Bathauū profectus ora*

*Non bello ore, animo sed omniumq;*

*Præclarus studio scientiarum*

*Pro Republica, & optima Quiritum*

*Sede, acer stetit hostis in Lutherum*

*Albertus iacet hic. Sacrum sepulcro*

*Datus maxime Pontifex, & vndam.*

## LATOMI.

*Ne turba tumultum, Viator, istum:*

*Sed asta reuerenter, & saluta*

*Sacra-*



DOCTORVM VIRORVM. 233

*Sacratum cinerem viri sacrati.*

*Ille est Pighius hoc loco sepultus,*

*Aureis qui Bathauas ita expoliuit,*

*Ut dicas sapere Atticos lepores.*

*Quare tam benè dormiat, precare,*

*Quàm doctè, nitideq; & eleganter*

*Defendit Latiae decus tiaræ,*

*Et morem statuit pium sacrorum:*

*Vtro ut nomine debeant Latini*

*Plus illi, addubitent: utroque certè*

*Ingens promeritum viri fatentur.*

BENEDICTVS IOVIVS

NOVOCOMENSIS.

XCVI.

**Q**VO IVSTO NOMINE TE  
appellè Benedicte Ioui? qua satis digna  
cum laude te prosequar vix scio, amore siqui-  
dem naturaque germanus frater, summo charita-  
tis officio pater optimus, moderatus educator,  
& diligēs in literis magister extitisti, ut erga me  
orbatu patre nec adhuc pubescentē, omne mu-  
nus perfectæ virtutis adimpleres. Sed hæc alijs  
fratribus fortasse plenius præstiterunt; tu certè,  
quod ad spem immortalitatis pertinet, quum  
patriam historiam, atque item res gestas & mo-  
res Heluetiorum eleganter perscriberes, ingeni-  
um meum, veri gloriosi que itineris monstrator,  
amulatione domestica succedisti. Scilicet ut no-  
strorū temporū historiā, cogniti orbis res gestas  
complectentē, exordiri atque perficere posse, te  
demum admirante, feliciter auderemus. Verum

P 5

hæc



hæc vna erit tua peculiaris Christianæ modestiæ laus, quod frugi contentus vita, ex nobili coniugio Iouiâ familiam vetustate quâ fortunis clariore, præclara sobole amplificasti. Supra id etiam felix, quod ambitiosè patria nunquàm pedem extuleris, nisi ut Mediolani Demetrium Græcè profitentem pronunciationis causa audires; quæ eam linguam nullo præeunte magistro didiceras. Indeque perpetua vitæ innocentia ac animi tranquillitate æquatus summis Philosophis, ad tertium & septuagesimum ætatis annum perueniris, nihil morbis corpore affecto, vegetaq; semper illa incredibili rerum & nominum memoria, & integro intentoq; ardētis ingenij vigore, quod dudum centum epistolas grauissimæ eruditionis posteris dedicasti. Sed hæc & Græcæ translationis non ignobilia opera, cum lepidis poematibus, eruditorum liberorum diligentia publicabit. Ego vero te, quanquàm ex merita pietate haud dubiè coelesti felicitate beatum, frustra singulis horis cum fletu requiram, & eo quidem grauius atq; molestius, quo instantis senectutis sperata solatia fato tuo mihi erepta, satis dolore non possim, nisi tibi malorum finem, & perennis boni vel serò partam possessionem, impiè aut impudenter inuideam. Elatus est nobilium iuuenum humeris, tumulatusq; in templo maximo, qui honos nemini adhuc, nisi sacrato viro, Comi contigit.

IOANNIS BAPTISTAE

POSSEVINI.

*Claudere Musæum iam Paulus cœperat, atque  
Extremam chartis imposuisse manum;*

Cum



*Cum subito exclamat Benedictus, muneris huius*

*Siccine me expertem frater abire sinis?*

*Non datur hoc, Iouius, viuenti, dixit, at ille*

*Perpetuum sperans viuere, lætus obit.*

ANTONII SERONIS.

*Quod sis ultima pars Ioui libelli,*

*Id fratris pietate, & arte factum est,*

*Ne vel carior aptior ue imago*

*Olim quàm tua iactet vlla sese*

*Signasse hunc lepidissimum libellum.*

LATOMI.

*Quum tibi deferret fratris sententia primum,*

*Ætatis medium posceret ordo locum:*

*Maluit extremum Phœbus consultus haberes:*

*Nec tibi non certa lege supremus erit,*

*Dixit: honoratum quod frater dūctitat agmen*

*Claudere quis melius debuit, aut potuit?*

**D**ESIDERANTVR AVTEM A nobis multorum imagines, qui præclara, quum iam pridem obierint, scriptorum testificatione, ingeniorum suorum effigies famæ consecrarunt. Frustra enim eas, vel diligentissima vestigatione perquisiuiimus; sic tamen, vt minimè desperemus viros elegantes huic honesto voto humaniter suffragaturos. Alij enim aut statuas, aut picturas publicis aut priuatis in locis ostendent, aut turpiter apud propinquos neglectas, aut occultatas indicabunt. Quid enim in toto nobilis officij genere honestius esse poterit, quàm in Musæum, quo publicus virtutis honos ad exemplum & voluptatem continetur, exoptatas imagines liberali pietate contulisse?

MA-



**Q**VI HEROICO SPIRITU  
 Maronem feliciter æmulatus, quū Ænei  
 de addito libro suppleuisset, omnes ferè  
 à mille annis illustres poëtas, nec excepto quidè  
 Petrarca laureato, præclara cum laude superauit.  
 Sed grauioris quæque doctrinæ, & summæ pru-  
 dentia opinione, Martini Pontificis amicitiam  
 consecutus, in conferendis sacerdotijs supplici-  
 um libellorum officio præfuit; ita, vt mox Euge-  
 nio, & Nicolao carissimus fuerit. Extat & eius  
 iucundus nobilisq; Dialogus de præstantia di-  
 sceptantium, Terræ, Solis & Auri, & ne quid ad  
 cumulatum eruditionem vero Christiano dees-  
 set, quædam etiam in sacris literis syncera inter-  
 pretationis glossemata reliquit, aureumq; præ-  
 fertim libellum de rebus antiquis memorabili-  
 bus Basilicæ Sancti Petri, in quo donaria, sepul-  
 craque Pontificum referuntur.

## IACOBI GVIDII.

*Felix, dum studet addito libello  
 Æneam Vegius referre ad astra,  
 Illustres alios it ante vates  
 Asserta sibi gloria Maronis.*

## LATOMI.

*Quam laudem Vegius petebat, aufert,  
 Ut summo similis foret Maroni.  
 Tabellæ Veneris manum supremam  
 Tantò haud indecorem ferens Apelli.*



**Q**VI ARETII NATVS INGE-  
nium omnibus ferè disciplinis excul-  
tum Romam attulit, meruitque inde, vt  
ab optimo Pontifice Nicolao intra cubiculum  
curarum, & consiliorum particeps, & sacrorum  
studiorum adminiculator ascisceretur. Suauita-  
te enim sermonis, hilariq; modestia æquales an-  
tecessit, inter quos pudenda similtas in sanis al-  
tercationibus excitata, omnem literatæ dignita-  
tis existimationem fœdissimè conuellebat. Sed  
Tortelius exacti grammatici laude contentus  
fuit, edito nobili, æternoque volumine de pote-  
state literarum, quo maximū renascenti eloquē-  
tiæ lumen adfulsisse videmus. Diui quoq; Atha-  
nasij vitam Eugenio expetenti Latinam fecit.  
Sed quid maius Tortelio in toto genere laudū  
tribui non ineptè potest, quando eum Valla di-  
sertissimus omnium grammaticus, tanquā  
summum censorem sibi delegerit?

## L A T O M I.

*Nomen Grammatici petens, tuorum*

*Votorum poteras tulisse summam*

*Videri: nisi pleniore Valla*

*(Certè candidus, & benignus in te)*

*Integræ titulo eruditionis*

*Ornatum voluisset: experire*

*Dum te iudice se obtulit paratum*

*De facto vitio Latinitati:*

*Vnus quo reliquos agebat omneis,*

*Cui te præ omnibus eximebat vnum.*

BAR-



**H**VNC SPEDIA INTIMVM  
Lunenſi in portu Liguria oppidū pro-  
tulit, vtriuſq; linguæ peritia inſignem,  
ſed certè clariorem, ſi Genuenſium victorias de  
Veneto hoſte naualibus prælijs partas, incorru-  
pto iudicio perſcripſiſſet; nam Valla, quanquàm  
ſuſpectus hoſtis, & irriſor, nihil eū æqua pruden-  
tia, nihil ex lege cōſcribendæ hiſtoriæ, dum illa  
conderet, perpēdiſſe teſtatur. Sed Alſonſus Rex  
veræ gloriæ cupidus, eum ideo liberali ſtipēdio  
conduxerat, vt res ſuæ bello geſtæ, quæ erant ab-  
ſoluto ſcriptore digniſſimæ, poſteriorū memo-  
riæ mandarentur. Eo nomine quanquā in diuer-  
ſa materia Vallæ æmulus factus, obtreſtatione  
laudis peracrem virū ita pupugit, vt talionis im-  
mortali vulnere facile ſuſcepto, clarior euāſerit;  
alioqui ſecundā famam meritis, quum Arrianū  
de rebus ab Alexandro Magno geſtis, è Græco  
Latinè loquentem edidiſſet. Subſecutus eſt pro-  
perè hoſtem Vallā pari, ac importuna fatorum  
iniuria elegantioribus ſtudijs ereptum, ita vt  
non infacetè hoc carmen epitaphio ſubſcriben-  
dum ederetur.

*Ne vel in Elyſiis ſine vindice Valla ſuſurret,  
Faciſ haud multos poſt obit ipſe dies.*

L A T O M I.

*Qui Vallam nequirit viuum ſuperare, petendum  
Duxit ad Infernas iſſet vt vmbra domos.  
Copiolas noſtras, ait, vt qui læſerit omneis,  
Coniungam doctis manibus. & moritur.*

G V A-



C.

**A**B HOC INSIGNI VIRO,  
Græcæ, Latineq; literæ obscuris illis tē-  
poribus, antiqui sæculi normam, qua-  
dratæq; structuræ ordinē, & diu quæsitum de-  
cus receperunt. huius quoq; immortalis benefi-  
cio, Strabonem fermè totum legimus, atq; item  
aliquot Plutarchi vitas in Latinum accuratè cō-  
uersas. hæc parta laus manauit ad filium, qui tali  
hæreditate peculiariter honestatus, æmulatione  
patris, quā iisdem studijs operā dedisset, rē utiq;  
& familiæ nominis dignitatē diligēter adauxit.

VESPASIANI STROZAE.

*Hunc tibi consensu tumulum Ferraria magno*

*Pro meritis posuit clare Guarine tuis.*

*Tu pater eloqui, geminæ tu gloria linguae,*

*Precipuus inuenum tu moderator eras.*

*Te duce nostra vigens studiis florentibus ætas,*

*Pierio priscis certat honore viris.*

*Nec Verona minus tali se iactat alumno,*

*Quam celebres veteri nomine tollit auos.*

*Primus & extremus te nouerat orbis, & ultra*

*Humanum virtus se tulit ista gradum.*

*At nos hic senio resolutos condimus artus.*

*Candida fidereas incolit umbra domos.*

EIVSDEM.

*Hic veneranda tegit magni lapis ossa Guarini,*

*Vtraq; lingua suo mæreat orba patre,*

*Hoc Verona decus terris dedit, abstulit ætas*

*Longior, ad Superos mens pia fecit iter.*

LA-



*Famam qui celebrem, nomenq; reliquit honestum,  
 Guarinus, vixi, dicere iure potest.  
 Qui latuit viuens, vel habet per crimina nomen,  
 Ille nihil moriens perdidit: ast abiit.*

PETRI PAULI VERGERII.

CI.

**I**S IUSTINO POLI IN HISTORIA natus, Chrysoloræque discipulus, Græcas literas ex purissimo fonte haustas illustribus discipulis humanissime refudit, ut inductis passim eius linguæ riuulis, Italiam planè sitientem irrigaret. Latine autem scribendi, singularis, eo sæculo facultas enituit, uti apparet ex eo libello, qui de educandis liberis ad exactam disciplinam, peramoenè atque prudenter scriptus, me puero in scholis legebatur.

LATOMI.

*Hic sunt Vergerii sepulta docti,  
 Non fama, & pietas, nec eruditi  
 Fœtus ingenii: sed ossa tantum,  
 Et quicquid tumulo solet recondi,  
 Terrenum, breue, lubricum, caducum.  
 Viuunt illa, manentq; & usq; & usq;  
 Et vel Elysiis recepta campis,  
 Viri manibus, ut piæ ministræ,  
 Adsunt, & meritum astruunt honorem:  
 Vel per ora hominum volant, cauentq;  
 Ne mortis rabidum tulisse dentem,  
 Vel totus tumulo perisse, seclis  
 Vllis Vergerius queat videri.*



**P**RAECLARO HVIVS EXEM-  
plo liquidissimè constar, non esse vsque  
adeo dura atq; aspera Ligurum ingenia,  
quum à quibusdam damnatae eius terrae glabris  
cautibus assimilentur, vt non facilè Musarum  
cultura molliantur. Scripsit enim Alfonsi Regis  
res bello gestas, omnium scriptorū collatione,  
qui nuper antecesserint longè grauissimè, si eius  
saeculi nondum perpolitam eloquentiam cū ea  
cōferamus, quae demum inducta subtiliore anti-  
quorum imitatione candidiore euaserit.

## LATOMI.

*Afferis Alphonso meritos virtute triumphos,  
Opes, duces, & oppida.*

*Afferit Alphonsus studii tibi praemia, nomen  
Interq; doctos nobile.*

*Adde quod alterius quae est vita, est mutua: neuter  
Cadente stabit altero.*

*Hoc reor esse, quod olim non insulsa vetustas  
Iunxit Camoenas Gratiis.*

## GEORGII VALLAE PLA-

## CENTINI. CIII.

**Q**VI DISCIPLINAS, LITE-  
rasque omnes, vno ingenti volumine  
cōplexus, multa potius didicisse, quàm  
in eo celeri transcurso perdiscenda posteris reli-  
quisse videtur. quando quidem coaceruantis o-  
mnia, indefesseque scribentis, requisitus ille Ro-  
mana elocutiōis spiritus omnino defuerit, quo

**Q** VNO



vno voluminum vita præclare alitur, longissi-  
meque producitur.

## LATOMI.

*Et tibi, Valla, tui stat opinio magna laboris,  
Futura semper posteris honestior.  
Quid tum? si pulchri curam, speciemque negante  
Tum sæculo, deesse Momus dixerit?  
Et viuunt multi, facie vel tubere turpes,  
Tamen Sibyllæ quos statim haud censent libri  
In mare portandos. tibi stat tua fama, Georgi,  
Vtcunque forsan altero pede claudicet.*

## IOANNIS SIMONETAE.

## CIIII.

**H**IC FRANCISCI SFORTIAE  
res gestas, elocutione, texturaque ope-  
ris. C. Cæsarem alludendo imitatus, La-  
tinè perscriptis demum liber, vt diffusius, in ca-  
strisque præsertim à militibus legeretur à Landi-  
no in Ethruscum sermonem conuersus est. Erat  
Ioanni germanus frater Cichus ille in Brutijs  
natus, qui Galeacio à coniuratis interfecto, quum  
pupilli incorrupta fide tutelam suscepisset, nefa-  
ria ambitione Ludouici patruui captus, damna-  
tusque, fatalis constantiæ suæ abscissis ceruici-  
bus pœnam subiit, mitiore aliquantò fortuna  
erga Ioannem, quum in eadem quæstionis acer-  
bitate diu tortus euaserit, valido scilicet apud ty-  
rannum pudore, ne videretur ingrati sublatum,  
qui patrem summæ virtutis principem, ne vn-  
quam interiret, beneficio literarum immorta-  
lem effecisset.

LA-



*Quid, Simoneta? negas relatam gratiam,  
Qui de tyranni non ita es meritis patre?  
At dira fratrem quæstio iam absorbuit.  
Et tu perieras: sed datum hoc est gratiæ,  
Tormenta quod post multa non occideris:  
Nam ut innocentem te probes, nil egeris.  
Immo, inquis, est relata: sed tyrannica.*

BERNARDI IVSTINIANI  
VENETI. CV.

**H**IC A PRIMA PATRIAE  
nascentis origine historiam scribere or-  
sus, quod susceperat graue munus ele-  
gantissimè perfecit; ita, ut eum nobili gloria di-  
gnum existimemus, quum patritius, eruditoq;  
patre genitus, quod patriæ debebat egregiè, cu-  
mulateque persoluerit.

LATOMI.

*Quærere debueras aliquem toto orbe Latino,  
O Imperatrix Hadriae,  
Qui quæ gessisti præclara domiq; forisq;  
Inde vsq; ab incunabulis,  
Ore, animoq; pari, nullo corruptus amore,  
Ad posteros transmitteret  
Quæsisisti multis, quadam præmortua, seclis,  
Iam parte: nec repertus est.  
Ergone desperas? poteras: sed respice, cuius  
Qui præstet hic Bernardus est.  
Quare age, grata suo quantum Verona Catullo,  
Persolue: ni plus debeas.*

Q 2

CHRI-



**I**S INTER DIVAE BALBINAE  
flamines, in Auentini montis cœnobio Pri-  
or appellatus, Procopium Latinè loquen-  
tem fecit, non dubia in Leonardum Aretinum  
conflata inuidia, qui suppresso Græci authoris  
nomine, Gothicam historiam, tanquàm è varijs  
scriptoribus decerptam, pro sua Iuliano Cæsa-  
rino Cardinali, qui ad Varnam ab Amurathe cœ-  
sus periijt, nullo pudore nuncuparat.

LATOMI.

*Forsan erit, Gothicos qui te celebrare triumphos*

*Non ferat: et dignum te, patriaq; neget.*

*Immo nemo suos non inculcare labores*

*Gaudet, sublatis quæ tulit antè malis.*

*Eximium præstas patriæ officiumq; fidemq;*

*Prociderit: firmo est nunc iterum illa gradu.*

GREGORII TIPHERNATIS.

CVII.

**H**VIVS DOCTISSIMI VIRI  
munere reliquam Strabonis partem,  
quàm Guarinus non attigerat, in Lati-  
num splendidè traductam legimus. Fama quo-  
que fertur Herodiani historias eius ingenio, la-  
boreq; fuisse trāslatas, quasi eas morienti subtra-  
xerit Politianus, vir in literario negotio sæpè cō-  
uictus furti; sed vix credibile videtur, vt vir in  
omni dicendi facultate opulentissimus, idē atq;  
prōptissimus, ex alieni ingenij labore famā pro-  
bro, & calumnia redūdantem quæsisse voluerit.

PON-



PONTANI.

*Gregorio sit terra leuis, ver aſſit & urna:**Terra ferat flores, urna liquore fluat.**Plaudat & huic Latium tumulo, plaudatq; Iuuentus*  
*Itala, Gregorio & Umbria plaude tuo.*

LATOMI.

*Gregorius toti quo ſeſe proderet orbi,**Pergit Strabonem vertere.**Cum quo nunc peragrat Latiali in veſte togato,**Quàm latus ipſus orbis eſt.**Ingens quod merito pro paruo munus, Apollo**Tamen libenter contulit:**Vel quòd eum ſciret longè grauioribus aptum,**Vel quòd fidem cognosceret.*

RAPHAELIS VOLATERRANI.

CVIII.

**F**VIT HIC VIR INFINITAE  
propè lectionis, quippe qui diſciplinās  
omnes in aceruū coniecerit, vtili potius  
in aliena deſidia, q̄ ad explicatā doctrinā decus  
bili opere; nō multò enim cum ſale, & ſine or-  
namēto Latinæ orationis, cūcta aſtriſto ordine  
ita digeſſit, vt alibi querenda legentibus indica-  
re videatur: ea verò quæ, de principibus ætatis  
ſuæ ſcripſit, tanquām timido ore carptim enarra-  
ta, rerum ſuperiorū haud dubiè fidem eleuant;  
oſtenduntq; ea omnino certa veritatis luce ca-  
rere, quæ inter adulationē & metū nec præſentis  
nec futuræ ſpe laudis intēpeſtiuè publicantur.  
Sed multū herclè debemus ingenuo, gratuitoq;  
labori, quo hic integritate vitæ vir optimus, de-

Q 3

lica-



licatis rerum noscendarum compendia demon-  
stravit, & Procopium de Persico, atque Van-  
dalico bello, syncerè potius quàm splèdidè con-  
uertit.

## LATOMI.

*Ito, inquam, ito, nec obstrepas, Viator,  
Qui vertigine tam graui laboro,  
Quod nullam capio hætenus quietem,  
Lustra hîc quum iaceam nouena, & ultra.  
Sic me excarnificat sua imbibenda  
Phrasi Tullius. absque qua tueri  
Vitam posse meos negant labores.  
Sed qui nuper adest Erasmus isthinc,  
Dicit non opus, & monet quiescam,  
Illas proinde molestias molestas  
Longum omneis iubeo valere. sed tu  
Nunc ô somne veni, veni, veterne.  
Venit: tu ito, nec obstrepas, Viator.*

ANTONII GA-

LATHEI.

CIX.

**H**IC E' SALENTINO EX-  
tremo Italiæ angulo perillustis medi-  
cus atque philosophus, studia quæ se-  
ctabatur optimis literis expoliuit, extendit-  
que ingenium vsque ad poëticam laudem, ob  
id à Pontano Hermolaoque grauissimè ce-  
lebra-



DOCTORVM VIRORVM. 247  
lebratus. Eius extant, præter Ethrusæ car-  
mina & physicæ quæstionis subtiles libellos,  
Iapygia chorographice descripta; quæ meo iu-  
dicio cum antiquis comparanda videtur: Sed  
tum cum lepore doctus & urbanus apparuit,  
quum in curatione podagræ leniendo dolori,  
eius insanabilis morbi encomium festiuissimè  
cecinisset.

LATOMI.

*Quam laudas, Podagramq; vocas, Galathee, puellam  
Quamuis prostituas, interea ipse premis.  
Auelli sed posse, negas. ergo potes idem.  
Publicus & mango, mæchus & esse domi.*

LVDOVICI COELII  
RHODIGINI.

C X.

**H**VIVS MVLTÀ VOLVMI-  
na lectionum antiquarum, quum in-  
gentes vigiliarum opes ostentent, ple-  
rique admirantur: sed ea farrago, tanquàm ex  
vetere horreo laboriosè affectateque prolata,  
delicatis lectoribus quoddam subrancidum o-  
lere videtur. nullus enim compositi ac illu-  
stris styli neruus, tanta in compage conspicitur.  
Sed cum tamen Patauij & Mediolani cum lau-  
de, vel ob id quod egregiam totius habitus di-  
gnitatem attulisset, è suggestu docentem audi-  
uimus.

Q 4 COE-



## COELII CALCAGNINI.

*Ludonicus ille Cœlius, domi et foris  
Græcè, Latineq; omnium doctissimus,  
Vivet perennis, quodq; paucis contigit,  
Vixit: suæq; æternitati interfuit.*

## CAESARIS SCALIGERI.

*Descripsit Varro, coram quæ sæpe videbat:  
Aut facile è patriis prompserat hausta libris:  
Varronem extinctum magni sit reddere: maius  
Illum maiorem condere: vtrunq; dedi.*

## LATOMI.

*Cœlius ingentem rerum conuectat aceruum,  
Et tantum plenos curat habere lacus.  
Vel sine delectu dedit horrea ditia multum:  
Quem tu si facias, lauta palato etiam.  
Abfuit usque adeò nihil, hoc in Cœlio haberent  
Tempora Varronem quo minus ista suum.*

IACOBI FABRI STAPV-  
LENSIS. CXI.

**A**B HOC HOMVNCVLO GE-  
nere, staturaque perhumili, sed ab ar-  
denti ingenio cum optimatibus haud  
dubiè conferendo, totius Gallia Iuuentus ad  
culturalū literarum studia alacriter excitata est. Fa-  
ber enim ingeniorū appellari volebat; quum in  
omni ferè doctrinae genere ad docendum aptis-  
simus haberetur. Defuit in eo, dum scriberet,  
illa Latini sermonis puritas, quæ diu, aut negle-  
cta apud externos, aut parum accuratè quærita,  
nō magnoperè feruida ingenia delectabat. Scri-  
psit commentarios in astronomicis, Iuuentuti  
peruti-



perutiles, & scholia in moralem philosophiam perdiscantibus opportuna; ætate autem confectus, quum sacras literas attigisset, à Lutheranæ heresis veneno non procul affuit, ita ut in ea suspicione senex parum feliciter moreretur.

CAESARIS SCALIGERI.

*Inuidiosa utriusq; sui sapientia mundi*

*Mortalis, Stapulæ quem genuere, Faber.*

*Lacta alios, qui egeant laudis mea Gallia vestra.*

*Namq; mea potius Gallia laudis eges.*

SIMONIS VALLAMBERTI.

*Hac quicumq; urna Fabrum putat esse sepultum,*

*Errat, cœlestem non tegit urna virum.*

LATOMI.

*Hic Stagyrææ recubat doctissimus artis,*

*Notus formandis ingeniisq; faber.*

*Gallia cui meritos, si est grata, refundet honores,*

*Et tumulto flores, thusq; merumq; dabit.*

*Hoc magis, extremo quod tempore præne catastam*

*Inuidiæ manibus fecerat ipse sibi.*

*Sed sic Socraticæ decuit decedere vitæ,*

*Scilicet inuidiæ non sine dente, senem.*

ANTONII TILESII COS-  
SENTINI.

CXII. M.V.V.D. 2  
**H**IC VARIA TENVIQUE  
materia, & minuto semper lemmate de-  
lectatus, non ignobilis poëtæ nomē tu-  
lit, quum in parvis singularis & planè conspi-  
cuus esse mallet, quàm in grandi caractere, ve-  
luti vnus de populo in turba tot vatum trita, &

Q 5 centies



centies repetita canentium, mediocris, & obscurus. Descripsit enim lepidè & diligenter nonnulla curta poëmata, inexpectati, ac ideo festiui semper argumenti, & in his Zonarium reticulum, quo sacerdotum serica crumena suspenditur: fictilemque lucernam, tantum sibi olei, dum Musas coleret exorbentem: & lucentem noctu volucrem cicindelam, puerorum lusibus opportunam. Reliquit & Tragœdiã, in qua Danaëm sub aurei imbris nomine, cum multo sententiarum verborumque splendore expressisse iudicatur: ac item breues libellos de coronis atque coloribus grammaticis, rei nouitate gratissimos. At Romæ in gymnasio Horatium comiter & tenerè professus, sacerdotium à Giberto promeruit, effugitque cladem urbis, ut in patria non planè senex interiret.

## LATOMI.

*Pauca millia versuum Thilesi*

*Te, nec fallimur, ædidiisse constat:*

*Vives millia multa sæculorum.*

*Et gratas neget esse quis Camœnas?*

## PETRI ALCYONII.

## CXIII.

**I**S QVVM DVARVM VRBIVM suppresso nomine se Hybridam fateretur, diuque in chalcographorum officinis, corrigendis erroribus menstrua mercede operam nauasset, multa obseruatione ad præcellentem scribendi facultatem peruenit. Sed hic partus honos non erat in conspectu, quum nulla ex parte inge-



te ingenuis, sed planè plebeis, & sordidis moribus fœdaretur. erat enim impudens gulæ mancipium; ita ut eodem sæpè die bis & ter, aliena tamen quadra cœnaret; nec in ea fœditate malus omnino medicus; quod domi demum in lectilimine per vomitum ipso crapulæ onere leuaretur. Quum aliqua ex Aristotele perperam insolenterque vertisset, in eum Sepulveda vir Hispanus, egregiè de literis meritis, edito volumine peracuta iacula contorsit, non herclè indigna tanti philosophi vulneribus, si vindictæ nomine merita pœna mulctaretur, tanto quidem eruditorum applausu, ut Alcyonius ignominia dolore miserè consternatus, Hispani hostis libros in tabernis, ut concremaret, graui precio coëmere cogeretur. Sed luculento opere de toleranda exilij fortuna; ita eruditionis ac eloquentiæ famam sustentabat; ut ex libro de gloria Ciceronis, quem nefaria malignitate aboleuerat, multorum iudicio confectū crederetur. In eo enim, tanquàm vario centone, præclara excellentis purpuræ fila, languentibus cæteris coloribus intertexta notabatur. Verum non multò post, confirmatæ suspicionis inuidiâ duabus splêdidissimis orationibus peregregiè mitigauit, quû in clade vrbis vehemētissimè inuectus in Cæsare, populi Romani iniurias, et Barbarorû immanitatē, summa perfecti oratoris eloquentia deplorasset.

LATOMI.

*Charybdis illa, & gurgēs Alcyonius.*

*Hic, viuere, immo bibere, postquam desit,*

*Exhalat altam exæstuando crapulam,*

*Vi*



*Vt quam bibens, viuens volo, haud concoxerat.  
 Bustum frequenteis obsidère vultures,  
 Miluos, & upupas, noctuasq; conspicis:  
 Innata queis est fœda vel voracitas,  
 Vel lucis odium, vel cupido sordium:  
 Fuere in illo cuncta quæ domestica.  
 Vt illa oletum olens anima spurcissima  
 Nunc iure talem sortiatur hospitem,  
 Phæbo scelestam vindicante iniuriam,  
 Qualem ipse sacris præbuit se literis.*

## PETRI MARTYRIS ANGLERIAE

CXIII.

**I**S EST, QUI APUD VERBANVM  
 Cisalpinæ Galliæ lacû natus, Oceaneas de-  
 cades rerû Indicarû conscripfit, quû in His-  
 pania ascitus in regiam Ferdinando Regi inge-  
 nij, ac industriæ suæ operam obtulisset. Nactus  
 enim materiam luculento scriptore dignissimâ,  
 id ingenuè, fideliterque præstitit, quod medio-  
 cris ingenij vires tulerunt, sic vt ingentis & per-  
 amœnæ occasionis argumentum, his præbuisse  
 videatur, quibus liberales Musæ, ad ornatè, co-  
 pioseque scribendû, facultates amplissimas con-  
 tulerunt. Extat etiam eius legatio ad Campso-  
 nem Gaurum Memphiticum Regem suscepta,  
 viriliter, integerrimeque descripta, quo vel breui  
 opere, sublata demum Sultanorum tyranni-  
 dis, & Mamaluchorum equitum quorum no-  
 mē nobis erat obscurius, memoria relinquitur.  
 Sed tum importunè decessit, quum Ferdinandi  
 Cortesij in altero ad occidentem orbe inuenio,  
 subactoque;



DOCTORVM VIRORVM. 253  
subactoque, inusitatae felicitatis victorias scriptu-  
rus esse videretur.

L A T O M I.

*Quid Petrum veteri hic in orbe quaeris?  
Iuit res Superis noui relatum.*

GABRIELIS ALTILII.

C X V.

**G**ABRIEL ALTILIUS IN LV-  
cania nat<sup>o</sup> iunioris Ferdinadi Regis pra-  
ceptor, usque adeo molliter, ac admiranda in elegis, & heroico carmine excelluit, sicuti ex epithalamio Isabellae Aragoniae perspicipote-  
rest, ut Pontani atque Actij testimonio, antiquis  
vatibus aequaretur. Is virtutis merito, Policastri  
(ea vrbs olim Buxentum fuit) antistes factus,  
a Musis per quas profecerat, celeriter, impuden-  
terque discessit, magno hercle ingrati animi pia-  
culo, nisi ad spem non iniustae veniae ob id cul-  
pa tegeretur, quod ad sacras literas nequaquam  
ordinis oblitus tempestiue confugisset. Mortu-  
us est in sacrata sacerdotij sede, sexaginta annis  
maior, tulitque Pontani pietate supremi officij  
nobile carmen, quod pro titulo urnae marmoreae  
incideretur.

P O N T A N I.

*Et tibi dant tumulos Musae, meritumque sepulcrum,*

*Et tibi dat titulos quae tibi culta Charis.*

*Altili o venerande iaces hic? hac iacet urna*

*Pontificale decus? pontificalis honos?*

*Ergo agite o nymphae Sebethides, ergo age virgo*

*Parthenope, ad tumulum spargite veris opes.*

*Spar-*



*Sparge tuos flores, florum fecunda Patulci:*

*Et tu sparge tuas Antiniana rosas.*

*Altilio requiem dic, ô Chari: dic age, Clio,*

*Luceat Altilio lux sine fine meo.*

*Quisquis adest, pia verba sonet, madeatq; sepulcrû*

*De lachrymis: madeat Pieri rore tuo.*

BASILII ZANCHII.

*Minciade in ripa veteris prope moenia Mantus*

*Errat, & in Thusco concinit umbra lacu:*

*Dum canit, argutos cantus imitatur oloris,*

*Dulcius extremum dum canit ante diem.*

*Scilicet Altilii post funera dulcis imago,*

*Nunc repetit patriæ limina cara suæ:*

*Nunc tumulû inuisit magni prope busta Maronis,*

*Sebethus placidis qua fluit amnis aquis.*

*Talis Persephone, talis Ledæa propago,*

*Alternis superas itq; reditq; vias.*

LATOMI.

*Audiit Altilius desertis transfuga Musis:*

*In quarum tabulis nobile nomen erat.*

*Sed quid peccauit: si demereatur, ut olim*

*Carminibus Phæbum, nunc pietate Deum.*

MARCELLI VIRGILII FLORENTINI.

CXVI.

**E**XIMIA HVIVS FVIT IN  
blâdo vultu, cultoq; sermone suauitas;  
& quum è suggestu Iuuentutem doce-  
ret, aut in corona loqueretur, doctrina multiplex  
ipsaq; varietate mirabilis. Ex eo autê officij mu-  
nere, quod antea Aretini, Pogijq; fuerat, ab epi-  
stolis Reipublicæ operam præstabat, & quum  
suppe-



DOCTORVM VIRORVM. 255

suppeteret otium tertio muneri vacare erat solitus. Susceperat enim Dioscoridem omnino traducendum, ex petentibus Medicis; petebat enim ex eo labore non obscuram laudem, quod in perdifficili herbario negotio ab ineunte ætate accuratissime desudasset. Sed edito opere statim in publicum exierunt, duæ omnino diuersæ interpretationes, altera Hermolai, quæ extincta putabatur; altera Ioannis Ruellij Galli à Latini styli mundicijs multò maximè laudata. Extat etiam nobilis oratio in concione habita, quum Laurentio Medici Iuniori militaris Imperij insignia traderentur.

L A T O M I.

*Et tibi Vergilium dederunt, Florentia, Diui,  
Quo nomen instar Mantuæ  
Nobile sustineas; illa aurea quatenus ætas  
Permittit isti ferreæ.*

I A N I P A R R H A S I I.

C X V I I.

**H** I C V I R H O N E S T A F A M I -  
lia Cosentia natus, quum è suggestu, summa facundia maiestate Latinas literas Mediolani profiteretur, cunctos nostri sæculi doctores, erudito rerum omnium quæ explicaret apparatu, ac vna præsertim rotundæ pronunciationis gloria superauit. Duxerat uxorem Demetrii Chalcodylis filiam, qua felici cognatione, & focer et gener, mutui suffragatores in scholis vtri usque linguæ imperium tenuerunt; tanta Parrhasij fama, ut Triuultius summæ dignitatis sexagenarius Imperator,



Imperator, inter iuvenes auditores conspicere-  
tur. Edidit commentarios in Claudianum, &  
Nasonis Ibin, recondita eruditione refertissi-  
mos. Nouissimè autem in manibus erat penè  
absolutum volumen de rebus abstrusis per epi-  
stolam quæsitis, Sed Mediolano excedere coa-  
ctus est, quum ludimagistri regionum sæpè ab  
eo repræhensi redarguti que, ac ob id inscitæ pu-  
dore decoquentes in eum conspirassent, ita ut  
lasciua fabula Insubrum auribus grauis excitare-  
tur, tanquàm auditores parum pudicè dilectos  
corrumperet. Verum ab ea futili calumnia, tan-  
quàm literarum nomine clarissimus, conducen-  
te Leone cum Basilio vxoris fratre in Vibem ve-  
nit; sed tanti suggestus honore diu perfrui non  
potuit, articulare morbo, membra omnia sæuis-  
simè deformante, vnde ei maturatus in patriam  
reditus cum vitæ exitu contigit.

## PIERII VALERIANI.

*Parrhasius quantum picture contulit olim,*

*Parrhasius noster contulit eloquio.*

*Ille fuit celebri deductus origine Phœbi:*

*Hic genus vnde trahat, scripta diserta monent.*

*Ille suos velat tenebris ex arte labores,*

*Hic aperit clausum quicquid erat in tenebris.*

## LATOMI.

*Ianum, respiceret quod tempus utrunq, Latinum*

*Prisca ætas gemina fronte fuisse refert.*

*At nunc Parrhasio, doctrinæ nomine, Iano*

*Cor geminum, & pectus nemo fuisse neget.*

GE-



**H**IC IN ITALIA, QVVM IV  
ris ciuilis studio operâ dedisset, eamq;  
facultatem sine forenfi agitatione parū  
nobilem, nec fructuosam esse fateretur, ad hu-  
maniores literas ingeniū traduxit, adeo feliciter,  
vt duabus orationibus in laudem Caroli Cæsa-  
ris publicatis, totius Academiæ iudicio, Longo  
lio plenior, atque torosior censeretur. Ob id ci-  
uitate Romana donatus est, egitque tenerum so-  
dalem apud Academicos, exuta quidē omni vo-  
cis, moris, atque habitus asperitate per aliquot  
annos, dum minuta Cæsaris negotia procura-  
ret, Leoni, Hadrianoque, & demum Clementi  
eloquentiæ nomine nō ingratus. Sed in tumul-  
tu captæ vrbis ab Hispanis, omnibus fortunis  
exutus, ne in tormētis expiraret, à Germanis ita  
seruatus est, vt non multò post grassante pesti-  
lencia, cum filio, concubinaque perierit.

## LATOMI.

*Ille hic Germanæ non vltima gloria terræ,  
Despecto in tumulo, at nobili in vrbe iacet.  
Hanc dedit externo raræ facundia linguæ,  
Illum gentili miles, & atra lues.  
Ipse tamen viuit, sed quomodo mortuus? inquis:  
Laudati æternis Cæsaris in titulis.*

R

COE-



**H**IC DIV IN PATRIA IV-  
uentutem docuit; honestissimo patre,  
sed incerta matre genitus ab Atestino  
Principe sacerdotio donatus est, quū sœcū dum,  
miteq; ingeniū, & elegantes mores ad literas at-  
tulisset. Pronior erat ad Elegos, quādoquidē in  
pedestri oratione ieiunus, & scaber, & sine dul-  
cedine numerorū affectatus haberetur. Dū enim  
multa legisse videri vellet, & plurima docere per-  
cuperet in Epistolicis quæstionibus, & titulo  
inepto; & toties vsurpata ab alijs materia nasu-  
tos offendit, & bilē mouet nobilibus ingenijs,  
quū in libros Ciceronis de officijs, inuerecun-  
dē prorsus inuehitur, qua in re à festinante fato  
beneficium tulisse iudicari potest, quod luculen-  
tam Ciceronis defensionem à Maioragio in pu-  
blicum prodeuntem, & viuum proculdubio iu-  
gulaturam morte effugerit.

LILII GYRALDI.

*Asta Viator, non est moræ dispendium,  
Mortalitatis hoc memor nuperrimè  
Sibi sepulcrum Cœlius construxerat,  
Quo doctiorem neminem Sol lampade  
Quacunq; spargit lumen Orbi viderat,  
Eheu, repente raptus hic est conditus,  
Cui sunt parem visura nulla sæcula,  
Hic gloriæ dum vixit inuidit suæ,  
Celans opes tantas auarus ingeni,  
Tot splendida eruditionis lumina,  
Quæ maximo Alcida iubente principe,  
Vulgata, densas different caligines,*

*Quæ*



*Quæ passim oberrant sensibus legentium.  
Iam abi Viator, & memento sedulo  
Præclara tantum facta fata vincere.*

## CYNTHII GYRALDI.

*Quisquis Castalidum colit vireta,  
Mente vel vigili petit serenas  
Domos cœlicolum, vicesq; rerum,  
Naturæ & penetrat vias latentes,  
Vel putat faciles Deos habere,  
Virtutis propriæ fauore fretus  
Te Cœli aspiciat, tuumq; fatum,  
Quo nil deterius dedere terris  
Crudeles nimium tibi Sorores.  
Tu qui pulueris (heu modum) Sibyllæ  
(Æquo lumine, heu fata si viderent)  
Explere, aut Pylæ dies senectæ,  
Debebas, Lachesi iubente dira  
Prò scelus, raperis gradu citato.  
Exemplo hoc igitur docemur omnes,  
Quam constant fragili loco, perenne  
Quæ nos credidimus manere in æuum.*

## LATOMI.

*Nempe, vulgò etiam, innubæ puellæ  
Zonam prouiciunt, moræq; mulcant  
Casu præcipiti Thalassionem.  
Et tu tam veteris tenax pudoris,  
Te pro virgine adhuc geris? tuumq;  
Times dicere Cœlium, Minerva?  
Sed, stulta, ut dubites: quis oris illam,  
Quis illam ingenii, quis artiumq;  
Illam tam ubere copiam fluore  
Ex te matre Dea neget profectam?*

R 2

Quare,



*Quare si sapis, asseras Mimerua:  
Ne cœlo genitum parente, nymphæ  
Terrestres sibi vindicent libenter.  
Non est, crede mihi, tibi pudendus.*

AVGVSTINI IVSTINIANI  
GENVENSIS. CXX.

**H**IC E' SECTA DIVI DOMI  
nici linguarum varietate delectatus, In-  
strumenti veteris, nouique textus He-  
braico, Græco, & Chaldæo sermone perscriptos  
curiosis repræsentauit; graui quidē sumptu, &  
tenui cum laude, quum impressa domi præalta  
volumina emptores rarissimos inuenirēt; sic vt  
temerē conceptam spem lucri inanes initæ rati-  
ones eluserint. Sed factus inde Nebiensis Anti-  
stes, scribendæ patriæ historiæ negotium susce-  
pit, adeo ineptis ad id ingenij viribus, vt præcipi-  
tæ editionis, malè audiendo, pœnas daret. Nec  
multò post, quum è Genua in Corficam incer-  
ta adhuc tēpestate trajicere vellet, in cursu flucti-  
bus obrutus, aut à Pœnis prædonibus interce-  
ptus creditur, quum nullū vsquā naufragij, aut  
piratarum prædæ, vestigium apparuerit.

L A T O M I.

*Iustinianus quò abierit, ne quærto,  
Id scire Olympi quando te Rex noluit:  
Sacro trilingui quem edito volumine,  
Ad alta cœli transtulit palatia,  
Exemplo humatum clanculūm Mosaico:  
Ne forte busto lachrymas si impenderes,  
Nequicquam ocellos, lachrymasq, perderes.*

RO-



**I**S SIGISMVND O MALATE-  
stæ Ariminensium Principi, militaris disci-  
plinæ præcepta, è Græcorum & Latinorum  
historijs collecta perscripsit: eo luculentiore, uti-  
lioreque volumine, quod explicatis veterû ma-  
chinarum artificijs, totius bellici apparatus in-  
strumenta secundum picturæ imagines legentiû  
oculis subiecerit.

## LATOMI.

*Quæis diruendis turribus,*

*Et edomandis urbibus,*

*Vsa est vetustas machinis:*

*Dum restitutis denuò*

*Se munit Valturius,*

*Morti, Charonti, & Æaco*

*Formidolosus factus est.*

MATTHAEI PALMERII FLO-  
RENTINI. CXXII.

**H**VIVS INGENIO, ET INDV-  
stria Eusebij libro de temporibus addi-  
ta est coronis. Scripsit etiam historiam  
Pisanam, atque item poëmata Latinis, ac Ethru-  
scis versibus, quodam etiam opere Danthis co-  
mœdiam æmulatus. Sed id nequaquam prospe-  
rè successit, quum de diuinis perperam, incau-  
teque locutus, libro ex theologorum sententia  
damnato, crematoque, in hæresis Arrianæ suspi-  
cionem inciderit.



*Tempora iam multis postquam fugientia sacris,  
Et velut in tabula gesta priora refers,  
Palmeri, insignem præclaro hoc munere palmam,  
Morte vel inuidia poenè crepante, meres.*

IACOBI ANGELI FLORENTINI.

C.XXIII.

**H**IC PTOLEMAEI COSMO-  
graphiam ex Græcis codicibus, & tabu-  
lis diligentissimè lineis ex picturæ dimen-  
sione expressam, Alexandro Quinto dedicauit;  
quo munere gentiū omnium historiæ ingētem  
requisitæ lucis splendorem accepisse videntur,  
quum narratio maximarum rerum ferè omnis  
tanquā lumine suo orbata, & manca sordescat,  
nisi positis sub aspectum regionum tabulis, ex  
vero situ locorum totius rei gestæ notitia, quod  
est miræ voluptatis, illustretur.

LATOMI.

*Et tibi stat meriti è tabulis laus, Angele, summi,  
Cum mundo æqualeis sanè habitura dies.  
Hinc te perpetuum comitem Ptolemæus habebit,  
Pes, oculusq, alter cuius, et orbis, eris.*

HECTORIS BOETHI.

CXXIIII.

**Q**UI A PRIMA ORIGINE SCO-  
torum Regum historiā Latinè diligen-  
ter perscripsit; passim veteris chorogra-  
phiæ memor, & moderatæ libertatis nusquam  
oblitus, ita vt magnoperè miremur extare de re-  
motis ab orbe nostro Hebridum, & Orcadum  
insulis



infulis, mille amplius annorū memoriā, cum in Italia altrice ingeniorum tot sæculis post eictos Gothos scriptores omnino defuerint, tanto quidē publicæ dignitatis detrimento, vt non dispudeat maioribus nostris indignari; nisi fatius fuerit amissæ libertatis obliuisci, quam cum infami quodam pudore, calamitatis, ac ignauix nostræ vulnera refricasse.

## L A T O M I.

*Quisquis ad tumultum obstupescis istum*

*Tædas perpetua micare luce,*

*Lucem perpetuis adesse tædis:*

*Et quis sic statuit, cupis doceri:*

*Fiat. Hic recubat Boëthus Hector:*

*Ille, qui patriæ suæ tenebras,*

*Atq; illas patrias, nitore linguæ*

*Inuecto Latix, fugauit vltra*

*Thylen, & vitrei rigoris Arcton.*

*Persoluunt Scotides proin Camæna,*

*Quum passim incipiant, que antq; haberi*

*Romanæ, meritis suo parenti*

*Grateis: & tumultum volunt ad istum*

*Tædas perpetua micare luce,*

*Lucem perpetuis adesse tædis.*

## POLYDORI VIRGILII.

## CXXV.

**H**IC VRBINI NATVS, VBI  
adoleuit optimis instructus literis in  
Britanniam transiuit, cum antea lepi-  
do argumento prouerbia, excepta demum ab  
Erasmo, & eruditissimè amplificata publicasset.

R 4

Is ab



Is ab hoc Henrico Rege fortunis adauctus, flamenque Londini creatus, conscripsit historias rerum Britannicarum, ea fide vt Scotis, & Gal-  
lis sæpè reclamantibus, alieno potius arbitrio, quàm suo intexuisse multa in gratiã gentis existimetur, quod in recensendis minorum Ducũ nominibus, tanquàm gloriæ auidis, plurimum indulserit.

## LATOMI.

*Urbium caro, quod abest, transmittit alumno  
Cum gemitu lachrymas, cumq; rosas violas.  
Nam didicit senos non iam lachrymare Britannos,  
Nec gemere ad doctũ busta sacrata virũ.  
Ah, inquit, gemitus quicumque impendere parcit,  
Cum violis vernas non dabit ille rosas.  
Transmittitq; merum: si fortè quis abluat ossa:  
Tergendisq; crocum, cum casiaq; thymum.  
Atque ait: heu, parteis ego quas ardenter obirem,  
Pro me, si qua hìc est mater, obire rogem.*

## GAGVINI GALLI.

## CXXVI.

**H**VIC, GALLIA PLVRIMVM debet; sed de fide illi viderint, quorum interest incorruptam rerum memoriam ad posteros transmitti, nam in his quæ ad Italiam pertinent huius tempestatis, vsque adeo insolenter, & pingui stylo cæcutire solet, vt qui nulla orationis ornamenta in eo conspiciunt, passim eius imprudentiam stomachentur.

LA-



## LATOMI.

*Condere quum voluit, non iam condire Gaguinus,*

*Acrius ut saperet, debuit historiam.*

*Hoc magis insipida est, quo plus sale tinxeris isto:*

*Natiuam rerum nam decet esse fidem.*

MARINI BECICHEMI SCODRENSIS.

## CXXVII.

**A**B HOC DALMATA NON IN  
fulse Latino Georgij Castrioti Scan-  
derbechi admirabiles res bello gestas  
quanquam inusitatis excessibus perscriptas legi-  
mus. Aequauit enim hic vir amore patriæ, et Bar-  
barorum odio à fide procul abductus, Epirotæ  
reguli virtutem antiquis heroibus, ita ut iustam  
egregiè factorum gloriam, dum supra æquum  
in laudes prorumpit, suspicione mendacij ele-  
uasse censeatur.

## LATOMI.

*Gesta ab Aloidis trepidanti prælia Cælo,*  
*Nec dum sat promptis ad fera bella Deis:*

*Robora quum licuit pro paruo mittere telo,*

*Et capite excelsum perterebrare polum,*

*Nempè etiam longas ne opus esset iungere scalas,*

*Theßalus impositum Pelion ossa tulit:*

*Ausus quum nemo Diuûm se fidere cælo,*

*Mutauit fœdis corpora quisq, feris:*

*Donec in Æthnæo fabricatis Lemnius antro*

*Fulminibus, læto contulit arma Ioui:*

*Per quæ porrectos per iugera mille Gigantes*

*Disiecit, summis occuluitq, iugis:*

*Scribere debueras. hominem celebrasse, Marine,*

*Est modus, ingenio subsit ut ille tuo.*

R 5

IA-



**Q**VIS EO LATINAS LITE-  
ras, quò Romana arma penetrare nequi-  
erint peruenisse nō miretur? Hic enim in  
terra Gothica natus, ac educat<sup>9</sup>, adeo exactè, pu-  
riter & facundè, Christierni Daniæ, atq; Norue-  
giæ Regis immanitatē, neq; ipsi sanguinario Ty-  
ranno diu lætam, neq; demū Dijs ultoribus ne-  
glectā perscripsit, vt eruditis gentibus pudōri ef-  
se possit; quod Latinæ faciūdiæ fruges, sub Cim-  
merio cœlo penè felicius ac vberius, quàm sub  
hac benigniore, ac tēperatiore plaga proueniāt.

LATOMI.

*Quem lictore stylo disertus orbis  
In scenam rabidum trahis Neronem, &  
Cædendum pueris palam propinas,  
Respondisse ferunt. Quid hoc, inepte?  
Si me constituis tuum Neronem,  
Te oportet Senecam fuisse nostrum.*

PAULI AEMILII.

CXXIX.

**H**VNC PROTULIT VERO-  
na, Gallia aluit, Ludouic<sup>9</sup> duodecimus  
sacerdotio in æde Deiparæ Virginis Lu-  
tetix Parisiorū exornauit, quod orsus à primis  
Galliæ Regibus, mille amplius annorum Galli-  
cam historiam, Laconica tamē breuitate perscri-  
psisset. Sed in sacri belli enarratione, quū Gothi-  
fredi Bolionis virtute Hierosolymæ caperētur,  
aliquatò luculentius ita sese diffudit, vt mediū  
iter, nō interitura cū laude tenuisse existimetur.

LA-



## LATOMI.

*Quæ semel absoluit lambendo sinia fœtum,*

*Plus te (si fas est dicere) Paule, sapit.*

*Quum natura duas tantum concessit habere,*

*Miror te extremam non reperire manum.*

## GERMANI BRIXII.

## CXXX.

**I**S AD ALTISSIODORVM GAL-  
liæ oppidum natus, in poësi lauream meru-  
it, Latino carmine edito, de triū ingentium  
navium miserabili cōflagratione, quū dux Bri-  
tannicæ Gallicam cognomento Chordigeram;  
hæc erat inusitatæ magnitudinis, harpagonibus  
compræhensam expugnare niterentur: Sed de-  
mum emendatiora poëmata vario titulo publi-  
cavit. Inde verò pedestri orationi deditus, tran-  
stulit è Græco, vti Lascaris alumnum decebat,  
ex Chrysostomo Babylæ vitam, & libros septē  
de sacerdotio puritate sermonis minimè con-  
temnendos. Senescentem, sed adhuc planè ro-  
bustum inuasit atræ bilis morbus, ob id paula-  
tim sæuior, atq; lethaliior effectus, quum ex accu-  
mulato multo auro dimidiam ferè partem fur-  
to sibi subtractam miser sensisset, vt credi par est,  
à domesticis, quibus nec vitam quidem postea  
credidit, sic vt in itinere iuxta Ligerim apud  
Carnutes expirarit.

## LATOMI.

*Nunc sacra quū tractes, quū nūc bona carmina pāgas,*

*Quis, Brixii, vatem te neget esse sacrum?*

NI-



**I**S LVCAE NATVS, PROFES-  
sione iuriconsultus, post magistratus hone-  
stissimos in Italia gestos, patriam histori-  
am egregia fide perscripsit; & in ea præcipuè vi-  
tam Castruccij, qui Lucæ, Pifarum, & Pistorij  
dominatum tenuit; & magnas Florentinis intu-  
lit clades: cuius viri, si tyrannidis inuidiosum no-  
men faceffat, inusitata bello virtus, singulari lau-  
de celebranda iudicatur. Sed Macciauellus Flo-  
rentinus historicus, patrij veteris odij memor,  
petulanti malignitate, non interituram memo-  
rabilis Ducis famam fabulis inuoluit, quum vi-  
tam acerrimi hostis Ethrusco sermone scribere  
orsus, tam impudenti, quàm astuto illudendi ge-  
nere, sacrosanctâ rerum gestarû fidē corruperit.

## L A T O M I.

*Exoluis patriæ supremum Tegrime munus,*

*Illi dum veram conficis historiam.*

*Tam non est illi verè omnia scribere turpè,*

*Quam tibi vœnale in non habuisse fidem.*

CAMILLI GHILINI ME-  
DIOLANENSIS.

## CXXXII.

**C**VIVS EXTAT LIBER EX-  
emplorum, florida per omnes ætates va-  
rietate periucundus, ac ipso penè Vale-  
rio Maximo argumenti hilaritate festiuior. Ea  
rerum exempla diligenti, grauiq; studio college-  
rat Baptista Fulgosius, gentilium suorum perfid-  
dia



dia Genuæ principatu deiectus; sed quoniã Latinæ orationis facultas minimè suppeteret, ea materno sermone perscripserat, vt aliquatò post ab hoc Ghilino Latinè verteretur. Fuere qui existimarent à Iacobo patre id opus longo vigiliarum labore compositum, in quotam hæreditatis partē obuēnisse filio adolescenti, studio soq; liberali quidem indulgentia beneuolentissimi patris; quum in eo eruditi ingenij certa indoles emineret, qua vel alieni operis oborta suspicio præclare discuti posse videretur: Erat enim Camillus in grauissimis legationum muneribus, ob industriam cum summa fide, prudentiaque coniunctam, diu versatus: ita vt excitatæ fabulæ famam ridendo dilueret, & perurbanè se ab hoc furti genere non abhorre fateretur, quando iure damnari non possit amore incensus adolescens, si quid opulento patri arguta manu surripiat. Perijt in Sicilia apud Carolum Cæsarem Francisci Sfortiæ legatus, quū debellatis ad Tunetum Barbaris, Augustus Victor ad triūphum in Italiam reuerteretur.

## L A T O M I.

*Argueris foetum tibi supposuisse paternum:*

*Dicit Momorum quum tibi turba diem:*

*Nam quum patris eras hæres ex asse futurus,*

*Vsum etiam fructum præripuisse potes?*

*Nempè, ais, hoc gratū est: nec parua est gratia Momis,*

*Scripta quod alterius credi vtriusq; queant.*



**H**IC EST ILLE CAPNIO-  
nis cognomēto, è patria lingua in Græ-  
cā verſo, ne Latine fumeus euaderet,  
Germanorū ætate noſtra clariffimus, qui inuſi-  
tato fretus ingenio, Græcas, ac Hebraicas, atque  
item Latinas literas in Germania pari felicitate  
propagauit, quū arcana Hebræorū cōfirmandis  
Chriſtianæ legis præſidijs in lucē proferret, effe-  
ctricemq; mirabiliū operū Cabalæ disciplinam  
apud valida, atq; expedita ad perdiscendū eius  
gētis ingenia profiteretur. Extat eius liber de ver-  
bo mirifico, & de Cabalæ ſciētiae placitis, eloquē-  
tia illuſtri ad Leonē Decimū perſcriptus. Circū-  
feruntur etiā præter grauioreſ libros, quanquā  
ſuppreſſo nomine, ex eius officina obſcurorū vi-  
rorū epistolæ, admirabili facietiarū lepore cōdi-  
tæ, quibus ad excitandū riſum, cucullatorū The-  
ologorū ineptiſſimè, atq; ideo ridiculè Latina  
lingua ſcribentiū, ſtylus exprimitur. Vlciscebatur  
enim infeſtā nomini ſuo turbā, iucundiſſi-  
mo ſatyræ illudentis genere, quū maligna cucul-  
latorū conſpiratione tanquā Iudeis parū æquis  
hoſtis; ac ex animo planè recutitus impietatis ac-  
cuſaretur.

L A-



*Esse quod patrio cognomine fumeus, hosteis  
Reddidit audenteis Capnio, credo, tuos:  
Dum tibi deberi fatis incendia credunt:  
Illi non segnes quæ properata struunt.  
Quum potius ratio cognominis, arguat istud,  
Flamma quod ipsorum nil nisi fumus erat.*

IOANNIS DE MONTE  
REGIO GERMANI.

CXXXIIII.

**H**VNC ENIM VNVM ADMI-  
rabili solertia diuini ingenij, Astrono-  
morum omniū qui hactenus floruerūt  
præstantissimum veneramur; quū decimā sphæ-  
ram totius cœlestis globi supremam, inclusasq;  
diurna rotatione rapientem, certissima supputa-  
tione sibi, & posteris inuenerit; hac ipsa æde pol-  
gloriosa sapietiae palma, Thalete, Eudoxo, Ca-  
lippo, Ptolemæoq; ipso, tātæ scientiæ cōditore,  
ac Alfragano, nobilior. Extanteius subtilissima  
cōmentaria in Almagestū Ptolemæi, & mathe-  
maticæ ratiocinationis exactus, atq; perutilis li-  
ber de Triāgulis. Ab hac cōmendatione eruditū  
nominis creatus est à Xysto Quarto Ratisponē-  
sis Episcopus, accitusq; Romā, vt annū ex vetu-  
sta intercalatione fastis minimè respondentē, ad  
statas ex cursu lunę Paschales cerimonias reuoca-  
ret. Quod confici posse videbatur, subductis se-  
mel aliquot diebus Martio mensi, qua vna rati-  
one, mille & quingentorum annorum excessus,  
in



in cursu fideris non planè sensilis, toto demum  
cumulo depræhensus, emendatissimè tolleretur.  
Sed grassante in vrbe pestilentia fato surreptus,  
quod maximè cupiebat, præstare non potuit.

## BRVNONIS SELERI.

*Inferior nullo doctrinæ laude priorum.  
Doctus in astrorum cognitione fui.  
Itala me tellus, & me Germania nouit,  
Pannonis & studium prædicat ora meum.  
Duxit in has celebris primum Purbachius artes  
Ingenium magna dexteritate meum.*

## LATOMI.

*Extimuit, penitus nudatas Iuppiter ædeis  
Quum decima sphaera cerneret esse suas.  
Hoc homines, inquit, submouimus hætenus orbe;  
Ah, prope nunc nostris prodimur in thalamis.  
Et nemo huius obstat conatibus? intulit Hermes;  
Authorem Parcae sed vetuere mori.  
Heu, ait, heu miseros, qui sic vlciscimur hostem:  
Vt cesset, Diuum protinus esse iube.*

LVDOVICI VIVES  
VALENTINI.

## CXXXV.

**H**IC QVANQVAM DVCTA  
vxore apud Belgas, liberis operam da-  
ret, sacrarum tamen literarum studia e-  
gregio digna sacerdote complexus, adeo profe-  
cit, vt Diui Augustini librum de ciuitate Dei lu-  
culenta commentatione adiecta, religiosè admo-  
dum



DOCTORVM VIRORVM. 273  
dum illustrarit, quum publicè auctus stipendio  
liberales artes profiteretur, legendaque posteris  
multa volumina perscriberet, nondum senex fa-  
to functus est Brugis, quod est emporium Ges-  
soriaci littoris, prosequeribus magno luctu amis-  
si præceptoris memoriam Belgis omnibus, sed  
maximè ciuibus Hispanis; quòd eo doctiorem  
in Hispania superesse neminem faterentur.

CONRADI LYCOSTHENIS.

*Hoc tegitur Vives tumulo, subsiste Viator,  
Et presso pacis verba precare gradu.  
Quin etiam costum, violas, & thuris honores,  
Vui da prompta debita dona manu.  
Qui dum sic verbis, rebusq; exornat ad unguem,  
Per non tentatas maxima quæq; vias:  
Nostra ætas vincit veteres, atq; omnibus illis  
Viuem, quem contra ponere possit, habet.*

EIVSDEM.

*Doctrinæ columen, decusq; vitæ  
Viuem ne tumulo hoc puta Viator  
Condi, sed tenues soli fauillas.  
Nam non mors violenta, non edaces  
Ignes, non series vetusta secli,  
Non vires chalybis, licet potentis,  
Non fluctus pelagi, licet ferocis,  
De vita poterunt tulisse Viuem,  
Doctrinæ columen, decusq; vitæ.*

LATOMI,

*Quò syngrammata, dic amice Vives,  
Tam multa accumulās? an ut perennem  
Hoc tibi redimas labore vitam?*

S

Quan-



*Quantum ergo placitis Deum, Stygiq;  
 Iurata tribuis? perennitati  
 Nam reponere te, ac tuos labores,  
 Teste agnominis hoc tui vocablo,  
 Omnes fulmine sanciere tacto.  
 An non id tribui cupis Deorum  
 Decreto, at merito tuo labori?  
 Quod quum non potuit Deos latere,  
 Credo gratuitum hoc misisse pactum.  
 Ut nolint siquidem, crepentq; vines  
 Nullo munere, sed tuo labore.*

## COSMVS PACTIVS.

## CXXXVI.

**C**OSMVS PACTIVS EX AMI-  
 ta Leonis Decimi genitus, nobili vir in-  
 genio, elegantique doctrina præditus,  
 quum esset Florentinus Archiepiscopus, Maxi-  
 mum Tyrium Platonicae sectæ philosophum  
 è Græco in Latinum scitissimè vertit. Nec in e-  
 ius ingenui muneris labore cessaturus videri po-  
 terat, tanquàm virtutis, & pietatis amore fla-  
 grantissimus, nisi importuna mors, vix dum Le-  
 one auunculo ad Pontificatum prouecto, & op-  
 timorum consiliorum studia, & paratæ purpu-  
 ræ honorem intercepisset. Hæc subinde studia  
 Alexander germanus frater, diuerso nec utique  
 multum felici itinere secutus est. Ad scribendas  
 enim tragœdias ingenium appulit; eruditū her-  
 clè; sed aliquantò quàm cothurnatum poë-  
 tam deceret aridius, quòd etiam & gracilitas ip-  
 sa totius habitus, & angustæ vocis exilitas, ex  
 viuentis



viuentis fronte promitterent. Poëticam autem Aristotelis, non ineptè, vti difficilè in Latinum verterat. Ob id tanquàm ex concepta artis ratione tragœdijs incumbibat, verum adeo intemperanter, vt Græcas & ex his præsertim Iphigeniam in Latinum pariter, et Ethruscum carmen vertendo, propriæq; inuentionis alias effundendo, quæ in theatris agerentur, intentæ libidinî vix modum imponeret; quanquàm ab Ethruscis histriionibus repudiarentur; qui exhibilantis populi iudicium maximi instar periculi omnino fugiendum existimabant; quod ea poëmata versibus constarent pede vno longioribus; ex noua scilicet, ac ob id insolenti nostris auribus Græcorum imitatione, quæ numero, & modo prorsus infaceto tanquàm enormis, nusquàm nisi græcissantibus arrideret. Iure itaq; nouæ inuentionis exemplar, nemine imitante, apud ipsum authorem sterit, atq; consenuit: vsque adeo difficile est, obsoletis nitorem, & nouis auctoritatem feliciter attulisse.

## LATOMI.

*Pactius effugit perituros Cosmus honores,  
Vt sempiternos sumeret. Quid perdidit?*

S 2

LV



**L**VBET POSTREMO' DESIDERE  
rare quorundā externorū imagines, Germanorumq; præsertim, quū literæ non  
Latinae modo cū pudore nostro, sed Græcæ, &  
Hebraicæ, in eorum terras, fatali commigratione  
transierint; ita ut eorum qui iam fato functi, cæ-  
teris clariores euaserunt, veras imagines à viuis,  
& pari laude florentibus, efflagitare non dubi-  
tem, quando id ab humanissimis, nisi violato  
Musarum sacramento, frustra expectari minimè  
possit. Quis enim nisi planè barbarus, & impi-  
us, vel exiguam laudem sine piaculo defunctis  
inviderit, quanquàm ex peculiari sua ingenij fœ-  
cunditate nullo æuo perituris? Pertinet herclè in  
quota parte exoptatæ laudis, ad producendam  
vitam, in albo, atq; ordine præcellentium homi-  
num recēseri, agnoscique; item ex vera oris effi-  
gie, ostendiq; posteris in perstricta nec inutili e-  
ditorū operū censura, vnde nouā nobilitatē, ve-  
luti liberali, nec sperata quadam adoptione, ad  
cumulatum decus induerint. Emicuit dudum  
perillustis eruditio in Ioanne Oecolampadio,  
sed profectò clarius, & luminosius illuxisset, ni-  
si eam diræ hæreseos maculæ defœdassent: dum  
enim Theophylactum maligna præuaricatione,  
quædam omittendo traducit, & Christianæ ho-  
stia sacramentum repudiat, Rossense Britanno  
seuera manu iugulante, redargutus cōcidit. Ea-  
dem ferè nouæ sectæ libido Zuinglium in sacris  
literis apud Heluetios clarū, cruento exitu præ-  
cipitem dedit, facundia siquidem pestilenti, ac  
impijs concionibus, quum ciuitatem Heluetio-  
rum,



rū, diductis in contraria studia simplicissimis, & militaribus populis, ad mutuas cædes concitasset, in acie trucidatus occubuit; ita ut nefariæ temeritatis pœnas, Deo maximo vindice dedisse credatur. Contigit & honestissima laus ex studio nobilium literarum Bilibaldo Nurimbergensi, cuius extant nonnulla opera ex Gregorio Nazanzeno piè translata, & cosmographiæ liber ex Ptolemæo accuratius quàm antea traductus, & totius Germaniæ urbium descriptiones, eruditam lucem obscuris regionibus afferentes. Quis Vadiano ex Sancto Gallo Helvetiorum insigni pago, nouæ, atque vetustæ cosmographiæ curiosus, gratias non aget? quum libellum Pomponij Mellæ perutili commentatione, ex breui & obscuro, magnum illustremque reddiderit. Miramur quoque diligentiam laboremque, viro regia in aula conspicuo longè honestissimum, Cuspiniani Viennensis, à quo ciuili quadam facundia Germanorum, & Byzantiorum Cæsarum imperia, propinquitates, stemmata, mores, atque exitus referuntur. Viget apud nos eruditi nominis autoritate Copus Basiliensis, ab exacta doctrina, feliciq; artis industria medicus, Francisco Galliæ Regi, magnoperè, repetita sæpè memoria, desideratus. Suspiciamus etiam ingenium Conradi Goclenij, vertendi Græca, docendi que facultate, apud Belgas, magnoperè celebratum. Venerantur iure consulti nostri Zasium ex Harudum Constantia, humani iuris intelligentia, cum exactissimis scriptoribus conferendum. Floret adhuc apud nos



prædulcis, & grata memoria Beati Rhenani, ex eius enim ingenij liberalitate, officinaque libraria, optimarum literarum magnas opes ad nos peruenisse conspiciamus. Sunt etiam in celebri fama Camerarius, Græcæ, atque Latinæ linguæ ita peritus, vt scribendo pernobilis Ciceronis imitator euaserit: & Copernicus absolutæ subtilitatis mathematicus: atque item Albertus Crantzius, qui Danorum, & Suecorum regna ad extremum borealem Oceanum, nostris obscura facundissimè descripsit. Sed qua demum veteri sodalitis digna pietate, imaginem tuam, vt Elogio nostro coronetur expectauerim, Vrsine Gaspar Vindelice, paucis ante annis morte præpropera nobis erepte? nobiles enim poëtas lato carmine, historicos vero styli grauitate, superabas; sed in cumulo honestissimæ laudis, vt integer vitæ, scelerisq; purus, tranquillæ animi probitate periculosi officij munus feliciter adimplebas, quum Maximilianum summæ indolis adolescentem, Ferdinandi Cæsaris designati filium, patrui fortuna dignissimum, perfectis moribus, ac literis erudires. Sed cur reliquos enumerare non desino, postquàm inanis spei votum, infinitus eruditorum numerus interrumpit? offertur enim latissima seges, ab ipsa mirabili Germanici cœli fecunditate. Occulta herclè siderum commutatione euenisse arbitramur, vt illud cœlum, molestis Boreæ flatibus, frigore geluq; dannatum, horrida dudum torpentiaque ingenia mollierit, ac excitarit. Neque enim contenti sua vetere militiæ laudæ, qua Martium decus Romanis gen-



nis gentium victoribus ereptum, stabili discipli-  
 nae seueritate feliciter tuentur, ipsa etiam pacis  
 ornamenta, literas, optimasque artes decoquen-  
 ti Græciæ, ac Italiæ dormitanti (quod pudeat)  
 abstulerunt. Patrum siquidem nostrorum me-  
 moria, architecti in primis, ac exinde pictores,  
 statuarii, sculptores, mathematici, & perarguta  
 manus artifices, ac item aquileges, septempeda-  
 rijque mensores, è Germania petebantur. Nec  
 mirum quum antea inusitata & portentosa  
 inuentionis æreas formas excudendis libris, &  
 formidanda bello ænea tormenta nobis attule-  
 rint. Sed hæc infesti sæculi fortuna, non vsque  
 adeo illis benigna mater, & nobis immitis exti-  
 tit nouerca, vt nihil omnino ex pristina hæredi-  
 tate reliquerit. Tenemus enim adhuc (si fas est  
 vel modestè gloriari, tota penè libertatis posses-  
 sione spoliatis) synceræ, & constantis eloquætiæ  
 munitam arcem, qua (si castis Musis placet) in-  
 genuus Romani candoris pudor, aduersus ex-  
 ternos inexpugnabilis conseruatur, atque defen-  
 ditur. In hac enim statione ad perenne decus,  
 optimo cuique ciui intentè vigilandum erit, vt  
 Bembo, Sadoletoque signiferis, quod reliquum  
 est è tanta maiorum substantia, generosè tuea-  
 mur; quanquàm inani miseriarum nostrarum  
 solatio: postquàm non iniquo iure apud nos  
 conuulsa libertas interijt: qua vna procul dubio  
 altrice studiorum, bonas artes excitari, propa-  
 garique conspiciamus.

S 4

QVVM



**Q**VVM IAM CONFECTO  
 priore volumine, quo fato functorum  
 imagines continentur, ad secundum  
 non inuita Minerva peruenerim (id enim de vi  
 uis erit) censuræ periculo grauius quidem, sed  
 ingeniorum illustrium religiosa commendati-  
 one iucundius, opere precium existimaui, eo-  
 rum nomina profiteri, quorum tabulæ pictæ in  
 nostro conclaui immortalibus dicato spectan-  
 tur. Sit hæc enim delectæ sedis, & instituti ope-  
 ris certa nuncupatio, vt vel hinc viri elegantes,  
 tanquàm arridentis augurij lato omine acce-  
 pto, suorum ingeniorum monumenta ad po-  
 steritatem æterna prospiciant, nec ideo grauati  
 morem gerere velint, honesta mihi pariter ac ip-  
 sis, & denique grata omnibus expetenti. Appel-  
 lo enim eos, qui literarum amore voluptates ab-  
 dicarunt, & bona spe diuturnæ laudis aluntur,  
 num laudari vel à mediocribus poëtis ineptum  
 putent? Superbè quidem insaniunt, si alienæ li-  
 beralitatis munera fastidiant. Idcirco mihi satis  
 fuerit Italos blandè, ac humaniter admonuisse:  
 neque enim eos adeo austeros, & illiberales fo-  
 re crediderim, quin imagines scitè pictas ad Mu-  
 sæum minimè transmittant. Quid enim inue-  
 recundius, ne dicam agrestius admitti poterit,  
 quàm ab exemplo tot insignium virorum om-  
 nino discessisse, qui hoc eruditæ benignitatis  
 officium letissimè præstiterunt? Quamobrem  
 annotata nomina subdidimus, vt qui absunt,  
 certam sedem benignè sibi relictam intelligant;  
 si in hac florida, ac immortalī corona, cōspici de-  
 corum



corum existimarint. His equidem ingenuis lussibus nostris, primos vigiliarum suarum fructus prædulci libatione degustabūt. Quid enim viuenti, ac vtrique de ingenij virtute benemerito, beatius accidere potest, quàm repræsentata alieni iudicij testificatione gloriā præsentire? Quid porrò lætius, atq; iucundius, quàm interesse posteritati suæ, & deniq; fatis inuitis mortem non timere? quam nemo nisi anxius ante ipsum inuidiæ laceffentis euentum, non timuit.

Nomina eorum qui adhuc viuūt & præclara fœcundi ingenij gloria perfruuntur, hæc sunt. Imagines autem eo seriatim ordine sedem obtinent, vt dignitatem omnem vel fortunæ vel generis, ipse vnus ætatis honos antecedit.

### Nomina eorum, qui in tabulis habentur.

PETRVS BEMBVVS CARDINALIS.

BAPTISTA AEGNATIVS.

IACOBVS SADOLETVS CARDINALIS.

GEORGIVS TRISSINVS.

HIERONYMVVS FRACASTORIVS.

HIERONYMVVS VIDA EPISCOPVS ALBANVS.

IOANNES PIERIVS VALERIANVS.

ROMVLVS AMASAEVS.

ANDREAS ALCIATVS.

MARCVS ANTONIVS FLAMINIVS.



IANVS VITALIS.

REGINALDVS POLVS CARDINALIS.

DANIEL BARBARVS.

ANTONIVS MIRANDVLA.

PHILANDER GALLVS.

HONORATVS FASITELLVS.

BASILIVS ZANCHIVS.

Sed qua spe alienæ benignitatis munus expectauerim? quum hæc nostra cupiditas ad externorum imagines extendatur, nisi viri nobiles adiurent, honestisque votis arrideant. Nulla enim res est, vel non planè ardua, quæ illustri patrocínio non indigeat, vt rectè, matureque perfici ac impetrari possit. Rogabo itaque veteres patronos, in prouincijs dignitate, atque opibus præcellentes, sic vt eos etiam piè obtester per cõmunia Musarum sacra, vt hoc officium expedire, ac liberaliter præstare velint. Quid enim non præstabunt sacрати Proceres, qui se alumnos, amatoresque Musarum professi, nunquàm veræ gloriæ nomen contempserunt? Ita vt vel ab vltima Sarmatia, qua Latinæ linguæ septa, Roxolanorum niuibz terminantur, mihi minimè defuturum sperè Ioannem Dantiscum Varmensem Episcopum, qui multis legationum functus honoribus, & poëtica lauru coronatus, suæ gentis nobilitatem ad eandem laudem accendit; ad quam præclarè aspirant Philippus Padneuius, Martinusque Cromerus. Nec in hoc ædè polerudito munere collocâdo suspensè cunctabitur



Etabitur generosus ille Musarum hospes Otho  
 Truchses Germaniæ decus, & sacri Senatus or-  
 namētum; quum eius explorata liberalitas ne-  
 que vsu confenescat, neque praterita existima-  
 tione satietur, nec aliud quicquam nisi extra in-  
 uidiā positum, perenneque respiciat. Nec id  
 herclè mirum, postquàm ille alioqui multis im-  
 portunus maturatæ purpuræ splendor, nec per-  
 strinxerit oculos, nec memoriæ neruos eliserit,  
 nec quicquàm de syncero, nobiliq̃ue pudore vel  
 leuiter inumbrarit. Patefecit enim innatæ virtu-  
 tis studia, in hoc dudum apud Vangiones con-  
 uentu longè grauiſſimo, quum summa autho-  
 ritate præses, ideoque Reipublicæ causa vehe-  
 menter occupatus, omnes numeros perfectæ  
 virtutis expreſſerit: ita vt ab eo iam non paucos  
 quidem, sed ex feraci ingeniorū Germania, inte-  
 gram per imagines lectiſſimorum virorum co-  
 horrem expectē, in qua inter tantos Græcorum  
 authorum interpretes, diuinarumque rerū ſcri-  
 ptores inclytum poētā Georgium Logum, ſo-  
 dalem meū, ſi ita fas eſt, cum laurea ſigniferum  
 exoptarim. Nec Thomam quoque Nadaſtum  
 qui vnus in Pannonia, pari ſtudio Martis, &  
 Palladis antiquum decus tuetur, quenquàm  
 omnino prætermiſſurum ex his arbitror, quos  
 interni, ac externi belli calamitas reliquos fecit.  
 Iam pridē enim amiſimus ſacrati ordinis Antiſti-  
 tes literarū, atq; virtutis ſtudio præcellētes Ioan-  
 nem Pannonium æterno poēmate edito ſtabili  
 fama commendatū, & Philippū Morēū Strigo-  
 niēſem Mugaciana acie à Barbaris interfectū, &  
 quos



quos nuper non fera dies nobis eripuit veteres  
amicos, pietate, ac altitudine animi, Latinaque  
facundia illustres, dum tota Europa maximas  
legationes obirét. Stephanum, inquam, Brode-  
ricum Vacciensē, Francapanem Agriensē, &  
Statilium Albæ Iuliæ Dacorum sacerdotio in-  
signem. Sed florentissimi paulò ante Regni pro-  
fectò miseret; tanquàm subacti, ac in fœda serui-  
tute planè morientis, quum in eo egregia illa, i-  
deoq; non temerè formidata Barbaris, veterum  
militum soboles interierit, extincto nimirum  
Matthia Rege, cuius summæ virtuti nusquàm  
Fortuna defuit, pudore ingentis animi victa, sci-  
licet vt mox indignata imbelles firmissimi Re-  
gni dominos, vti suo more instabilis, nō iniquo  
iure rebellaret. Hæc eadem pari incurſu Dalma-  
tas afflixit, apud quos valida ad capeſſendam ex-  
literarum studijs laudem, hac ætate ingenia flo-  
ruerunt; sed ab aſſiduis Barbarorum incurſioni-  
bus exturbati vetere agro, ac in extremas patrij  
littoris margines compulſi, tanquàm de retinen-  
da libertate desperantes, armis literas commutaf-  
ſe videri poſſunt; ſic vt nemo dignus elogio cō-  
pareat, niſi in lucē ſtudioſè producat ciues ſuos  
Tranquillus Andronicus præclarus Ciceronis  
æmulator, dum grauiffimarum actionum ac  
Othomanicæ legationis, obſcuroꝝq; nobis  
itinerum commentaria perſcribit. Belgarū por-  
rò ingenia mihi herclè diligenter excudet, & bo-  
na fide recenſebit, oraque delectoꝝ, ni fallor  
eruditè picta benignè largietur Antonius Perre-  
notus Atrebatenſium Antifſtes, modo ei adeo  
gra-



grauius maximis officijs occupato, hæc ardens  
 conficiendæ publicæ pacis cura, excolendis Mu-  
 sis otium relinquat, quod certè necessario som-  
 no subtracturū crediderim, quum iam pondera  
 consiliorum ingentium ex sinu Cæsaris, nimia  
 planè vel importuna fatiscientis senis patris hu-  
 meris, piè subeundo gnauiter excipiat. Sed va-  
 lebit opinor Erasmi viri summi, præceptorisq;  
 memoria, quum discipulorum eius insignis glo-  
 bus passim occurreret Petro Nannio duce, quo  
 optimarum literarum professore, Louaniësum  
 academia gloriatur. Qua in re se monitorē occu-  
 pato Perrenoto, facile præstabit Cornelius Sce-  
 parus eruditi iudicij pondere, & in tantis lega-  
 tionibus, ac illustri totius Europæ peregrinatio-  
 ne celebratus. At non hæc quoque sperauerim  
 ex opulenta Gallia, quæ variæ, & inconditæ do-  
 ctrinæ acervos aliquandiu mirata, nūc primum  
 quid sit illud eximium in literis, & perillustre de-  
 cus intelligit, repudiataque barbarie, ita Latinæ  
 orationis puritate delectatur, vt siquid Manes  
 omnino sentiūt, Budæum pariter, ac Erasmus  
 miserè pudeat, a deo agresti, & senticosa via lau-  
 dem vigilijs parem omnino quæsiuisse? Aspira-  
 bit vtique nobili voto luculenter Ioannes Bel-  
 laius, præclaro vetustæ familiæ, ac insitæ virtutis  
 nomine Parisiorum Antistes, & bis merita pur-  
 pura Senator amplissimus. Quid enim amico  
 veteri, erudita præsertim, ideoque minimi sum-  
 ptus munera cupienti non tribuet? qui perennī  
 studio Græcis, atque Latinis Musis sacra facit;  
 qui ingenia fouet, productaque in regiam erudi-  
 ti Prin-



ti Principis liberalitate, protinus exornanda in luce constituit. Huic igitur non immerito viri doctissimi morem gerent, benigneque docta ora pictoribus præbent, ipseque ante alios Perionius, vel religionis amore sacratis inclusus septis, qui Aristotelem Ciceronis ore loquentem fecit, dum Strebum pari æmulatione conspicuū, glorioso certamine superare contendit. Quid non tribuet sodali Danesius, qui Budæi præceptoris imaginē huc usque transmittit, vir herclē summa eruditione, Romanoque iudicio insignis, à quo propediem absolutæ felicitatis partum expectamus. Nec puto Lazarum Bai-phium, libris dere vestiana naualiq̃ue percelebrem, & Gulielmum Pellicerium explicato totius rei herbariæ negotio, publicæ utilitati consulentem, quicquā veterē amicitia indignum admissuros. Nec desiderio meo prorsus illudet ipse Castellanus, præcellentis doctrinæ merito perpetuus comes ascitus Regi, ut inter mollissima coenæ tempora, rerum omnium origines, & euentus infinitæ Regis memoriæ recōdenda repræsentet. Consequentur & hos Tusanus, in rei literariæ substantia Budæi præceptoris astutus hæres, quum id tantum adierit, quod certum, & salubre videbatur, totam autem parum compactæ elocutionis intemperiem effugerit. Nec ab his vestigijs longè aberūt poëtæ duo planè suaves & teneri, Salmonius Macrinus, Nicolausq̃; Borbonius; & Reginus, qui pedestri oratione poëtarū honoribus adæquatur. Postremò & ipse Vatablus, quanquā in celeberrimo gymnasio  
plenis



plenis subsellijs superbus, suam vel Hebraica  
 duritie non planè faceti oris effigiem denega-  
 bit. Sed ad quem modò confugiam, qui in Hi-  
 spania præcellentium ingeniorum delectum ha-  
 beat, ac eleganti viro dignum huius non inde-  
 coræ liberalitatis officium præstet? Inter mul-  
 tos herclè, qui seuerioribus diuinarum rerum,  
 ac humanarum studijs dediti, tanquàm Reipu-  
 blicæ, priuatæque maximè vtilis iudicantur, ra-  
 ri occurrunt elegantium literarum ornamen-  
 tis insignes; quòd hic omnis Latinè scriben-  
 di lepor, à parum grauibus inani ambitione  
 quæsitus, nulla omnino subsidia serijs faculta-  
 tibus, sed impedimenta nonnunquam afferre  
 videatur. Qua de causâ quum vigente adhuc se-  
 niorum opinione, ipsi etiam totius Hispaniæ  
 Proceres, hæc studia tanquàm importuna mi-  
 litia, penitus abdicarent; hic excellens cultus,  
 quo disciplinæ omnes exornantur, aliquantò  
 ferius quàm alias in terras, in Hispaniam perue-  
 nerit; ita, vt hæc terra alioqui rerum omnium  
 ferax, acerrimorumque in primis, & sublimi-  
 um ingeniorum altrix, quæ tot nobiles æter-  
 nosque Poëtas, ac oratores Romanæ ciuitati  
 quondam inseruit, hoc toto, quod suspicimus,  
 illustris eloquentiæ honore, penitus orbata  
 censi possit. Agnouère tamen nonnulli ma-  
 iorum incuriam, Nebrissa monitore, inge-  
 niaque sua ad hanc laudem feliciter extule-  
 runt, in quæ nuper emicuit Garcias Lassus,  
 Horatiana suauitate odas scribere solitus; sed  
 eum generosè ad fastigium euadentem, dum  
 alte-



alteram militiæ laudem ardentè appetit, mors acerba elusit; & casu quidem ignobili; quum ad aquas Sextias ex turricula ab agrestibus lapide caput ictus, spectante Cæsare cōcidisset. Sed hodiè procul dubio Ioannes Sepulveda Cordubensis, ipsam eximiæ laudis arcem obtinet, qui Græcæ peritus linguæ, & scientiarū propè omnium validis instructus præsidij, dum assidue, atque ideo feliciter stylum exercet, eloquentissimus euadit. Huic autem proximū accedere audimus Martinū Silicæum Carthaginensem Episcopum, qui lectissimis moribus ac literis, viriliq̃ ingenio & casta faciūdia, dum Philippum Cæsaris filium persanctè & solemner edocet, optimum Principem ad paternum decus, & ad Regni felicitatem instituit. Reliqua porrò ingenia quæ fecunditatis egregiæ aut maturæ frugis specimen præbent, indicaturum scitè atq; fideliter crediderim Franciscum Mendocium Cardinalem, quem accipiendis de manu summi Pontificis solennibus Senatoriæ dignitatis ornamentis propediem expectamus. Hic enim supra generis antiquum decus, amplissimam ex optimis literis laudem spectat, potiturq̃ iam parta ex his studijs insigni gloria, quæ nixa veræ virtutis radicibus nunquàm deflorescet. Ea porrò ingenia, quæ vltima terrarū Lusitania ad Oceanum nobis abscondit, à Michaële Syluio Cardinale non diu quidem expectabimus; is enim à varia doctrina poëta cultissimus, ac omnis elegantiae iucundus arbiter, studia nostra vehementer amat, & laudat; patrijque decoris planè cupidus,  
supra



supra reliquos animosæ gentis honores, hoc li-  
reratæ laudis nomen, tanquàm non postremæ,  
si non summæ gloriæ, minimè contemnit. At  
quid postremo ab vltima Britannia expectaue-  
rim? nisi lugubres fortasse imagines: quum ibi,  
optimi paulò ante Regis importuna crudelitas,  
æternæ laudis procures excisa planè virtute su-  
stulerit.

## F I N I S.

Postquàm relegit omnium  
Prouinciarum Iouis intimos lares,  
Nec instituta substitit.  
Via, vel alto territus montis iugo,  
Hinc diuidentis Italos,  
Illinc Iberos bellicosa Gallia,  
Vel æstuosas Adriæ  
Illinc procellis, hinc profundis fluctibus  
Turbatus Inferi maris:  
Sed inter acreis euagatus milites,  
Interq; rauca cornua,  
Et fusa victorum hinc, & hinc cadauera  
Non otiosa indagine  
Tot inde retulit libros annalium:  
Mox vtriusque littoris  
Ora remensa, diligens felicibus  
Piscator inde retibus,  
Auara quicquid ante Neptuni manus  
Celauerat nobis, tulit.  
Nunc inquietus patre deductus Ioue,  
T Animusq;



*Animusq; terrestribus*

*Non rebus explendus, velut celeri Notō*

*Elatus, vbi cœlestibus*

*Explere sese latius rebus potest:*

*En aureo promit pœnu,*

*Quantum supremo Iuppiter magnus polo*

*Pulchri recondit: & quia*

*Nunquàm moueri cœlites queunt loco,*

*Vt sustulit fati dies,*

*Veras recepit singulorum imagines:*

*Quas dedicata Apollini,*

*Musisq; Larium colentibus lacum,*

*Beata continet domus,*

*Has si videre longa te vetat via,*

*Aut morbus, aut senium graue,*

*Præsens libellus indicabit, aureo*

*Quouis monili carior.*

*Vos hinc remordet, illa si cura, arduum*

*Tentate cœlum, posteri.*

*Quod summa virtus sola dat recludier.*



291  
PAVLO IOVIO

EPISC. NV CERINO,

Musarum Cupidini.

Ioannes La-

tomus.



*Ed quid, Paule Ioui, tibi rependam?  
Doctus non ego: nec tuo repostus,  
Ut hoc nomine debeam, in theatro:  
Quod neq; ambio: nec tamen recusem:  
Quod nemo faceret. Quis hoc videri  
Non loco, nisi rusticus, præoptet?  
Grateis, Paule, tamen tibi rependo,  
Communis meriti, ac honoris ergo:  
Quod doctos habeam loco parentum,  
Scriptores venerer libenter omneis  
Candore ingenuo, fideq; summa,  
Et quanto ingenio licet: nisi illi,  
Aut sint planè athei, aut palàm nefanda,  
Quæ non scribere præstitisset, edant.  
Horum nomine, Maximo, Optimoq;  
Huic Paulo Iouio, hospiti benigno  
Musarum, & Charitum pio parenti,  
Doctorumq; probissimo patrono,  
Tantas accumulo, aggeroq; grateis  
Tantas & toties manu, styloq;  
Quantas & quoties pro agris receptis  
Et caris pro ouibus Deo refudit  
Suo Vergilius: vel ipse Naso  
Læto pectore reddidisset iidem,*

T 2

Si de



Si de Tartareis locis Gëtarum  
 Ad caram patriam redisset exul.  
 Nam quod pulchrius, hospitaliusq;  
 Adde splendidius, benigniusq;  
 Vllis in regionibus, vel annis,  
 Aut ullo abs homine, ut libet, potente  
 Factum legimus? at caret, profecto  
 Exemplo Iouii profusus ardor.

Quid? Si quis Phalaris, Vitelliusue,  
 Aut latro impius, aut rapax danista  
 Conatus simile huic fuisset? an non  
 Vitæ illam maculam eluisset omnem?  
 Et doctos studio hoc suo benigno  
 Ad perenne decus sibi obligasset?  
 At quid nos Iouio rependere æquum est?  
 Qui vir optimus, integerrimusq;  
 Perq; omneis adeo politus arteis,  
 Quiq; arteis adeo poluit omneis,  
 Ut vix inuenias parem, aut secundum:  
 Non parcat sibi, sumptibusq; tantum  
 Ut hic saltem habitent bene ac honestè,  
 Quotquot non nisi commodè hospitari  
 (Sed quo deueniant, quis approbabit?)  
 Censura Iouii pia merentur,  
 Ob illa ingenii beata dona.  
 Non illi titulos perenniores?  
 An non carmina perpolitiora?  
 Non encomia, debitosq; honores?  
 Non grateis referemus auctiores?  
 Non laudes cumulatius canemus?  
 Laus est, Magne Ioui, tua hæc perennis,  
 Et tua est pietas peculiaris

Hæc,



Hæc, quod non modò vindices disertos  
 Afferasq; viros, ita ut palàm ausint  
 Morti oppedere, nec timere morte  
 Blattas ac tineas voraciores:  
 Sed quod insuper id quod est caducum  
 Et mutabile maxime, putà oris  
 Dices effigiem perennitati:  
 Et quales fuerint velis videri,  
 Quos iam vix meminit fuisse quisquàm.  
 Laus hæc est Iouii peculiaris.

In mortem hætenus expedimus omnes  
 Os, denteis, calamum, manus, & vngueis,  
 Nos sua quoties rapacitate,  
 Tollendo optima quæq; prima, lædit:  
 Quid? vel vnus æstimauit assis,  
 Tum conuitia, tum malos lambos,  
 Verborumq; malorum onusta plaustra?  
 Quin & reddidimus proteruiorem.  
 Nunc, sed nunc fremit, ingemit, doletq;  
 Quod ne corporibus quidem necandis  
 Sit satis semel expedisse telum.  
 Sic Ioui bone, sic iò triumphæ.  
 Huic morti inuideamus vsq; & vsque,  
 Magno quisque animo, inuidenter omnes:  
 De qua nunc retulit nouum triumphum  
 Hic noster Iouius. Qui & ipse quamuis  
 Quasdam illi exuias suas reliquit,  
 Quæ Deum comitem minus decerent,  
 Et cæli nimis hospitem grauarent,  
 Vespillone quidem est abusus illa.  
 Quod si quis Iouium velit videre,  
 Musæum petat, eccum, in hac corona



Cum Phœbo & sociis vides Camœnis  
 Scribentem simul, & simul loquentem  
 Quod non ulla satis stupebit ætas,  
 Quod totum afficiet stupore cœlum,  
 Quum cursum remorabitur dierum,  
 Et iam præteritos vehet recenteis.  
 Quid tandem illius, obsecro, peremit?  
 Sed ut te iubeam, Ioni, valere,  
 Quo te nomine (sit nouum necesse est)  
 Appellem, dubito. Iouis? nec illud  
 Augustum satis est, licet propinquum.  
 Phœbi, aut Mercurii? meres vtrunq;  
 Es iuncto simul ast utroque maior.  
 Sed quid te vocitem? Patrem Deorum?  
 Sed iam Iuppiter hoc præoccupauit.  
 Musarum Venerem? sat istud aptum,  
 Et quod prætulero: at nihil virile est.  
 Sed quur non puerum marem locamus,  
 Musarumq; Cupidinem vocemus?  
 Euge, illud lepide, bene, ac venuste:  
 Musarumq; Cupidinem vocemus.  
 Nam quis aptius, efficaciusq;  
 Tardas exacuet, trahetq; menteis,  
 Ut credant lepidas, amentq; Musas,  
 Et sic depereant furore multo,  
 Ut vel de media subinde nocte  
 Confessum veniant suos amores,  
 Ad fores vigilent licet repulsi,  
 Ab hiis non abeant nisi intromissi:  
 Atque ipsum furere arbitrentur esse  
 Sat magnum sibi præmium laboris:  
 Quis flammæ melius propaget istas,

Quam



Quàm (Musæ innuitis) Cupido vester?  
 Atqui id quo faciet, rogas, veneno?  
 Non vlllo iaculoue, poculoue:  
 At quodam ingenioso honoris æstro.  
 Quo quisque immodico feretur æstu.  
 Ad illa optima, Literas & Artes:  
 Locum scilicet vt decentiorem in  
 Musæo referat: quod est laboris,  
 Honor perpetuus, suprema meta.  
 At tu Magne Ioui vale perenne,  
 Musarumq; vale, vale, Cupido,  
 Qui nobis aperis nouam hanc arenam.

FINIS.

T 4

IN-



# INDEX POETARVM

NOSTRAE AETATIS ILLV-  
strum, quorum Epigrammata, præter no-  
ua Ioannis Latomi Bergani in singula  
doctorum virorum Elogia, hoc in  
opere variè dispersa con-  
tinentur.

## ACTII SYNCERI.

|                                   |     |
|-----------------------------------|-----|
| de Andrea Matthæo Aquaiuiuo. pag. | 159 |
| Ioanne Cotta.                     | 120 |
| Baptista Platina.                 | 44  |
| Pogio Florentino.                 | 27  |
| <i>Aldi Manutii.</i>              |     |
| de Hercule Strozza.               | 114 |
| <i>Andrea Dactii.</i>             |     |
| de Marfilio Ficino.               | 96  |
| Michaelæ Marullo.                 | 63  |
| Petro Crinito.                    | 122 |
| <i>Antonii Amiternini.</i>        |     |
| de Marco Musuro Cretense.         | 67  |
| <i>Antonii Panormita.</i>         |     |
| de Seipso.                        | 30  |
| <i>Antonii Seronis</i>            |     |
| de Benedicto Iouio.               | 235 |
| <i>Antonii Vacca.</i>             |     |
| de Baptista Pio.                  | 227 |
| Nicolao Macciauello.              | 194 |
| <i>Basilii Zanchii.</i>           |     |
| de Actio Syncero.                 | 176 |
| Andrea Naugerio.                  | 171 |
| Gabriele Altilio.                 | 254 |
| Iouia-                            |     |



# INDEX POETARVM.

|                            |     |
|----------------------------|-----|
| Iouiano Pontano.           | 103 |
| <i>Bernardi Bembi</i>      |     |
| de Danthe Aldigerio.       | 18  |
| <i>Bloſii Palladii</i>     |     |
| de Marco Antonio Caſanoua. | 166 |
| <i>Boccarini Aretini.</i>  |     |
| de Bernardo Bibienna.      | 142 |
| <i>Brunonis Seileri.</i>   |     |
| de Ioanne Regiomontano.    | 272 |
| <i>Cæſaris Scaligeri.</i>  |     |
| de Angelo Politiano.       | 85  |
| Cælio Rhodigio.            | 248 |
| Iacobo Fabro Stapulenſe.   | 249 |
| Ioanne Cotta.              | 121 |
| Marco Antonio Turriano.    | 129 |
| <i>Caroli Aretini.</i>     |     |
| de Leonardo Aretino.       | 25  |
| <i>Claudii Roſeletti.</i>  |     |
| de Chriſtophoro Longolio.  | 147 |
| <i>Cælii Calcagnini.</i>   |     |
| de Cælio Rhodigio.         | 248 |
| Hieronymo Aleandro.        | 218 |
| Iouiano Pontano.           | 103 |
| Ludouico Arioſto.          | 187 |
| <i>Colæ Bruni.</i>         |     |
| de Antonio Tibaldæo.       | 207 |
| <i>Conradi Lycſthenis.</i> |     |
| de Ludouico Viue.          | 273 |
| <i>Croti.</i>              |     |
| de Rutilio.                | 213 |
| <i>Danthis Aldigerii.</i>  |     |
| de Scipſo.                 | 17  |

T 5

D 4-



# INDEX

|                                |     |
|--------------------------------|-----|
| <i>Dardani Parmensis.</i>      |     |
| de Iafone Mayno.               | 144 |
| <i>Dionysii Carronii.</i>      |     |
| de Ioanne Ruellio.             | 205 |
| <i>Domitii Palladii.</i>       |     |
| de Pomponio Læto.              | 89  |
| <i>Elisii Calentii.</i>        |     |
| de Antonio Panormita.          | 31  |
| Scipso.                        | 99  |
| <i>Ferdinandi Balamii.</i>     |     |
| de Alberto Magno.              | 13  |
| Alberto Pio Carporum principe. | 183 |
| Pandulpho Collenucio.          | 101 |
| <i>Flaminii.</i>               |     |
| de Actio Syncero.              | 176 |
| Andrea Naugerio.               | 170 |
| Augustino Nipho.               | 204 |
| Baltassare Castilioneo.        | 168 |
| Gaspere Contareno.             | 212 |
| Hieronymo Sauonarola.          | 94  |
| Ioanne Cotta.                  | 121 |
| Iouiano Pontano.               | 104 |
| Lampridio Cremonense.          | 220 |
| Mario Molsa.                   | 231 |
| <i>Floridi Sabini.</i>         |     |
| de Antiocho Tiberto.           | 111 |
| <i>Franchini Cossentini.</i>   |     |
| de Laurentio Valla.            | 33  |
| Mario Molsa.                   | 231 |
| <i>Francisci Petrarca.</i>     |     |
| de Scipso.                     | 19  |
| <i>Georgii Anselmi.</i>        |     |
|                                | ed  |



POETARVM.

|                            |     |
|----------------------------|-----|
| de Mario Grapaldo.         | 134 |
| Germani Brixii.            |     |
| de Christophoro Longolio.  | 147 |
| Gilberti Cognati.          |     |
| de Erasmo Roterodamo.      | 210 |
| Guidonis Posthumi.         |     |
| de Bartolomæo Coclite.     | 119 |
| Herculis Strozze.          |     |
| de Angelo Politiano.       | 85  |
| Ioanne Pico Mirandulano.   | 87  |
| Hermolai Barbari.          |     |
| de Rodulpho Agricola.      | 71  |
| Honorati Fasitelli.        |     |
| de Francisco Arfillo.      | 228 |
| Paulo Iouio                |     |
| Iacobi Exerichi.           |     |
| de Thoma Moro.             | 197 |
| Iacobi Guidii.             |     |
| de Mapheo Vegio.           | 236 |
| Iani Vitalis.              |     |
| de Alberto Magno.          | 14  |
| Alexandro Achillino.       | 126 |
| Antonio Panormita.         | 31  |
| Baltassare Castilioneo.    | 168 |
| Bessarione Nicæno.         | 54  |
| Callimacho Philippo.       | 91  |
| Camillo Querno Archipoëta. | 180 |
| Erasmo Roterodamo.         | 210 |
| Flauio Blondo.             | 35  |
| Francisco Arfillo.         | 228 |
| Galeotto Martio.           | 98  |
| Gaspere Contareno.         | 222 |
| Guliel-                    |     |



# INDEX

|   |     |
|---|-----|
| Gulielmo Budæo.   | 215 |
| Hieronymo Aleandro.   | 218 |
| Ioanne Scoto.   | 16  |
| Laurentio Medice.   | 74  |
| Leone Baptista Alberto.                                     | 73  |
| Mario Grapaldo.   | 135 |
| Petro Graulina.   | 162 |
| Petro Leonio.   | 76  |
| Philippo Decio.   | 196 |
| Rutilio.  | 213 |
| Thoma Linacro.  | 137 |
| Thoma Moro.   | 197 |
| <i>Iasonis Landi,</i>                                       |     |
| de Iasone Mayno.  | 145 |
| <i>Ioan. Baptista Possuini.</i>                             |     |
| de Benedicto Iouio.   | 234 |
| Henrico Cornelio Agrippa.                                   | 224 |
| <i>Ioan. Latomi Bergani.</i>                                |     |
| In singula doctorum virorum Elogia Tumuli<br>& Epigrammata. |     |
| de Paulo Iouio Musarum Cupidine.                            | 291 |
| <i>Ioan. Morelli.</i>                                       |     |
| de Erasmo Roterodamo.                                       | 211 |
| <i>Ioan. Secundi Hagiensis.</i>                             |     |
| de Erasmo Roterodamo.                                       | 209 |
| Thoma Maro.   | 197 |
| <i>Iulii Gonzagæ.</i>                                       |     |
| de Alberto Pio Carporum Principe.                           | 183 |
| <i>Lancini Curtii.</i>                                      |     |
| de Georgio Merula.  | 81  |
| <i>Leonardi Marfi.</i>                                      |     |
| de Baptista Pio.  | 227 |
|   | Li- |



POETARVM.

|                                 |     |
|---------------------------------|-----|
| <i>Lili Gyraldi.</i>            |     |
| de Caelio Calcagnino.           | 258 |
| <i>Ludouici Ariosti.</i>        |     |
| de Scipso.                      | 186 |
| <i>Maiorani Salentini.</i>      |     |
| de Bessarione Nicæno Cardinali. | 54  |
| Ioanne Argyropylo.              | 60  |
| Ioanne Lascare.                 | 69  |
| <i>Marcelli Palonii.</i>        |     |
| de Andrea Matthæo Aquaiuiuo.    | 159 |
| <i>Michaëlis Marulli.</i>       |     |
| de Demetrio Chalcondyle.        | 65  |
| Ioanne Pico Mirandula.          | 87  |
| Theodoro Gaza.                  | 58  |
| <i>Myrtei.</i>                  |     |
| de Alberto Pighio Campense.     | 232 |
| Ambrosio Camaldulense.          | 29  |
| Antonio Nebriffense.            | 139 |
| Aurelio Augurello.              | 157 |
| Baptista Mantuano.              | 133 |
| Bartholo.                       | 23  |
| Francisco Philelpho.            | 40  |
| Hieronymo Donato.               | 124 |
| Ioanne Boccacio.                | 21  |
| Ioanne Maria Catanæo.           | 173 |
| Iouiano Pontano.                | 104 |
| Lampridio Cremonense.           | 220 |
| Laurentio Laurentiano.          | 108 |
| Laurentio Medice.               | 74  |
| Nicolao Perotto.                | 42  |
| Petro Crinito.                  | 122 |
| Philippo Beroaldo.              | 112 |
| Pogio                           |     |



# INDEX

|                            |       |
|----------------------------|-------|
| Pogio Florentino.          | 27    |
| Pomponio Gaurico.          | 164   |
| <i>Nicolai Archii.</i>     |       |
| de Marco Antonio Turriano. | 129   |
| <i>Nicolai Grudii.</i>     |       |
| de Actio Syncero.          | 177   |
| <i>Petri Bembi.</i>        |       |
| de Actio Syncero.          | 176   |
| Angelo Politiano.          | 84    |
| Christophoro Longolio.     | 146   |
| Hercule Strozza.           | 115   |
| Leonico Tomæo.             | 201   |
| <i>Petri Criniti.</i>      |       |
| de Angelo Politiano        | 83.84 |
| <i>Petri Cursii.</i>       |       |
| de Ioanne Manardo.         | 178   |
| Rutilio.                   | 213   |
| <i>Petri Graulina.</i>     |       |
| de Actio Syncero.          | 176   |
| <i>Pierii Valeriani.</i>   |       |
| de Hermolao Barbaro.       | 79    |
| Iano Parrhasio.            | 256   |
| Iouiano Pontano.           | 104   |
| Michaële Marullo.          | 63    |
| Theodoro Gaza.             | 59    |
| <i>Platina.</i>            |       |
| de Antonio Campano.        | 49    |
| <i>Pogii Florentini.</i>   |       |
| de Emanuele Chrysolora.    | 51    |
| <i>Politiani.</i>          |       |
| de Antonio Campano.        | 49    |
| Domitio Calderino.         | 47    |
| Donato                     |       |



POETARVM.

|                             |       |
|-----------------------------|-------|
| Donato Acciaiuolo.          | 38    |
| Marfilio Ficino.            | 96    |
| Thodoro Gaza.               | 58.59 |
| <i>Pontani.</i>             |       |
| de Antonio Panormita.       | 31    |
| Gabriele Altilio.           | 253   |
| Gregorio Tiphernate.        | 245   |
| Michaelē Marullo.           | 62    |
| Pomponio Læto.              | 89    |
| Seipso.                     | 103   |
| Theodoro Gaza.              | 58    |
| <i>Prosperi Spiritei.</i>   |       |
| de Platina.                 | 44    |
| <i>Quintiani Stoa.</i>      |       |
| de Philippo Beroaldo.       | 113   |
| <i>Sabellici.</i>           |       |
| de Seipso.                  | 107   |
| <i>Salmonii Macrini.</i>    |       |
| de Gulielmo Budæo.          | 215   |
| <i>Simonis Vallamberti.</i> |       |
| de Erasmo Roterodamo.       | 211   |
| Gulielmo Budæo.             | 216   |
| Iacobo Fabro.               | 249   |
| Iouiano Pontano.            | 103   |
| <i>Spinelli.</i>            |       |
| de Ambrosio Camaldulense.   | 29    |
| <i>Stephani Doleti.</i>     |       |
| de Alberto Pio Carpende.    | 184   |
| Christophoro Longolio.      | 147   |
| <i>Stephani Dulcini.</i>    |       |
| de Lancino Curtio,          | 132   |
| <i>Theodori Beza.</i>       |       |

Theo-



# INDEX POETARVM

|                                |     |
|--------------------------------|-----|
| <i>Theodori Beza.</i>          |     |
| de Gulielmo Budæo.             | 215 |
| <i>Tibaldæi.</i>               |     |
| de Actio Syncero.              | 176 |
| Hercule Strozza.               | 116 |
| Ioanne Lascare.                | 70  |
| Michaële Marullo.              | 63  |
| <i>Tryphonis.</i>              |     |
| de Mario Molsa.                | 231 |
| <i>Vespasiani Strozza.</i>     |     |
| de Guarino Veronenfi.          | 239 |
| <i>Viti Coppi Selestadien.</i> |     |
| de Erasmo Roterodamo.          | 210 |

F I N I S.

~~210~~  
+



